

Հանր Ահպատեցումն

ԾԱՆՆԻ ԼՈՒՅՍ



Հանր Արարչություն

ԾԱՆԵ ԼՈՒՅՍ



Պատմվածքներ

Սիրադեղյան Վ. Ս.

Ս 550 Մանր լույս: Պատմվածքներ/Վանո Սիրադեղյան.—
Եր.: Սովետ. գրող, 1987.—224 էջ:

Անձնական երջանկության, անձնական նշմարտության եզրերը հասարակական կյանքի հետ զուգահեռվում ու նաև ունենում են բախումներ:

Մարդկային ճակատագրի համար մեծ նշանակություն են ձևաբերում Լրբեմն երկրորդական թվացող փաստերն ու դեպքերը, և գոյության իրարամերժ ընթացքի մեջ առաջնայինը մնում է ապրածի իմաստավորումը, պարտքի զգացումը հասարակության, նաև իր իսկ խղճի առջև:

Ս 4702080200 (209) —87 «Տ»
705 (01) 87

ԳՄԴ 84 Ն 7—4

Աղաչեմ... սխալանացն անմեղադիր լինել, զի քէպէտ անհմուտ էի, այլ ժամանակս ձմեռ էր և առնս նսեմ:

ՄԱՄԻԿ

ԱՆԱՆՁԻՆԿ ԼՈՒԼԻՍ

Սուրճի դառնությունը պետք չի, որ շեղի. շաքարավազ բեր, լցրու կես գդալ՝ քաղցրությունը թող շեղի, և խառնիր զգույշ, հանկարծ գդալը գավաթի պատին աղմուկով շառնի, — եթե աչքերդ սառել են առավոտ կանուխ, ուրեմն հայացքդ անցնելիք ճանապարհ ունի, այս վաղ ժամին հյուր չեն գալիս: Մոխրամանդ փոխիր, թող թվա, թե անցած օրը իր աղբն ու հետքը տարել է հետը, այսօր էլ ապրիր երեխայի պես՝ օրը սկսիր որպես նոր կյանք: Հազնուիր այնպես, որպես թե անից դուրս ես գալիս, ճանապարհի շորերդ հազիր: Այս առավոտ վեր ես կացել՝ օրը գտել ես քեզ բազկապանակ. թուղթը՝ աջիդ տակ, ծխախոտն ու սուրճը՝ ձախիդ, պատը՝ դեմդ, — քո կախարդական հայելին է, աստված օգնական՝ հիմա կտեսնես քեզ այն օրվա մեջ:

Ահա քանի օր դու արթնանում ու տեսնում ես՝ երկու կես ես: Մի կեսդ այստեղ՝ ութսուներկու թվականի հուլիսի վերջին օրերի մեջ կիսով քնում — կիսով դարթնում է, ոչ քնելուց է բան հասկանում, ոչ արթնությունից և արյունը՝ ջուր, հոգերը՝ թույլ, բերանի մեջ՝ անհամություն — օրը տանում է որպես իշու բեռ, իսկ կեսդ այնտեղ՝ քսանհինգ տարվա ճա-

նապարհ հեռու, ամառվա մի օր իմաստալից մի քայլ անելու ջանքով է լեցուն, բայց հավասարակշռութուն չկա կեսի մեջ: Բույրի զառամյալ հիշողութունը բերում-տանում է սեխի խաբուսիկ ծաղկահոտը, ձմերուկի խակահոտը, արև առած բազալտ քարի մետաղահոտը, բազալտին կառչած վայրի թզենու կծվահոտը, բեռնավտոյից խանութ կրվող հացի բուրմունքը... Բայց բույլի մեջ չեն ամբողջանում հոտ ու բուրմունք, բայց գույները լավ չեն կաշում հոտ ու բուրմունքին, բայց ծղրիղների ձայնը բնապատկերի վրա չի կախվում անլուելի, և պատկերը ջուրը ընկղմած ջրանկար է՝ երանգները հեղհեղուկ են, և տեսիլքը չի բևեռվում վայրկյանից ավելի և այդ շոգ օրը հա՛ լուծվում է ինքը իր մեջ:

Ծխախոտ ճարի, ծխախոտի պակասութունը շարժե, որ շեղի: Մեծ բան չի մեր ուզածը, գրողը տանի. մեր ինքնաբամ գրկանքի դիմաց՝ մեղ՝ ծխախոտի ու սուրճի փող, աշխատունակ լինելու համար՝ նաև հացի, մեր կանանց մե՛ծ համբերութուն, երեխաներին՝ առողջութուն, իսկ երջանկություն միգուցե ինքը աստված մեզ տա:

...Ինչ լավ է, որ գոնե մանրուքում բախտդ բերում է: Խանութը բաց էր, ծխախոտ կար: Արվարձանային անձուկ խանութ, վաճառողուհին՝ տնեցիներով շրջապատված, տնավարի էլ քեզ խաբում են մի շնչին առևտրի մեջ, բայց տալիս ես չհասկանալու, որովհետև եթե աչքերդ սառել են առավոտ կանուխ, չի կարելի կոպիտ բաների վրա սևեռվել, չի կարելի գոացող գույների նայել, չի կարելի ընծա օրը քոռուփուշ անել... գերեզմանների սակավամարդ ճամփով տուն դառի: Գերեզմանոցի կողքին ապրելուց օգուտդ քաղի: Ոչինչ, որ արդեն երրորդ գերեզմանոցի կողքին ես ապրում, նոր բնավորվողին չեն նստեցնում գլխների վրա, եկվորի տեղը մեռյալների ու ապրողների արանքում է նախ: Ոչինչ, ապրում ես լութջան ու կանաչի մեջ, երեխաներդ քրդի կաթից հայի մերած մածուն են ուտում, Ապարանի ջուր են խմում, քաղաք ուզելիս ասում են՝ գնանք Երևան:

Հիմա կինդ գյուղում հայրական տանը արթնացել, ափսեին ձեռին ման է գալիս շորս տարեկան տղայի ետքից ու եթե երևք թոպեն մեկ անգամ հաջողացրեց գղալը խցկել խուփ բերանը՝ երջանիկ է: «Եթե շուտես, հայրիկը չի գա»: Այնինչ

գլխում բարձից պոկած կաշուն միտքն է, թե դու, ով գիտի,
 այս առավոտ որ մի ամուրի ընկերուշդ տանը արթնացար.
 մենա՞կ արդյոք, խմբովի՞ն արդյոք... Բայց կնոջ միտքը
 ինքնասիրությանը անձեռնտու թեման մերժում, պակաս ցա-
 վոտ հարցի է անցնում. տեսնես հոնորարը ստացավ՝ խմե՞ց,
 թե նոր պիտի ստանա-խմի, տեսնես տան վարձը կտա՞—
 կխմի մնացածը, թե խմելուներ կսկսի խմել ու քամուն կտա
 եղած-չեղածը... Որդիդ, սակայն, հասկացողի կաշուն միտք
 շունի և հոր կարոտը համատեղում է որսորդական իր կրքի
 հետ. գդալը ձեռին բախտավորվող-հուսահատվող մորը պա-
 պի տան շուրջ բոլորը քարշ է տալիս, մինչև որ բլուճ կամ
 որդ չգտնեն՝ գդալը բերան չի առնի: Սովերի միջով դարա-
 վերջին հասած պապը հետևում է ամենօրյա այդ պայքարին
 ամենօրյա տարակուսանքով՝ «Շրկրի վրա ախորժակը էս ո՞նց
 պակասեց»: Այդ անախորժակ կամակորին մեծ քույրիկը
 պատրաստ է լավ դաս տալու, բայց ինքը պապոնց տանն է
 վաղուց, իսկ ախպերիկը նոր է հյուր եկել, կարելի է մի քա-
 նի օր դեռ համբերել: Պապը կով չունի, պապը ձի չունի,
 ոչխար, այծ, խոզ, նույնիսկ էշ չունի, մնում է, որ անցած
 տարվա անտուն շունը գա ցախատանը լակոտներ բերի, բայց
 անցած տարի պապը թուլեքին պտրկը գցեց, տարավ անտառ
 ու ետ եկավ դատարկ պարկով (ախպերիկը հարց է տալիս.
 «Շան ձագերը անտառում գա՞լ են դառնալու»), ու այս տա-
 րի շունն էլ չի գալիս, և մեծ քույրիկը, հարկադրված, եղբոր
 համար քար է շուռ տալիս, անձրևորդ ու միջատ է պեղում:
 Բայց կամակորի զանցանքները մեկառմեկ մտապահում է,
 մեղադրականը անգիր է արել, մնում է հայրը շեմից ներս
 մտնի: Այնինչ, հայրիկը այս շաբաթվա վերջին էլ չեկավ:
 Շաբաթ օրը գյուղ բարձրացող առաջին, երկրորդ, երրորդ,
 չորրորդ ավտոբուսով, ոչ մի բանով հայրիկը չեկավ, երեկո-
 յան հիշեց, որ չեկավ, կիրակին անցավ՝ չեկավ հայրիկը, քե-
 ուհները եկան-գնացին, ուրիշները եկան-գնացին, գյուղը խա-
 ղաղվեց, մայրիկը մթնեց, ինքը տխուր է, լացը գալիս է,
 բայց հայրիկին կպաշտպանի. ախր, հայրիկը, եթե մնալու

պատճառ շունենար, հաստատ կգար, հայրիկը ուրիշ ի՞նչ պիտի աներ գալուց բացի:

Հուլիսի նման քո դատրիկը իրիկվանից քաշվել է իր մեջ, մորից, բոլորից մնում է հեռու, որպեսզի մայրը, առավել ևս ուրիշ մեկը, իր նեղսրտութեանը հոր աղջկան մասնակից չանի: Իր տխրութեանը իրեն հերիք է: Նա հիմա փոքրիկ գազան է կտրել, նրա սերը հոգսից ազատ է և իր հայրիկին կպաշտպանի: Քանի դեռ փոքր է՝ կպաշտպանի:

Իրիկնաժամին այս նկարը շուտ տուր պատին՝ շրջած էլ քոնն է ու շահածդ մենակութեանը տեր կանգնիր տղամարդու պես — ամբողջ տարին մտածել ևս այս ամսվա մասին: Չէ, շնագայլի կյանք չէ ուղածդ, պարզապես քո մենակութեանը քո հանգիստն ու ազատութեանն է: Համենայնդեպս՝ քեզ մատչելի միակ հանգիստն է: Այս տարիքում, այս վիճակում ազատութեանդ միակ ձևն է:

Մենակութեանը քեզ համար այս սեղանը բացեց. գլուխ սոխ ու աղի ձվածեղ, սառնարանից երեք շաբաթ չհանած պանիր, մի կտոր հաց՝ երեք օրվա, մի կտոր լավաշ՝ ժանգը կերած փշրվող թիթեղ.— էլ ինչո՞ւ է մենակութեանդ աչքի փուշ: Քո կծուեղու ներկայությունը նրանց հանգիստը թունավորում է, որովհետև ամեն մեկը հացի հարց ունի, որ լուծում է կակազելով, գիրկապ անելով, նաև համրութեամբ՝ ամեն օր ու ամեն ժամ, բայց առավել անտանելին քո հեղնաժպիտ ներկայությունն է, նույնն է թե՛ առանձնությունդ: Իրենք՝ նախիրով, իրենք սհմակով լինելով՝ էլի անապահով են, դու, ախր, դու էդ ինչի՞ տեր ևս, որ ինքդ քեզ այդքան հերիք ես...

Մի կյանք տևած վերջին շորս-հինգ տարիներին քո գրասեղան-ուղղանկյունին շորս պատ անելու ամենօրյա ջանք ևս թափել գործատեղիդ՝ պարապությունից զազրախոսող, պարապությունից գոհակացող, պարապությունից անառակացող մթնոլորտում, իսկ մտնող-ելնող հարկ է համարել ձեռագիրդ գնահատել տարօրինակ: Դու տխմարի պես ժպտացել ևս, որպեսզի նրանք չմտածեն, թե խանդարում են, որպեսզի ներեն,

որ իրենց հետ չես, իսկ անպատկառ հայացքները սահմանապահ լուսարձակների անողորմությամբ բեռեղ են քո տևական անզորությունն ու ինքնագոհության սակավ պահերը, ու քո հոգու մերկությունից սարսուռացել ես, անակնկալի բերված մերկանդամ կնոջ նման ծախվելի ու կծիկ ես դառել, մեկ էլ լրբի-հուսահատվածի կեցվածք ես բռնել՝ էհ, տեսածդ կեր, ձեռ տվածդ կեր...

Իսկ նրանք անցել-դարձել-անցել են՝

— Ստեղծագործում ենք, ասել կուզի...

— Լավ է, լավ...

«Ձե՛նք ստեղծագործում, իշի գավակներ,— մղկտացել ես քո ապուշ ժպիտից դենը, որովհետև այդ բառից գլխիդ որդերը ժած են գալիս,— չենք ստեղծագործում, մեր երկխեղին զրկում ենք հացից... Ձինք ստեղծագործում, եզի նման շատվում ենք, ուղում ենք տեսնենք՝ պարտադի՞ր է, որ մարդ գրելիս սուտը ասի, իմանանք, տեսնենք՝ դա գրելո՞ւց է, ապուշությունի՞ց, դժվա՞ր կյանքից, թե՞ հեշտ կյանքից, սովորական գրչակ լինելո՞ւց, թե տոհմական տականք ծնվելուց... Հետք ինչ, որ իմացածս ինձ պետք չի գալու. անդրշիրիմի սպասավորներն ինձ չեն քննելու, իրենց չիմացած բաներն ինձնից չեն սովորելու, բայց ես պիտի իմացած գնամ:

Ինձ համար այսպես իմանամ ու գնամ:

Մխախտտի նոր բացված տուփը խոստանում է մի քանի ժամվա ապահովություն: Մխախտտը՝ քեզ, ածխի փոշին վնասակար է ածխահատին, բարձրությունը՝ օդաչուին, խորությունը՝ սուզանավորդին, քսաներորդ դարը՝ բոլորիս — գործիդ մնա, հետն էլ ականջիդ օդ արա, տղա՛, կյանքդ քո կամքով չի եղել, որ կարճելն ու երկարացնելը քո կամքով լինի... Երկարացնես էլ՝ կբարակի:

Սովոր իրերը քեզ չեն շեղի: Մխախտտը, լուցկին, սուրճը ձախիդ տակ են, թուղթը՝ աջիդ, առօրյայիդ հետ լեզու գտիր, կորուստներիդ հետ հաշտվիր նորից, ծրագրերդ համարիր շեղյալ, մտահոգություններդ խորը ներս գցիր,— ստոր մարդիկ իրենց արժանի մահ կգտնեն, առաքինի հոգիները մի բանով, էլի, կմխիթարվեն (շատ որ չեղավ՝ կմեռնեն թեթև), ծախ-

վածները կարծանանան զավակների արհամարհանքին, ճշմարիտ խոսքը սիրո նման նույնիսկ քար սիրտը թեկուզ մեկ անգամ թունդ կհանի — համարիր, որ այդպես կլինի, խելքդ տուն կանչիր, հայացքդ շուռ տուր դեպի ներս, աստված մեծ է՝ պիտի որ տեսնես քեզ այն օրվա մեջ:

Մտքիդ ընթացքին մի բռնանա, ինչի որ տեր ես, թող հայացքիդ առջևով անցնի, պատկանելությունը հաստատի՝ գնա: Այս թոռուցիկ զորատեսը միգուցե քեզ ուժ ու կորով տա: Այս պատկերի առաջ էլ կանգ առ, մանրամասները մտապահելու նման նայիր ու շուռ տուր պատին՝ շրջած էլ քոնն է. մի ջահել աղջիկ քո կյանքը մտավ երկուշարթի օրվա նման անկասելի, քո կողքին, նաև՝ ընտանիքիդ, կանգնեց շիտակ, անավելորդ՝ վերջին պահին շնչասպառ-ցնծուն տեղ հասած, ընտանեկան լուսանկարը ամբողջացնող դեմք, որպես թե՝ հեռու քաղաքից տարեմուտին հասած լինի սիրելի դուստրդ, որպես թե՝ կինդ իր հարկի տակ իրեն նման — իրենից ջահել քույր ունենա, որին մի թեթև խանդելու է ամուսնու հանդեպ, — այսպես նա կա՝ շունչը թեթև և ճակատագրիդ գծի բեկվելը մի քիչ էլ պիտի նրա թափանցիկ ափին երևա... Ոչ, ճակատագրապաշտ երբեք չես լինի, դա մի անհամ փափկություն ունի, գրանով արագ հափշտակվում են ու վերակերպվում հեզ արվամուղի... Բայց այսպես եղավ, այս ուշ տարիքում մետակ շորով գարնան առաջին, սառը անձրևի տակ մնացիր, անծանոթ մեկին ներսդ առաք վերջին շնչի պես անբռնելի, ու քանի նա կա շունչը թեթև, պահ է գալիս՝ թվում է քեզ, թե գերեզմանից ետ շտապող հուղարկավորներիդ կտաս կանցնես՝ գլխարկդ կիպ աչքիդ քաշելով:

...Բայց սիրո մասին՝ զգույշ, տղա. երիտաներդ հասնում են սիրո տարիքին: Եվ մահվան մասին կամաց խոսիր, որ մորդ գյուղում գեշ երազ չգա — տարին բոլորեց, շտեսար նրան: Այսպես շտեսար, շտեսար հորդ և կանուխ մի զանգ քեդ որբերի շարքերն անցկացրեց: Զանգը կանուխ էր քաղաքի համար, գյուղում վերջին աթուրականչից վաղուց անց էր: Ժամեր առաջ, կեսգիշերին, եղբայրներդ՝ երկու հասուն որբ, դուրսը՝ գերանի երկու ծայրին երեսները իրարից շրջած սպասելու էին լուսաբացին և փոքրի կարիքը ամեն պահ փղձկալու

աստիճան զգալու էին, որովհետև իրենք որք էին ու գիտեին, դու որք էիր, բայց չգիտեիր, քո շիմանալով մահն անհեթեթ էր, քո իմանալն էլ ժամանակի մեջ երկրորդ մահ էր: Որովհետև իրենք մեծ էին, որբությունը քեզ էր հասնում ամենից առաջ:

Եվ երկու պարթև տղամարդիկ, երեսները իրարից շրջած, դերանի երկու ծայրին նստած, քթերը վեր քաշելով սպասում էին, որ քաղաքում փոքրն արթնանա:

Հետո մայրդ ողբով կասի... «էսքան մոտիկ եկար անցար, բա քո սիրտը քեզ բան չասե՞ց...»:

...Աղջիկների հետ ծածուկ սիրային զրոսանք էր՝ հայրենիքդ ցույց էիր տալիս: Գյուղից կոզքով գիշերով անցար, ասիր՝ «է՛ն սարի ետևն եմ ծնվել»: «Օ՛, ինչ մութ է»... «Բա քո սիրտը քեզ բան չասե՞ց»:

Տղամարդու թալուկ սիրտը գելուգաղանի բաժին է, մայրիկ, մի կշտամբիր: Համ էլ կյանքը մեր ուզածով չեղավ: Ուզում էինք գանք, բայց չէր ստացվում: Ուզում էինք գանք լիքն ու բարով, որ անհոգ մնաք, ջահել մնաք: Ուշացումով եկանք, որ լավ գանք, չեկանք, որ լավ գանք... Մեկ էլ տեսանք, որ ապրում ենք առանց ծնողի... է, ապրվում է, ապրում ենք, էլի, կյանք է, հո որբանոց չի... Հետո, ախր, կյանքը մեր ուզածով չեղավ և առուփախի հրապարակում ապշած մնացինք: Հետո ցավից երկու տակ եղանք, հետո քունքներս ճերմակեցին մի գիշերվա մեջ, բերաններս դառն իմաստնություններ ծամածուկեցին, ընդոստ շտկվեցինք, որ շարորեն, — ալսպես դարձանք հուսահատություն քարե արձան. իրանը՝ ձիգ, գլուխը՝ բարձր, ձեռքերը՝ ծոցը, որ մաքուր մնան:

...Խաղը սլառավեց: Կախարդական հայելին ճաքեց գիշերվա կեսին, մասերը տարանջատվեցին, մոխրամանը աղբաման դարձավ, լուցկու տուփը հանգավ հատ-հատ, ծխախոտի ծուխը՝ ամպերին, սուրճի մրուրը շուրթերիդ հասավ, — ամբողջականության հույսը ցնդեց: Հրաշք չի լինի: Տարիների պատն անթափանց է, կուրացնող է մանկությունից եկող լույսը, հիշողության ճանապարհը չի է փորձանքով՝ դարանակալ տարիների հոգսով, կորուստով, սիրով, ցավով... Եվ միայն բույրի հիշողությունն է մտակորույսի ցանցառությունը:

բերում-տանում բույրի ծվեններ, և կայծկատում են ազոտ պատկերներ, բայց ոչ մի բույր չի բռնում գույնը, բայց ոչ մի ձայն տեղը չի գնում բնապատկերը, և պապանձված է ամռան օրը, և իմաստալից քայլ անելու ջանքն է ապարդյուն, որովհետև հավասարակշռություն չկա կեսի մեջ:

ԳԱՌ-ԱԽՊԵՐԻԿ

Ֆերեկը՝ էլի ոչինչ, ցերեկը իրենն առնում էր: Թեև տունը կարեկցանքով մեկուսացված էր գյուղի դործնական անցուդարձից, կյանքի աղմուկն իր գործն անում էր. աբլորները բացում էին վերահաս օրվա ձայների դուռը, շները զարթնում էին վաղորդայնի անշար հաշոցով, նախիր քշվող անասունը մոնգում էր քնատ ձագերին ականջալուր, հայրիկը ամեն օրվա պես հայհոյում էր անհասկացող անասունին, հաշտի դուռը ճոնչում էր առօրեական, բույրիկները ինչքան էլ հուշիկ քայլերն՝ աման-չամանը զրնգում էր, դաշտից դարձած հոտի ու նախրի բերածը կաթից շատ իրարանցում էր... Բայց գիշերը անտանելի էր: Տունը սուղված էր վշտի հատակը, և քնելն ինչ է՝ շնչել չէր լինում:

Տղան գիշերը արթնանում էր զարհուրելի լուսյունից: Տատը չէր տնքում քնածի սրտանց տնքոցով, հայրիկը չէր խամփացնում ուրախ օրերի խամփոցով, բույրիկները չէին բլբլացնում երազի մեջ, մայրիկը անակնկալ հեծկատոցը կանխել էր՝ վերմակը գլխին քաշելով, — ամեն մեկը խնայում էր մյուսների քունը, բայց հարկի տակից քունը փախել էր:

Իսկ ընդամենը մի շաբաթ առաջ գիշերը տունը շնչում էր կյանքով: Քույրիկները շարունակում էին ցերեկվա լեզվակոխվը, տատը թախտի շորության հետ էր կոխվ տալիս, հայրիկի գորեզ շնչառությունից մկները պապանձվում էին, օրորոցը թկթկում էր քնած մայրիկի արթուն ձեռքի տակ, հաշ-

տում դրած գիշերանոթի մոտից անկողին դարձող տղան այդ ձայները լսում էր կարծես երազում և քուն էր մտնում՝ կուպերը երանելիորեն լրիվ չբացած:

Արթուն ժամանակ ավելի հեշտ էր, գիտակցութեան մեջ չկա-ն կար հաստատ, և կսկիծը անակնկալի շէր բերում նրան: Միգուցե տղան քնած ժամանակ զգոնութիւնը չկորցնէր, եթե երազը շխաբեր նրան: Բայց գիտակցութեան մեջ կորուստը այնքան տեղ չէր արել, որ երազում եթե տեսներ, ասեր՝ երազ է: Կորուստը նոր էր և երազով միամտանում, արթնանալով՝ դիմոտում էր: Եվ քնելուց սարսափում էր: Բայց հոգնութիւնը ծանր նստում էր կուպերի վրա, և երբ քնած լինելու վախից վեր էր թռչում, ուշ էր լինում:

Մայրիկը բնտանիքին խորթացել էր: Կիթ էր անում, ճաշ էր եփում, սեղան էր դնում, անկողին գցում, բայց՝ հարեանի կնոջ նման — արագ անի՝ թողնի գնա: Բայց քանի որ անում-չէր գնում, տան շունչը տասնապատիկ ծանրանում էր:

Հետո մայրիկի կրծքերը ուռան: Կաթը չէր կտրում: Մայրիկի վիշտը կաթի ակունքին լուր չէր տանում, կաթը գալիս ու երեխային չէր գտնում կյանքում: Պիտի որ այդպես չլինէր, եթե կաթին սպասող չկար, կաթը պիտի իր ակունքը ինքը կատեր: Բայց մի մեծ անհամաձայնութիւն կար կյանքի ու մահվան միջև, կսկիծ բերող ընդվզում կար կաթի հոսքի մեջ, և մայրիկը ցավից մղկտում, վշտից մեռնում էր:

Քանի՞ օր էր մայրիկը ցավն իր ներսում պահել, ոչ ոք չգիտեր: Ցավը վիշտը վարկաբեկում էր, նաև՝ սուրբ հիշատակի դեմ պղծութիւն էր տնեցիներին վշտից շեղելը, և մայրիկը ոտքի վրա ձեռից գնում էր:

Երեխաների դպրոցում եղած ժամանակ հայրիկը տուն էր բերել գյուղ հարս եկած բուժակուհուն: Սրա ձեռքին նշտարը թպրտացել էր, հայրիկն ասում էր, գլխից բռնած ձկան նման: Բուժակուհուն պաղ ջուր էին տվել, նա խնդրել էր ևս մի բաժակ, հետո յողով արտահանել էր հատելու դաշտը, խաշածն երկու խազ քաշել՝ թողել փախել էր:

Նույն իրիկուն հայրիկը նստած էր վառարանի մոտ, կողքն էր դրել բամբակ ու օղի, սրոցաքարով հեսանում էր իր գրքուպանի սուրճեղբ դանակը և ծխախոտի թանձր ծուխը նրան

պարուրել՝ զբաղմունքին շարագուշակ կախարդության տեսք էր տվել... Այստեղ ներս մտավ հորեղբայրը և բաճկոնի փեշի տակից սև տոտիկներով մի ճերմակ գառնուկ դուրս բերեց: Ինքն էլ նստեց վառարանի մոտ, գառնուկին սրունքների արանքը առավ, ծխախոտ վառեց, երեխաները աշխուժացան, բայց հայրիկը ուշադրություն չէր դարձրել գառան վրա՝ նրանք սառան: Գառը՝ նորածին, անհաստատ ոտիկները հավասարակշռություն համար չուած՝ երերում էր, դունչը մեկնում էր վառարանին՝ տաքը ունեզերին դուր էր գալիս, բայց հորեղբոր ափն էր գտնում... Մայրիկը նորահարսի անմոռունչությամբ ցավը քաշում էր ոտքի վրա, տատը դանթում էր՝ կարկատվող գուլպան ծնկներին դրած, հայրիկը ծխախոտը մոխրացնում էր այնպիսի ջանադրությամբ, ասես մայրիկի ցավի ճարը դրա վերջին էր:

Հայրիկը, հաստատ, դանակի վրա հույս չէր դնում: Երկար-բարակ քսում էր սրոցաքարին, օղիով ախտահանում էր, փորձում էր բթի կոշտուկի վրա, նորից էր քսում... սպասում էր, ասես, հրաշքի: Ինչի՞, որ վերքը ներսի՞ց պայթի, որ բուժակուճու մակերեսային կտրվածքը խո՞րը գնա... Այնինչ հորեղբոր անհանգիստ մտքում վճռական բան կար: Նրա դեմքը իր իսկ մտքերից վառվում-մարում էր, թաքուն հայրիկի հայացքն էր փնտրում, բայց հայրիկը, իբր թե, տարված էր գործով: Հեռո, գառնուկի անօդնականությունը հիշեցնում էր... Ո՞վ սիրտ ուներ նրանով զբաղվելու: Հորեղբայրը այդ էլ էր դգում, բայց ի՞նչ աներ խեղճ հորեղբայրը: Եվ թողեց, որ գառան դնչիկը մի քիչ առնի վառարանին: Առաջին ցավից գառնուկը շմեց-մայեց և հայրիկի սիրտը շարժվեց.

— Զգուշ, այ ախպիր...

Հորեղբայրը, դուխը կախ, քրթմնշալով վրա բերեց.

— Գառը թող... ծծի... մեր շունի...

Մայրիկը պահարանի մոտից շուռ եկավ, երեխաները ականջները խլշեցին, հայրիկը նայեց եղբորը՝ խոսքի իմաստը նրան չէր հասել:

— Համ գառը կապրի, համ... կլավանա,— այս անգամ հորեղբայրը նայեց հայրիկին:

Հասկանալով՝ հայրիկը նայեց մայրիկին, մայրիկը հեծկըլտաց՝ կրծքերը բռնած, դանթող տատը շտկվեց տեղում...

Երեխաները հիացմունքով նայում էին հորեղբորը, հայրիկին, գառանը, լացող մայրիկին...

Հետո մայրիկը շուռ էր եկել պատի կողմը, հայրիկը գառանն առել էր մի թևի տակ, մյուսով գրկել էր մայրիկի ուսը, խրախուսում էր մեկ գառանը, երկու՝ մայրիկին, մայրիկը անզուսպ լալիս էր, տատը վառարանին ջուր էր դնում համենայնդեպս, հորեղբայրը դրսում ծխում էր, երեխաները զմայլված էին հայրիկի անութի տակ խլրտացող գառան պոչով:

Հետո գործը առաջ գնաց առանց հայրիկի: Երեխաները հավաքվում էին մայրիկի շուրջը և գառը կուրծքը առնում էր:

Մայրիկի արտասովելը կարծես ցավից էր: Ցավը, ոնց որ, շատ երկարեց: Ոնց որ՝ գառը փրկություն չէր: Բայց մայրիկը կամաց-կամաց երեխաների ուրախությանը տեղի տվեց: Պատահում էր, որ ժպտում էլ էր, երբ գառը կուրծքը դնչահարում էր:

Գառը մայրիկին սգից հանեց: Մայրիկը՝ ջրի, գառը ետևվից կրակըտ դնում էր, մայրիկը՝ խանութ, գառը վաճառասեղանի առաջ կանգնած էր, մայրիկը հաց էր թխում, գառը թոնրատան ծխից խեղդվում, բայց չէր հեռանում, երեկոյան հա՛ պտտվում էր մայրիկի շուրջը և քուն էր մտնում մայրիկի մահճակալի մոտ, գլխակողմը:

Մայրիկը տղաչի հետ գառները բակից դուրս էր անում, հարմար մի տեղ ձեռնասունին խաբս էր տալիս, դառնում էր տուն, գառը դես ու դեն էր նետվում, խրտնչում էր խոտի սուր հոտից, վերջը՝ գառների օրինակով, արածում էր, բայց՝ շմակեր երեխայի պես: Համենայն դեպս, տղան տան ճանապարհը կտրած էր լինում:

«Ախպերիկ ջան,— տղան գառանը գիրկն էր առնում, պաշում էր դունչը, նայում էր աչքերի մեջ,— ախպերիկ ջան, շմեծանաս»:

Այնինչ գառան պտտիկ գլխին կոտոշ էր ծլում: Վիզը պնդվում էր, ոտքերը ուժով էին լցվում, մայրիկը ժպտում էր թեև, բայց չէր դիմանում դնչահարելուն և որոշեցին կրծքից կտրեն փորձված միջոցով՝ աղուպղպեղով: Երեք-չորս օրից կրծքից կտրվեց, բայց մայրիկից չհեռացավ: Պատահում էր, մոռանում գառը փորձը, դունչը մեկնում էր ակնկալիքով,

մայրիկը մատների ծայրով դնչին խփում էր՝ դառը հիշում էր: Հետո փորձն էլ, կուրծքն էլ մոռացավ, բայց մեծանում էր մայրիկի կողքին: Արդեն խոյ էր՝ կպած էր մայրիկի փեշից:

Խոյը կամ մատաղացու է, կամ մսացու, եթե չի պահվել հոտի համար: Բայց հայրիկի ձեռքը չէր դնա գառան վրա, մայրիկը դեմ էր մինչև անգամ վաճառելուն, իսկ ձեռնասուներ աշնան վրա անհանգիստ էր, տակնուվրա էր անում տունը և հովիվը համաձայնեց երկու օրով թողնել աշնան արոտի ելած ոչխարի մեջ:

Մշուշը իջավ սահուն ու արագ, հոտը սեղմվեց, մեկ էլ պատովեց մշուշի փեշը՝ ոհմակը խփեց: Խոյը՝ ձեռնասուն, խոյը՝ ջահել, մեղկացել էր կիտված էգերի տաք շնչի մեջ, ուշքի չէր եկել, դիրք չէր բռնել՝ ոչխարը ցրվեց ոսպի նման և նա մնաց անակնկալ երախի դեմ:

— Էս էլ էսպե՛ս, — լուրը առնելով հառաչեց հայրիկը:

Մայրիկը լուռ էր: Նա իրեն այնպես էր պահում, ասես սկզբից վախճանը գիտեր:

Խոտանոցում աղան լալիս էր: Այդ օրը նա վերջապես մտաբերել էր եղբոր դեմքը: Երեք օրից մոռանալու էր հավիտյանս:

ՇԱԲԱԹՎԱ ԵՐԿՐՈՐԴ ԿԻՐԱԿԻՆՆ

Այդ երեխան բաց դռների գիծ է: Նա ամբողջ օրը սենյակի դուռը թակում է ներսից: Մոռոնները տանը լինելիս դուռը ներսից են փակում, միջանցք էլնելիս դրսից են փակում: Երանք այնպես միանգամից են գյուղից քաղաք ընկել, որ քաղաք ասելով՝ փակ դուռ են հասկանում: (Երանք օրինավոր կենվորներ են: Երբ վաղը տանտեր դառնան, նրանց կենվորներն էլ են երեխաներին սենյակում փակելու: Երանց նմանները երեք սենյակից մեկը տալիս են վարձով և կյանքում այդպես մնում են կենվոր՝ ուրիշի, ապա սեփական տանը):

Ու այդ երեխան, երկու տարեկան այդ հրեշտակը առանց հոգնելու, առանց լացի դուռը օրնիբուն թափում է ներսից:

Մայրը այսօր անփույթ եղավ ու այդ երեխան գտավ իմ դուռը: Ինչո՞ւ նոր գտավ իմ անփակ դուռը: Ես տանը կանուխ եղած կա՞մ — կամ նա ուրիշ անգամ միջանցք ելած կա՞, — անշուշտ ելած կա, իմ դռան տեղը չգիտե՞ր — գիտեր, խաղալիքների տեղը հո՞՛ վաղուց գիտեր, ուրեմն ինչու հենց այսօր գտավ իմ անփակ դուռը... Ես եմ երեխայի դեմ փակ եղել: Խոզությունն իմ մեջ է եղել, և երկու տարեկան մանուկը դա զգացել է:

Իսկ երբ երեխաներիս կարոտը հանկարծ լցվեց աչքերս, երբ կոտրն ընկա ու հայացքս փափկեց, այդ երեխան հրեց դուռս, տանու կատվի պես սկսեց ներս, մահճակալի տակից դուրս քաշեց խաղալիքների թեթև արկղը, պարունակությունը ցփնեց հատակին և ամիս ի վեր ամայի տունս տան նման եղավ: Եվ ես հասկացա, որ երեքշաբթին աշխատանքային օր չէ ինձ համար:

Է, առավոտվա սուրճս այնտեղ չէ՛ տանը կխմեմ, ամենօրյա սուրճի սեղանի խոսքուզրույցին այսօր էլ չեմ մասնակցի, հակառակ դեպքում՝ խոսք կբանամ երկրորդ, երրորդ բաժակի ժամին... Երրորդին որ՝ կհասցնեմ: Միևնույն է՝ զնալ պետք է: Հետո ինչ, որ գործատեղը անելիք չկա: Հո չի կարելի մարդկանց թողնել ինքնահոսի: Հարկավոր է, որ առավոտները միասնաբար հանվեն տներից, իրիկունները արձակվեն ի բաց... Թող աղջիկներն ու տղաները կինո գնան, կանայք թող խանութների ցուցափեղկերը երկրպագեն, տղամարդիկ խորտկարաններով տրանզիտ գնան, թող երեակայեն, թե ազատ են ուզածն անելու, թող աքլորանան, — վերջը գիտակից ամուլի նման իրենք իրենց ականջը բռնած, քաշվելու են ընտանեկան սուլոր լծի տակ: Գիտակցությունն էլ եթե շօգնեց, մեկ է՛ սերը, քաղցը, քունը, պարպված գրպանը տղամարդկանց տուն է տանելու:

Ասում եմ՝ «Բալիկ, աշխատանքից ուշանում եմ»: Ինձ համար այնպես ասում եմ: Ես նստած եմ բազկաթոռին, նա խաղալիքները թողել, եկել կանգնել է թիկունքիս ու թիկնակի միջև, մի ձեռքին որդուս դեղնափոք ձուկն է, մյուսը անկշիռ պրեկ է ուսիս, պատուհանից երևացող ծիրանի ճյուղին սար-

դը այս գիշեր ուտայն է կապել՝ արևելքի մանուկ շողերը թելերը դարձրել են ոսկի, ուտայնի միջով երևացող աշխարհը երևի թե նման է այս երեխային ամեն ակնթարթ պատկերվող աշխարհ-հեքիաթին, և ես կապ շունեմ այդ աշխարհի հետ, ես չեմ տեսել, համենայնդեպս՝ չեմ հիշում այդպիսի աշխարհ, մի ինչ-որ երեսուն տարում ես վերածվել եմ կույր, հիվանդոտ անասունի, իմ աչքերը աշխարհի դեմ այսպես բացվում են տարին մեկ-երկու անգամ, արևելքի այս զվարթ ժամին, ես այս երեխայի աշխարհից չեմ, նրա ցեղից չեմ, ես ինձ զգում եմ հոգնած ու մեծահոգի շուն, որ թույլ է տալիս երեխաներն իրեն հեծնեն և ծուլորեն երջանիկ է և ծուլորեն էլ անշար է, անշարութունն էլ կզնահատի երկու տարեկան երեխան միայն և որը երբեք ուժ չեն ունենա գնահատելու մեծացած թուլեքը նրա, ինչքան էլ սիրեն նրան, որովհետև նրանք երազել են ու երազում են բարեհոգի քոսոտի տեղ մի ժանիքավոր, մի գայլակերպ, պատառի համար կռիվ անող, սարսափ տարածող հայր ունենալ:

...Լսիր, ասում եմ, իմ ականջին ասելու նման փափուկ ասում եմ՝ քեզ մի ձաղկիր այս պայծառ ժամին, օրն սկսեցիր քեզ ձաղկելով՝ օրվա վերջին ոտի տակ կտան: Շուն մի հաշեցրու, վեր կաց գնա աշխատանքի: Քանի տանտիրոջը գործի գնալու ժամը չի հասել, վեր կաց գնա վերին կանգառ, նա նստում է վարի կանգառից: Հանդիպես էլ, նա քեզանից վարձ չի ուղեղու (այդքան չի իջնի բո մակարդակին), միայն քթի տակ կբարևի, մեկ էլ՝ եթե հեռախոսի մոտ կանչող լինի, կասի՝ տանը չի:

...Այս էլ երկու տարի եղավ, որ մտմտացիր-մտմտացիր, բայց չբարձրացար մի օր, ասես՝ հարգելիներս, դուք Ստենդալ, Բալզակ, Օ'Հենրի կարդացած մարդ եք, հիշեք, որ... Ես ձեզ խնդրում եմ... Ես ձեզանից քիչ բան եմ ուզում. ուզում եմ, որ մեր առևտուրը ազնիվ լինի: Ես ձեր ճորտը չեմ: Ես աշխատավարձիս վաթսուն տոկոսը տալիս եմ ձեզ առանց չարության, դուք իմ փողն ինձնից առնում եք ու բարևում եք կիսաբերան... Չեղավ, չէ՞, չեղավ:

Չէ, հարմարը կենվորների համբարություն ստեղծելն է, կամ՝ տանտերերին չափի բերող ահաբեկչական խումբ, կամ... Ամենաճիշտն այն կլինի, որ չկարգաս դրսի գրողի, հին գրո-

դի... «Ես տանտիրուհու դուստրն եմ, պարոն, դուք այս դի-
շեր վատ քնեցիք, կուզե՞ք թեյը ոտմով մատուցեմ»... «Երի-
տասարդ բարեկամս, խավարում մի՛ կարդացեք, լամպը վա-
ռեք, անհոգ կացեք»։ Հիմարությունները գլուխդ լցրել, եկել
լուվել ես քսաներորդ դարավերջում, Արևելքի ու Արևմուտքի
ոտքի տակ ընկած Հայաստանում՝ ի՞նչ ես երագում...

Հոգս շունենայիր, մի քիչ էլ լինեիր դատարկ՝ միտքդ
զբաղվեր հոգեվերաբնակություն-սփոփանքով. հետևյալ ան-
գամ ի՞նչ կերպարանքով այս աշխարհ գաս, որ ազատ լինես
սենյակի վարձից, աշխատավարձից, որևէ վարձից։ Տեսնես
հոգիդ ի՞նչ անասունի մեջ է մտնելու։ Արդյո՞ք կովի... Հե-
տաքրքիր է, սեռը փոխել կա՞ — պետք է հարց տրվի գիտուն
տղերքին։ Այսինքն, դա էական չէ։ Կարևորն այն է, որ ըն-
տանի կենդանիներով ես բավարարվելու (վայրին արագ վե-
րանում է), եթե, իհարկե, վռագուկ ծնունդ եղար։ Իսկ եթե
չեղար, անտուն հոգիդ, ա՛խ, անմարմին մորմորով թափա-
ռելու է ոլորտներում ու ձե՛ն է տալու, տենչալու է մի որդ,
մի ճիճու, որ թեկուզ այդ կերպարանքով մեկ էլ աշխարհ գա։

Տիեզերական թախիծդ թո՛ղ։ Ասում եմ՝ թախիծդ թող օրա-
գիր պահող օրիորդներին, վեր կաց գնա սենյակ ճարի, երե-
խաները լավ չէ մեծանան դառը շնչի տակ. ոսկրախտ կու-
նենան, կտառապեն հողացավով, մաղձով կլցվեն, անլիար-
ժեքության զգացումից ծուլվիդ կմնան, թաղում ծեծ կուտեն
թուրքի գյուղ մտածի նման։

...Թա՛ղ եմ ասել... Ութ տարեկան աղջիկները հայհոյում
են տղաների պես, իսկ տարեկից տղաները ուշունցի պատա-
նի աստվածներ են։

— Բոշե՛ք, — մեկ էլ պայթում է կովազան մի ճիչ, և երե-
խաների երկսեռ հրոսակը բոշեքին հալածում է կեռուծուռ փո-
ղոցներով։ Հալածվողները հասնում են եկեղեցուն, գիրք են
բռնում շիրմաքարերը, և սկսվում է քարկոծումը։ Փոքրաթիվ
պաշտպանվողները նեղվում են, սեղմվում են զսպանակի պես
և համալրում ստանալով՝ անցնում են հակահարձակման։ Հե-
տապնդումը փոխում է ուղղությունը։ Կիսամերկ, թուխ, փնթի
սելավը հորդում է փողոցներով և այնպիսի հայհոյանք է օղը
բռնում, որ եկեղեցու խունացած խաչը կշտամբանքով ճոճ-
վում է շիրմաքարին թախտուն ծախող կնոջ աչքին։

— Ձեր խեղճը թաղեմ,— երկյուղածորեն դրստում է լավաշի դարսը լավաշ ծախողը: Քարերից մեկի վրա տղամարդիկ թուղթ են խաղում: Յածրիկ, փոքր մի ուրիշ քարի նարդի է դրված, իսկ խաղացողները նստած են պուճուր քարը ծնողաբար մեջները առած երկու հավասար բարձր քարերին... Բայց հին գերեզմանոցի շիրմաքարերն ավելի հարմար են գալիս լավաշի դարսին — ոչ բարձր են, ոչ՝ ցածր, մեջքները՝ հարթ ու իսկը լավաշի բույին: Ծիշտ է, քիշ նեղ են, բայց լայները հեռու են հրապարակի անցողարձից:

Ամառվա իրիկնաժամին, երբ շները ելած են լինում հեղձուկ բներից ու ծածկերի տակից, կին ու աղջիկ տներից դուրս են թափվում, նստոտում անմայթ փողոցների վրա բացվող դռների շեմին, փեշները վեր են քաշում, արևածագլի սերմ են չրթում ու թքում մեքենաների դողերի տակ:

Էնն ու լույս տվող ծնկներից, ասֆալտի տապից, արևառած ամեն, ամեն ինչից մի գոլ ծուլություն, մի ծուլ հեշտանք է կախվում օդում և օրը գայթակղելով՝ քարշ տալիս դեպի գով կեսգիշեր: Իսկ նրանք, որ դեռ երեկ հայհոյում էին տարեկից տղաներից էլ կատաղի, հիմա, ամռան իրիկվա այս փափուկ ժամին, հաստասրունք ու կրակված աչքերով, զույգերով, խումբ-խումբ ճեմում են ուշուցի աստվածների սեռուն հայացքների տակ: Երբ մութը ընկնի, եկեղեցու հրապարակից ու փողոցներից նրանք կշքանան և եզրեանու թփերի մեջ, փայտաշեն զուգարանների անլույս արահետներին կհամբուրվեն հեիհե, թաց ու ահով:

Այս հին, հովվերգական Քանաքեռում առավոտ է: Արևի շողն առած սարգոստայնը աչքերիդ փառ է կապել և ապագայի մասին մտածում ես ինչպես հայր՝ կիրակնօրյա խաշի:

Երեսուներ անց է՝ ուժդ տեղը, երեխաներ ունես՝ մանկապարտեզ են գնում, կինդ բնակարանի հերթում կա՝ կստանաք, աշխատավարձ ես ստանում՝ միջին միութենական, տանտերդ սենյակ գտնելու համար ժամանակ է տվել մի ամբողջ ամիս, դու էլ ահա փնտրում ես: Մի ամսում կարելի է առանձնատուն կառուցել, ինչ մնաց սենյակ չճարես, այն էլ Երվանում: Նայիր հանդիպածդ երկհարկանի տան առաջին կամ գետնահարկի պատուհաններին՝ եթե վարագույր չկա — ազատ

է, եթե երեխաներ ունենալը տանտիրոջ դուրը եկավ, գինը՝ քո, մտիր ու ապրիր: Քանի դեռ օրդերի գերին շես դառել, ծտի պես ապրիր ուղածդ թաղում — ընկերոջը ինքներս ենք ընտրում, հարեանին մեզ քաղսովեսն է տալիս:

Տեղդ նեղ չէ, որ պատահած ծակուռի մեջ ստիպվես ապրել, անկախ, բծախնդրորեն տներին նայում, անցնում ես առաջ, հինգից մեկի դեմ կանգնում, հարցնում ես՝ ունե՞ք շունե՞ք-ի՞նչ արժե... Կիրակի օրով հենց այնպես շուկա մտածի նման, երբ որևէ բանի սուր կարիք չունես և շուրջդ նայում ես իրրև գեղազեա, երբեմն էլ ցրված, հարցնում ես՝ ի՞նչ արժե, գուցե թե մի բան, այնուամենայնիվ, առնես:

Ուրեմն, այսպես քայլում էիր՝ երեքշաբթին կիրակի արած, սենյակ էիր փնտրում՝ ձեռքերդ դարսած մեջքիդ, ծխախոտը բերանիդ մեջ խաղացնելով... Այստեղ ցից քիթդ մի գարշահոտ բանի առավ: Այստեղ հտեից լինքին խփեցին ծնկածալերիդ: Այստեղ շուռ եկան ու թքեցին քո լավատես-լեն ճակատին:

Առերևույթ բան չպատահեց: Հերթական տունն էր, որի առաջ շահագրգռված հապաղեցի: Շենքի տեսքը ասում էր, որ բաղնիք, զուգարան, ջեռուցում կա, բարձր պարիսպն ու փակ դարպասը երաշխիք էին էներգոցանցի տեսուչի ներխուժման դեմ, — ուրեմն լույսը գողանում են, հեռակաբար գիշերները գիրք կարդալու ծուռ շեն նայի... Թակեցի կանաչ դարպասը: Ներսից հաշոցով պատասխանեցին: Լավ նշան չէր, բայց տրամադրութունս շատ էր բարձր նշաններից: Դարպասը բացեց տարիքոտ մի կին, լսեց, ասաց՝ «տեսնեմ ամուսինս տա՞նն է» ու դարպասը երեսիս ծածկեց: Ես ժրպտացի կանաչ դարպասի ու իր ապրանքը թանկի տվող տանտիրոջ վրա: Եկավ, ասաց՝ «Տանը չի, բայց սենյակը տես» և շանը սաստեց, ինձ բակով տարավ:

Տանտիրուհու հետ մտանք սենյակ և զույգ փոքր պատուհաններից հավեր դուրս թռան:

Դարպասից դուրս գալուց հետո մտածում էի, թե առաջին պահ ես պիտի որ ցնցված լինեմ: Սենյակ կոշվածը մառանահարկի ձախ թևն էր: Աջ թևը, դատելով դռնից, կողպեքից, բուն մառանն էր: Մառանահարկին հասնելու համար մենք անցել էինք երկրորդ հարկի այն կեսի տակով, որ հանգչում էր սյուների վրա և արևելքից լույսը փակում էր Հարավ կող-

մից խուլ հիմնապատ էր, արևմուտքից նույն պատից էր, լույսը ընկնում էր հյուսիս կողմի քառորդ շափսի պատուհաններից, որից դենը հավանոցն էր: Հավանոցը երեք կողմից ցանցապատված էր, շորորդ կողմ ունենալով շենքի պատը, այսինքն՝ այդ սենյակի միակ պատը, որի վրա լուսամուտ կար: Եվ հավանոցի զարշահոտը սենյակի մեջ էր: Եվ ամեն ինչից երևում էր, որ այստեղ առաջ մարդիկ են ապրել:

Մի պահ սլիտի որ նայած լինեմ այդ կնոջ դեմքին: Համենայն դեպս, անվրդով մի դեմք եմ հիշում: Այստեղ մնացի հաղիվ մեկ բոպե: Մտածում էի՝ դեռ մի քանի տեղ կհասցնեմ նայել, բայց դուրս գալուն պես կարծես հտեից ծնկածալերիս լենքին խփեցին: Այսօր այսքանը բավական է: Եվ, առհասարակ, եղածն ինձ մի քանի շաբաթ բավական է:

Իմ հարաճուն գայրույթի մեջ ես մտածում էի այդ կնոջ մասին՝ գոնե շիմանար երեխաներ ունենալս: Առաջին խոսքով հարցրած շիներ ու մտածեր՝ գյուղացի, հավուճիվի սովոր տղա է, տուն է գալու քնելու համար, դուրս է գալու թառածածից առաջ, տվածն ինչ է՝ քառասուն ռուբլի...

Իմ անտուն կյանքում շատ բան եմ տեսել: Պատահել է, մի սենյակ են առաջարկել, որում լույսի միակ աղբյուրը էլեկտրական մերկ լամպն է եղել: Խնդացել, թողել հեռացել եմ: Բայց այստեղ ես պապանձվեցի: Փողոցում միտս էի բերում այդ կնոջ դեմքը... Ծիվաղի բնավ նման չէր, նույնիսկ վանող բան չկար վրան, մի կին էր հորաքրոջս ու քրոջս նման, որը, թվում էր, հիմա կասի՝ «սոված կլինես, մի բան կեր՝ գնա»: Համոզված էի, որ սիրասուն մայր ու տատ է, որ երեխա եղած տունը չի մտնի առանց գրպանը մի անուշ բան դնելու... Կարող է մի քիչ ժլատ լինել, կարող է լավ էլ ընչաքաղց լինել, բայց որ ինձ՝ անծանոթիս, առաջին անգամ տեսած մարդուն, մարդ չի համարի, դա իմ ըմբռնողությունից վեր բան էր:

Այնուամենայնիվ, ես ուզում էի հասկանալ նրան: Իմ՝ շուկայի օրենքն հարողիս, իրապաշտիս, պատրանքներից վաղ թոթափվածիս ամբողջ սթափությամբ ջանացի հասկանալ նրանց, բայց ուղեղս շիկացավ բռնությունից, սմբեց, քար կտրեց, հրածարվեց աշխատելուց՝ ի՞նչը հասկանալ:

Ես զգում էի, որ ուռչում եմ՝ թարախի պալար, դառնում

եմ ազգիս թշնամի, երկրիս համար վտանգավոր, վերածվում եմ ծայրահեղական սինլքորի, ինձ չէր կարելի փողոցում քայլել, չէր կարելի մարդկանց մեջ լինել, որովհետև այդ վիճակում ղինվորագրվում են շարդարարական հարյուրյակներին, լավագույն դեպքում ձայն են տալիս հանուն որևէ գույնի տեւորի:

ԵՎՎՈՐԻ ԲԱՆՏԸ

1.

Մեր երկներում ցուացող օդանավերից անմատույց էին մեր կողքով անցնող զնացքները: Օդանավերից որ՝ հաստատ ահարկու էին: Հեռվից նայելիս՝ էլի ոչինչ, սողում գնում էին իրենց համար, այնինչ մոտիկից՝ սլանում էին դժոխածայն, մամլող ու թշնամի թափով, որպես ականջիդ տակով թռչող պարսատիկի քար, որպես, երևի, զնդակ կամ նետ, որի անցնելուց հետո հազիվ շունչդ ետ ես բերում՝ այս անգամ էլ մահից պրծանք:

Մեր առաջի հորթերը շափ էին ընկնում քարափներն ի վեր, մեր գառները խճճվում էին մոշուտներում, ձկները ծեփվում էին գետի հատակին և մեր կարթի որդերին ջուրն էր մաշում:

Մեր անզորության զիտակցության այդ պահերին գետի մեր ափից զնացքի վազոնները կապում էինք քարկոծի և մտքներովս չէր անցնում, որ դրանց մեջ կլինեն, է՛լի, մեզ նման մարդիկ: Կարեկցանքի արժանի բան չէինք տեսնում դրանց ամենի թափի մեջ:

Ուրիշ էին հետագայում գիծ մտած «բանվորական» զնացքները, անզուգարան, անջուր, ամեն կարգի մարդ ներս առնող, ամեն տնակի առաջ կանգ առնող մեր եռավազոն ձեռնասունները: Դրանք գրաստի հեղությամբ սպասում էին բարձվելուն, շարժվում էին հարյուր անգամ զգուշացնելուց հետո ու դեռ թափ չառած՝ հասած էին լինում հաջորդ կայա-

րան: Ավելի շատ կանգնած էին լինում, քան ընթացքի մեջ: «Բանվորական» հորջորջումը պատվանուն էր դրանց համար, ավելի շուտ՝ շուկայական գնացքներ էին և Վրաստանի բանջարաշատ հարավը կապում էին Հայաստանի արդյունաբերական հյուսիսի շուկաների հետ: Շուկան Հայաստանինն էր, ապրանքը՝ Վրաստանից, ապրանքատերը՝ աղբրեջանցի, գնացքը՝ համապետական, ուղեկցողները՝ վրացահայ, տոմսը՝ ջրի դին, ընթացքը՝ հանդարտ:

Բայց մատչելիությունը վարկաբեկեց գնացք նստելու նախկին իմաստը: Հիմա կարող էր գնացք բարձրանալ, վագոնից-վագոն անցնել, սանդուղքներին կանգնել, ընթացքից ցատկել դասից փախած ամեն լածիրակ: Ջրի ճամփորդելը շատ էր հեշտացել:

Իսկ մի ժամանակ դրա համար մեծ սիրտ ու ճարպկություն էր պետք: Եվ նրանք, որ այդ սրտի տերն էին, ում թափին նեղ էր գալիս իր բակն ու շենը, նրանք օրերն անց էին կացնում ճեպընթացների տանիքներին զբոսնելով:

Այդ տարիներին սանահնեցիք գծի Կիրովական—Թիֆլիս հատվածը պահում էին իրենց ձեռքի տակ: Գեպո ունեցող հանգուցային այդ կայարանի տղերքը գնացքների հետ վարվում էին ինչպես տանու անասունի և նրանք էին լինելու կոովա ձորով անցնող երկաթուղու տերը:

Բայց ձորի երկու լանջերի գյուղերը կամաց-կամաց թըշվառությունից աչք էին բացում, նոր-նոր տղերք էին ձոր իջնում, և սանահնեցիք ստիպված էին գնացքների տանիքներին տեղ տալ գյուղերից իջած սրտոտներին... Բայց այստեղ երկաթուղու էլեկտրիֆիկացումը տղերքին հնձեց գնացքների վրայից: Եվ սանահնեցիներն էր բարձր պատիվը փրկվեց կառամատույցին հավասարվելուց:

Իսկ վագոնների ներսը նեղ եկավ նրանց ու պատերազմից հետո զորացող միլիցիայի համար, տղերքը մեկ-մեկ իջան վագոններից՝ վարորդության գնացին, խանութ բացեցին, պահեստներ մտան, մարզական խմբեր հիմնելով՝ շրջանների մարզական կյանքի ղեկավարներ դարձան, ընկան ղեկավարելու համին, գնացին առաջ, ավելի ու ավելի առաջ՝ ամենքը ըստ գնացքի տանիքին հավասարակշռությունը պահպանելու կարողություն:

Եվ երկաթուղին մնաց դասից փախածներին, որովհետև «բանվորական» եռավագոնը դիժ մտավ, ու ամեն տնակի մոտ կիսակայարան սահմանեցին:

Այս անփառունակ ժամանակներում էր, որ Շենը իր կիսակայարանով կցվեց աշխարհի մեծ ընթացքին և ոտքի տակ գնաց:

2.

Ճակատագրական զնացքներ էին մեր մոտով անցնող զնացքները, նրանցից օտար մարդ չէր իջնում (տասը վայրկյան կանգնող զնացքից ո՞վ պիտի իջնի), իսկ եթե մեկնու-մեկն իջնում էր, մի բան փոխվում էր մեր կյանքում, մեր անշատ, հանդարտ, մեծ ճանապարհի տակն ընկած կյանքում:

Մեր հայրերը ամենքն էլ եկվոր էին և նահապետական գյուղին հատուկ օտարելու բնազդ շենցին շուներ (գրեթե շուներ), բայց փոքրերիս համար սա մեր հայրենիքն էր և մեր հայրենիք ոտք դրած ամեն օտարական, հակառակ մեր մուլեղին հետաքրքրասիրությանը, մեր թշնամին էր նախ և առաջ:

Տարանցիկ էր Շենը աշխարհին կապող ճանապարհը, կարելի էր մտնել անմիջապես Վրաստանից, կարելի էր մտնել գետի հետ Հայաստանից դուրս գալիս: Ընդամենը երկու դուռ ուներ Շենը, և ոչ մի օտար մարդ չէր վրիպում դաշտերում վխտացող գայլաձագերիս աչքերից:

Օտարը մի ուրիշ քայլվածքով է բնակավայր մտնում: Թեկուզ խաղաղ լինի ժամանակը, թեկուզ քրիստոնյա լինի ժողովուրդը, մտնում է օտարաբար: Ուրիշ վտանգ որ չլինի, հնարավոր է, որ այդտեղի մարդիկ շները կապելու սովորություն չունենան:

Բայց շները գառ էին նրանց համեմատ, ովքեր այս կողմերում ապրում էին ժամանակավոր ու իրենց կամքին հակառակ: Մայրաքաղաքից ամենահեռավոր կետը լինելով՝ Շենը ապաստան էր քաղաքներից վտարվածներին: Հասկանալի է, որ Վրաստանն էլ իր ծայրամասերն էր ուղարկում իր անաղուհաց զավակներին: Այսպես է վարվում ամեն հանրապետու-

թյուն, նահանգ ու երկիր և սահմանային գոտիներում քրիս-
կան այնպիսի լիցք է կուտակվում, որ հազիվ թե նպաստ բե-
րի բարեգրացիություն գործին:

Ուրեմն, Շենը թեկուզև ոչ մեկի հայրենիքը չէր երկխա-
ներիցս բացի, եկվորի համար պահած վտանգներ ուներ:

Բայց Բենոն այնպես մտավ Շեն, ասես այստեղ էին իր
պորտը կտրել, կարծես այդ մենք էինք, որ երեկ նրան ճա-
նապարհեցինք բանուկ ու հիմա կարոտով սպասում ենք դար-
ձին: Այդ հետո է պարզվելու, որ Բենոյի վատահուժյունը
բախտախնդիր ոգու կորովից չէր, այլ պարզասրտություներից
անհավանոտ մեկի, որին ամեն տեղ ընդունում են եթե ոչ
սիրով, գոնե՝ առանց թշնամանքի:

Այսպես, մի աշնան հետմիջօրե նա Շեն մտավ ահոելի
ճամպրուկը ձեռքին, ճամպրուկը գրեթե դատարկ էր ու իր
չափսի թեթևությունը՝ անհեթեթ, ինքը նավաստու շորերով
էր, նավաստու կամ բաղերի քելքով, շեկ էր, կարճահասակ,
պինդ, մշտապես ժպտացող մի տղա,— երևի դուրն էր եկել
նոյեմբերին դեռ տերևաթափ շեղած մեր հովիտը և գնացքից
իջել էր այստեղ մեռնելու վճռականությամբ:

Ահա նա անցավ ջրհան կայանը, դեմ առավ դռների վե-
րելքին ու թափը կտարեց: Վերից նայողներ կային և բացի
այն, որ իրենք տեղացի էին, նա՝ եկվոր, դիրքի առավելու-
թյուն էլ ունեին: Վարից ելնող Բենոյի վիճակը վիճակ չէր,
կարծես վերինները դիրք մտած սպասում էին, ինքը հար-
ձակվում կամ սպիտակ դրոշով էր գնում: Երկու դեպքում էլ
անդուր է վիճակը: Բայց Շենը նավաստի չէր տեսել և այս
հանգամանքը նրա օգտին եղավ. արջ պարացնողի կեսի շափ
ընդունելություն գտնելու էր:

Բորչավիճցի պառավները, որ ամեն տեղ տուն են դնում
ու հեշտունահիստ դարձնում հայրենիք, բարձրաձայն խո-
սում էին եկվորի ու վինելու, այստեղ ինչ կորցրած լինելու
մասին: Բենոն գիտեր այդ լեզուն, բայց չիմանալու տվեց:
Նա գրասենյակի ուղղությունը կուսհել էր ճիշտ. փողոցի եր-
կու կողմի սոճիների շարքերը գնալով թավանում, ձգվում էին
վեր, ապա նորից նվազում, գորշանում էին: Այո, կենտրո-
նում ջրի գործը լավ էր դրված:

Եվս տասը քայլ անելով, Բենոն ասաց.

— Բարև:— Կարծել էր հայի հանդիպեց:

— Բարև,— պատասխանեց տեղացին, բայց առոգանությունը հայի շէր: «Հույն է»-- հասկացավ Բենոն:

Գորիկը կանգնել էր ճանապարհի մեջտեղը և նման էր դուլլով բենզին մուրացող վարորդի, բայց ծխախոտ էր ուզելու Բենոն պատրաստակամ հանեց «Բեւամորը»:

Ամիսներ անց կալանատանը նա երանի է տալու այդ մի հատիկին: Հատկապես այդ մեկին, որովհետև Գորիկն էլ է նստած լինելու և հիշեցնելու է Շենում իր առաջին հյուրասիրությունը: Եվ նույնիսկ այն ժամանակ, երբ ծխելը ակամա թողած է լինելու, հիշելու է այդ գլանակը, որովհետև Բենոյին կալանած են լինելու Գորիկի ամբաստանությունը:

...Մինչ այդ Գորիկը հյուրին ուղեկցեց գրասենյակ: Բարձրացան շորս մատ ունեցող փայտե սանդուղքով, որի տակ կոշիկներից քերած ցեխը շոր դեպ էր կապել, ճաղապատ պատը զգամբը կտրեցին, պատվո տախտակին դեմ առնելով՝ աչի վրա դուռ գտան, մտան մի փոքր սենյակ թե նախասենյակ, և Գորիկը մի դուռ հրեց:

— Ծա՛ծկի, ա՛յ տղա,— որբտացին ներսից:

— էս-տեղ մարդ կա... Նոր մարդ եմ բերել,— դռան նեղ արանքից զեկուցեց Գորիկը:

— Քո բեռածը ի՞նչ պիտի լինի: Սպասեք:

Գորիկը գուռը դրեց ու նայեց Բենոյին: Նորեկը վիրավորանքը վրան շէր առել: Զտեսած մարդուն հո չեն կարող վիրավորել: Բայց հասկացավ, որ Գորիկին շարժի հանդիպած լիներ: Նա մատների մեջ խաղացնում էր շկպցրած գլանակն ու իր հիմար վիճակի վրա հիմարաբար ժպտում: «Դեմ առա՞նք,— մոտավորապես մտածում էր:— Հա, էլի, դեմ առանք»: Շփոթմունքը, սակայն, արագ անցավ: Հետեւյալ պահին առկայծեց օգնական միտքը, թե՛ «աշխարհը էստեղով չի վերջանում»: Այնպես որ, երբ թույլատրեցին ներկայանալ, Բենոն ներս մտավ դիրեկտորի օղջությունը հարցնողի, ինդիք շունեցողի անխոռվույթյամբ:

Դիրեկտորը Բենոյի բարեք շէր առել, գուցե, հաշվելով, որ Գորիկին սաստելը բարեկ տեղ անցած կլինի, կամ թե՛ նորեկին երես շտալու համար: Բենոն շէր վիրավորվել, բանակում

էր նույնն էր, միայն մանր պետերն են բարե բոնեւոր նույնով պատասխանում, խոշորները միայն գլխով են անում՝ տեսանք, հասկացանք: Հետո այն էլ կար, որ Բենոն հիացած մնաց դիրեկտորի տեսքից: Շենում Բենոյի տեսած առաջին տղամարդը ածղահա Գորիկն էր, երկրորդը՝ դիրեկտորը, և սա նրան գերազանցում էր ամեն ինչով: Ավանը հիմնված էր անմարդաբնակ տեղում և այստեղ եկած առաջին տղամարդիկ նրանցից էին, ում ոտքերը խելքից հաստատ առաջ են քնկնում:

Եթե դիրեկտորը կանգնած լիներ, դուխը վեր էր կանգնելու թիկունքի կողմը դրած պահարանից, բայց թիկունքի լայնքը ահագին զիջում էր պահարանի լայնքին: Այդ պահարանը սարքված էր շոալլ ու կոպիտ ձեռքով և պարզությունը զորանոցային զենքի պահարանի էր: Մի խոսքով, դազազի լավ նշով էր:

— Միլիցիայում կաշխատե՞ս,— առանց այլևայլի հարցրեց դիրեկտորը և այդ ձայնը այնպես էր բռնում տիրոջն ու պահարանին, որ Բենոն չէր կարող մտածած լինել, որ կյանքը իսկապես նման է բանակին. ինչքան մարդուս աստիճանը բարձրանում է, ձայնը այնքան թնդանում է: Տեսնված չի մի գնդապետ, որ գոռ կոկորդ շունենա: Բարակ ձայնով մեկը դիրքի չի հասել, բացառութեամբ, գուցե, ներքինիների դասի:

— Ինչո՞ւ ես ատամներդ բացել, շրջանից կազր են ուզում:

— Չէ-է՛,— ասաց Բենոն: Այն ժամանակները միլիցիա մտնելը համարվում էր հետին անճարակի բան: Դասակարգային պայքարը վերջացել էր, օտար թշնամին ջախջախված էր, երեսուն տարում երեք հարյուր տարվա գործ էր արված և անլուրջ բան էր թվում դեղձի գողով զբաղվելը: Եվ ուրեմն, ազգուսակ ունեցողը ինքնագլուխ չէր կարող համազգեստ հագնել, ինչպես և ծաղրածու կամ գերեզմանափոր դառնալ:

Բայց Բենոյին վիճակված էր համազգեստ հագնել: Իսկ մինչ այդ նա տեղավորվեց ռեզիդենսի գյուղտեսիլանիկումից ամառները գործնականի եկող ուսանողների երեք սենյակներից մեկում, բահը արժանապատվորեն առավ ձեռք, մտավ այգիները աշնանափորի, ձմեռը հանեց, հասավ զարնան ծաղկունքին՝ այստեղ այգամիջյան ճանապարհին դիակ գտան: Այդ կողմերում սա առաջին սպանությունն էր և լակոտների

խումբը շենից դուրս թռավ դին տեսնելու: Երեք կիլոմետրը անցանք վազքով, բայց ուշացանք: Գիակի տեղը բարդու մեծ շիվ էր դրված և շուրջը ոչ ոք չկար: Եվ սպանության այդ ամաչի դաշտում ոչ ոք սիրտ չարավ շիվը շարժի, հակառակ գոնե տեղը տեսնելու մեր տենչին:

Մյուս օրը կնոջ ահազանգով Գորիկին տարան:

Այդ զույգը տեսնելու բան էր: Անիկը, ասում էր, հայ է, ու կազմվածքով տասներեք տարեկան աղջկանից ավելի ոչինչ չուներ: Միայն բերանում ցոլացող ոսկե ատամներն էին վկայում, որ նա կյանքում ահագին բան տեսել է: Առանձին լինելիս էլի մարդանման էր (նրա նման շատ կին կար հետպատերազմյան պակաս տարիներին), բայց հակառակի պես սիրում էր ամուսնու կողքին կենալ: Հավանաբար այդպիսի ապրանքի տեր լինելով՝ կարող ես անգամ ոչնչությունդ չըզգալ, կամ կարող ես, գուցե, զգալով է՛լ ապրել... Ով գիտի: Մի ինչ-որ մութ տեղ, ինչ-ինչ մութ հանգամանքներում նա տղի պես կպել էր այդ աժդահա ու անխելք տղին ու պոկ չէր գալիս, շնայած քայլում, ժպտում, աշխատում, ապրում էր՝ երեսը կապտուկներով պատված: Ոնց որ՝ տարիքով մեծ էր նրանից: Ոնց որ՝ սիրում էր: Իսկ հարևանները ենթադրում էին, որ մի օր նա շունչը Գորիկի ձեռքի տակ է փչելու, մասնավանդ որ Գորիկի սիրած խոսքն էր.

— Կըսըպանե՛մ:

Չարաբաստիկ այդ օրը նրա ուղեղը պայծառացած էր եղել այնքան, որ այլաբանել էր:

— Էն մեռելի օրը կգցեմ, հա՛, — ասել էր:

Այդ սահմոկելի օրվա գիշերը անդեմ կ ս պ ա ն ե մ ի ց այդքան որոշակի սպառնալիքին անցնելը Անիկին շարագույժ էր թվացել և առավոտյան գրասենյակից զանգել էր կենտրոն: Իրենց կողքին մարդասպանի գոյությունից պապանձված գրասենյակայինները այդպես էլ նստած մնացել էին մինչև միլիցիայի գալը:

Գորիկը մի քանի շրխկան, ցավոտ հարցերից հետո հանցանքը «խոստովանել» էր: Ավելի անհամբեր էր եղել հանցակից ունենալու հարցին պատասխանելիս և երկու ժամ հետո Բենոյին էլ տարան: Շենում այդ պահին ամենաանտե-

րը Բենոնն էր և եթե Գորիկը ստիպված էր մի անուն տալ, նրանից հարմարը չկար:

Բենոյին պահեցին երկու ամիս: Երբ ետ եկավ, թշերը լցվել էին, բայց մի տեսակ գլուխն էլ ուռած էր: Սա էլ իր հերթին էր մեղքը հանձն առել: Առնելը առնել, բայց հանցանշաններ չկային, մեռյալի ինքնությունն էլ չպարզվեց և երկուսին էլ թողեցին:

Բայց Գորիկի կյանքը արդեն թունավորված էր:

— Մարդասպան,— գոռում էին լակոտները ետևից: Շուտ էր գալիս՝ մարդ չէր տեսնում, շարժվում էր՝ գոռում էին.

— Մարդասպան...

Եվ գլուխն առավ գնաց մեր շենից:

Բենոյին այդ «պատվին» էլ շարժանացրին: Նույնիսկ երեսանհրը չհավատացին, որ նա մարդ սպանելու ընդունակ է: Նա նույնիսկ հաշիվ չպահանջեց Գորիկից (երևում էր՝ քաշածից լրիվ քուրջ էր դարձել), և մարդկանց աչքից վերջնականապես ընկավ:

Դասը այն եղավ, որ Բենոնն միլիցիա մտավ: Գերադասեց այնտեղ լինել իր կամքով, քան ամեն պահ տանելու ենթակա: Եվ դարձավ երեք ավանի լիազորը:

Միլիցիան մտտորացվում էր և Բենոյին եռանիվ մոտոցիկլետ տվին: Այդ եռանիվով էլ նա կին բերեց տուն: Համազգեստն ու եռանիվը Բենոյի տեսողաշտը ընդլայնել էին: Հայաստանի հյուսիսային վերջին կայարանից Վրաստանի հարավային առաջին կայարանը ընկած տարածությունը իրենն էր: Այսինքն՝ այնքանը, որ թույլ էին տալիս նրան մնա գնացքի տանիքներից վերջերս իջած, հիմա էլ ցամաքը նվաճող տղերքը: Եվ սլաքավարի տնից բերած աղջիկը պիտի որ նրանց թերմացքը լիներ: Բայց երկու տարի Շենում հարսից վատ բան չտեսան: Միայն երեսիս չէր բերում: Բենոն մտածում էր՝ նավատորմում ծառայելուց է: Օֆիկը նրա կասկածը չէր փարատում և ապրում էին սիրով: Օֆիկը մի տղամարդով կյանքի համին ընկավ: Մի ուրիշ քաղցրություն ունի մարդկային կապվածությունը, ու երևում էր՝ նա երգվել էր ամուսնուն հավատարիմ գերեզման իշնել... Բայց խոզի երգումը, ասում են, մինչև լավ ցեխ տեսնելն է լինում:

Եվ դա եղավ ջրահեղձին ամի հանելու օրը:

Գետահովտի ժողովրդի համար արտակարգ մի բան չէր ջրահեղձ տեսնելը. գետի ամեն վարարումին վերին հոսանքներից եկած մարդիկ էին որ մռայլ, մոլոր հածում էին այս ու այն փեբրին... Բայց այս մեկը անտեր էր: Մի տեսակ շատանում էին անտեր մեռելները: Քանի շենները բարգավաճում էին, քանի ճանապարհները դառնում էին բանուկ, անտեր մեռելները այնքան շատանում էին: Ժողովրդի շատանալով տիրավորները պակասում էին: Բայց մեռելի թամաշի եկող միշտ է լինում:

3.

— Դե, մի ցրվեք: Դե, մի ձեր գործին զնացեք: Ռադ եղեք, ի՞նչ եք լեշակերի նման վրա տվել... Ռադ օլուն: Մադի... — Բենոն այսպես եկավ, անբանների պատր ճեղքեց և իշխանության անունից տեր կանգնեց ջրահեղձին: Նա չէր ստասում, որ այդքան հեշտ կանցնի ամբոխի պատր և անակընկալ հայտնվելով ջրահեղձի գլխավերեր, սարսեց ու մի քայլ ետ զնաց:

— Թող օդ խաղա, — հրահանգեց նա:

Ժողովուրդը կես քայլ ետ զնաց ու քիչ հանդարտվեց: Մինչ Բենոյի գալը անապահովությունը կամ նման մի զգացում ճնշում էր մարդկանց, հիմա կարծես մի բան տեղն ընկավ. մեռելը, ճիշտ է, կա, բայց իշխանություն էլ կա... Իրենք էլ այդ արանքում դեռ ապրում են: Այդպիսի զեպերում նրանց ընկճված հոգուն մի կարգի հրավիրող, սաստող, արձանագրող ուժ է հարկավոր: Բենոն զգաց ժողովրդի ապավինող տրամադրությունը և ուզեց մի իմաստուն, նուրբ, իշխանության անունը փառավորող հարց տալ, բայց առաջ ընկավ սերտածր.

— Ո՞վ առաջինը տեսավ:

Քար լուծյան վրայով գետը շառաչեց զնաց:

— Առաջինը ո՞վ տեսավ, ձեզ եմ հարցնում: — Եվ խոժոռության շվարժվող հայացքը պատեց օղակի ներսում: Լուս-

թյունը ասում էր, որ առաջին տեսնողը ներկաների մեջ է, բայց՝ թող ինքն ասի:

Բոլորն էլ հասերեն աչդրանը հասկանում էին, բայց իրավաբանորեն ճիշտ էր, որ հարցը թարգմանվի կամ կրկնվի վրացերեն, ռուսերեն, ազրբեջաներեն... ասորերեն, գերմաներեն՝ Բենոն չգիտեր:

— Նու կտո՞...

Սա արդեն կենտրոնական իշխանություն անունից էր, բայց դա էլ շանցավ:

— Կավ... — Բենոն մտմտում էր անելիքը:

— Ե՛ս, — ձայն տվեց տասնչորս-տասնհինգ տարեկան մի երեխա:

— Դու՛ հեշ, — սրտնեղեց Բենոն:

Այդպես էլ գիտերու էլ ո՞վ պիտի առաջինը տեսած լիներ, եթե ոչ հրեշքի այդ լակոտը, որ ամբողջ օրը գորտի նման ջրի մեջ ու ջրի ափին է: Ամեն բան առաջինը նա է տեսնում ու տուն բերում. առաջին ձնծաղիկը, առաջին ծաղկած սինձը, մայիսի առաջին կեռասը, առաջին հասած խաղողի ողկույզը՝ հուլիսին, առաջին բուռ ձյունը՝ Պապաբարի կատարից... Հիմա էլ՝ ահա:

— Ուրիշ, — ասաց Բենոն, — հարցաքննության ենթակա մարդ:

Փաստորեն նա հիմա երկրորդ տեսնողին էր ուզում: Եվ զգաց, որ հարցաքննություն բառով խրատնեցրեց բոլորին:

— Դեղձի գողերը առաջ գան, — ջղային հրամայեց և որոշ տրամաբանություն կար նրա պահանջի մեջ. գիշերը գեղձի գողերն են արթուն մնում: Բայց մեռյալի ջնջված դեմքին աչք գցելով, — կավ, — ասաց, կարծես մեկ հաշվին՝ կամավորների շարքը քայլ էր գցելու առաջ: — կավ, — բացատրեց, — ձեր հարցով հետո կզբաղվեմ... Դու առաջ արի:

Տղան շրջանի ներսից մարդկանց պատին քսվելով, ջրահեղձին շրջանցելով եկավ մոտեցավ:

— Փողբերդ իջեցրու, — հրամայեց Բենոն, ինքը ծխախոտ վառեց: Տղամարդիկ սթափվեցին ու ձեռքները տարան գրկպանները:

Տղան ծալած փողըը իջեցրեց սապոգի վրա, հակատին կպած թաց մազափունջը ափով ետ տարավ ու ձիգ կանգնեց: Բայց անշարժությունը կարճ տևեց. երևում էր, գրատախտակի մոտ բոպեից ավելի կանգնած չկա:

— Ո՞նց տեսար,— հայրաբար հարցրեց Բենոն:

— Դե, ջուրը պղտորվել էր, ափին ման էի գալիս... Ձուկը քոռեքոռ իրեն ափին է տալիս, չէ՞... Մեկ էլ ոտը տեսա:

— Հետո՞... Յուցմունք տվողից հետո կացեք:

Ամբոխը հետաքրքրասիրությունից տղային սեղմում էր դեպի ջրահեղձը, տղան մեջքը դեմ տված՝ ընդդիմանում էր:

— Հետո կեռ գտա... Ձէ, շինեցի... Ոտից քաշեցի... Սըլլային ջրից դուրս եկավ:

— Տո՛ւ լակոտ, կեռով մարդ քարշ կտա՞ն,— գոռաց մեկը:

— Ձե՛նդ,— սաստեց Բենոն:— Հետո՞: Դու նրան ախանջ մի դիր:

— Ո՞նց չգնի, ես հրոխպերն եմ, իրավունք ունեմ,— չվախեցավ մարդը:— Լակոտի մինը, բա կեռով մարդ քարշ կտա՞ն:

— Բա ինչո՞վ,— զարմացավ տղան:

— Եսիմ ինչով... Քո ի՞նչ գործն էր... Բաց թող՝ ուրդ լինի, սուտ-մուտ խոսում է, էշ քեռուն է քաշել:

— Սուտ շեմ ասում: Կեռն էլ հրես:

Կեռը, իրոք, ընկած էր մարդկանց ոտքերի տակ: Ժողովուրդը խուճապով ետ քաշվեց և մի օղակ էլ կեռի շուրջը գոյացավ:

— Լավ, լավ,— ժողովրդին կարգի հրավիրեց Բենոն:— Հետո՞: Մինչև էստեղ քարշ ես տվել բերե՞լ:

— Ձէ, է՛,— նեղացավ տղան:— Հետո ավանային սովետը եկավ (սովետ ասելով նկատի ունեի սովետի նախագահին), գիֆտ գտանք, վրեն դրինք, քաշելով բերինք:

Մեռյալի տակ իսկապես գիֆտ կար: Բենոն հայացքով փնտրեց նախագահին:

— Գնաց գանգի,— ասացին:

— Այ աղա, թո՛ւ փոստ, ասա շանջատեն՝ գալիս եմ:— Արձակեց տղային ու անձրեանոցի կնգուղը քաշեց գլխին: Անձրեղ վերսկսում էր:

Անձրևը արդեն անցավ չափ ու սահման: Եվ այդ մի շաբաթում մարդկանց բնույթը լրիվ ցեխ սարքեց: Չնայած անակնկալ չպիտի լիներ թացն ու թոնը՝ հոկտեմբերի վերջն էր... Սպասելի էր, բայց էլի նրանք, ովքեր ամառվանից են մտածում ցրտերի մասին, էլի այդ խեղճերը անակնկալի եկան: Եվ հերվա ճտքավոր կոշիկները հանվեցին, վերազննվեցին, վերագնահատվեցին, յուզվեցին-փափկեցին և կոշկակար Հակոբի մուրճը առավոտից իրիկուն թրխվում էր շենցու խափանված ջղերին:

Հինգերորդ օրն էր տղամարդիկ ճաշարանից դուրս չէին գալիս: Առավոտից կեսգիշեր: Նստելուց ընդարմացած, խմելուց զզված էին, բայց զարեջրի տակառը մեջներն առել ու ժած չէին գալիս: Ո՛ւր գնային, անձրևը մարդուս մաշում էր ոտքի վրա: Արահետ ու ճամփա հեղեղի տակ էր, փոս ու փոսորակ ջրով էր լցված, ցեխը ոտքերի հետ եկել հասել էր երկրորդ հարկերի պատշգամբներին, ցեխը հունցելուց ձանձրացած երեսաները կատաղել էին չորս պատերի մեջ, իսկ անձրևի սկսվելու օրվանից շորացող լվացքը կարծես փռած լիներ մարդուս հոգու վրա:

Ճաշարանում առատ թեփ էր շաղ տված, կարելի էր ներս մտնել առանց տանիքի կաթիլքի տակ սապոզ քերելու, կարելի էր խմել ապառիկ՝ մինչև նահանջող աշխատավարձի օրը: Աղ դրած ձկան տակառը դրված էր գարեջրի ցմփորի կողքին, փլավքամիչով դուրս տրվող ձուկը կոպեկ արժեք՝ գարեջրից զատ չէր հաշվվում, գարեջրի գործարանից բեռնատարը դարձյալ դուրս էր եկել, տակառները Այրում, Քարհանք, Զրհան կայան բաժանելով մոտենում էր Շենի սահմանին և կամքից ուժեղները գլուխ պահելով՝ սպասում էին թարմ գարեջրին: Հինը չէր կոտրում ձկան հարուցած ծով ծարավը:

...Եթե հեղեղը Այրումի կամուրջը ծածկած չլինի, եթե վարորդը շան ծիծ կերած Սուրիկը չլինի, որ հեղեղը տակառին կապի, եթե, վերջապես, բեռնատարը քարհանքի դարձի վրա Գեբեղը չընկնի,— աղ դրած ձուկը կուլ է գնալու լոռվա աղբյուրների ջրով պանծալի թարմ գարեջրին:

Ձկան պահածո, աղ դրած ձուկ, աղած ձկնով պինդ ձվածեղ՝ վրան Ալյակերդու գարեջուր, ու դուրսը՝ անձրև, երկինքը՝ մթնած, երկիրը՝ ասածու կույր հայացքի տակ ինքնահոսի... Մերկացած այգիները հովիտը պնկեպտունի լցրել են թաց համրությամբ, գետը հոսում է թանձր ու սղաոր, ահագնանում է աշնան շարագույժ ջրառատությամբ, սարսռեցնում է պրդտոր պաղությամբ, — տեղ չի թողնվում հույսի նշույլի, թե դուրսը, գուցե, մի խոտի ցողուն, մանր մի տերև, ճարպիկ մի զեռուն թացությունից խուսափած լինի՞ Եվ արեգակի շող չի երևում վերահաս ձմռան օրերի տակից... Կար-չկար այսպիսի աշխարհ. խոտը կանաչ էր, արևը՝ կիզիչ, ավազը՝ չոր, երեխան՝ տկուր և վերը՝ երկինք, հորիզոնը՝ բաց, հորիզոնից այն կողմ՝ ենթադրվող էլի աշխարհ, որ հիմա չկա, ենթադրությունն իսկ գոյություն չունի, ուղեղները վերածվել են ջրիկ ցեխի, կյանքն ամփոփվել է ճաշարանի վառարանի շուրջ, հոր ու կրակ մեծ աշխարհից մնացել է այս վառարանը, որը պետք է բորբոք պահվի Եվ եկողներին ով հիշել է՝ բաճկոնի տակից ճղոն է հանում գցում պակասող վառելիքի կույտի վրա: Եվ տղամարդկանց բազմալեզու համքարությունը օրնիրուն խմում է մոռյլ, տուրուզմիտցի սահմանի վրա շանա ծեծելով ու ձանձրույթով լի:

Այդ ուշ աշնան ցեխ ու ջրի մեջ, սառը-բարակ անձրևի տակ, երբ ծոծրակիդ ընկած կաթիլը կյանքի իմաստը կտրուկ հավասարեցնում է ցեխի, այդ շնչահեղձ անելու շափ իջած աներևույթ երկնքի տակ ծաղկել էր Օֆոն և գլուխը բաց գնում էր խանութ՝ հացի... Մարդիկ սիրտ չունեին անգամ լուսամուտներից դուրս նայելու, դրսում եղողները հայացքները չէին բարձրացնում կոշիկների բթից, այնինչ Օֆիկը, որպես զեռնասունի, որպես շքնաղ մի անձրևաորդ, գլուխը բաց ու բարձր, խանգարվածի ժպիտը դեմքին՝ երբորդ օրն է ձեռնաբալ գնում է խանութ՝ հացի:

Հացը ամեն անգամվա պես ուշացել է, և Օֆիկը մտնում է ճաշարան: Եկվոր Բենտն նրանց մեջ ազգական ու կարգին ընկեր չունի և տղամարդիկ աչքերով ուտում են կնոջը:

— Բենտն մրսել է, — բուֆետապանուհուն ասում է Օֆիկը, երեքլիտրանոցով գարեջուրը գնում է պայտսակի մեջ և հանգիստ դուրս է գալիս՝ հտքից տանելով տղամարդկանց՝

մրսածութիւնն ու գարեջուրն իրար կապել շկարողանալուց
ապուշ կտրած հայացքները:

— Տնդեւ է շան աղջիկը,— քրթմնջում է մեկը, և նա մոտ
է ճշմարտության: Օֆիկի աչքերին մի այնպիսի փայլ է իջել,
որ պարզ է՝ նա դուրս է այն ուլորախց, որտեղ մարդկանց հո-
գին էլ է ջուր քաշում հին սապոգի նման, որտեղ փետրա-
վորներն իսկ խեղդվելու վախից կտուցները թաքցնում են
կրծքի փետուրների մեջ և շունչները պահած՝ նեխում հեռա-
գրալարերին թառած:

Օֆիկը ամայի փողոցով տուն է դառնում նույն քելքով և
եթե որևէ պատուհանից նայող կա, եթե նայողը երևակայու-
թյան տեր է, պիտի հաստատ տեսնի, որ նրա ներսը այրվում
է ու սառը անձրևի տակ վրայից գոլորշի է բարձրանում: Իսկ
եթե նայողը կրոնախե Գևոն է, կտեսնի, որ դոլորշին նրա
գլխի շուրջը պսակ է կապել և անձրևի ջուրը ցած է հոսում
բոլորքով:

5.

...Երջանկության հոտը առաջինը հարևանուհին առավ:
Նա ուշ գիշերին անկողնուց ելավ, դուրս եկավ հաշտը, դուշ-
լից ջուր խմեց, շտերը քստքստացնելով ետ եկավ, զար-
թուցիչը պահեց մթնած պատուհանի դեմ, նայեց, նայեց...
Ամուսինը քնի մեջ լենութիւն զգաց և առոք-փառոք մեկնվեց
մեկուկես տեղանոց մահճակալին: Բայց անսովոր արձակու-
թյունից, այնուամենայնիվ, կիսով արթնացաւ, մտածեց՝ կա-
րևորութիւն տա՞ թե շտա այդ վիճակին... Դե, որ միտքը
սկսել էր գործել, ուրեմն արթնանալու վրա էր: Մի թեթև ճի-
գով էլ կոպերը իրարից պոկեց և հասկացաւ, որ կնոջ քրստ-
քրստոցից են ջղերը լարվել:

Դա առաջին գիշերն էր, երբ Օֆիկի սերը դեռ ողջախոնջ էր:
Բան չկասկածելով՝ ամուսինը աչքերը փակեց:

— Սիրտս դեղձ ուզեց,— ասաց կինը:

— Կարող է՞ դեղձի չիր,— քրթմնջաց ամուսինը:

— Չէ, դեղձ:

Կինը տրամեց, որ ամուսինը բան չի հիշում... Գեղձի բույրով էր բռնված աշխարհը այն առաջին անկրկնելի օրը և մի միջատ էր վտախում հողին դրած իր ականջի տակ: Մաների տակ արած առուն կողքից էր անցնում, իր ձեռքի մասները առվի մեջ էին ու թվում էր ինչ որ իրեն է անցնում, անցնում է ջրից ու հողից: Ինքը փափկել, բացվել էր ջուր ծծող հողի նման: Մի մեծ գոհություն էր աշխարհը պատել. հողը ջրից էր գոհ, ծառը՝ հողից, պտուղը՝ ծառից և բոլորը միասին, ինքն էլ հեռները՝ արև աստծուց, որ վերից այդպես ամեն ինչին ու ամենքին շարժման, աճի, պտղակալման, սիրո կախարդանքի մեջ էր քաշում... Երգելը գալիս էր, բայց տղամարդու շունչը խանդարում էր: Հետո մտածեց, որ ճիշտը այդ է, իր ձայնը ներդաշնակ չի լինի լուսնյամբ ջուր ծծող հողին, լուսնյամբ աճող ծառին, լուսնյամբ կարմրող պտղին, լուսնյամբ ամեն բան շարժման մեջ գնող արևի լույսին... Հետո, անսովոր ու պոռթկուն էր ցանկությունը՝ անսովորությունից ամաչեց... Հետո վերզգաց միջատի գոյությունը ականջի տակ: «Եթե թունավոր է, հիմիկվանից լավ պահ չկա, թող սպանի» — մտածեց:

— Երգում են,— երկրորդ գիշերը ամուսնուն բրթեց կինը:

— Ի՞նչ,— ընդոստ վրա նստեց ամուսինը:

— Երգում են:— Հմայվածի նման կինը առաստաղին էր նայում:

— Դիվահար ե՞ս, կնիկ:

Բայց երգում էին: Բառերը չէին լսվում, բայց խնդաղին երգեցողություն էր: Դա նման էր մոր հետ խաղացող, սիրվելուց նվաղող, կուշտ ու գոհ երեխայի հրճվանքին, բայց ձայնը մեծի էր: Տղամարդու իր փորձը ականջ գնողին բան չէր ասում կնոջ երգող տեսակի մասին և կանացի դունդունոցը գիշերվա կեսին, իրոք, դիվահար լինելու էր: Այստեղ անձրևը վարարեց և այր ու կին խլացած քուն մտան:

Իսկ առավոտյան ձվածեղը կինը լիմոնի աղով էր արել:

— Թո՛ւ,— թքեց ամուսինը ու գնաց ճաշարան: Ութերորդ բաժակի վրա հիշեց, որ պատմել են երգող կանանց մասին և կոահման ժպիտը անթրաշ դեմքը բացեց մինչև ականջները: Հաջորդ պահին խղճաց տղամարդու իր փորձը ու խմեց գավաթ գավաթի վրա:

Մինչև տասնհինգ գավաթը դիմացավ: Տասնվեցերորդի վրա, երբ թվում էր փորձությունն անցել է և ուրիշ բան է ասելու, բերանը բացեց ու լեզուն դուրս տվեց մտքում փայփայած կշտամբանքը.

— Մի շաբաթ է լակում եք, իսկ Շենի պատվի հետ հրեն էնտեղ խաղում են:

Եվ իսկույն էլ զզջաց: Ախր, զգացել էր, որ գնալով շի դիմանում զարմացնելու, ցնցելու, պարզապես իմացածը ուրիշին հայտնելու բազր մղումին: Զգում էր, որ թուլանում է, բայց հույսը դրեց իր փակբերանություն վրա: Վստահ էր, որ վերջին պահին տղամարդկային իր բնույթը ինքնին կգործի ու արգելք կլինի շանտալոթյանը: Եվ բերանն էլ բացել էր անձրևից-բանից խոսելու համար, բայց թուլացած լեզուն գնաց շաղ եկավ լրբի լեզվի նման:

Այդ միակ անհասցե նախադասությունից հետո նա լրիվ դատարկվեց ու դարձավ նույն ուրբաթախոսը, բայց կասկածը միանգամից կապվեց Օֆիկի արտառոց կերպարանափոխությունից հետո:

Նախ զանգեցին Բենոյին: Ավանից ասացին՝ շրջկենտրոնում կլինի, շրջկենտրոն զանգեցին՝ այսօր շի եկել, Ավանում կլինի: Երբ գտան, ջղայնացավ.

— Ի՞նչ է, է՛, էլի պատահել:

— Պատահել է, — ասին բազմանշանակ:

— Գողություն է՞, թե... — խնդաց Բենոն:

Սրանք ցավահցարար լռեցին:

— Հավ, մեռելը տեղաց անեմ, գամ:

Բայց ջրահեղձի դին ճանբաժնի գարածում փակեց ու քշեց կայարան, աներոջ տուն:

Բենոն զոդ ուներ: Եթե տուն գնալու մտադրություն ունեցած էլ լիներ, զանգից հետո շեր գնա: Եղածը իրեն հերիք էր: Թող Շենը հիմնիվեր վառվի, թող իրար կոտորեն-թալանեն՝ իր գործը շի: Ձեռի տակ մեռել կա, հազար կոտոր շի լինելու... Այսօր մեռելը, երեկ Ավանի տուրուզմիցը, անցյալ օրը՝ պահեստը... Տեսնես ինչո՞ւ են աննավարկելի գետերի աննավահանդիստ այս երկրում պահեստները տանում դնում գետերի ափին, մտածեց Բենոն: Այսպես, ուրեմն, համազգայնորեն, շոնդալեն, ռադիոյով-բանով բերքը հավաքում,

բարիքն ստեղծում, տանում դնում են ջրի բերանին, կրակի մատուցներում, հետն էլ պահ տալիս զնացքից վերջերս իշած երևր տղերքին:

...Առավոտվա վեցը կլինեն՝ գետը հեղեղեց շինանյութերի պահեստը: Կեսօրին ճանքաժնի բուլղոզերը բերին ավազի դամբը տեղը բերելու: Բուլղոզերի բերածը մինչ հաշորդ բերան բերելը ջուրը հալեցնում էր շաքարի նման: Կարծր բան էր պետք և բուլղոզերը մի ապառաժ առաջն առավ, ու շարժիչի վայնաստեղծ ձորը բռնեց: Քարը շարժվեց տեղից, շարժվեց, տրակտորը պրկվեց, ցնցվեց, զնգզնգալեն ձիգ տվեց, առաջ զնաց... անսպասելի քարի տակից ավազը փախավ, քարը գահավիժեց, տրակտորը՝ հտեկից: Բուլղոզերը իրենով փակեց ջրի դեմը, բայց վարողը հորձանքի մեջ էր: Մինչ նայողները ուշքի կգային, տղան ափ ելավ ճաշարանի ուղիղ գիմաց և արար աշխարհը ուշունցի կապած ու սրթարթալով վազեց ճաշարան: Բենոն միաժամանակ մնաց ջրասույզ բուլղոզերի մոտ, որի միջով ջուրն էլի հոսում էր պահեստի վրա ու զնաց ճաշարան: Երբ ներս մտավ, բուֆետապանը երկրորդ շիշն էր բացում: Բուլղոզերավարը թաց շորերը նետել էր հատակին, փաթաթվել էր պահակի՝ հավասարապես վրան ու տակը պցելու վերաբերուի մեջ, բոբիկ ոտքերը դեմ էր արել ինքնաշեն էլեկտրասալին և օղի էր խմում բուֆետապանի ու պահեստապետի հետ: Նա ծիծաղով հաց էր ուտում ու հաճույքից թառանչում: Այդպիսի ախորժակ հաղարից մեկ է բռնում նույնիսկ լավ ուտող-խմողին:

— Տրակտորը չի թշի՞, — մի բան ասած լինելու համար հարցրեց Բենոն:

— Տրակտոր սարքողի հերն էլ:

— Բա պահե՞ստը:

— Մեջը բա՞ն է եղել որ, — խնդաց բուֆետապանը ավազակախմբի անդամի լպիրշությամբ:

— Մեծ վնասի տակ ընկանք, — շտեղծ տվեց պահեստապետը: Նրա արտաքինը չէր բռնում պահեստապետի կովկասյան տիպին. անբեղ, սիրունաղեմ, ցորնագույն մազերը մազաբաժանով սանրած, կապտաշ տղամարդ էր: Բենոն ուշագիթ նայեց նրան և վշտացածությունից բացի այլ արտահայտություն չտեսավ դեմքին:

Այդ գիշեր էլ հենց Բենոն մրսեց: Գարածի պահակի հետ որոշեցին կրակ անեն, բայց անձրև էր շաղում, փայտն էլ խոնավ էր: Եվ երբ գիշերվա հրեքն անց էր, երբ պատահաբար արթուն, տուն գնալիս ձեռքի հետ մի բան թոցնողները վաղուց քնած էին, Բենոն քշեց աներոջ տուն: Լուրջ գողերը նոր էին արթնանում, բայց դրանց դեմ առնել, մեկ է, չի լինի. տեղամասային տեսուչի լիազորություններից նրանք դուրս էին կանգնած: Մեկ էլ կկանչեն ու կասեն՝ «Դու մի լիցիա մտնել չէիր ուզում, չէ՞: Այս գործի վրա զոռով չենք պահում»: Կամ՝ «Գեղձի գողերին թողած ի՞նչ ես...»: Նախադասությունը չի շարունակի ու ինչ ուզում ես արա: Կուզես հասկացի, կուզես մի հասկացի: Կուզես հող տուր գլխովդ: Նա իր նախադասությունը ավարտած է համարում: Կարող էր շխտսել, չէ՞, բայց շնորհ արել՝ այսքան բառ ասել է... Գեղձի գողերից էլ իրենը նրանք են, ովքեր բեռը տանում են շալակով: «Քե չէ,— մի օր ասաց ավտոյով տանողը,— քոնը երեք ակնանի է, մերը՝ չորս: Ճիշտ է, քոնը թեթև ու անբեռ է, բայց դա իր վատ կողմն էլ ունի. կարող է էդպես թեթև ու թափով մեր ծանրին կալի: Մենակ տղա ես, ով պիտի ասի՝ բա իմ ախպերը երեկ կար— էսօր խի՞ չկա»:

Սլաքավար աները Բենոյին սալորի օղու կապեց, քենին՝ մոռով թեյի: Դեռ նոյնմբերին մոշի փոխարեն մոռի մուրաբա բացելը փեսային վայել պատիվ համարեց Բենոն, բայց մըրսածությունն էր, թերևս, լուրջ:

Քենին Օրենբուրգից բերած խալաթն էր հագել: Քենին՝ մարդաթող, օրերս էր եկել: Հետը մաքուր բրդից փափուկ ջեմպր էր բերել գուցե հոր, գուցե ապագայի համար, բայց քեռայրի թել-թել թրջված շորերը տեսնելով, գնաց ճամպրուկից հանեց բերեց՝ «Բարով մաշես»: Բենոն հագավ ու թախծեց՝ եթե երեկ կամ այսօր մեռած լիներ, այդպես էլ չէր իմանալու, որ այս թեթևությամբ տաք բաներ կան աշխարհում:

Տղերքը խոսպանում քենուն լավ էին նայել, բայց այն մեկը, ում հետ իբր ամուսնացել գնացել էր, տակա՞նք դուրս եկավ: Առաջին տարին լավ էր. կինը բոլորի համար եփում-թափում էր, իր հասանելիքը ստանում էր ու ապրում էին ամուսինների պես: Բայց շունը երկրորդ տարին առաջարկեց

վիճակ գցել: Պարզվեց, որ կնոջը իր կինը չի համարում: Պարզվեց, ըստ բրիգադների կանոնի, տղամարդկանցից մեկնումեկը վիճակով (եթե կամավոր չկա) պիտի զբաղվի խոհարարուհով: Մաքրության համար: Մնացածները ազատ են ծտի պես: Եվ այս տարի ոչ բարով ամուսինը մտածել էր, թե ինքը մեջների էջը չի, որ երկու տարի իրար վրա կապեն մի խորոմ փշի վրա, թե կինը բուրբուլին էլ իր կինը չի, այնպես որ այս տարի պիտի վիճակ գցվի: Տղերքը անկեղծորեն մի տեսակ են եղել: Հետո թե՛ մի բան պիտի արվի: Վիճակ չէ, բայց մի բան պիտի... Դե, որ ամուսիններ չեն... Եթե զագսի-բանի հարց չկա մեջը... Բայց մինչև հիմա վերաբերվել են որպես ընկերոջ կնոջ, որպես իրենց քույր... Ուրիշ բան, եթե մեջներից մեկը...

«Ինձ ոչ մեկը էլ պետք չեք, — ասել է քենին, — ձեր լավը կեփեմ, տակներդ կքերեմ»: Քենին նեղանում էր, որ բրիգադը չի սպանում նամարդին:

«Բա մեր քույրն ես, քեզ ո՞նց թողնենք առանց...», — կըմկըմացել են:

«Ձեր բանը ձեր աչքում կենա», — ասել է քենին, մնացել է վեց ամիս, ոչ մեկի երեսին չի նայել և նրանց աչքը հանելու համար օղակայան է գնացել մի շեկ ջահելի մոտոցիկլով:

— Հո գալու է ո՞տս ընկնի էդ շունը... Բայց վերջ: էլ գնացող չկա: Բուֆետ կընդունեմ, կաշխատեմ:

Բենոն հիացած էր երեկվա երեխայի աչքաբացությունով: Ճիշտ է, քենու վերադառնալով մի մեծ գլխացավանք էր սկսվում Բենոյի համար՝ որպես տեսուչի ու որպես փեսայի: Որպես տեսուչ՝ թքած ուներ, ձորը այդ տեսակի պակաս շուներ, բայց որպես փեսա... Որպես փեսա էլ անզոր էր դեմն առնել: Ուրեմն՝ էլի թքած: Ասելու են՝ Բենոյի քենին, Բենոյի քենու, Բենոյի քենուն — ոչինչ: Քենին այնքան թափ ունի, որ շուտով իր անունով հայտնի կդառնա և Բենոյի անունը կընկնի վրայից: Մանավանդ, եթե բուֆետապան դարձավ:

Բայց... այնուամենայնիվ... Ախր... Հարցն այն է, որ քույրերը նման են իրար, կշիտթի վարորդների անառակ դասը: Սրան կտեսնի՝ նրան կհիշի, սրան արածը կվերագրի... Չէ, նախանձելի չէր Բենոյի վիճակը: Բայց այս հեղեղից, դիակից հետո, ցուրտը միջից դուրս քշելու քրտնաթոր գործի վրա,

սալորի օդու կապտաւուն շշի միջից ամեն բան երևում էր ուրիշ կերպ: Նա համոզւած էր, որ իրեն ետ են բերել այն աշխարհից, իսկ այն աշխարհից ետ եկածի համար ծիծաղելի են այս աշխարհի կարգն ու կապերը:

Քենին իր անկեղծ պատմութիւնը պատմել, իր բերած ջեմպրը հագցրել էր փեսային և աշխարհ տեսած, փափուկ ժպտում էր հիւմանդին: Նա շքնաղ էր այդքան երիտասարդ հասակում տւամարդու ցաւը հոգալու իր կարողութեամբ: Եվ այն, որ ամեն անգամ թեյի բաժակը դնելուց առաջ սրբիչը քսում էր դնելիք տեղին, և որ՝ գնալ-գալիս, երբ կոնքը սեղանի անկյունին էր առնում, «օֆ» քաշելու տեղ «օ՛յ» էր ծորում, և այն, որ օծանելիքը անծանոթ ծաղկի բույր էր տալիս,— այդ ամենից բարեկեցիկ աշխարհի հեշտագին շորշոփն էր գալիս:

Քենոն մրսած էր և նրա գերակշիռ զգացումը երախտագիտութեանն էր: «Հերը որ մեռավ, կտանեմ մոտս կպահեմ»,— մտածեց Քենոն՝ որպէս երեկվա երեխայի մասին կմտածեր: Բայց քենին այն չէր, երեկվա այժմտիկ աղջնակը երկու տարում կին էր դառել: Թոյորովին էլ բանն այն չէր, որ նա լցվել էր այն ամենով, ինչը պետք է կնոջը՝ տղամարդկանց բերանբաց թողնելու համար: Նա ամբողջովին կերպարանափոխվել էր: Կամ ուրիշ մարդ էր դառել: Կամ կարծես սեռը փոխել էր: Կամ սեռի տեր էր դարձել: Մի ինչ-որ միջանկյալ սեռից անցել էր արբշիռ էգութեան և այդ փոխակերպումից էր Քենոն ցնցված: Եվ քենու նոր կերպարանքը չէր կապվում այդ թշվառ տան հետ, հետևաբար, ազգակցական կապ չէր հուշում:

Քենոն օդուց, թեյից, վառարանի թեժութիւնից, աթոռների թիկնակներին զցած շորերի շորանալու հեռանկարից, մեծ աշխարհի հետ կապ ունեցող այդ կնոջ մատչելիութեանից, դրսի անձրևի տակ շիինելու գիտակցութեանից՝ վերջին հաշիւով, մեղկացել էր: Տղամարդու նրա բիրտ կշանքում չէր եղել այսպիսի երանելի վիճակ: Մարմինը իսպառ ընդարմացած էր: Զիդ ու հող անկարացնող ջերմը տեղ չէր թողնում սեռովելու մի բանի վրա և վայելքը զուտ սրտինն ու աչքերինն էր:

Ականջները մեղեղու հանգի ձայն էին տալիս, առարկա ու շարժում լողում էին ձայների ծփանքի վրա, Քենոն ուզում էր

անուն տա այդ բանին, ուզում էր մի բռնող խոսքով տեղը դնի զմայելի այդ վիճակը, բայց ստացվում էր անդեմ-նվադուն՝ «ցա՛վը տանեմ»:

Նրա հայացքը քենին իր վրա էր առնում տաք շալը սըր-սըրփուն հաճույքով ուսերին գցելու նման: Տղամարդկանց երախտամոռության թթուն կերած կնոջ համար Բենոյի՝ թըրջված շան հայացքը սրտին յուղ էր կապել:

Քանի դեռ սլաքավարը հերթապահույթունից չէր եկել, Բենոն կամքի գերագույն լարումով աչքերը բաց էր պահում այդ հեքիաթի վրա: Աներոջ գալուն պես քնեց և նրա բերանի անկյունին կնքված ժպիտը շատ էր նման կուշտ ծիծ կերած երեխայի բերանից ծորած կաթի ծրի:

Արթնացավ Մոսկվա—Երեան ճեպընթացի ցլականչից: Ճեպընթացը տալու-անցնելու էր առանց թափը կոտրելու, երևալու էր բոպեից էլ պակաս, բայց այդքանն էլ հերիք էր, որ կայարանը կաթվածահար անի վերահաս ու կողքից անցած աղետի սարսափից: Հետո վերջին վագոնի մարող թմբկահարության տակից իր ձայնը վերագտավ վարար գետը: Գետի շառաչը առաջ բերեց կիսամերկ նստած օդի խմող բուլղո-ղերավարի պատկերը: Կողքը նստեց պահեստապետը՝ տաք շարֆը վզին, օձիքը՝ բաց, նվ Բենոյի առաջին միտքը եղավ՝ առիթ սարքի, մի՛-հա՛տ հասցնի պահեստապետի անվրդով ուսիս: Այդ տասը-քսան հազարի վնասի դիմաց թող ոսկե ատամներից երկուսն էլ տա:

6.

— Զրից մարդ են հանել,— ներս գալով, աչքալուսանքի նման ասաց քենին: Նա էլի այն նույն երեխան էր լուրը հաղորդելիս, և Բենոն ժպտաց շփտես կյանք տեսած այդ կնոջ երեխայություն, թե ոսկե ատամները կուլ տված պահեստապետի՝ ատամներին սպասելու համբերության վրա:

Բենոն կարծեց տրակտորիստի ջուրն քնկնելու լուրը քենին նոր է առել: Նայեց ժամացույցին՝ տասներկուսն անց էր, և հիշեց, որ երեկ պատմել է մանրամասն: Մանրամասն, որովհետև խոսել էր ուզում, իսկ քենու հետ մարդ ինչի՞ց պիտի

խոսի, բացի հրեխաներից ու աղետից: «Դիակ են հանել»,—
 գլխի ընկավ Բենոն ու զգաց, որ երեկվա օրը իրենից փախ-
 շում է: «Զարմանալի կլինեն, որ դարձնեի ու՛ ճիշտ լինեն»,—
 իր բախտը հիշեց Բենոն: «Թե ինչի՞ են հանել»,— նեղացավ
 Բենոն, ուզեց երեկվա մանրամասները մտաբերելով՝ մեջը
 պահի գլխալորը, բայց սրտին ցավ տվեց: Երեկն ու այսօրը
 պառակտվում էին և ճողվածքը անցնում էր սրտի միջով:
 «Ենքն իրեն ներքեններում մի տեղ դուրս կգար, էլի»,— մտա-
 ծեց: Թեյը երեկվանի թերմացքը թվաց: Երկու կում արեց ու
 վաղ ժամանակների պես, երբ քենին դեռ երեխա էր, մեծա-
 վարի ասաց՝

— Ապրես:

Քենին թթու ժպտաց: Բենոն շտեսավ այդ ժպիտը կամ տե-
 սավ ու երեխայի խոռվածությունն նշան համարեց, բայց երբ
 ջրահեղձի դին գարածում փակեց ու վերադարձավ աներոջ
 տուն, թողածը չգտավ, ելած խմորի պես զնդվելու հակված
 կնոջ փոխարեն նա տեսավ մի սառը, գոռոզ, անսեռ գոյու-
 թյուն:

Ծանոթ դիմակ էր. այդպես կքայլի մայրապետի վսեմ
 քայլվածքով, երկրի առաջին բրմուհու նման, չի նայի ոչ ոտ-
 քերի տակ, ոչ դիմացինին, կքշի վրադ՝ երեխա լինես, կին,
 թե տղամարդ... Կարծես անդունդի նայելիս լինի՝ նայվածքը
 պարապ ու պաղ է, շրջապատում բան չի գտնում, որին հինգ
 զգայարաններից գոնե մեկը արձագանքի, այդպես՝ անհա-
 ղորդ, անմատչելի կանցնի, կգնա՝ գոյությունը չնկատելով,
 բայց քիչ առաջ է մի զառամյալի անկողնուց ելել, առնելիքն
 առել, գնում է այնտեղ, որտեղ երկու դավաճանություն իրա-
 գործվում է մի անկողնում, գուցե այնտեղ, ուր մեկի առաջ
 ծնկի է գալու, այնտեղ գուցե, որտեղ սերը ընդունված չի
 առանց ձեռի, և դեռ վստահ է, որ ինքը շատ է ընտանեկան
 կյանքի համար և լիուլի հերիք կանի նրան, ով ճաշի կարիք
 ունի, նրան, ով սիրո հարզը գիտի, նաև նրան, ով ապրան-
 քին դին է տալիս,— բայց այնտեղ, որտեղ իրեն չգիտեն, մար-
 դիկ իր երկրացին չեն, այդտեղ իրեն կարող է այնպես երևցը-
 նել, իբր ոչ միայն արգելված պտղի համը չի տեսել, անգամ
 ձևքում բռնած չկա, կարող է նույնիսկ ֆանտաստիկ ֆիլմի

այլերկրացի կանանց տեղ անցնել, ովքեր սերը վայելում են ոտքի եղունգը տղամարդու ոտքի եղունգին քսելով գո... և...

Բենոն մտածեց՝ զնա ավագակ պահեստապետից քոան հազարից երկուար առնի, երեք օրով թռչի մի տեղ, հյուրանոցում լյուքս համար վարձի, հազարուկեսը ննջարանի դարձաբեզանի գլորոցը զնի, կիսաբաց թողնի, լույսը շմարի՝ տեսնի ո՞նց են շորերը հանում — դիմակը թողնում, կթե հանում են, դուրս գնալիս ո՞նց են զնում. տեսնի դարակը փակել կտա՞ն, թե՞ կմնան մինչև պարպի:

Մփսոս չի՞ կայարանի բուֆետի նանոն... «Ձեզ համար եմ, շան համար չեմ, բայց էսօր՝ չէ... Ի՛հ, թաղեմ ձեզ, շունենամ ձեզ, էն աշխարհում եմ կուշտ քնելու»... Մյսպես կլինեն թե չէ մարդ գլուխ չի հանում ով ինչ գործի է, ով ինչ ձեռով է իր փողն աշխատում, ով է ում ձեռքին նայում, որի փեշը որի տակն է... և այս պղտոր-գոլ ջրերում գոռ ու պտոնիկ ջրահարսի ձեեր առել՝ լող են տալիս:

7.

Տղամարդիկ շենում ծխում ու սպասում էին: Նրանք այնպես էին կանգնել, որ Բենոյի տան դուռն ու լուսամուտները աշտոաջ պահեն: Մթնում էր: Քանի մութը թանձրանում էր, նրանք մոտենում էին: Մյսպես շուրջանակի կանգնած, խեցղեղենի պես միաժամանակ թիկունքով-դեմքով-կողքանց, բազմաոտ ու բազմակողմ մոտենում էին: Սպասում էին Բենոյին: Սպասում էին սիրեկանի ծլկելու պահին:

Հարևանուհին վատ բանի հոտ էր առել և նրա անհանդիստ հաչացքի տակ ամուսինը իրիկնահացը շվերջացրած՝ ելավ: Կինը ամուսնու ետևից պատշգամբ ելավ, նայեց մթան մեջ կծիկ տված տղամարդկանց, տեսավ՝ ամուսինը միացավ նրանց, ինքը մտավ տուն: Հետո նավթամանը առած դուրս եկավ, ականջ դրեց ձայներին, նայեց մթուձայնը և նավթ շփեց փայտաշեն խոհանոցի դռան վրա: Նավթամանի բուկը նեղ էր, լավ չէր շփում, նաև թվաց՝ բարձր է բլթբլթում: Նա մտավ տուն, դուրս եկավ հազարից մեկ հյուր եկող թոռան գիշերանոթը ձեռին, նավթ լցրեց ու լիաձեռ շփեց տախտակ

պատերիւն: Երկու աման էլ շփեց, ապա նավթամանը ներս տարավ, դուրս եկավ դուլլով ու բաժակով և ջուր շփեց սենյակի դռանը: Հետո դրանք էլ ներս տարավ, դուրս եկավ, կանգնեց, նայեց մթությանը, ականջ դրեց ձայներին... Արագ ներս մտավ, ավելը բերեց, վրան շփեց գիշերանոթի մեջ թողած նավթը, ավելը խցկեց խոհանոցի դռան տակ ու լուցկին կպցրեց:

Անձրեն ու հրդեհը այնքան չէին բռնում իրար, որ տղամարդիկ, բոցը տեսնելով, քարացան: Հաջորդ պահին թռան շինվածքը ավերելու Երկու շարաթ հոգեմաշ անձրեի տակ անցկացրած կյանքում դա մեծ իրադարձություն էր, և երեսխաները դուրս թռան նայելու Կանայք ձայները գլուխները պցած զնգացրին դուլլերը: Անգործությունից արդեն բթացող տղամարդիկ թափով գործի կպան, և կրակը շուտով շիջեց: Երբ այլևս ծուխը ավելի շատ էր, քան բոցը, տղամարդիկ իրար անցած կանանց մեջ տեսան դուլլերը ձեռքին կանգնած Օֆիկին: Առաջին տեսնողի ձեռքերը թուլացան: Մյուսները հմայվածի նման նայեցին նրա հայացքի ուղղությամբ և հասկացան, որ իրենց ապուշի տեղ են դրել: Որսը ձեռից փախել էր նրանք այդպես ցանուցիր կանգնած էին և երես շունեին իրար դալու, իրենց հիմար վիճակը խտացնելու ցանկություն շունեին: Եվ այդպես էլ ճաշարան չվերադարձան:

Իսկ կանանց մի մասը հավաքվեց տուժողի տանը: Սկզբում կարծես գերեզմանատնից մեռելատուն դարձած լինեին՝ մի քանի բոպե զսպեցին լեզուները: Բայց երբ տանտիրուհին թևնիկը դրեց վառարանին, կանայք աշխույժի եկան և իրար հերթ շտալով՝ սկսեցին պատմել կատարվածը, և դուրս եկավ մի ահռելի հրդեհ ու կես օրվա հանգցնելու գործ:

Օֆոն բաժակներն ու ափսեներն էր սեղանին դնում: Երևում էր, նա այդ տանը մեկ-երկու անգամից ավելի չի եղել, բայց իրեն պահում էր պժբախտության մեջ ընկածի հոգատար, բանիմաց, եռանդուն հարևանուհու նման:

— Բենոյին կասե՛մ մի ավտո տախտակ կրերի, — շաքարի տեղը ցույց տալու ելած հարևանուհու ականջին ասաց Օֆիկը:

— Բա որ թաց լինե՛ր՝ չվառվեր, աղջի...

— Եսի՞մ, — ասաց Օֆիկը:

Հետո Օֆիկն էլ սեղան նստեց:

«Քա որ Բենոն իմանար»,— հարցրեց հարևանուհու հայացքը:

«Նսի՞մ»,— ուսերը վեր քաշեց Օֆիկը:

«Քա որ սպաներ»,— մտահոգվեց հարևանուհին:

«Բենո՞ւ»,— քնքշանքով հիշեց Օֆոն:

«Իմը ինձ կսպաներ»,— հարևանուհու աչքերը երազուն սառանու— Գաղան է՝ կսպաներ,— փայլեցին աչքերը,— թող սպաներ»,— երանելիորեն կիսախուսի եղան աչքերը:

Օֆոն քնքշորեն նրա ուսը բռնեց: Հետո նրա բաժակի մեջ շաքար գցեց, իր գդալով խառնեց:

ՄԻ ՃԱՄԴՐՈՒԿ ՓՈՂ

Երբ Սուրոյի երազելու հերթն էր գալիս, կարճ էր կապում:

— Մի ճամփով մթնով գնալիս լինեմ, ոտս մի բանի առնի՝ տեսնեմ մի շամաղան, մեջը լիքը փո՛ղ...

— Թո՛ւ,— հիասթափված վրա էր նստում մեր միջի բանաստեղծը:

Մենք պառկած էինք լինում խաղողի այգիների մոտիկ մի տեղ, խոտի վրա կամ սալ քարին, նայում էինք աստղերին, երազում ու սպասում պահակի քնելուն: Խաղողը մեղ համար՝ եղած-չեղած, բայց մեր ծնողների քնելու ժամին մեր վրա նոր եռանդ էր գալիս: Աշնանամուտի երկար օրը՝ բերքահավաքով, լողով, խաղով — չէր ջարդում մեր կորովը, նաև՝ մերթող լինելու մեր ժամանակն էր: Մեզ տուն կանչում էին մերենայորեն, քնելուց առաջ հորանջելու նման: Եթե մոտերքում էինք լինում, ասում էինք՝ գալիս ենք, որ հնչում էր որպես բարի գիշեր:

Ձնհալից մինչև ձյուն դալը տունը մեղ համար պայմանական օթևան էր, մեր տունը այն էր, ինչ ընկած էր երկնքի տակ, բողբոջյան կանգնած լեռների գոգի մեջ. քարափն էր,

այգին էր, բանջարանոցն էր... Մենք այդտեղ էինք մեծացել
օձի ու հավքի, ձկան ու անասունի հետ և մեր ծնողները
վտանգ չէին տեսնում մեր կյանքի համար:

Վտանգը այն էր, որ այդպես պառկած, երկներին նայող
երազող կմնանք... Չէ, կյանքը չէր թողնի: Կյանքի քերանքից
մի կերպ զնդած Սուրոն չէր թողնում:

Նա ամեն անգամ այսպես ջուր էր մաղում մեր անշահ,
սանձարձակ երևակայության վրա: Եվ ամեն անգամ Սուրոյին
թքել-մրելուց հետո այդ մի ճամպրուկ փողը, այնուամենայ-
նիվ, քաշում էինք մեր երազների ոլորտը՝ ծառայեցնելու մեր
նպատակներին: Բայց ոտքի տակ ընկած այդ իրը կոացնում
էր մեզ, նսեմացնում էր մեր երազանքը, խճճում էր առօրյա
պետքերի, խանութում տեսած հնոտիների ոստայնով,— այն-
ինչ մեր հագինք, երկներին նայելիս, արքայազնի հանդերձ էր,
որ խանութում չի լինում, մեր տակինը հրեղեն ձի էր, որ
փողով չեն առնում, այլ մի առավոտ ջրերից ելնում, դոփում
է մեր շեմին ու մեզ դուրս կանչում... Մեր երազած աղջիկն
էլ ձիու հետքերով էր գալու, սնվելու էր առավոտվա ցողով,
հագնելու էր ծովի փրփուր, ծախս չէր պահանջելու:

Մենք անփող ապրելակերպին հավատում էինք—մինչև դա-
րավերը մնում էր մի ինչ-որ երեսուն տարի: Եթե ապրել լի-
նում էր գրեթե առանց փողի, ինչո՞ւ պիտի շապրվեր բուրո-
վին անփող: Նրա՞նք պիտի չհավատային, ովքեր փող ունեին
ու զորությունը գիտեին, իսկ Սուրոյի նմանը պիտի հավա-
տար, երազեր ու տենչար անփող հասարակարգ: Բայց չէր
հավատում: Երևում էր, նրանք այնքա՞ն չէին ունեցել, շունե-
նալը այնպե՞ս էր հիվանդացրել նրանց, որ փողի վերանալը
նրանց համար կյանքից վերանալ կնշանակեր: Այդքան շու-
նենալուց հետո մի օր ունենալու հրաշքին հավատալուց նրանք
իրենց զրկել չէին կարող:

Երբ շատ էինք պարսավում Սուրոյի գեանաբարշտությունը,
երբ մեր իմացած արդար-հավասար կյանքի պատկերն էինք
գծում նրա աչքի առաջ, մարդը տեղի էր տալիս.

— Մի անգամ գտնեմ ու վերջ,— ասում էր:

Սուրոն ութից դարոցը թողեց, վարորդության գնաց: Բա-
նակից եկավ՝ «Փառ-51» էր քշում: Մեզնից մի քանիսը քա-
ղաքներում սովորում, նկուղներում գարեջուր էին խմում,—

նա արդեն տուն էր պահում: Հայրը մեռել էր, քույրը ամուսնացել էր անօժիտ, հինգ երեխա էլ դեռ նրա ձեռքին էին նայում... Երևում էր, մի տղամարդու կյանքը քիչ էր այդ ընտանիքի հոգսին:

Բեռնատարը փող բերում էր, բայց Սուրոն փողի հետ վարվել չգիտեր: Պիտի աչքը տեսած լիներ, որ հետը վարվեր որպես ինքնին լինելիք բանի, պիտի դրպանում ունեցած լիներ՝ թաշկինակի նման կամ ծոցատետրի, որի գոյութունը զգար անհրաժեշտության դեպքում միայն: Չէ, նա շատ դառնութուն էր քաշել դրա երեջից, որպեսզի հիմա սխալ չհաներ: Եվ ծախսում էր կատաղի: Գրաստի նման աշխատում էր՝ ծախսում էր պորտաբույծի պես: Տնեցիներին հազցնում, կերցնում, մնացածը տալիս էր քամուն:

Ամռանը արձակուրդ գնացած ընկերների համար մեկ-երկու անգամ խնջույք էր սարքում գետափին: Մեկի համար ավազ կրած էր լինում, կամ անտառից փայտ բերած էր լինում, կամ քոչը սար տարած էր լինում՝ մի գառ, մի ուլ թափքը գցած բերում էր: Ամեն անգամ օրը մթնելու վրա էր լինում: Տասնհինգ ընկերում միս էր անում ու նստում էինք ջրի մոտ: Սուրոն միշտ ջարդված, փշոտ, մրոտ էր լինում: Երբ էլ խնջույքը վերջանար, նա ձեզը-ձեզին գործի էր: Իսկ մրդահասի օրերին նրան տեսնել չէր լինում, մեր այգիների ու Թբիլիսիի օդանավակայանի արանքում էր:

Այդտեղից էլ մի անգամ գառան հետ, երկու աղջիկ բերեց:

— Ջրից չեն դուրս եկել,— ասաց,— բայց պարզ սրտով աղջկերք են, տղերք:

Հետո, երբ վաղվել ու մի բաժակ թնդով հոգնությունը ջարդել էր, ասաց՝

— էս գառն էլ ձեր թուլտվությամբ պիտի աղջիկների ոտի տակ մորթենք:

Եվ ասածը արեց: Եվ երբ արդեն կենաց ասելու էն թունդ ժամանակն էր, աղջիկների ոտքի տակ գառ մորթելը մեկնեց.

— Տունուտեղից կտրված երեխեք են, գելուգազանի բաժին գառ են, սիրո սոված, սեր մուրացող որբ են, ով գիտի մի պատառ տալիս ու ծեծում են... էսօր ջահել են, վաղը կդառնան ճամփի կողքին ընկած փալաս. սերը կբշանա, ծեծը կշա-

տանա, ցավը կավելանա, հաճույքը կպակասի, սրտները կմեռնի ճամփերին թափառելուց... Մեզ նման կյանքները ճամփերին մթնեցնող խեղճ են, մեզ նման՝ բենդինի ու յուզի մեջ կորած, մեզ նման անբուն, մեզ նման ձեռնաբաց, մեր ախպերն են, ախպորից էլ լավն են... Ես ձեռ ցավը տանեմ,— դարձավ նրանց,— դուք շոֆերների ճամփի աստվածն եք, հիվանդությունից, փորձանքից մեզ հետո պահեք...

Աղջիկներից թմբիկը ծիծաղում, նիհարը հեկեկում էր։

Եղբայրները մեծանում էին՝ կյանքը թանկանում, և Սուրոն իր 51-ը փոխեց «Ձիլ» ինքնաթիռով։ Ժամանակ անց իմացանք՝ ամուսնացել է։ Մեր ընկերությունը աննկատելի ցնդում էր ժամանակի մեջ։ Մենք արդեն կտրվում էինք մեր ծննդավայրից, արդեն կապվում էինք մեր երկխաների ծնընդավայրին։

Այդ ժամանակ էր, որ նա քաղաք մեզ հյուր եկավ մի նոր, ահռելի բեռնատարով։

— Ոնց էլ բշտամ ես էդ հրեշին,— զարմացանք։

— Դեռ հարց է՝ ով ում է բշտամ,— ասաց։

Մենք նստած էինք գետափի մի խորտկարանում, ուռենու տակ։ Մենք՝ երկու քաղաքաբնակ ընկեր, մեզ պարտ էինք համարել Սուրոյի պատվին գետ գտնել ցամաք Արարատյան դաշտում և մի բանով հատուցել ուսանողական մեր այն լավ օրերի դիմաց։

Նա առավոտ վաղ գնաց։ Այդ տարի էլ մեռավ։ Ծանապարհին մի տեղ վատ էր ղգացել, կանգնեցրել էր այդ հրեշ մեքենան ու ղեկի վրա էլ հանգել էր քառասուներկու տարեկան մեր հոգնած ախպերը։

ԱՄԵՆ ՏԱՐՎԱ ԳՈՃԻՆ

Գրեկտեմբերի վերջին տասնօրյակին Սաթենիկ տատը աչքաթող է անում հավերին, շանը, ոչխարներին, անգամ կովին և զբաղվում է Մաշո խոզով։ Սաթենիկ տատը նույն անունն է տալիս ամեն տարվա գոճունու Ամեն տարի նրա Գավիթ որդին անտառապահ Սիմոնի մերունի տակից կտրում բերում է

մեկ ամսեկան գոճուն, և Սաթենիկ տասը անցած տարվա նման, նախանցած տարվա նման անունը դնում է Մաշու թվում է, արդեն քսան տարի Սիմոնը նույն մերուեն է պահում, Դավիթը քսան տարի նույն գոճին է բերում:

Երբեք չի պատահել, որ Դավիթը աշխատանքից գալիս ձեռքի հետ բերի գոճին, ինչպես գյուղի ճաշարանից միս է բերում: Զի եղև, որ մանի տուն ու ասի. «Դոճին բերել եմ, գնացե՛ք տեսե՛ք»: Այդ բանին պատրաստվում են նախօրոք: Ապրիլի սկզբներից տնեցիները՝ մեծ ու փոքր, արդեն զիտեն, որ իրենց Մաշոն, այսինքն, ոչ թե Մաշոն, այլ Սիմոնի մերունի ութ, ինը կամ տասը խոճկորներից մեկը, դեռևս անանուն ու մյուսներից չընկվող, մոր կուրծքը դնչահարելով մեծանում է: Մաշոն մեծանում է իր նմանների մեջ, վաղօրոք կնքած անունով, անունն ու ինքը սպրում են առանձին, քանի դեռ անտառապահ Սիմոնը չի բռնել նրա հետին ոտքերից՝ Դավիթի պահած պարկը գցելու համար: Ութ, ինը կամ տասը խոճկորներից մեկը սպրդում է անտառապահ Սիմոնի ձեռքից, և Մաշո անունը ընկնում է այդ մեկի վրայից: Ուրեմն, կարելի է ասել, որ ութ, ինը կամ տասը Մաշո մոր կրծքերը դնչահարելով մեծանում են, և հենց որ անտառապահ Սիմոնը բռնեց մեկի հետին ոտքերից, մնացած բոլորի վրայից անունը ընկնում և կաշում է այդ մեկին:

Մաշո գոճին, մորական կաթի համն ու հոտը ունեցերին, դեղերում է անձանոթ բախում, շուշալվում է երեխաների ոտքերին, դունչը քսմտում է ամեն փափուկ բանի, մինչև որ սովորում է գարու ալյուրի շիլային, ապա և գարուն, ոտքերը քիչ-քիչ պնդանում են, խելքը զուլխն է գալիս և սկսում է դնչով հոգը փորել:

Բախում վխտացող կենդանական աշխարհից միայն Մաշոն է, որ չի վախենում շրթայակալ շնից: Բայց նրա խիզախությունը գնահատող չկա, նրա խիզախությունը իզուր է անցնում, որովհետև Սևուկ շունը բացահայտ արհամարհում է նրան, չի հաշում վրան կերամամին մոտենալիս, սնդում չի գոմոտում ոսկոր կրծելիս, այլ միայն, խրատելու պես, թաթով հասցնում է համառ ու երկար դնչին՝ հասկացնելու համար,

որ ոսկորը նրա ցեղի կերակուրը չի, թող գնա իր ուտելիքը ճարի:

Առհասարակ, բակում ամեն կենդանի արարած կամ զվարճանում է Մաշոյի հիմարությունների վրա, կամ արհամարհում: Միայն Սաթենիկ տատն է, որ սիրում է նրան: Եվ Մաշոն հասկանում է դա: Ամեն տարի, ամեն նոր Մաշո հասկանում է:

Մաշոն հասկանում ու արդեն պոկ չի գալիս Սաթենիկ տատից: Սաթենիկ տատը լեզու է սովորեցնում նրան: Ասում է. «Մաշո, ժամանակ չունեմ, գնա քո բանին», և Մաշոն գնում է իր բանին: «Մաշո, գնանք մի քիչ էլ կանաչ արածի», և Մաշոն պոչը ոլորելով ընկնում է առաջ: Պառկիր՝ պառկում է, վեր կաց՝ վեր է կենում...

Սաթենիկ տատի փեշերից կաթի բույր է գալիս, եզրպտացորենի, գարու գծվելու բույր է գալիս: Բույրերը առած ունգերին՝ Մաշոն քայլում է տատի կողքով, գնում է կանաչ արոտի: «Մաշո ջան, արի կուսերի դռնով գնանք»,— ասում է Սաթենիկ տատը ու թեքվում գնում են կուսերի դռնով անցնելու:

Կուսերը անատամ նայում է Մաշոյին և ասում է.

— Երկու ամիս էլ որ պահեք, երկու փութ մաքուր միս կունենա:

— Կունենա:— Ամեն անգամ խոսքը անպատասխան չթողնելու համար ասում է Սաթենիկ տատը: Ամեն անգամ ասում է վախով, թե Մաշոն հանկարծ կհասկանա:

«Մաշո ջան,— գոճու հետ խոսում է Սաթենիկ տատը,— չգիտես, որ ծնվածդ օրից մարդիկ քեզ շամփուրի վրա են տեսնում, քո մեծանալը շամփուրներիով են չափում: Թե իմանայիր, կթքեիր նրանց տված կերի վրա, որ վերջում քթիցդ են բերելու Ի՛նչ լավ է չգիտես, Մաշո ջան»:

Նոր տարու նախորդող կիրակի օրը խոզերի կտտորած է սկսվում գյուղում: Ում կերը վերջանում է, չի էլ սպասում կիրակուն: Եվ դեկտեմբերի սառնաշունչ օդը թրատվում է այս ու այնտեղից լավող օրհասական ճղղոցներից:

Այդ օրերին, առավոտ շուտ, քանի դեռ չեն արթնացել գանակավոր մարդիկ, քանի դեռ Մաշոյի հերթը չի հասել, Սաթենիկ տատը գոճուն առնում դուրս է գալիս գյուղից: Սաթենիկ տատը չի ուզում, որ Մաշոն այդ աղմուկի ամբողջ սարսափը հասկանա: Սաթենիկ տատը գյուղից դուրս շրջում է Մաշոյի հետ, և խոսում է հետը. «Մաշո ջան, համբերի, համբերի, գոճի ջան: Եկող տարի քեզ լավ կպահեմ, օրումեջ կլողացնեմ-կքերեմ, ալյուրը կմաղեմ ճաշդ եփելուց առաջ, ամեն օր արոտի կքերեմ, ամենալավ պատառը քեզ կտամ... Համբերի, գոճի ջան: Համբերի մինչև եկող տարի»:

ԼՈՒՍՆԱԼՈՒՅՍ

Գետը ոչ սկիզբ ուներ, ոչ վերջ: Ակունքը սկիզբ չէր, գետաբերանն էլ վերջը չէր: Եթե սկիզբ կար՝ սկիզբը լեռան խորքում էր: Ո՞ր մի լեռան — տղան չգիտեր... Արդյո՞ք լեռներից յուրաքանչյուրի... Բայց դա արդեն սկիզբ չի լինի... Սկիզբը ձյունն է — գտավ տղան... Ձյունը, սակայն համատարած է — կորցրեց տղան... Գետի սկիզբը ամենուրեք է կամ հենց իր մեջ է, որոշեց նա: Ուրեմն գետը չի վերջանում: Գիշերով գետը նույնիսկ չի հոսում: Նա մի վիթխարի արարած է՝ զլուխը ծովում, պոչը ձյունեքում, կամ՝ հենց իր իսկ պոչը երախում, որը քնի մեջ շնչում է հանդարտ և կամ մտատանջ, հունը նրան հարմար չի գալիս՝ շուտ է գալիս մի կողքի վրա, հետո՝ մյուս կողքի, մերթ քրթմնջում է, մերթ էլ հառաչում... ու երևի թե խոր քուն է մտնում լուսադեմին:

Տղան թիկունքից ապահով էր: Այնտեղ ավանն էր, որ խաղով ընկած երեխայի չկամոթյամբ քուն էր մտնում: Այնտեղ իր տունն էր, իր անկողինը, մոր հայացքը՝ անկողնու նման տաք ու փափուկ, հոր ձեռքերը՝ ծնկների վրա հանգիստ

տոնող, մեծ ախպերը՝ լայն ուսերով տունը լցնող, պուճուր ախպերը՝ զանգակի լեզվակ, և քույրիկները՝ կատուների պես մի-մի անկյունում, իսկ դեմը՝ գետը, շուրջը՝ գիշերը, նաև՝ աշխարհը:

Լիալուսնի՞ց էր, թե՞ ջրերի խորությունից, գուցե ձկների համրությունից էր, ինչից էլ լինե՞ր՝ օդը, ջուրը, տարածությունը և ժամանակը, և գիտակցության մատուցյններում հաճող ու անուն շունեցող, ձև չգտնող ուրիշ բաներ շարվում էին մի թելի վրա, հազնում իրար սաթի շպպոցով, և ամեն ինչում մի թանկ իմաստ կար, որ ահա-ահա շոշափվելու էր, բայց խույս էր տալիս, խոհեմորեն խուսափում էր կոպիտ շփումից և ինքը ճիշտ էր:

Տղան որոշեց ջուրը մտնի: Փողքերը քշտեց, կոշիկները հանեց դրեց ավազի վրա, և կոշիկներն էլ լուսնալուստ թաց ավազին հարմար եկան որպես գետաքար, որպես հոսանքի քշած բերած ոստ: Նա մտավ ջուրը՝ ջուրը սառն էր: Ինքն իրեն առաջ տարավ, մտավ ծնկահար, փողքերը քաշեց ծընկներից էլ վեր... բայց գետը մութ էր: Ոչ սկիզբ ուներ, ոչ էլ վերջ ուներ: Գետը լուր ուներ օվկիանոսների խորություններից, և տղայի սիրտը ահ ընկավ:

Վախը, քաղցը, ցուրտը, ցավը շեղում են մարդուն: Տղան դուրս եկավ՝ ավազը պաղ էր, մի քայլ ետ գնաց՝ զեռ խոնավ էր, երկու քայլ արավ՝ ավազը շոգաց... այգպես լավ էր: Ուրիշ ժամանակ դա սոսկ ավազ էր. տաք էր կամ հով էր, մանր էր կամ խոշոր, հաճելի էր կամ հաճելի չէր, այնինչ հիմա բոբիկ ոտքերը ամփոփում էր իրեն շմատնող, չպարտազրոդ մի քնքշությամբ, և ջրի բերած, ջրի տանելիք այն ավազը չէր, և ջուրն էլ ջուր չէր, որ հոսում է հոգնեցնելու շափ նույն ուղղությամբ, որ զբաղվում է տիղմ ու ավազ բերել-տանելով, գետաքարերը ողողելով կամ արևի քուրային տալով... Եվ քարն էլ քար չէր՝ այսօր ջրերի թուրումուն ուտող, վաղը՝ հոսանքի բերանը ընկած: Եվ խավարը ահի երախ չէր: Եվ երկինքը այնքան հեռու չէր:

Ժամանակ անց նա անդրադարձավ, որ այդ միջոցին ինքը ապրում է, հավանաբար, քրոջ նոր քայլող տղայի նման: Տարուկեսկան այդ երեխան ի՞նչ է զգում, ի՞նչ է մտածում: Առհասարակ, նա մտածո՞ւմ է: Ըստ երևույթին այդ տարի-

քում (պինգվինի նման տուտիկ անելիս, կամ մոր դրկի մեջ՝ դրոսնելիս, կամ պատուհանից դուրս նայելիս) չոված աչքերով նա ըմբռնում-սովորում է կաթի հաստատուն ճերմակությունը, ծնողների դիմագծերի արտահայտության միությունը, դուան վիճակի երկվությունը, շանապարհների ձգվածությունը, բուսականության վերձիգությունը, սագի փետուրի ջրհոսությունը, կրակի նենգ հմայությունը, համի ու հոտի մի ձևի մեջ ամբողջանալու համառությունը... Հետո արդեն նա չէր մտածում: Եթե ավազը մտածում էր, եթե ջուրը, եթե քարը, օդը, կամ մութը մտածում էին, նա էլ՝ այդպես: Քարը փափուկ էր, ավազը՝ հոսուն, ջրի զանգվածը մերթ կաթիլների բաղմություն էր, մերթ օդի նման անշոշափելի, մերթ էլ հոսում էր քարի կարծրությամբ, և տղան շկար: Նրա միտքը առաջ էր գնում պատկերներով, նա մնում էր օդի, ջրի, ավազի, քարի, լուսնալույսի և ժամանակի միաձույլ հոսքի կամ ընդարմության խուլ ընդերքում... Երբ հենց պատկերի նման անաղմուկ նրան հասավ եղբոր ձայնը: Կանչը կրկնվեց: Երրորդ կանչին տղան ուզում էր արձագանքել՝ գոնե շորրորդը կանխելու համար, բայց նա ձայն չունեւ: Կարծես երբեք չէր էլ ունեցել: Կարծես կարիքը չէր էլ եղել: Ու լավը այդ էր: Որովհետև եղբոր ձայնը քանի գնաց, այնքան փափկեց, սաթի շպպոցով հագավ նույն թելին, նույնն է թե՛ մարեց:

Եղել, չէր եղել:

ՇԱՏ ՉԼԱՄՍԻՎԻ

Խողը մորթեցին առանց միջնեկի: Նա շաբաթ իրիկունը չեկավ, գիշերը չեկավ, չեկավ առավոտը — ստիպված խողը մորթեցին: Քանի դեռ ջուրը տաքանում էր, քանի դեռ խողը խանձվում էր կրակին, մայրը հույս ուներ, թե վերջին պահին միջնեկը կհասցնի կգա: Մեծ որդին, որ գյուղում էր ապրում և փոքրը, որ քաղաքից եկավ — մինչև այն պահը, երբ արդեն ուշ կլինեք մտացուն մշակելը, եղբորը սպասեցին:

Ուրեմն, խոզը մորթեցին, կրակին խանձեցին, տաք ու պաղ ջրով շփեցին-քերեցին, կարպետով ծածկեցին հինգ բուսակ (մեկն առաջարկեց՝ տասը բուսակ) և արին մնացած բաները:

Մայրը երկու օր ոտքի վրա էր: Հանգստի հնարավորությունը որ չկար, հոգնելու ժամանակ շուներ: Տավարի միսը կրակին էր, հավերը՝ չաղլիկ, բուլղարական, խաշիվում էին գաղօջախին, հացի վերջին կոշը թոնրի մեջ էր՝ հարսը սպասում էր հանելուն և անձրև եկավ, ձնաշունչ, ձյունի վերաճող անձրև: Ապրիլին այգվիսի անձրևը աղետ էր: Մառերը փարթամ բողբոջով էին, ծառերը՝ մերկ, ծառերը՝ փափկած, գնում էին ամառվան հարս, և նրանց գլխին ձյուն էր մաղվելու: Սարերում, հաստատ, ձյուն էր եկել, գիշերը ձյուն կղներ բողբոջին, ծաղկին... Գյուղում այդ մի ծառն էր ծաղկել՝ ամուսնու տնկած մի հատ նշենին — այգու ծայրին, գյուղի ծայրին, անջատ, մենակ, սիրուն, և նրա վրա ձնաշունչ անձրև էր գալիս:

Մայրը ոտուձեռ ընկած՝ հրահանգներ էր տալիս, հարսի հրահանգները ինքն էր կատարում, աչքը հորիզոնի բաց լեռու վրա սառավ և աղանջը առավոտից ձայնի էր: Մեծ որդին բեռնատարով գարեջրի գնաց՝ երևի հասավ Կիրովական, թոռները Ղազախի շուկայից չվերադարձան, աղջիկները գալու էին մեկ, երկու, երեք, չորս գյուղից, օրը մթնում էր, եղանակը՝ փչանում, իսկ միջնակը չեկավ Երևանից:

Թոռան ընկերները սեղան էին սարքում, թեփ էին շաղ տալիս դրսում ու ներսում, քամին սաստկանում էր, անձրևը փոխվում էր ձյունի և ձիգ պատշգամբը, որ գլխավոր սեղանատունն էր լինելու, բրեղենտով մի կերպ փակեցին:

Դրացի աղջիկները սեղան էին ծածկում, զնգզնգում էր աման ու շաման, նեղվածք էր, ազմկոտ, ուրախ, հյուրերը արդեն հավաքվում էին, կհավաքվեն, այսպես, երկու հարյուր հոգի, իսկ փոքր որդին՝ գրող ու խմող, Սևանից խոստացած ձուկը չբերեց:

Այդ շնորհքը նրան աստված չտվեց: Ով գնաց՝ քաղաքում տունուտեղ դրեց, աշխատանք ու ապրուստ ունեցավ, իսկ նա՝ դեռ վարձով, տարին՝ մի աշխատանք, տասը տարում միայն այն արավ, որ համալսարան ավարտեց, երկու կին, չորս երեխա ունեցավ... Աստված՝ պահի: Աստված թող պահի,

որովհետև իրենից հույս չկա: Անբախտ լակոտ դուրս եկավ: Անբախտ ու սիրուն: Հոր կտորը: Քայլելը՝ հերը, կանգնելը՝ հերը, ծխելը, շխոսելը, խոսելը՝ հերը: Հոր տնկած նշի ծառի նման՝ շատ շուտ կծաղկի ու ամեն ցրտի, ամեն փորձանքի բերանը կընկնի, կմնա մենակ... Պատերազմի հինգ տարիների կարոտի ծնունդ, մոր մի փոքր գույգից առաջինը եղավ, քրոջից երեք ժամ շուտ աշխարհ եկավ, ուշ ոտքի կանգնեց, երեք տարեկանում նոր լեզուն բացվեց և ուտելը՝ պատիժ, սովորելը՝ պատիժ, աշխատելը՝ պատիժ, ձեռքից մի բան է գալիս՝ գրելը... Գրելով երեխա՞ կպահվի:

Վերջապես եկան: Բոլորը եկան: Տասը զավակները, տասնհինգ թոռները՝ քսաներեքից... տասնհինգն՝ այստեղ, երկուսը՝ բանակ, վեցը՝ տնայա՛հ իրենց տներին... էլի ոչինչ:

Հյուրերը լցվեցին պատշգամբը, կահկարասուց աղատված մեծ սենյակը, կանաչք տեղավորվեցին վերջին սենյակում ու դեռ դալիս են: Զինակոչիկի հրաժեշտի խնջույքին հրավեր չկա, տանտիրոջ սրտի շափով են դալիս, իսկ եղանակը (փշանաս, երկինք) էլի մարդու սրտով չգնաց:

Միսակարգ չկար, խնջույքն սկսվեց տարերայնորեն: Տարիքավոր տղամարդիկ, որ զբաղեցրել էին զլիսավոր սեղանի մեկ երրորդը, սեղանը կենաց ճառերի կարգը քաշելու, շափի բերելու փորձեր արեցին, բայց երգ-նվագից, աղմուկ-ծիծաղից մի անհամբեր լսողության պատճառ կորզելու փորձերից հոգնած՝ տեղի տվեցին, և հախուռն, ջահել քեֆը սանձերը թողեց:

Զինակոչիկ թոռան կամքն էր, որ գերդաստանում ընդունված կարգով, առաջին պարը սկսեն տասը զավակներով: Հետո պարի մեջ պիտի մտնեն պարի ընդունակ բոլոր թոռները (ամեն անգամ թոռներից մեկ-երկուսը պարի համար հասունացած՝ անսպասելի խառնվում են պարողներին), վերջում (որպեսզի շատ չհոգնի), պարի մեջ կքաշեն Մորը: Եվ ամեն անգամ նա կպարի շիկնած ու շփոթ՝ կարծես հարսի պար պարելիս լինի:

Պարում էին: Մայրը նայում էր՝ թիկունքը պատին և աչքերի շուրջ, և բերանի անկյուններում խնդության ծալքեր կային: Զսպված խնդության ծալքեր էին՝ «Աստված, էսքանը

շատ չհամարես: Շատ չհամարես, որովհետև քիչ է պատահում, որ բոլորով մի տեղ հավաքվեն: Քանի անում են, զրգովարանում է: Հազար ու մի հոգս՝ մեկը մյուսից մանր ու դատարկ, բայց մանր-մանր կուտակվում ու արգելք են դառնում... Նույնիսկ չստացվեց, որ բոլորով լուսանկարվեն: Մի լուսանկարում տասներկու հոգի են՝ փոքրը շէր ծնվել, փոքրը ծնվեց՝ էլի տասներկու—առաջնեկը բանակում էր, մյուսում՝ տասներեք՝ հարսն էր գումարվել, վերջում... տան գլուխը շկար...

Թոռները խմբով, թափով, ցնծությամբ պարի մեջ մտան: Այդ թափի մեջ առանց այդ էլ բերանբաց նայող համադյուղացիներին շճմեցնելու ցանկություն կար և նրանք հասան նպատակներին: Մայրը ինքն իր հետ խաղի մեջ մտավ. աչքը որ թոռան վրա կանգ առներ, անունը պիտի տար միանգամից... մեկը, երկուսը, երեքը, չորսը... ութերորդի վրա սխալվեց, սկսեց նորից, բայց անդրանիկ թոռան վրա միտքը շեղվեց՝ ահա գիծը: Պապի գիծը: Այդ գծի վրա փոքր որդին է, անդրանիկ թոռը... բայց թոռը, ափսոս, պարել չգիտի: Մի քիչ էլ ճակատը լայն չի... Մի քիչ էլ մեջքը ձիգ չի... Իսկական գիծը, ուրեմն, դա չի: Մորական ցեղի խեղճ արյունը ծուկ է երեսի մեջքը: Ամենափոքր թո՞ռը: Իհարկե: Նա՛ հոր կտորը: Ոտքերի տակ նայել չգիտի, բայց գայթաժ լունի, ինչը ծամելու հոգս է պատճառում, բերան չի առնի, ուրիշի ձեռքից բան չի վերցնի, մանկապարտեղի դաստիարակչուհու հարցին պատասխանեց ութերորդ ամսում... Գոնե հոր բախտից չունենա:

Փոքր որդուն հոգնել չկար: Պարի գլուխ էր: Պարողների հանգստանալը պարեզանակից պարեզանակ էր՝ հանդարտ ու թափով, թափով ու հանդարտ, իսկ զհույը արդեն ընկնում էր զհուլչու ձեռքից, ծունկը դողում էր աթուռի վրա, գուռնաչին քանիերորդ անգամ փոխել էր պարեզանակը, երկու կողմի շապիկները կպել էին թիկունքներին, պարի մեջ մտան արդեն հարսները, պարողների թիվը անցավ երեսուներեք... վաղը էլի շաղ են գալու Հայաստանով մեկ, աստված, մոր էս մի գիշերը շատ չհամարես:

ՈՍԿԻ ՄԱՐԴԸ

Տարվա այդ եղանակին, երբ վաւուց տապալված էր տան պատերի տակ ու գոմի կտուրին աճող մարդահասակ եղինջը, շորացել կամ անասունի կեր էր դարձել պատշգամբին խճրճվող ծաղկալոբին, երբ ծերունական կմախքի ողջ անճոռնիությամբ բակում տարածվել էր հսկա ընկուզենին,— ոչինչ չկար, որ քողարկեր գորշ մանրաշարով շարված պատերը, մառանահարկի վրա կախ ընկած, լողակազույն ներկաթծերով պատըշգամբը և պատշգամբ տանող սանդուղքի ոստոտ-անտաշ բազրիքը, որը մետաղալարով պատշգամբի սյունին կապած հացենու մի ձող էր:

Այդ խեղճության կնճոռտ ճակատին այս առավոտ դրոշմվել էր նաև անտերության կնիքը:

Կողապատի ներկաթափ շրջանակով քառակուսի պատուհանից կանացի մարմանդ լացի ձայն էր գալիս: Ողբը կրցկրտուր էր, ամեն ներս մտնողի հետ սաստկանում-մտրում էր և ողբերգական բան չկար մեջը: Ծերունիները, որոնց ծանրացած ականջները արտակարգ սուր են ընկալում մահվան ձայնը, այս տան առաջին այցելուներն էին: Նրանք մեկիկ-մեկիկ բացում էին ցանկապատի դուռը, անձայն բարևում էին կանուխ եկողներին, սգավոր-դանդաղ բարձրանում էին նրնջեցյալի մոտ, կանգնում սզացող կանանց մեջ ըստ պատշաճի, ապա նույնքան անշտապ իջնում էին ճոնչացող սանդուղքով, նույն միանշանակ հոգոցով տեղավորվում հաճարենու գերանին, որի վրա դրացու ձեռնահաս հարսը թաղիք ու կարպետ էր փռել:

Զմոռան ճնճուղների նման գերանին շարված, թիկունքները հորիզոնից շքարձրացող ուշ աշնան արևին հարմարեցնելով, ծերերը պատրաստվում էին տեղին ու իրավիճակին վայել դրույցի:

— Թունդ ձմեռ կլինի:

— Հա՛ա՛, գարունքը կուշանա...

Կցկտուր բառերը լողում էին մակերեսին, իսկ խորքում ամեն մեկը իր մտքերի հետ էր, իր հիվանդության ու առողջության, իր ապրած կյանքի հետ էր: Նրանցից ո՞վ կարժանանա գարնան արևկողի բախտին, ձմեռը ո՞ւմ կտանի, Վարոսից հետո հաջորդը ո՞վ է լինելու... Քրքրում էին հիշողությունները, քննում տոհմագրությունները, տալիս-առնում... Այ, այսինչը արդեն հոտաղ էր, իսկ ինքը վարտիքով էր ման գալիս: Այնինչին ինքն է ձի նստել սովորեցրել, ջահել է, բայց նրանց ցեղում երկար ապրող չի եղել: Այս մեկն էլ հարյուրի մոտ է, բայց դա ոչ մի նշանակություն չունի, նրա հայրն էլ ու պապն էլ հարյուրից ավելի ապրեցին... Ուրեմն, հաջորդը ո՞վ է լինելու: Այսինքն, ի՞նչ նշանակություն ունի, մի տարի ուշ, մի տարի շուտ՝ բոլորն էլ հերթով գնալու են... Բայց գտնում էին: Այնուամենայնիվ, ամենքը մեկին գտնում, իրենից առաջ էր գցում և հաջորդը չլինելու հույսից ուշ աշնան արևը դիպչում էր նրանց թիկունքին: Եվ յուրաքանչյուրի հույսը մահվան գատավճիռ էր ինչ-որ մեկի համար:

Ողբը նախկին հանգով ելևէջում էր, սանդուղքը յուրովի ցավով ճոճում էր ելումուտ անողների ոտքերի տակ, տարեցները զանգատվում էին անքուն անցկացրած գիշերից, սրունքների, կոնքի, հազար ու մի ցավից, խոսում էին ճակատագրի կամ աստծու քմահաճություններից... Բայց տանը ննջեցյալ կար՝ պիտի ննջեցյալի մասին խոսեին:

Արտեմը՝ տարեցներից ուսյալն ու հարգվածը, առաջին ձայնի իրավունքով, այդ իրավունքով դատապարտվածի կնիքը դեմքին, հազաց, կոկորդը մաքրեց ու թիկունքը շտկել շանալով՝ սկսեց ծխամորճը լցնել: Մյուսները դեմքներին ծանր լսողի արտահայտություն տվեցին և Արտեմը ասաց.

— Ոսկի մարդ էր ողորմած հոգին:

«Հա, հրժ», — պատրաստակամ քրթմնջացին ունկնդիրները, բայց նա չշարունակեց: Պատշաճ դադարի վայրկյանները անցան, լուսնունը սաստկանում էր, այսինչ Արտեմը մտախոհ ծխում էր ու մտածում, որ պատշգամբի սյունն ի վար կախած տաքդեղի շարոցը ցուրտը կտանի:

Անհարմար լուսնունը լցնելու համար մեկը սկսում է մի միջադեպ պատմել իր ու Վարոսի մանկությունից. ինչ-որ էջի,

էջի պոչից գերան կապելու, զառիթափից էջի զլորվելու մասին պատմութիւն, բայց սաստող հայացքների տակ անպատեհ պատմութիւնը ընդհատում է:

— Խոտհարքի էինք, Միշահանդում, — վերջապես Արտեմը բան է մտաբերում: — Հունիսն էր, շո՞գ, քրտինքը փողքներից կաթում էր: Ողորմած հոգին, մեկ էլ տեսնենք, կուլեն առած՝ աղբյուրից բարձրանում է: Ձեն տվինք՝ Վա՛րոս, Վա՛րոս, Վա՛րոս, ծարավ ենք, ծարա՛վ... Ողորմած հոգին ճամփեն ծոց, կկալ կուլեն դրեց գերանդիների առաջ, թե՛ խմեք...

«Հա, հըմ» — արեցին լսողները ու սրտնեղութիւնից սկսեցին անհանդիստ շուռումուռ դալ, ձեռքները ծխախոտին դցել... Մեծացան, գլխներին խելք շմնաց: Հանդուցյալը տանը դրած, իրենք նրա կյանքից մի լավ բան չունեն հիշելու: Մի կյանք նույն գյուղում են ապրել ու հիշելու բան չունեն: Գյուղն էլ գյուղ լինի՝ ութսուն-իննսուն տուն, կարելի է ասել՝ դուռ-դռան են ապրել:

Խեթ հայացքները ծակծկում էին Վարոսի դրկից Ասատուրին — խոսել չի՞ ուզում: Թշնամութիւն-բան չեն ունեցել, ինչո՞ւ չպիտի խոսի: Հիսուն տարվա հարևան են եղել, ասելու բան կունենա: Անկապ բաներ էին ասում ու խեթում Ասատուրին, հազում՝ խեթում էին, տնքում՝ խեթում էին, ծածուկ հայացքները բացվում, դառնում էին համառ, դառնում էին պահանջկոտ-աղաչական, իսկ Ասատուրը նստած տեղը երկտակվել, «տեր-ողորմյան» խոթել էր աչքերը, նեղ ճակատից քունքերով քթարմատները իջնող կնճիռները մտքի լարումից սեղմվել, պաշարել էին ջրակալած աչքերը: Այդ տամուկ աչքերի մեջ անցյալի հեղհեղուկ պատկերներ էին լողում, կայծկրլտում-մարում էին տպավորիչ օրերի, տպավորիչ պահերի ուրվագծերը և հանկարծ հստակ դեմքեր էին ցուանում... Բայց այդ դեմքերի մեջ չկար Վարոսի դեմքը:

Այդպես էլ երկտակված, անտեղի բան ասելը գիտակցողի խոնարհությամբ Ասատուրը սկսեց.

— Միտներդ է՞, մի տարի ուժեղ սելավ արավ, — ու քանի որ ասելիքը դատարկ բան էր, դադար չտվեց, որ հաստատեն, — ուրեմն, էդ սելավը սրբեց տարավ մեր ներքի արտը: Սելավը Վարոսի տան պատն էլ քանդեց... Հրեն էդ պատը: —

Ու մինչ ցավակից հայացքները թափառում էին նորոգված պատին, Ասատուրն ամփոփեց:— Ի՞նչ տանջանք քաշեց ողորմած հոգին էդ պատի վրա...

Կեսօրն անց էր, երբ շներկած, թարմ սոճու բույրով դադաղը բակ բերին: Կափարիչը հենեցին լուսամտի տակի պատին և պատի տակ պզզած ջահելները խուճապահար երամով վեր թռան: Ինչ-որ մեկը հիշեց մայրաքաղաքում վախճանված համագյուղացու դադաղը՝ սեփ-սև լաքապատ, կարմիր շերտերով, կափարիչին՝ դեղին ծապավենից հսկայական վարդ, իսկ բռնակները՝ ողորկ ու փայլուն, որ դադաղը իշեցնելիս պտտելով հանեցին, ոչ թե սրա նման, որ քարով ջարդես:

Դե, որ անցողաց մասին խոսք գնաց, խոսեցին տարիներ առաջ մեռածներից, նրանց կենսագրության մեջ սխրալի էջեր գտան, մարդասիրություն, մեծահոգություն, նեղ օրին հասնելու շնորհք ու սիրտ... Միայն թե հանդուցյալը կողքերին էր և զեղումները կարճ կապեցին...

Լեռնապարի ատամնաշարին քավելով՝ արևը մոտենում էր մայրամուտին: Արևի սփրթնած սկավառակից ցուրտ էր փշում: Ցուրտը խաղում էր փշված ոսկորների մեջ, հաճարենու գերանից մեկ-մեկ պոկում էր կորամեջք կերպարանքները և բշում գյուղի փողոցներով դեպի վառարանների տաքությունը՝ փափուկ անկողինների ու կոշտ անքնության խոստումով:

Տարդեղի շարոցը խշխշում էր մայրամուտի շնչից:

Իսկ քսոռակուսի պատուհանից լավում էր ողբասացի խրոպոտած ձայնը.

— Տան հացը պակաս չես արել, Վարոս ջան... Կրակը թեժ ես պահել, Վարոս ջան... Կտուրը չի կաթել, Վարոս ջան...

Հանդուցյալի կինը կարճ դադարներ էր տալիս և փոքրաթիվ կանանց խումբը շոր, համառոտ հեկեկոցով հավաստում էր հանդուցյալի առաքինությունները:

ՊԱՐՏՈՒՄ ԳԵՐԵՆ

Եթև Հենդոն երկու տարի էլ նստի նույն դասարանում, համադասարանցիներին հորեղբայր կգա: Հիմա էլ գալիս է, բայց՝ կրտսեր հորեղբայր: Այնպես որ, պարտուսը Հենդոյից սարքել է վեցերորդցու կենդանի հուշարձան:

Երբ ժողկրթբաժնից գալիս են դասալսման, Հենդոյին քշում են դպրոցի այգի՝ ծառ էտելու, ձյուն կուտակելու, ոտոզելու... նայած քառորդին: Հենդոյի գոյությունը գաղտնիք չէ շրջկենտրոնի համար, բայց դպրոցի ղեկավարությունը տեսուչների հետ Հենդոյի հանդիպումը համարում է անցանկալի: Մի փոքրիկ դասասենյակում երկու անդործ մարդու գոյությունը շափից է ավելի: Եվ, իսկապես, դասարան մտած միամիտ մեկը առաջին պահ Հենդոյին դաս լսող կկարծի. նստում է վերջին նստարանին, պատուհանի մոտ, երեխաներից մի զլուխ բարձր ու ձանձրույթով լի:

...Ահա թիթեռը վայրէջքի գնաց, և երփներանգ այդ շարժումը թարմություն էր ձանձրույթի գորշ ֆոնի վրա: Թիթեռը իջավ ծաղկաթերթի ուղիղ եզրին, թևերը ծալելու էր՝ թերթիկը հակվեց: Թիթեռը թևին տվեց ելավ, իջավ նորից, թերթիկը հակվեց, թիթեռը ելավ... Թիթեռի հիմար համառությունը Հենդոյին կալավ: Իսկ դասասենյակի պատուհանները գարնան դեմ փակ են: Ապակույց դեմը երևացող թիթեռի ջանքը թվաց անիրական: Ինչ որ իմաստ կար այդ խաղի մեջ, որ չէր թափանցում ապակույց:

Ուժեղ բույթ մատով Հենդոն առանցքի վրա պտտեց փեղկի վրա ծռած տասանոց մեխը և (իհարկե, փեղկը լրիվ հագած չէր շրջանակին) շորս մատով քաշեց տակից: Անմեղ հայացքը գրատախտակին հառած՝ Հենդոն ուժ տվեց գաստակին (նա ուժեղ էր և ղիմադժերը կարող էին շմասնակցել մարմնի ջանքին), ու այն պահին, երբ անճոռնի փեղկը ճոնշալու էր, ազատ ձեռքով կալիճի պատլիկ մի կտոր շարտեց երկրորդ նստարանին նստած աղայի ծոծրակին: Անակնկալից տղան

ճշաց, աղմուկով վեր թռալ տեղից... Այդ աղմուկի տակ Հենդոն լուսամտաբի ծածկող փեղկը մյուսից անշատեց: Տղան, անշուշտ, զգաց Հենդոնի ուժը, բայց մեկ որ վեր էր թռել՝ կպավ հաեր նստածին: Հենդոն քիչ-քիչ բացում էր լուսամտաբի: Նրա թոքերը թարմ օդի համին ընկան և Հենդոն ակամա շափր անցկացրեց: Ուսուցչուհին գրատախտակից շուռ եկել, սաստել էր դասարանը, բայց չէր կենտրոնանում, էլի ինչ-որ բան տեղը չէր: Մեկ էլ զգաց, որ դրսի շունչը խուժել է դասանյակ:

— Ծածկիր, այ տղա:

Հենդոն ծածկում է դժկամությամբ և երկու րոպե նստում է հուսահատ-զգաստ: Իսկ շրթունքները շարժվում են, հայացքը սահում է դասարանով մեկ: Հենդոն համրում է 22 համադասարանցիներին: Այդ կենտրոնացած տեսքով նա նման է արտեզրին կանգնած պատանի հորթարածի: Նա այս տարվա հորթերի հետ կզբաղվի այնքան ժամանակ, մինչև սրանք փոխադրվեն հաջորդ դասարան, հետո կընդունի հինգերորդից եկած կաթնակերներին:

Այսպես, Հենդոն, ծնողները, ուսուցիչները, ժողկրթբաժինը, լուսավորության մինիստրությունը վերջապես՝ սպասում են, որ Հենդոնի պարտադիր ուսուցման տարիքը անցնի: Իսկ մինչ այդ Հենդոն կնստի-կլսի—չի լսի՝ կընդարմանա: Եթե եղանակը անձրևային է, զլուխը բոունքներին դրած ննջում է քնաբեր դասածխորի տակ (զիվտտում է միայն ուսուցչի գոտոցից), եթե արև է կամ պարզկա ցուրտ է, հինգ-տասը րոպեն մեկ օտքի է կանգնում ճմլիտալու և զորեզ հողերը ճարճատում են... Կանայք ապշանքով կամ զզվանքով մտքներում հաշվում են հողերի համազարկը, տղամարդիկ պարզապես հրավիրում են դուրս: Հենդոն դռնից դուրս է գալիս, կանգնում է պատուհանի տակ և դա նշանակում է, որ ուսումնառությունն այսօր ավարտվեց, պայուսակը պիտի նետվի դուրս: Հորթերը իրար են անցնում: Թե՛ վախենում են ուսուցչի զայրալից ուշադրությունից, թե՛ ուրախ են, որ գործ բացվեց և պահը որսում, պայուսակը նետում են դուրս: Այդ պայուսակից երեք հատ լիններ, կարելի կլիններ. «Պարտուսը Հայաստանում» թանգարանի հիմքը դնել: Հենդոն օդում շան-

շում է պայուսակը, ինչ մեջը մնաց՝ դրա տերն է և ծանրու-
մեծ գնում է դպրոցի բակով: Պայուսակը՝ երախը բաց, կա-
խած ունի միջնամատի ծայրագույն հոդից, իբր՝ հետս է,
բայց իմը չէ, իբր՝ զգվում ենք սատկած կատվից, բայց աղ-
ջիկ չենք, որ շկարենանք պոչը բռնած տանենք թաղենք...
Վերջին հաշվով՝ կրում եմ մորս խաթեր:

— Հենրիխ, եկ գրատախտակի մոտ:

Հաղվագեպ կանչ է: Սա նշանակում է, որ հայկական զըպ-
րոցի ուսանողների գերմանուհի ուսուցչուհին էլի տխուր է, բնկըճ-
վածությունից նրան գուցե Հենդոյի անբիծ ուղեղը հանի: Հեն-
դոն ունի դած, լաքած տախտակ է, դու կավիճով վրան գրում
անցնում ես առաջ, այնտեղ տառերը փոշիանում թափվում
են ցած: Ոչ գիր, ոչ էլ միտք է հանդուրժում... Իսկ գուցե
կավիճն է, պարզապես, հում կիր, որովհետև ահա Հենդոն
տեղից ժպտալով եկավ կանգնեց և նրա ժպիտը բթամիտի չէ,
այլ բացահայտ քամահրական: Նա այնպես վերջնական է ար-
համարհում գիտելիքը, ասես մի անգամ արդեն տիրապե-
տել է:

Հենրիխ անունը Հենդոյի վրա մոզական աղդեցություն
ունի, այլապես նա մեկ անգամ ասելով չէր դա կանգնի. կճը-
մըլկտար, ձեռքը թափ կտար, շսելու կտար... Բայց Հեն-
րիխը նրան կտրում է դասարանից ու առանձնացնում մի
բոլորովին ուրիշ, ոչ ամենքին հայտնի կողմից: Բացի այդ,
սիրում է ուսուցչուհու առոգանությունը, թերաթուխ լավաշի
դույնի մաշկը, աղջնակի քիթուքերանը, տիկնիկի ծամերի
նման փափուկ ծամերը:

— Հենրիխ, ասա բողբեր:

— Հաջա՞ն...

— Բողբեր, խնտրեմ:

Գասարանը թամաշի ակնկալիքով սսկվում է: Հենդոն իբր
մտասուզվեց: Չախ ձեռը կանթեց գոտկատեղին, աջ ավիը
խփեց ճակատին ու այդպես պահեց: Գործողությունը լրիվաց-
նելու համար մնում էր ավիը զգույշ շուռ տար, տեսներ ճան-
ճին կպա՞վ թե չէ: Ուսուցչուհին մտացրիվ նայում է նրան և
Հենդոն դասարանին նայելու փոխարեն նայում է առաստա-
ղին: Առաստաղին նայելով՝ գուցե թե մի բան սովորես եկե-
ղեցում, բայց Հենդոյի կանգնած տեղից հարյուր կիլոմետր

շատաւղտով շկա մի եկեղեցի, նույնիսկ հասարակ մատուռ շկա, որի որմին հայերեն մի տառ մնացած լինի: Ինչը շնն ավերել թշնամիները, խնամքով քերել են «բարեկամները»:

Դասարանից մի օգնական շշուկ է գալիս, որից Հենդոն մի բառ է որսում.

— Սրեղնի,— ու շիտակ նայում է ուսուցչուհուն:

— Նաո՞...

— Սրեղնիիիի...

— Նու շաո՞ սրեղնի,— ջղաջնությունը սիրում է ջղալին լեզու:

— Սրեղնի Ազիա...

— Վա՛խ,— նվաղեց դասարանի գերազանցիկը և դասարանը ձեռից գնաց: Ինքնատիրապետման ջանքից ուսուցչուհու բերանը ծամածուլեց, դեմքը կարմրեց, պարանոցի երակները սուտան ու... նա էլ պայթեց: Դասարանը կապը կտրեց: Խոխոտում են, վրնջում են, բառաշում են, դոփոփում են, գալարվում են, առիթ էր եկել՝ մեկը հասցրեց մյուսի ծոծրակին, մեկը կողքինի թանաքամանի մեջ գրպանից հանած ավազ լցրեց, սաքի վրա հռհռացողի տակը ինչ-որ սուր բան դրին, սա նստեց ու ոռնոցով թռավ, իսկ ուսուցչուհու ծիծաղը վերածվել էր հիստերիայի:

— Նստե՞մ,— անմեղ հարցրեց Հենդոն:

Չստացին՝ նստի: Հենդոն նստելուց կշտացած էր ու աչքերան էլ դեմ չէր կանգնելուն, բայց դասարանը ձեռից գնում էր: Նվ Հենդոյի դեմքը խոթոտվեց: Հետո սպառնաց՝ ափի կողով կոկորդը սղոցելով: Նրա վիզը կտրելու բան էր և աչք շարժումը տպավորութուն թողեց:

Դասարանը տաշտը լցրած ջրի նման ճողփալով հանդարավում էր:

— Օ՛յ, նե մագու,— ուսուցչուհին վերագտել էր խոսելու քնդունակությունը:

Ուրեմն նրան դաս են հարցնում՝ խնդալով լիցքաթափվելու, բոտալով հանդարտվելու կամ դասածամը ձգելու համար և ապերախտներից մեկնումեկի մտքով շի անցնում հատուցել գոնե «միջակով»: Քառորդը փակվում է, և դասդեկը անարտահայտիչ կարդում է.

— Սեյրանյան Հենրիկ, հայոց լեզու՝ երկու, հայ գրականություն՝ երկու, հանրահաշիվ՝ երկու... աշխարհագրություն՝ երկու... վարք՝ երկու...

Տանը նույն ոգով կարդում է հայրը, և մայրը արձագանքում է ամեն առարկային.

— Երկրաչափություն՝ երկու...

— Վա՛շ:

— Պատմություն...

— Վա՛խ:

— Ռուսաց լեզու...

— Վա՛շ, անլեզու տղես:

— Բուսաբանություն...

— Վա՛խ, բանվոր տղես:

— Անգլերեն...

— Վա՛շ, ոանչպար տղես...

— Աշխատանք՝ հինգ:

— Ա՛խ, մեռնեմ տուն պահող տղիս:

Հենդոն իրոք ոսկի ձեռքեր ունի: Անհնար է մարզելով ու վարժելով այդպիսի ձեռքեր ունենալ, անհնար է նման ձեռք ստանալ որևէ եղանակով, դա, ոսկու նման, պիտի լինի ու գտնվի բնության մեջ:

Հենդոյին տեսնել է պետք փայտի գործ անելիս: Իր գրնդլիկ մատներով մանր-մանր, ճշգրիտ, կլանված աշխատում է դպրոցի արհեստանոցում, և փայտերը կցմցելով զանգին սպասող ու իր դանդաղկոտությունը ծաղրող փինաչիներին մի պատասխան ունի.

— Իմս մեկ է, հըմը բեկ է:

Զգում ես, որ մարդը հյուսն է ծնվել, որ փայտի զգացողությունը հետն է աշխարհ բերել:

Հենդոն շինում է աթոռը և փորձել-ցուցադրելու մի եղանակ ունի. աթոռը զնում է հատակին, ինքը դազզահից ցատկում է վրան: Եվ միայն հատակի տախտակներն են իրար գալիս: Իսկ իր գնահատանքին ներկայացրած աթոռները փորձարկում է անհամեմատ ներողամիտ՝ բռունցքով իջնում է նստատեղին — դիմացավ՝ լավ, չդիմացավ՝ սարբի նորից:

Ժամանակը եկավ և Հենդոյի կարիքը զգացին: Դպրոցի

կահույքը շերտ-շերտ ներկի տակ փտել էր: Մատակարարները առաջարկել էին՝ կամ մեկ-երրորդով պատրաստի գույք, կամ լրիվի հաշվով՝ փայտանյութ: Անտառից հեռու, աշքից հեռու տեղ՝ ամենքն էլ փայտեղենի կարիք ունեին ու սրոշվեց՝ տախտակ ու գերան: Կլցմցեն ներքին ուժերով: Իհարկե, նկատի ունեին նաև Հենդոյին: Հենդոն ոգևորությամբ հանձն առավ դասասենյակում արվելիք գործը: Դասերից հետո մնում, աշխատում էր: Եվ ամեն առավոտ կաթնակերնե-րից մեկը իր ճոճվող նստարանի կայունությունը զգալով, իր փեղկի բացվել-փակվելը տեսնելով՝ դժժում էր հրճվանքից: Հենդոյի համար այդ անասնական հրճվանքն էլ մեծ պարգև էր, բայց գործի դիմաց, համենայն դեպս, նստարանի տիրոջ ճակատին մի կենտ կտոց էր տրաքացնում:

— Որ ձրիակերությունից հանկարծ շուռեք, — բացատրում էր:

Այդ շարաքաստիկ քառորդը արագ անցավ: Դասողեկը ըստ ցուցակի կարդաց Հենդոյի անունը: Հենդոն, կիսանստած, խուլ ահանջ էր դնում միապաղաղ «երկու»-ներին, մեկ էլ...

— Ի՞նչ, — հարցրեց Հենդոն:

— Աշխատանք՝ երկու, — մեքենայորեն կարդաց դասողեկը:

— Ո՞նց թե, — շհասկացավ Հենդոն:

Դասողեկը բարձրացրեց գլուխը, հետո նայեց թերթիկին, կասկածեց, բայց սաստող ձայնով կրկնեց՝

— Երկու:

Դասարանը ապշած էր:

— Հա-ա՞, — անարդարությունը Հենդոյին թաղել էր: — Ուրեմն՝ երկու... — Եվ անդյուրաշարժ, բարեհոգի, ժպտերես Հենդոն այլաչլված դուրս թռավ տեղից՝ ձեռքի հետ փեղկը պոկելով, հետո մյուս ձեռքով պոկեց մյուս փեղկը, միասին խփեց հատակին, — առեք ձեղ՝ երկու, — առաջ գնաց, արացիով տեղահան արեց երկու նստարան (երկխաները ճղճղացին), երկու շարքի փեղկերը պոկոտելով գնաց դեպի ուսուցչուհին, ուսուցչուհին վեր թռավ տեղից: Հենդոն իր նորոգած աթոռը փշրեց հատակին, — առեք ձեղ՝ երկու, — նայեց շուրջը՝ շարդելու էլի բաներ կային, բայց արհամարհական ձեռքը թափ տվեց, դռան մոտ էր, բայց իր արարքին վճռական

իմաստ տալու համար գնաց դեպի լուսամտը, մի վերջին անգամ կտացրեց դասարանի գերազանցիկի շեկլիկ գլխին ու դուրս թռավ պատուհանից: Պայուսակը նրա հտեից նետող շեղավ: Նա շտպասեց էլ:

ԳԵՂԵՑԻԿ ԿՆՈՋ ԿԱՂԱՊԱՐԸ

Կանգառներում կամ փողոցի ուղածող կետում ազատ մեքենա սպասողներից իր ուղևորին Հարութը շուտ ջոկում է: Նրանք, ովքեր ուշիշների գլխի վրայով սևեռուն նայում են հեռուն, սպասում են «24»-ի, տարեց կանայք կանգնեցնում են միայն տաքսի, աղջիկների հետ կանգնած տղերքը մագնիտաֆոնով ավտոմեքենան զգում են հեռվից, աղջիկներն ու ջահել կանայք «Զապորոժեց» շեն նստում առհասարակ, հետո ճանապարհ գնացողը, ջղագարը, ծաղիկը ձեռքին սպասողը, թատրոն ու հյուր գնացողը «Զապորոժի» նստի, — մնում են նրանք, ովքեր ապահովությունը գերադասում են արագությունից, ավելորդ ռուբլին իրենց պահելը՝ շքեղությունից (կտան իրենց ուղած գինը), նաև շուկայից, խանութից էլած տարեց մարդիկ, և բարեհոգի հարեցողները, մեկ էլ նրանք, ովքեր այսօր էլ մի ռուբլով պրծան կանգառում սրտաճար մահից:

Շատ չէ, քիչ էլ չէ: Այսքանի համար նա բզզացող իր բլոճը բանթողից հետո քշում է ուղիղ քաղաքի սիրտը: Հարութը լավ է հասկանում, որ այդպիսի մի մեքենայով վաստակելու ամենահարմար ժամանակը կեսգիշերն է, բայց փողը նրան հետաքրքրում է այն պայմանով, որ հանդիստը շխանգարի: Եվ եթե օրը հաշող շտապվեց, չի էլ զոռի: Կըշի տուն: Իսկ եթե, այնուամենայնիվ, պատահեց, որ փողի այնքան կարիք ունեցավ, որ ոչ մի բանով չի փոխարինվի, եթե, մանավանդ, փողը պետք է մեքենան սարքին պահելուն, այդ դեպքի համար նա ամենալավ ժամերը գիտի՝ առավոտյան 3—5-ը: Այդ

մեղքի ժամին տղամարդիկ սիրուհիների անկողիններից դուրս են գալիս ծիրան-ծիրան, նրանք իրենցով տեսնում են փողոցը լցված, օրվա 24 ժամից դուրս եղող այդ ժամերին նրանք շոռլլ են շունեցողի պես, մեկի փոխարեն տալիս են երեք և շտապելուց շին նայում մեքենայի լավին ու վատին:

Իսկ սովորաբար Հարութը իր արտածամբ վերջացնում է յոթին-ութին:

Մեքենան քշում է բակ, մորն ու բրոջը վազվա հացի փող է տալիս, սեղան է նստում, հետո սեղանից տեղափոխվում է թթի ծառի տակ, քույրը բերում է գարեջրի քրանած շշեր, հետո՝ սուրճը, հետո՝ էլի սուրճ, Հարութը խմում, ծխում է՝ մոծակներին մարմնի վրա անշար ծեփելով, իսկ հարևանի 12—13 տարեկան տղաները եռանդով լվանում են նրա մեքենան: Նրանք այդ գործը կանեն հենց այնպես, հաճույքի համար, բայց Հարութը արտածամի վաստակից նրանց մեկերկու-ոուրբի է տալիս՝ ցուցում տալով.

— Պաղպաղակ կերեք, տետրակ առեք:

Օգոստոսին գեղեցիկ կին, գեղեցիկ աղջիկ քաղաքում չկա. կամ ծովափին են, կամ լեռներում: Բայց այդ բանը նկատվում է սեպտեմբերին, երբ արևառած վտառները խուժում են քաղաք: Իսկ օգոստոսը քաղաքում մնացածների միջևից ջուկում, առաջ է քաշում ժամանակավոր գեղուհիների: Շոգ ու կրակ է: Աղջիկների շորերը կարճ են միջօրեի ստվերի նման: Շորերը ծածկում են այնքանը միայն, որ գաղտնիք մնա: Լավ մերկությունը այն է, որ մերկանալու էլի տեղ ունի: Կանգառներում մարդիկ կպել են ծառերի բնին, քայլողները իծաշարուկ գնում են պատերի տակով, ստվերից դժկամ դուրս են գալիս՝ համառներին ճամփա տալու, որպեսզի հաջորդ կես քայլին էլի նետվեն ստվերի արահետի մեջ: Մեքենաներում նստածները անզգուշաբար թևերը գնելով դռան մետաղին՝ հո են քաշում կրակից վառվածի նման: Մեկը ստվերից ստվեր ցատկելուց հուսահատված՝ ընկել է մայթի մեջտեղը ու գնում է՝ ճաղատը, կյանքը Արև աստծուն զոհաբերելով:

Հարութը քշում է առավելագույնս աջը պահած, այսինքն՝ դանդաղ. հանկարծ ու կանգնեցնելու որևէ ակնարկ, մտա-

գրություն, թեկուզ երկմտանք աչքաթող շանի: Երկմտանքը վճռի կփոխվի, հենց մարդու կողքին արգելակեցիր: Ուրեմն, այդպես, ողջակիզվող այդ ճաղատը նշանի առած՝ Հարութը մոտենում էր, երբ տեսավ ՆՐԱՆ:

ՆԱ մայթ խուժեց մոտիկ նրբանցքից, ըստ երևույթին՝ գործից ելնող մարդկանց հոսքի հետ: Երևում էր դեռ թիկունքից: Նրա քայվածքը այն քայվածքն է, որ չեն սովորում: Այն նազանքը չէ, որ սովորեցնում են ձևավոր ձիավարության երիվարներին, և որը կանայք հրամցնում են տղամարդկանց հայացքներին: Դա անպաաշաճ տրտինդի տարիքը անցած զամբիկի ձիգ, անկաշկանդ քելք էր: Այդ քայվածքը ունեցողի դեմքը պիտի որ նույնքան գեղեցիկ լինի: Դա այն կինը չէ, որը դեմքով ազար լինելով՝ հույսը գնում է իր ակնառու բաների վրա:

Հարութը առաջ անցավ՝ չէր սխալվել: Քիչ ետ մնաց, քշեց կողքից: Աղջիկը տաբատի տակ քիչ փոր ուներ և դա էլ նրան գեղեցկացնում էր: Այդպիսի բանի կողքից անցնելիս ձեռքը կամբիցդ հա փախս է տալիս, այնպես, ինչպես փափուկ մազերով սիրուն երեխու կողքով անցնելիս: Հարութը նայեց ժամացույցին՝ 5-ն անց էր 30 րոպե: Նույն պահին աղջիկը դեպի մայթեզր եկավ, ձեռքը բարձրացրեց՝ նստեց տաբատի:

Մի ուրիշ օր նույն ժամին նա էլի քշեց մայթի եզրով, արդեակեց այն տեղը, որտեղից նա տաբատ էր նստել: Ապակու միջով ետ նայեց: Աղջիկը նրան չհասած՝ կանգնեցրեց ինչ-որ «Ժիգուլի»: Հետագա մի քանի օրը Հարութը մեքենան լվացող երեխաներին ոգևորում էր ինչով կարող էր, պատվում էր նրանց շուրջը, փայլ էր տալիս մի բուռ մետաղին, քշում էր էլի նույն մայթի կողքով, ընթացքի լեզվով առաջարկում էր իր մեքենան, բայց աղջիկը նրա մեքենան չէր նկատում: Նրա համար, ըստ երևույթին, մեքենայի այդ տեսակը գոյություն չուներ:

Սեպտեմբերին նա այդ փողոցում հայտնվեց «Ժիգուլի»-ով: Աղջիկը չկար: Մի օր էլ՝ տեսավ: Աղջիկը տաբատով չէր, և արևառած նրա ոտքերը Հարութի սիրտը մկրատելով փերթփերթ արին: Հարութը քշեց նրա կողքով: Աղջիկը անցավ «իր» կանգառից, գնաց, գնաց, աչ փողոց մտավ, մտավ խանութ, դուրս եկավ, Հարութը պոկվեց մոտեցավ, դուռն էր բացում՝

նրա թիկունքից մի թանկ մեքենա անցավ առաջ, աղջկան առավ ու տարավ:

Աղջիկը ծովափից գալով՝ նստում էր միայն «24»: Հարուժն ստուգեց՝ դրանք տարբեր, պատահական մեքենաներ էին:

Հարուժը գնաց դպրոցական ընկերոջն ասաց.

— Երկու օրով... Այ, ըսենց պետք է...

Եվ փողոց մտավ «24»-ով: Այդ քայլվածքը նա ճանաչում էր շատ հեռվից: Քշեց հասավ, քշեց կողքից, հետո նրան քիչ առաջ թողեց, այն հաշվով, որ հենց որ շուռ գա դեպի փողոց, «24»-ը դեմը հանի: Մինչև իրեն ու աղջկան հայտնի տեղը դեռ ճանապարհ կար և Հարուժը, այն է, ուզում էր շրջանցի դեմը կանգնած մեքենան, երբ աղջիկը արագ դեպի փողոց եկավ, այդ մեքենայի դուռը բացվեց, աղջիկը սուզվեց... Հարուժը չէր հասցնելու արգելակել, բայց մեքենան թռավ դեմից: Հարուժը ուշացումով արգելակեց ու ականջներում երկար ժամանակ այդ մեքենայի հզոր ու զնգուն ձայնն էր: Աչքի առաջ նրա մարմնի ճկուն ու վստահ կողմնորոշումն էր: Ոչ մի մեքենա, բացի այդ մեկից, այնպես չէր սարքված, որ այդ մարմնի հմայքը այդպես երևան հաներ: Նա գտավ իր մեքենան, հարվեց լցվեց իր կաղապարը... Ի՞նչ շուտ գրտավ... Ի՞նչ շուտ սովորեց...

Հետո Հարուժը նստած էր իր ծառի տակ: Դեմը օդի էր, դարեջուր էր, կանաչի, պանիր, վարունգ, լոլիկ, ապխտած ձուկ... Իսկ մեքենան բրեզենտե ծածկի տակ էր: Եվ բրեզենտի գորշ ֆոնի վրա մեքենան լվացող տղաներից երկուսը ակորդեոնով ու դհոլով նրա վիշտը ամորում էին: Ակորդեոնիստը լենթուշ աղա էր, դհոլչին՝ ավելի նվաղ, տարիքով փոքր, սպիտակ վերնաշապիկի թևքերը քշտած ունեի, տարատար լավ արդուկած էր, կոշիկները սուրբիթ ու լաբապատ էին (երևում էր դհոլչու տղան), նրա փողքերը վարպետավարի վեր էին քաշված, սև փողքերին ու սև կոշիկներին վառ կարմիր գուլպաները իսկն էին, նա տղայական քաղցր ձայնով սըրտանց ձգում էր.

Գետակի ալիքները գնում են խայտալով,
Սիրահարի սրտիցը արտասուք բամելով...

Տղաներից ամենամեծը Հարութի բազկին ասեղով մեծ սիրտ էր ծեծել՝ աշխատում էր նետի վրա: Երբ վերջացրեց, Հարութը թեյի բաժակով օդի խմեց, տակը թողածը շփեց բազկին՝ օ՛օֆ արեց, և աչքերը արցունքոտվեցին...

Արդյոք ով է դուր թահում, ախ, սիրտս կողո՞ւ՛ ա՛ ա՛...

Տղայի ձայնը դուրս թռավ բակի դարպասից, փողոցի ժխորին առավ ու լուվեց, դարձավ տարածվեց միհարկանի տների տանիքներին, աղավնիներին ճախրանքի տարավ, ապա դարձողարձվեց բարձրահարկերի մակերեսներից, ճանապարհ գտավ՝ զիլ ձգվեց մթնող մայրուղու լուսածիրով, և երամակի հզորությամբ մեքենայի հուժկու վնգոցը տղայի ձայնը իր մեջ առած՝ տարավ թաղելու քաղաքից դուրս:

ՍԻՐԵԼՈՒ ՏԱՐԻԶ

Տղան գիտեր, որ դժվարը կուլին նախորդող լուսաներն են: Սաստկացող թշնամանքի մթնոլորտին նրա սիրտը շէր ընտելանում: Թշնամանքի թույնը կաթում էր անքեն սրտի նուրբ թաղանթին և սրտխփոցը զղրղում էր ականջներում: Բայց դա անցնում էր առաջին, երկրորդ հարվածից հետո. ստանալուց կամ հասցնելուց:

Նա քաջ գիտեր առաջին զարկի առավելությունը, բայց շէր կարող առանց ուղեղի մթազնումի մարդու աչքերին նայել ու խփել և, որպես կանոն, առաջինը խփում էին իրեն: Դա այնքան էլ սարսափելի չէր: Վատը կովից մնացող քենն էր: Այդ ոխակալ անվստահության տևողությունը նրա սիրտը շէր դիմանում: Ելքը այն էր, որ հակակշիռ թշնամանքով մտասևեռվեր, թշնամանքի օդով սնվելով՝ իր կորովը տեղը պահեր... Բայց դա ի՞նչ կյանք էր: Շուրջըրդորը այնքա՛ն ներդաշնակ ու կոպտությունից շեղող բան կար, տղայի միտքը հափշտակող այնքա՛ն գաղտնիք կար ծալ-ծալ բացվող աշ-

խարհի վրա, և նա այնքան ցրված էր լինում, այնքան անպատրաստ, զգոնությունը կորցրած այնքան, որ այս անգամ էլ առաջինը խփում էին իրեն: Եվ շատ դեպքերում պատասխան չէին ստանում:

Հիմա այդ կյանքը անցած շրջան էր: Եթե առաջ կարելի էր անձնական վիրավորվածությունը կարևորությունն այնքան էլ չտալ, կարելի էր մի բան էլ կուլ տալ,— հիմա ուրիշ էր: Իր արժանապատվությունը այսուհետև իրենից բացի վերաբերելու է նաև մեկին: Հարաբերությունները պարզելու համար ընդամենը երեք-չորս օր ժամանակ կար: Օր կորցնել չէր կարելի: Մինչև իր աղջկա գալը ինքը պիտի Մեծառեխին կամ ծեծած լինի, կամ աչքի փուշը կտրած լինի: Իր աղջկան շենում ծուռ նայող չպիտի լինի: Իր աղջկա ներկայությունը իրեն բան ասող չպիտի լինի:

«Վերջ,— ասաց տղան՝ հայելու առաջ աջ դաստակը վիրակապով փաթաթելիս,— խելոք ենք եղել, ծեծ ենք կերել, ծաղր ենք հանդուրժել — անցած լինի: Ձեր արածը ձեզ հալալ լինի — այսօրվանից՝ վերջ: Բանաստեղծություն-բան գրելը հետաձգվում է անորոշ ժամանակով»:

Նա դժվար հասավ այս որոշմանը: Երբ մտածում էր աղջկա մասին, համակվում էր վճռականությամբ, բայց վրձնականությունից բան չէր մնում աղջիկը մտքում շեղած ժամանակ: Իսկ երբ վերստին մտաբերում էր, հարկ էր լինում ոգու կորույթը շնչի բերել մեռյալ կետից: Բայց ամառային արձակուրդները մոտենում էին, ամեն ամառ հովեկ աղջիկը արդեն մտքում կար անբացակա և մտադրությունը դարձավ վճիռ:

Այնինչ մարմնով պատրաստվում էր գարնան սկզբից: Ակումբի բակից տուն էր քարշ տվել երկու փթանոց գիրերից մեկը ու կպել դրան... Նրա մարզվելը սկզբում, իրոք, նման էր կպչել-մնալու: Մետադր հաստոտ ըմբիշի նման իրար չէր գալիս, տղան թպրտում ու պարում էր դրա շուրջը, երկաթը տղային ծալում-ծալժլում-հակում էր հողին, ասես ուզում էր կլանել իր պաղ, հոծ ընդերքը: Տղան գալարվում, բայց պոկ չէր գալիս: Երկու ելք կար. կամ պիտի ինքը երկաթին հլու՝ գետինը մտներ, կամ՝ երկաթը գետնից կտրեր: Երբորդը չկար: Թողնել զնալը բացառված էր: Տղան ասում էր ինքն իրեն.

«Ես՝ չէ, երկաթն է ձեռս բռնել, մինչև գետնից չկտրվի՝ բաց չի թողնելու Պիտի կտրվի»:

Նա շատ լավ գիտեր, որ մնացած մի քանի ամսում ինքը ուժից չի տրաքվելու, բայց որ երկաթը գլխից վեր հանելու ձևը պիտի գտնվի՝ դա անկասկած էր: Այն օրը, երբ ծանրութունը գլխից վեր հանեց, իր գործելու ժամն է լինելու Մրազբված էր երկու կոխի: Նույնիսկ երեքը: Քանիսը որ անհրաժեշտ եղավ:

Հիմա կանգնած է ղգեստապահարանի հայելու առաջ, հագած ունի անթե շապիկ, բազուկներին մկանունքը նորվա ջանքից դեռ փրված են, դատտակը՝ պնդված, և կենտրոնացած պատրաստվում է կովի գնալու մի ոհմակի դեմ և հետը գնացող մեկը շունի՝ թիկունքին կանգնի: Եղբայրը մեծ է, բնկերների ոչ բարով թիկունքը ինքն է,— այսպես անթիկունք գնալու է նրանց թաղը, ովքեր կավում են միշտ ոհմակով, միշտ՝ թաղովի, միշտ՝ գեղովի — նույնիսկ մեկի դեմ:

Տղան անուշ մի թախիծով խղճում էր իրեն: Կովի մասին մտածում էր արդեն որպես եղած բանի, իրեն տեսնում էր կարգին ջարդված, բայց աղջկա աչքերի մեջ շիտակ նայելիս:

«Կինո մի սարքի» — ասաց տղան, դուրս եկավ տնից և հանգիստ էր: Կամ վճռական էր: Կամ արդարությունը իր կողմն էր: Նա փորձով գիտեր, երբ մեղավոր է, ինքը թույլ է, նույնիսկ վախկոտ է և թեև է թալուկ, երբ մեղավոր է: Արդարություն մի զորեղ բնագոյ նրան կյանքի այս կովի մեջ դարձնում է երիցս անպետք: Բայց այսօր իրեն ուժեղ էր զգում:

Կավ կլիներ Մեծաբերանի արբանյակները լրիվ կազմով հետը լինեին: Կտեսնեին՝ դաս կառնեին և այս մի կովով գուցե թե բանը վերջանար: Նրանք ուժից վախեցող են, Շուն կըսվացնողների նրանց ցեղը մեկի դեմ գնում է երեք հոգով, բայց երկուսի դեմ չորսով չեն գնա, երեքի դեմ տասից պակաս եղան՝ չեն գնա... Թող բոլորով հավաքված լինեն, միայն թե երեք հոգուց ավելի վրա չգան, միայն թե իրենց սաղական վարքով թիկունքից քարով չխփեն... Ժամանակից շուտ չխփեն:

Կովի սպարովակ սարքել պետք չէր, իր ներկայութիւնն իսկ սպարովակ էր: Հարկավոր էր միայն սպասել: Բայց անկամ, անշարժ սպասելուց վճռականութիւնը կորցնելու վախ կար: Չէ, տնից առած թափը կոտրելու կարիք չկար:

Տղան նայեց կոխ բռնողներին և անփութ թքեց: Ոչ թե ոտքի տակ, որպէսզի չընկնի մեկնումեկի՝ իր շուրջը գծած ինքնասիրութեան շրջանի մեջ (ուժեղինն՝ արձակ, թույլինը՝ նեղ), այլ հենց այդպես՝ հեռու և անփութ: Սա արդեն վերաբերմունք էր նրանց հանդեպ, բայց պակաս թվաց, և տղան կոխի կպածներից մեկի գլխարկը ոտի թաթով թոցրեց օդ: Արարքը այնքան արտառոց էր, որ կոխի մեջ տաքացածներն իսկ նկատեցին: Եւ իսկույնեւեթ կոխը թողին:

Գլխարկի անբը հեալով նայեց տղային, նայեց իր ընկեր Մեծաբերանին՝ սա ժպտում էր քաջալերիչ: Գլխարկի տերը սպասում էր շունչը տեղը գա, և միջոցը մեր օգտին եղաւ: Նրա վրա ուժեր վատնելը անիմաստ էր: Կալ է ուժեղը դեմդ լինի, քան թիկունքիդ, շուրջըդ մի տեղ հածելիս: Հետո, թիկունքը առավել սպասուով կլինի, եթե նրանք վատահ լինեն, որ վերջիվերջը ջատոյ են տալու:

— Ի՛նչի՞ ես բերանդ ծռել, — տղան կանխեց գլխարկի տիրոջ վրա քշելը:

— Ե՞ս, — սպուշ կարեց Մեծաբերանը:

— Չէ, մոքիրդ, — նրանց հանգով ասաց տղան:

— Գն տեղդ կանգնի...

Կովիլը նրա համար խաղուպար էր, նա ուրախ էր, որ առանց ջանքի գործ է բացվել, բայց մի տեսակ շփոթված էր կամ վիրավորված, որ մարտահրավերի մենաշնորհը խլված է ձեռքից:

Տղայի սիրտը մի պահ նվազեց, հետո թունդ առավ, նախահարձակման անձանոթ մի կիրք համակեց նրան: Առաջին անգամ նա իր կամքով կոխվ էր անում և առավելութիւնը խկույն դգաց... Չախ արմունկով հարվածը առավ ու աջով խփեց, սատասխանը ստացավ կողին, բայց թույլ հարված էր: Թափից հասկացվեց, որ խփողը աչքի առաջ հատուցում ունի, և դա նրա ուժը կիսել է: Նա միշտ խփել է խաղալու նման՝ անփութ թափով: Հիմա այդպես չկարողացաւ:

Հակառակորդի թափը կոտրելը տղային գրեթե բավարա-

բում էր, մնում էր առանց ծեծ ուտելու կոխվը դեպի վախճան տանի:

Տղան իրենց օգակողների թիկունքում տեսավ ընկերոջը ու սրտապնդվեց՝ համենայն դեպս կարեկից ունի, նույն պահին էլ մտահոգվեց՝ ընկերոջ դեմ ծեծվել չէր ուղում. առանց վկայի կերած ծեծը շուտ է մոռացվում: Օգնություն էլ՝ չէր սպասում: Ընկերը նույնիսկ կոխվը թափել չէր համարձակվի, նրա չնչին շարժումը անգամ դիտվելու էր պաշտպան կանգնել և ոհմակը վրա էր տալու: Ընկերը դա հասկանում էր: Ոհմակին պատրվակ էր պետք: Նրանց առայժմ ետ էր պահում պարագլխի գերազանցության համոզմունքը, աչլապես նրանց ինչի՞ն էր պետք պատրվակի պես դատարկ բանը... Այնուամենայնիվ, սառնասրտությունը չէր խանգարի:

Տղայի գործը զովարացավ: Խնդիրը այն էր, որ շան ծեծ շուտեք և ընկերոջը շմղեր հուսահատ քայլի: Իսկ թե կարենար հավասար կռվել, այդ դեպքում էլ պիտի այնպես գործը տաներ, որ հակառակորդի գերազանցության պատրանքը մնար, և պիտի զգուշ, աստիճանաբար կռվելու նրա կամքը մոռցնեի:

Տղան հարվածներ էր բաց թողնում ուսերին, կրծքին, ինքն էլ խփում կրծքին, ուսերին, վրան իջել էր մի հաշվենկատ թեթևություն, ճշգրիտ զգում էր հարվածի պահը, հարվածից հաջող խուսափում էր, իսկ հակառակորդը անակնկալից կորցրել էր իրեն, ձեռքերը թափահարում էր թալս ու շիտակ և տղան հանկարծ դիտի ընկավ. նա հավասար կռվի համար պիտանի չէ, նրա ոգին ոհմակի մեջ է, նրա կորովը արթնանում է հակառակորդի քնած ժամին... Տղան զգաց, որ ուզած պահի կարող է շոքեցնել նրան: Մի կարճ ժամանակ կռվի տարերքը նրան կալավ, հաշտվեց ջարդված քիթուբերանով աղջկա առաջ երևալու հետ, մտահան արավ ընկերոջը, մի լիասիրտ հարվածի տենչով սիրտը ծուլ ելավ և անպաշտպան դեմքի վրա խոչացող ձեռքը փոքրոգաբար՝, ընկերոջ համար, թե՛ հայի խղճով՝ վերջին պահին իր թավը կոտրեց ինչ-որ հրաշքով... Անճիշտ հարվածից սաստիկ ցավ զգաց և այստեղ կերավ աչքի տակին: Ուշ բնազդով տղան ավեր տարավ աչքին ու ետ ցատկեց գոտեմարտելու նետված դեմիտից... Հակառակորդը երևելի գոտեմարտող էր, եթե բռներ մեջքը կամ ոտքը՝ ինքը կորած էր, անպատիվ ծեծից փրկություն չկար:

Աչքի տակին ստանալով՝ տղան կորցրեց հակառակորդին տարածութեան վրա պահելու զգոնութիւնը և երբ դեմինը երկրորդ անգամ վրա թռալ մեջքը բռնելու, ելք շտեմնելով՝ տղան բռունցքով, կարճ, դիմահար խփեց ճակատին: Նետվողը շոքեց, զկոտորցի նման ձայն հանեց, տղան վախից մի պահ քար կտրեց՝ այդ պահին էլ ծոծրակին տվին, և այդ հարվածը նրան ազատեց հողին կեղեքող կասպանքներից: Եվ մինչ վուրհայով վրա կտային, մինչ կովի քաշված ինքն ու ընկերը կտրորվեին ոտքերի տակ, տղան մի քանի պտույտ արեց օդակի ներսում և մի քանիսը վայնասունով մեր քաշեցին:

ՏՂԱՄԱՐԴԻԿ

Ի՞նչ անակից գալով՝ Հարութի առաջին գործը հոր շիրիմին քար քաշելը եղավ: Հետո ամուսնացավ: Թե՞ ամուսնացավ, հետո քար քաշեց... Ըստ երևույթին այդ երկու գործը տարավ զուգահեռ. մեկը մշուսին չխանգարող, ավելին՝ իբրար լրացնող քաներ էին:

Հազար ուրբով կամ պիտի քար քաշես հանդուցյալիդ վրա, կամ հարսանիք անես՝ թե՞ թե, և Հարութը հարսանիք չարավ: Պատճառը, սակայն, շինդումարտակում վաստակած հազարի քլութիւնը չէր սոսկ. ամուսնութեան կարգով ընթացքը խնամախոսութիւնից մինչև հարսանիք կտներ երկար, գուցեև տարի տներ, այնինչ ժամանակ արդեն չկար, բանակի տարիների տեղը հարկավոր էր հանել:

Տապանագիրը ստորագրեց՝ որդիներից: Երկմտանք չունեցավ: Եղբորից նեղացած էր գերեզմանը անքար թողնելու համար, բայց գիտեր՝ նեղսրտութիւնը օրերինն է, գիրը՝ դարերինը:

Քարը ավանդական սեւան էր, երիզները ժապավեն հանած, ուղիղ տատ ու պապի շիրմաքարերի չափսին: Դա նրա

առաջին խակական գործն էր: Որբացած տղամարդու առաջին գործը դա պիտի լիներ:

Տանը գառ մորթեց օգնական տղերքի համար, օղորմաթասն առավ ու խոսեց, խոսեց այն հանգով, որով հայրը կխոսեր, խմեց հոր կենացը, բոլոր անցողաց կենացը և խմելու անսովոր էր՝ հարբեց: Հարբեց ու արտասովեց տղամարդավարի կարճ ու խոշոր արցունքներով:

Առավոտը սիրտը թեթև ու հպարտ էր հոգին: Գալիքը պարզ էր ձեռքի հինգ մատերի նման. տուն էր շինելու, խաղողի ու խնձորի այգի էր դեցելու, տարին մեկ մատաղ էր անելու գավակների անփորձանք կյանքի համար, նրանց ուսումի ու արհեստի էր տալու, պսակելու՝ հարսանիքներին պարելու էր հայրական ծանրումեծ պարով, թոռներ էր տեսնելու, գուցեև՝ ծոռներ և զնալու պսակելու էր նախնիների կողքին, կանաչ լանջի տակ, սնձի ծառից մարդարոյ հեռու:

Մինչդեռ հետը զորացրված տղերքը խնջույքների մեջ էին (այցելում էին հարազատներին, ընդունում էին հարազատներին, դշուղի հանդերում աղբյուր շմնաց, որի վրա գառ շմորթեն), այդ ընթացքում ոչ մի բանից էտ շմնալով՝ Հարութը հայրական տան տանիքը նորոգեց, և հարսնացուն արդեն աչքի առաջ ուներ:

Աղջիկը ոտքից թեթև էր, հասակը տեղը, ծամերը՝ փափուկ, ճակատը՝ մաքուր, աչքերը... Աչքերը արժեն, որ դրանց մասին հատուկ խոսվի: Այդ ճակատի տակ (եթե միայն ճակատն ես տեսել) դժվար է ենթադրել ուրիշ աչքեր: Բաց ու բարձր, քիչ ետ գնացող այդ ճակատին եթե չհարեն մոխրագույն ու խոշոր աչքեր, ճակատը կդիտվի կնոջն անհարիբ ճաղատի սկիզբ, և դիմագծերի դաշնությունը չի կայանա: Ինչքան էլ խոշոր՝ այդ աչքերը դեմքի վրա դերիշխող չեն: Դրանք չեն սառում մտասեևեռ, չեն բոցկլտում հանկարծակի բանկումով, այլ ամոթխածորեն խուսափուկ են: Նման աչքերը իրենց հոգուց զաղտնիք չունեն, և կոպերը կարծես իջնում են հոգու վրա: Իջնում են այնպես, որ հոգու բիբը մերկ չմնա:

Եվ տղամարդկանց սրտին են խփում:

Հին, անողորմ ժամանակներում այդպիսի կանանց պահում էին զնդան-ննջարաններում, եթե յոթ փակին շէին վրս-

տաճում, պահ էին տալիս սրտները մեռած ներքինիներին, սիրեկանները խողխողում էին նրանց տարաբախտ ամուսիններին, ամուսինները մեղքի մեջ ծաղկած նրանց մարմինը լողացնում էին սիրեկանների խիզախ արյան մեջ, նրանց պատճառով պատանիները վերջ էին տալիս իրենց կյանքին — հարուստները թույն էին ընդունում, ազքատները մահ էին որոնում՝ որը պատահի, որովհետև նրանց սերը սնունդ է առնում ինքը իրենից, չի տեղավորվում ամուսնական սուղ մահիճում, մահացու շատ է մահկանացու մեկ տղամարդուն:

Ճակատագրական այդ էակներից մի ընտանիքում շորսը կային. շորս փորձույուն դրացի տղերքի համար, ծնողների գլխին շորս փորձանք, որոնց շտապ հարկավոր էր ամուսնական լծի տակ քաշել: Բայց աղքատ տան հարսնաբարին մամուռն է նստում: Ու թեպետև աղջիկներից յուրաքանչյուրի գեղեցկույունը շորս հարսնացուի օժիտ արժեք՝ իրենք էլ վրան, մոտ ապրողները աղբի մեջ ծլած սունկերի նման շողշողացող գեղեցկուհիներից թունավորի հոտ էին առնում, համենայն դեպս՝ նրանց պնչերին նախ խփում էր աղբի հոտը: Եվ այն էլ կար, որ աղջիկների մօր երիտասարդույունը ոչ որ չգիտեր, նա հարս էր եկել ու տարիքում, հեռու տեղից, եկել էր գիշերը նստած — առավոտը հայտնաբերված ձյան նման, որ մինչև կեսօր պիտի տրորվեր գյուղի՝ ցեխ սարքող անցուղարձից, բայց մինչ գյուղի ցեխից լվվելը նա շորս ճերմակ ուլեր էր ծնել, խառնել գյուղի քոսոտ հոտին, տենչացել ու չէր կարողացել ամուսնու հլու խառնվածքից իր ընդերքում հոգի տալ ու աշխարհ բերել մի կապուտաչյա, չճաքող մաշկով, ձիգ մի տղա՝ այս գյուղին նախագահացու, մեծ ժողովների պատգամավոր, գյուղի անլվա դեմքը պարզ անող ներկայացուցիչ, — չէր կարողացել ամուսնուց քամել նման ապագա առաջնորդի, իսկ ծուռվիզ տղա չէր կամեցել, աշխարհ էր բերել շորս սպիտակամաշկ աղջիկների, որոնք գյուղի գորշ առօրյայում անմարդկայնորեն աչք էին ծակում. ուտում էին ամենքի նման, բայց լցվում էին ձեռնասուն որպես, քայլում էին նույն արևի տակ, դարկվում էին նույն քամիներից, քաղհանում էին՝ մորը օգնելով, հող էին փորում՝ հորը օգնելով, պտղի էին գնում, թութուն էին շարում, աշխատում

էին աշխարհ շեկած երեսփոխան եղբոր տեղ էլ, — բայց նրանց մաշկը սիրո գույն ունեւ, նրանց արյունը երեւի թե շրջանաւ-
ւում էր երիցս արագ՝ ներսից լվալով դրսի կեղտը ու նրանց
վերքը լավանում էր մի գիշերում, սպին չքվում էր շարաթը
չանցած և երբ շորսով մի տեղ էին լինում, գյուղին հասնող
աստծու լույսը բեկովում էր մի կետի վրա, երբ հանդերում
ցրված էին լինում, խոտ ու թփերում առկայծում էին՝ խաշ-
խաշի ծաղիկ, իսկ գյուղի տրտում փողոցներում նրանց դեմ-
քերը շողք էին արձակում և պատուհաններին ճերմակ վա-
րագույր ունեցող կանայք լվացքի տաշտում տորրում էին
տղամարդկանց անմաքուր, փնթի ձեռքերով դաջված կտավ
ու մետաքս, ամուսնացած տղամարդիկ թթվում էին ախտա-
վոր բիձեքի նման, նշանվածները առիթ էին փնտրում միու-
թյունը լուծարքելու, պատանիները դիվտտում էին ամուսն
կեսօրվա բերանը ընկած մողինների պես, — և գյուղի գորեզ,
իզական կեսի չկամությունը ծանրանում էր աղջիկների թեթև
շնչին, նրանց զատում էր գյուղի տոհմիկ ազգակցությունից,
կարծես լինեին ալլաղավան, որոնց գալու հարս էին տանելու
ալլ մոլորակից, և նրանց մայրը, որ կռահում էր տղամարդ-
կանց թունդ կրքերի ու կանանց աճող թշնամանքի թունավոր
դաշտում փթթող իր սիրունների բախտի խեղումը, ինքը
տքնելով՝ փորձեց, ջանաց, կաշվից գուրս եկավ, որ աղջիկ-
ներին ուսումի կապի, ուղարկի քաղաք, որ նրանք այնտեղ,
անցյալ շունեցող հավասարների մայրաքաղաքում բախտի
տիրանան, բայց աղջիկները գրի, գիտության իմաստը չհաս-
կացան, գրքերի վրա կենտրոնանալ չկարողացան, որովհետև
եթե տնից գուրս չթռչեին առիթ-անառիթ, հավքի նրանց սիր-
տը կպայթեր, եթե նստեին գրքերի առաջ, գյուղի լույսը կպա-
կասեր, համատարած գորշությունից տղամարդկանց աչքի
լույսը կխավարեր, — համենայն դեպս, տանը նստել չի կա-
րող նա, ով գուրսը մեկ, երեք, տասը սպասող ունի, ով ստեղծ-
ված է ժողովրդի աչքի համար և ուրեմն կնոջը շեղող սա-
տանան, որ համայնական սիրո, կրքի բեկուումն է մի կետի
վրա, չէր թողնելու, որ աղջիկների տհաս միտքն ու հուժկու
բնազդը նվիրվածորեն կենտրոնանա սիրո միակ, սրտառուչ
հնչող լարի վրա:

Այնինչ նրանց հայրը կարծում էր՝ աղջիկները դեռ երեխա են: Կարծում էր, թե մանկական խաղի շարունակութունն է տղերքի հետ իր աղջիկների աշքունքի խաղը: Եվ երբ մեծին գազամուղի վարորդը տարավ, երբ ամիս շանցած՝ միջնեկը փախավ, հայրը հա բշում էր, որ միլիցիա գնա:

Մայրը ասաց.

— Իզուր մի գնա:

— Երեխաներին տարել ով գիտի...

— Նրանք արդեն՝ երեխաներ չեն, — լացինց մայրը:

Հայրը ուզում էր քսան տարի կոկորդում մնացած հարցը տա կնոջ անցյալի վերարերյալ, բայց զգաց, որ չիմանալը իրեն կփրկի: Եվ հոր խոսված հոգուն մեծ սիրտփանք էր խնամախոսների այցելութունը երրորդի համար:

Երրորդի, բայց որի՞ համար էր եկել, խնամախոսը չէր հասկանում: Հարութը ասել էր՝ մեկը տասնութ, մյուսը կլինի տասնյոթ տարեկան: Մեջների սիրունին — ասել էր: Բայց երկուսն էլ գեղեցկուհի էին և տարիքով անջոկելի: Նաև հայրն ասաց՝ «Տասնութ տարեկանին տվինք՝ տարան» և սա առիթ էր խնամախոսութունը հեշ անելու, որովհետև դուրս էր գալիս, որ մնացել են տասնյոթամյան ու անշափահասը: Հորեղբայրը ուզում էր, որ խնամախոսութունը չկայանա, սպասեն տեսնեն գնացածները ինչ են դառնում, և խոսքը այնպես էր տանում, որ գործը ինքնին փշանա, բայց ազնիվ, սրտից թույլ մարդ էր, եղբոր սրգու վստահութունից խեղճացած էր, իր հերթին աղջկա հայրը, աչքը վախեցած, համաձայն էր տալ նույնիսկ փոքրին, միայն թե մեկը մյուսի հտևից չփախչեն գնան, միայն թե այս մի թագ ու պսակով մեծերի արարքը ծածկի: Հետո, նա անսպասելի էր իրեն աղջկա տեր զղացել, մերժելու ձեռք չգիտեր, եթե ուզեցար անգամ: Նաև մայրն էր մեծերի մեղքի տակ մայրաբար սսկված: Աղջիկներն էլ կարող էին բորբոքված լինել մեծ քույրերի արկածախնդիր քայլով, այնպես որ ամեն բան նպաստավոր էր Հարութի ամուսնության համար: Եվ չձգձգեցին: Միայն, ձեռի համար, ասացին՝ վաղը եկեք: Թեկուզ այդ աղբատ տան համար, թեկուզ այդ նեղ վիճակում պատշաճ չէր որ առաջին եկածի առաջին ուղեւով՝ աղջկան ձեռքը տան:

Սկան մյուս օրը: Իհարկե, հայրը համաձայն չէր, որ սու-

սուփուս տանին, էլի դառնում էր մեծերի փախուստի նման: Ուզում էր դճուղ-զուռնա, պար, գյուղի ականջը գցելու կամ իրեն խլացնելու բան: Երկու կողմից զիջելով-զիջելով եկան ու կանգ առան Հարութի բնկերների ակորդեոն-դճուղի վրա: Մի թեթև սեղան աղջկա տանը գցեցին, մի թեթև սեղան՝ Հարութի: Բայց Հարութի բնկերների ուրախությունը ակեց մինչև լուսաբաց և ստացվեց համարյա հարսանիք:

Այսպես, հարսին հա տանելը հետաձգվեց մի գիշերով: Մյուս օրը, երբ պինդ մութն ընկավ, երբ ժողովուրդը ոտը տուն քաշեց և դրսում մարդու հանդիպելու վտանգ չկար, Հարութը նորահարսին հա տարավ հոր տուն: Հայրը մեռած էր — թաղած չէր: Բայց օգնական մի միտք եկավ՝ թե ջահել են՝ չեն հասկանում, հասկացնող էլ չի եղել, որ պատշաճ չէ, կասկածելի է, որ հարսանիքի հաջորդ օրը աղջիկը հերանց վերադառնա: Այս հույսով ասաց՝ հաց դրեք:

Իսկ մոր ոտքերը գազօջախի մոտ տակը ծալվում էին: Սպասում էր մեծերի հա գալուն — այս երեխուն հա բերին: Միտք էր անում՝ ե՞րբ, որտե՞ղ կարող էր երեխան իր հսկող աչքից փախած լինել, ո՞ր շան որդին կարող էր... Ուղեղը քար էր կտրել: Բայց աչքերի դեմ եկավ ու մնաց աշխարհագրության դասատուի լպիրշ նայվածքը: Եվ մոխրագույն այդ աչքերը պսպղում էին պատշգամբի ամեն անկյունից: Այլընչու բան էր. եթե աչքերը մոխրի գույն ունեն, պիտի որ դրանց նայվածքը մարդուս մարմինը տաքուհով շանի, պիտի որ... Բայց արի ու տես, որ տակը անթեղած շեղ էր ու փորձված կինն անգամ սրսփում էր, ինչ մնաց անփորձ երեխան:

Տան փոքրը տեսավ մոր ձեռքից ամեն բան թափվում է, հաց սարքելու գործն առավ իր վրա: Քույրն ու մայրը կողքը միայն բզբզում էին:

Իհարկե, աքլոր մորթել էր պետք նորափեսայի համար, բայց հավերք վաղուց թառին էին և հանգամանքն էլ այնպիսին չէր, որ բակում թառածով աղմուկ սարքեն: Սա միանգամից հասկացվեց բոլորի կողմից: Դարձյալ փոքրը հիշեց, որ անցյալ օրվա խոզի մսից մնացել է:

Պատշգամբի մուտքի աջին խոհանոցն էր, պատշգամբի հակառակ ծայրին փեսա ու աներ նստած լուռ էին: Այդ անկյունում հարմարավետության նման մի բան էր իրար

արված. պատշգամբի լայնքով մեկ թախտ էր դրված, մի կարճ թախտ էլ դրված էր տան հիմնապատի կողմից և սեղանը երկու կողմից ամփոփված էր դրանցով: Մյուս կողմերից մեկական աթոռ կար: Հարուժը նստած էր աթոռին: Եղանակից մի երկու խոսք ասել՝ վերջացրել էին: Եղանակի հետ կապված՝ անասնակերից, անասունից խոսեցին՝ հատալի: Այստեղ տանտերը ձայն տվեց, որ օղի բերեն:

Պատշգամբի մյուս ծայրին թեթևացած իրար անցան, պահարանների դռները բացուխուփ արին, բաժակները զընդացին և տան փոքր օղին աճապարանոք բերեց դրեց: Հետո թթու-բան բերին: Եվ, իհարկե, այդ միջոցին այնտեղ ափսե-ից-բանից ջարդեցին:

Փեսան հասկանում էր, որ այս տանը այլևս հաց չպիտի կտրի: Դրա համար նախ ասելիքը պիտի ասի վերջացնի. թե այսպես ու այնպես, ձեր աղջիկը, ուրեմն, հարգելի աներ-հայրիկ ու դորանչ-մայրիկ, պարզվել է, այսպես ասած, այնքան էլ, ինձ թվում է, հեռու ձեր պատվից, թող թշնամուս չպատահի՝ ամենքս էլ կարող է աղջկա տեր լինենք, — հեռու տնից, ուրեմն, այնքան էլ, ճիշտն ասած, ոնց ասեմ, որ... այնքան էլ, ուրեմն, կնության պիտանի չի... Այսինքն, շատ լավ էլ պիտանի է, բայց մի քիչ, ուրեմն, շուտ է պիտանի դարձել...

Հարուժի բերանը չէր բացվում: Ճիշտն, իհարկե, հացին ձեռ չտալն ու գնալն էր: Այդ քայլը բավական էր, որ հասկանային: Չհասկանան էլ, թող իրենք իրենց մեջ պարզեն... Այս մտքի վրա Հարուժը պատկերացրեց աղջկա վիճակը իր գնալուց հետո և հասկացավ, որ այդ բանը չի անի... Այդպես ջահելավարի թողնել զնալը իրեն չի սազի: Որպես վիճավորված կողմ՝ ճիշտը դա էր, բայց... Ուրիշ բան որ չլինի, ինքն այստեղ իր հորական տան ներկայացուցիչն է, փաստորեն իր ու իր հոր տեղն է միաժամանակ և աներոջ հետ հարկավոր է տղամարդավարի խոսել: Հորեղբայրն այսօր կա — վաղը չկա, եղբայրը կորած է քաղաքներում, ինքը գերդաստանի զլուխ է դառնում, պիտի մտածվի այս երկու տների ապագա հարաբերությունների մասին: Խնդիրը պիտի պարզվի, որ բանը չհասնի տասնամյակների քեն ու թշնամանքի: Որոշեց խմի, որ ասի: Խմեց: Մեկ էլ խմեց: Երբորդն էլ

խմենց ու հեռվից, կցկտուր եկավ: Այդ ժամանակ անցել էին կարմիր գինու և աներն ասաց.

— Այ որդի, մեր ցեղն էդենց ա՛հ հեշտ... Գրա մերն էլ էր էդենց: Ուզում ե՞ս էն պուճուրին տար՝ նույնն ա...

Հարութը պապանձվեց մարդու անկեղծությունից: Հետո սիրտը լցվեց մարդու մեծահոգությունից: Մի պահ եղավ, որ արևոտացավ, իրեն շահ ու սուլթան տեսավ՝ մեծին թողնելու — փոքրին տանելու հեռանկարից: Ապա մեծահոգությունը մեծահոգությամբ պատասխանելու տղամարդկությունը բռնեց, և դա էր նրա բնույթը: Նաև գինին լավն էր, գիշերվա էն ժամը ու ճանաչածը ցանկալի: Վերջին հաշվով, մեծը փոքրից սիրուն էր: Իսկ Հարութը սիրունի գիժ էր: Կամ ներդաշնակության մոլի: Կամ համաշափության հիվանդ:

— Եթե դրան թողնելու ես, — ասաց հարբած-հաշտված հայրը, — պուճուրին տար: Թող մեկնումեկը տանդ լինի: Գիշերվա էս ժամին ո՞վ պիտի տեսած լինի, որ մեկին բերել, մեկելին տարել ես, կիմանան՝ երեկ պուճուրին ես տարել: Հրեն էն երկուսին էլ սպասում եմ... Տուն չեմ թողնելու, բայց՝ բա որ դան: Բա որ լակոտները դռներին դան... Տար, տղա ջան, սրան տար... Եթե ուզում ես՝ տար, բայց իմացի, շան ցեղ են, դրանց մերն էլ էր էդ:

Հարութը տեսավ՝ այդ մարդու վիշտը իրենիցից մեծ է: Նաև սիրտ ու հաշտության ժամ էր: Իրենք էլ այնքան իրար նման էին... Ոչ ոք չէր խղճալու այդ մարդուն, ոչ ոք չէր խղճալու իրեն, ծաղրի առարկա էին դառնալու առանձին-առանձին: Եվ ամեն բան կախված էր Հարութից: Կախված էր այս պահից: Հետո, փաստորեն, մենակ տուն գնալու տարբերակ չէր թողնվում:

— Հարսը թող մնա, մնացածը թող բենն, — վճռեց Հարութը:

Տղամարդիկ իրար նայեցին: Եվ հասկացան՝ այս կյանքում իրենք իրար պահեցին՝ պահեցին, չպահեցին՝ կորած են: Կանայք հեզորեն քաշվեցին ննջարան:

Գիշերվա մի ժամի աները ասաց.

— Աղջիկ չունենաս:

— Երբեք: — Հարութը ուզեց գլուխը վճռական տարուբերի, բայց ցնցեց ուշքի գալու նման:

— Կնոջդ շատ շտիբես, — եղածը անցած համարելով՝ որպես որդուն խրատեց աները: — Եթե շատ սիրեցիր՝ աղջիկ ես ունենալու, ես քեզ օրինակ: Էնպես արա, որ ինքը քեզ սիրի ու՛ տղա կունենաս... Կա՛մ տղա ես, սիրտդ բարակ մարդ ես, քեզ սիրելուն շտաս, շթողնես փալաս-փուլուսից աչք բացի, շթողնես պարապ մնա, շատ լավ շապրեք, որ հիմա էլ մտածի՛ էս կա, էն կա, բա սրանից հետո՛ ի՞նչ... Թող տանդ պակաս բան մնա, որ լինելը ուրախություն լինի... Թող միշտ երեխա բերի, որ պուճուր բանի, քնքշության կարոտը ուրիշ բան չկարծի... Հետաքրքրասեր ցեղ են, թող շատ բան շտեսնեն, որ տեսնեն՝ ուղենալու են համն էլ տեսնեն... Սիրտդ լրիվ քար մի արա, բայց սիրելուդ կարոտ թող, թող չմտածի, որ դու իրենն ու իրենն ես, մի բան էլ գուցե, կողքից լինի... Թող համոզված մնա, որ մի կյանքը քիչ է տղամարդուն իրենով անելու, մինչև տակը տեսնելու համար... Էս փակ կծի նման՝ շիմանաս ինչքան պակասեց, շիմանաս ինչքան մնաց... Քեզ մի քիչ էլ թաքուն պահի: Բարձր մնա, սիրտդ խալու պես ռաբերի տակ չփռես: Պարզ է, սկզբից կողքերով կգնան, հետո կբոբկանան ու սիրուց-բանից կսրբսրփան, հետո տանու շտերով կտրորեն, հետո գոյությունդ լրիվ կմոռանան...

— Աղջիկ եղավ... — երզվեց Հարութը:

— Եթե կարաս, դրանց ցեղի առաջը առ:

— Կկտրեմ, — հոխորտաց Հարութը:

Հետո աները խճճված, խմած գլխին աշխարհը շուռ բերող միտք ասաց:

— Ուրեմն, — ասաց, — դրանք դե են: Դրանք քեզ սիրել են տալիս ու իրենք չկան: Էստեղ էին, նստած էին, պառկած էին ու մեկ էլ չկան... Ոնց որ դու պառկած լինես իրենց պառկած տեղը: Տեղը դեռ տաք է, իրենք չկան...

Հարութը գլուխը թափ տվեց ու նայեց մութ ապակիներին:

— ...Չարք են, — ասաց աները, — իրենց սիրել կտան ու շվարի պես տակիցդ կփախչեն: Ու կտեսնես քիթդ գետնին է առել:

— Բա ո՞ւր են, — հարցրեց Հարութը:

Տունը, գյուղը՝ քնած, ականջ էր դնում:

— Իրենց մեջ են քաշվել,— շշնջաց աները:

— Աղջիկ եղավ... — երգվեց Հարութը:

Ոչ դուրսը, ոչ ներսը ձայն-ծպտուն չկար:

Աները բաժակները լցրեց, վեր առան, որ տղամարդավարի լուռ, համախոհ, երգման նման խմեն...

— Ձէ՛, չե՛մ ուզում... շա՛ն տղա... ցա՛վդ տանեմ, մի՛ արա, չե՛... — քնի մեջ ճշաց, հեծկլտաց, մնչաց ու լռեց քույրերից ամենափոքրը:

ՏՂԱՄԱՐԴՈՒ ԴԺՎԱՐ ՏԱՐԻՔ

Ճակատագրի խնդիրը հեշտ էր, բան փողինը:

Եթե տոմս եղա՛վ, մտածել էր տոմսարկղերի շարքի երկայնքով երկու-երեք օր զնալ-գալով, եթե եղա՛վ՝ ճակատագիր է, պիտի գնա:

...Մյուս կողմից էլ, եթե քնքշության կարիք ունես, սուլորական պատահականությունը կմեծարես ճակատագիր... Բայց, այդուհանդերձ, նա համոզված էր, որ ճակատագրականության ինքնամատուց հանգամանքին տեղ թողնվում է: Ինքը իր կողմից մեծ ջանք չի դնում. հերթ չի կանգնում, առաջիկայի պատվեր չի տալիս, գնացքի հարյուր տոկոսանոց լինելիք տոմսի վրա չի քշում, բաց է թողնում ճամփա դուրս գալու փորձված միջոցը, — թողնում է մի դուռ՝ օդայինը, իսկ սեպտեմբերին օդազնացության հույսին մնալը նախախնամությանը ապավինել է նշանակում: Ուրեմն, եթե եղա՛վ՝ ճակատագիր է:

...Գե, եթե երկու-երեք օր քարշ գաս տոմսարկղերի մոտ, մի դուռ կբացվի. տոմսավաճառներից մեկին ու մեկը կխղճահարվի, վերադարձվող տոմսերից մեկը քեզ կհասնի, վերավաճառող ստահակներից մեկը ականջիդ կշշնջա... Սիրահարվածը, անփորձ ճամփորդը տարբերվում է հիվանդի նման:

Նախախնամությունը ողորմած եղավ: Չլինելու պես հեշտ եղավ տոմսը: Բայց... իր նմանը, որ հայրական ժառանգության վրա չի նստած, ով էժան առնում—թանկ չի ծախում, ով գողությունից թունդ ամաշում է և չի ստացվել, որ աշխատի կարբիդի ցեխում, նա երկրիս վրա ճամփա դնալու մի միջոց ունի՝ պիտի պարտք անի: Եվ ընկերների ոտքը դնաց: Մեկի, երկուսի, երրորդի ու... Առանց այն էլ նրա կորովը լարովի էր, դժվար պրկվում՝ փրթվում էր մի ակնթարթում, և հետեյալ այցելությանը պնդերեսությամբ զինվելու համար մի գիշեր ու մի ցերեկ պետք էր:

Հանաքամիտ ընկերոջ հետ փորձեց գործը հանարով տանել, բայց խոսքի կեսին սխալը զգաց: Փող ունեցողը հանաքի ձիրքը կորցնում է՝ հենց փողի մասին անլուրջ խոսեցիր: Հայացքը նախ սզավորվում է, ապա պաղում-խորթանում է, վերջը դառնում է լրիվ բացակա՝ կարծես գնաց իր գանձի վրա աչք պահելու... Փողատերերը նաև ունեն մի նվիրական նախապաշարմունք, որ ձեռք են բերում մեկ օրվա մեջ, մեկ մարդու նման՝ չի կարելի ավանդից կտրել ուրիշին տալ, անհարկի չի կարելի պակասեցնել, թե չէ կսկսի ինքնիրեն պակասել...

Ամեն այցը ստոր դավ էր ընկերության դեմ:

Մարդիկ հանգիստ ապրում էին, հանգիստ ապրում են, այսօր էլ ահա գործից տուն եկան առանց վատ նախազգացումի, քեզ ընդունեցին առանց կասկածի, հյուրասիրում են հայալարի, ընկերության կենացն են խմում առաջին, նաև՝ վերջին բաժակով, իսկ դու, ընկերոջ ուտը գրկած, ընկերության բաժակի մեջ ա-հա՛ պիտի թույն կաթեցնես, մեջքը գրկած՝ պիտի կողքից, կարճ, սրտին խփես՝ փող է հարկավոր...

Հին, վստահելի մի եղանակ կար. պիտի ասվեր՝ հասկանում ես, մեկին տանում ենք մի շաբաթով... Ստացվեց... Հանկարծ... Հասկանում ես: Ու հակառակի պես շունեմ հիմա... էդբան չկա: Ընդհանրապես՝ կա, բայց տղամարդը երեսի բերնից չի կտրի էս դեպքի համար, հասկանում ես: Դա պիտի մնա: Այնպես, որ շունևոր չենք, ձեռքներս քարի տակ չի, կորած տեղ չի... Պահ է... Մոմենտ...

Չէր կարողանում: Նրա մասին «տանում ենք» խոսքը կամ նման այլ խոսք ասել չէր լինում: Այդ աղջկան, հասկանալի

է, նրանք երբեք չէին տեսնելու, անունն իսկ չէին իմանալու, բայց լեզուն համբակի շէր ու շէր ստացվում: Հետո, նաև այդ փաստը չկար: Նրան հունից հանող կինը մի քանի օրից լինելու էր այնինչ քաղաքում, մնալու էր երեք-չորս շաբաթ, և տղամարդու ուզածը այն էր, որ գեթ մի շաբաթ, ամեն օր նրան տեսնի առավոտյան, տեսնի կեսօրին, տեսնի նաև կեսգիշերին... Մեկ էլ, գուցե, այն, ինչը դիպվածը կամ կանացի քմահաճույքը կընծայի իբրև իր յոթնօրյա երջանկության անպարտադիր դարդ:

Չառամ շան սիրտը սիրուն լակոտի տեսքին է գերի: Այ, այդ լակոտին, սիրուն, սկսնակ դերասանուհուն, որի հտևից վազել եկել էր իբրև պոչը ցից (հո հո շէր նայի, որ թափը կոտրեր), իբր մեջքը պինդ (շտապելուց էր ողնաշարից փախչող քամակը առաջ քնկնում), իբր թեթևատ (ճանապարհն էր, պարզապես, երկար), իբր երկրորդ շնչառության դեռ ընդունակ սիրող ու պահապան գամփո,— այդ լակոտին արդեն երկու օր թատերախմբի որձակազմը հաճոյախոսության ու դինու կապած՝ լպտում էր իր աչքի առաջ: Իսկ աղջիկը մաքուր էր՝ անց որ առավոտվա աղբյուրի ջուր, միայն թե միջօրեին տավարը գալիս, կճղակներով, րիթմաճութով մտնում էր ակը: Ինքը մաքուր էր՝ դա շէր զգում կամ էլ շափից դուրս էր վրստահում ինքնամաքրման թափանցիկ ուժին, կամ զգում էր, ինչպես քոր եկող վերքի վրա մի գարշահոտ սպեղանու հովացնելն ևն զգում-հանդուրժում, կամ, ով իմանա... Սիրուն կինը՝ տապակած խոճկոր, սալ է գալիս սպայակույտի գլխ սեղանին:

Նրբորդ օրը մեր ապուշի լացը եկավ: Խմած էր՝ եկավ: Քիչ էր խմել, բայց հո՛ եկավ... Նոր էր դուրս եկել այն սենյակից, ուր աղջկան էլի խմբովին դարպասում էին...

...Նորեկ էր՝ պիտի սերահետելին: Նրանք, որ սիրո կոչված չեն, պիտի ատելին, իսկ տղամարդիկ մի ձեռքով հինք մոտ շթողնելով — իրենց պահելու, մյուսով այս մեկն էլ իրենց քաշելու ջանքից պիտի ճղատվեին... Տղամարդկանց տխմարության այդ ավազանը շնածկների լողի տեղն է: Եվ վերջերիս գեղեցկուհին ու տանու աստղը, սիրվածն ու երեսառածը մի ջղազար հոհոոց դրած՝ վզովն էր քնկել անակնկալից ուշքի չեկող մի պատանջակի: Նա տղային կործանում էր:

Գերից որ՝ հաստատ գրկում էր: Բայց եթե գեղեցկուհի երեսա-
նածին շնորհից, թեկուզ ուշագրությունից են դրկել այս պա-
հին, նրանից քրոջ գթասրտություն պետք չէ հուսալ: Հետո,
նա կին էր և այդ ամենին կանացիորեն նայում էր միակ կե-
տից. իր շնորհներին աչք դրած ամեն արարած տղամարդ է
նախ և առաջ, ենթակա ու վերակա շկա, ով տղամարդ է,
թող իր սիրունուն, մի օրվա սիրուն, մի ժամվա բախտին
կյանքը չէ՞ գործը դռհարեկով տիրություն անի: Թուլամոր-
թը գործն ի՞նչ է անում: Կյանքն ի՞նչ է անում զիջողամիտ
տղամարդը:

Նա, ի հեճուկս ում խաղացվում էր այս տեսարանը, նա
շահնշահի՝ ներքինիներին վստահողի գիմակը քաշել, ջղերի
կծիկ գեղեցկուհուն զիջել էր խեղճ պատանուն, ինքը գրկել
էր աղջկա մեջքը և մազերը, այտը, քունքը համբուրում էր
իր հայրաբար, իբր կուսություն հովանավոր... Ժամ առաջ
նա, երբ տղամարդկանց շրջապատում էր, խմած օղուց լրիվ
զեղվել, բաժակը առել ու կենաց խոսք ասելու նման երազում
էր. մեկը լինի (ինքը հոգնած է՝ ջանք շթափի), գա, սիրի
փավո՞ւկ, անշահախնդիր... Կյանքում մի անգամ պատահել
է: Հեռու հյուսիսի բարեհոգի մի ռեստորանում ընկերն ասել
է՝ ա՛յ էն կինը քեզ ուզում է, ինքը թե՛ վատ չի լինի: Կինը
անկաշկանդ մտեցել է, քսան տարվա ծանոթի նման բա-
րեկել, գզվել, վիզն համբուրել է և մնացյալը գնացել է նույն
սահունությունը... Իր տապարեզում ճանաչված մարդ էր, գեշ
արարքը անց էր կենում թուլություն տեղ, լավը ուժգին թըմբ-
կահարվում էր, նա, իր ասելով, բեզարած արվեստագետ էր,
նախաձեռնության, ջանքի այլևս ընդունակ չէր, բայց հենց
որ կանայք սեղան նստեցին, շունչը տեղն եկավ: Ու հիմա
թեթև (սճն էր թեթև), իբր ոչնչի կարիք չունեցող, իբր կու-
սություն հովանավոր՝ ջահել աղջկան լսողտում էր:

Աղջիկը գզվանքները ոչ ընդունում, ոչ մերժում էր, ոչ էլ
փորձվածի հաշվենկատությունը խաղում էր ամենազոր մի-
ջինի վրա: Իրեն պահում էր շատ բնական, տան ավազանի
կիսաձեռնասուն ձկան նման — կեր ես գցում՝ մոտենում է,
ձեռքը մեկնում ես՝ խույս է տալիս առանց խուճապի: Խույս
է տալիս առանց խուճապի և գզվանքի, թե հետին մտքով
գնացող ձեռքը չի կարկամում հիմար վիճակում, չի շարանում

երախտամոռությունից, շի հուսահատվում և հաջորդ փորձն էլ շի բացատվում, եթե շասենք՝ խուսափուկ նազով հրահրվում է: Եվ այն էլ կար, որ նրա վրա գնացող ձեռքը կոպտությունը թոթափած ուներ, խրտնեցնելու շափ նպատակամետ շէր, գոնե վերջնական նպատակը շէր երեցնում, վերջի հարցը թողնված էր բաց, ձեռնոցը նետված էր ալնպես, որ կարելի էր և շտեսնելու տալ: Ամեն մեկը ամեն պահի ինքնասիրությունը շլինասելով նահանջելու տեղ ուներ: Եվ այդպիսին էր ողջ սեղանի մթնոլորտը:

Նա, ով սիրում էր, ապուշ էր կտրել: Նա կնոջ ու տղամարդու հարաբերության մեջ սուսերախաղի զգոն կեցվածքը շէր քմբռնում, շէր հասկանում մի բանը երկրորդ անգամ ասելը, նույն բանը երկրորդ անգամ ուղելը, հերթական անգամ մերժված լինելը... Նրա համար ապրելու այդ եղանակը գոյություն շուներ:

Եվ ծանր սրտով դուրս եկավ միջանցք:

Սուղ միջանցքը ամառանոցային երեկոյի կանխավայելքից քնդարձակվում էր: Ակնկալիքով դոներ էին բացվում, մեղսախորհուրդ ծածկվում էին, նվագարանները իրար գոռելով տասնալեզու զլել էին՝ էստի՛ համեցեք: Կեռան ընդերքի պաղ գորությունը ծորակներից հաղարաշիթ աշխատում էր Ղազախի ձմերուկի ու շխական գարեջրի համը տեղը բերելու վրա, խավոտ գորգերին ածխահոտ կանանց բրիզազը վարժվում էր ծանրագնա ճեմաքայլի, վիթխարահասակ նկարիչների հրոսակախումբը բնորդուհիների առատությունից խելքամաղ եղած՝ իրեն տվել էր, թափին նայելով, տասներկուօրյա կերուխումի. «Կյա՛նքին մեռնեմ» — բոռաց մեկը... Որոշակի մեկի՞ կյանքին, թե՞ կյանքին առհասարակ. միտքը շարժվեց և նա ապալինեց մտածելուն: Հիշողությունից ցաքուցբիվ մտապատկերներ հանեց աչքի դեմ՝ որպես խայծ, խթան, որպես իշու բիզ, բայց պաղած միտքը դրանց շկպավ, իրար շկպեց, պատկերից դենը իմաստ շտեսավ, միայն կրկնում էր անմիտ հարցը՝ որոշակի մեկի՞ կյանքին, թե՞ կյանքին առհասարակ... Բայց դա ուղեղի աշխատանք շէր, դա ուղեղի առողջություն շէր, մտքի սպի էր, դաշվածք էր մի, կարծես տող լիներ, որը կարդում ես երեսուն անգամ:

Այնուամենայնիվ, դա երանելի վիճակ կլիներ, եթե շի-

ներ վախը՝ շգիտես ինչով զգացվող, վախը, թե այս վիճակը խիստ է կարճատև, թե ահա-ահա անդրազատնալու է ահաճ մի բանի: Փութով, որպեսզի անխուսափելից առաջ ընկնի, սահուն, որպեսզի միտքն ուշքի չգա, — արագ ու սահուն, ամեն ակնթարթ վաղժի անցնելու սահմանի վրա իջավ ներքնահարկ:

Ետվարին տվող կարմիր էր լույսը, նվազը մեղմապարի էր, կրակարանի նմանակումը բոցկլտում էր իրականին գրեթե նման և սրճարանը հավասար չափով նմանվում էր թե՛ ակվարիումի, թե՛ ջրասույզ կացարանի: Կին ու տղամարդ լողում էին, միայն թե լույսի աղբյուրից հեռու: Գունավոր լույսից նրանք բոլորը միադեմ էին: Գիմակ-գույնը բողբոջում էր պարողներից ոմանց խոռվքը, ոմանց էլ հագեցածությունը: Միայն մոտիկ նստած զույգը անհատական կերպարանք ուներ: Նրանք չէին պարում, չէին ծխում, խմել էր մի շիշ գինի, և աղջիկը կիսախավարին ապավինած, թե՛ զգացմունքը չթաքցնելու նորօրյա բարբով, միգուցե հոգու խորունկ խոռվքից՝ ինքնատիրապետումը կորցրել էր: Նրա ձեռքերը՝ իրար հետամուտ մեկը մյուսին որսում էին օդում հաժելիս, սեղանի վրա, գոգը դրած, ամբողի կողին, նա մատները ջարդատում էր, բռունցքները բերանն էր տանում, մազերը ձիգ փնջում էր ծոծրակի վրա, շաղ էր տալիս բաց ուսերին, դիմադծերը նույնքան ջղալին խաղի մեջ էին, միայն աչքերն էին անթարթ ու թաց տղային հռոած և այդ աչքերի արտավելը արտառոց էր բաց աչքերով քնելու նման: Տղան նստած էր կիսադեմով: Նրա հայացքի ուղղությունը չէր ընկալվում, բայց աղջկա անհանգստությունից զգացվում էր, որ հայացքը նրա միջով թափանցում է: Կարևոր մի բան աղջիկը ասել, վերջացրել էր, տղան, ոնց որ, պատասխանում էր, աղջիկը նրան լսում էր այնպիսի հափշտակվածությամբ, երբ ոչ մի բան չէն ընկալում, բայց սպասված բանը կորսան շուրթերի վրա: Տղան տրվել էր խուսափուկ շատախոսության: Նա մտահոգ էր, ջանք էր թափում, որ դա չերևա, բայց աղջկա բերանը մեկ հուսահատ սեղմվում էր, մեկ բացվում էր սպասումով, մեկ էլ ծպտում էր անուրախ ու հեղ և իր այսը շոյելու թե արցունքները սրբելու մղվող տղայի ձեռքը կենդանական եղանակով բերանով որսում,

համբուրում էր... Տղան ձեռքը ետ էր քաշում կշտամբանքով: Տղայի դեմքին չէր բռնում տղամարդկային լրջությունը, և աղջիկը ապավինելով, համբուրելով, արցունքներով այդ դիմակը լվանում էր: Տղան փափկում էր:

Ինչո՞վ է ծանոթ այս պատկերը: Ինչո՞ւ է աղջիկը սիրողանդիջում, ինչո՞ւ է տղան զիջող ու տխուր... Ախ, ծնունդի պահապան աստված, ախր գրված է ճակատներին՝ աղջիկը երեխայով է, տղան երեխա սիրող տղա է...

Օղին օղնում էր, և նա տղային քսան տարուց տեսավ այստեղ իր նման նստած, տասը տարուց տեսավ իր որդուն՝ այդ տղայի տեղը նստած և սիրտը ցավեց անձանոթ տղայի համար, ցավեց անձեղ իր որդու համար՝ այնտեղ նստած... Երեխա պաշտող տղամարդկանց ցեղ... Նրանք հազար կանանցից միայն մեկի մեջ են տեսնում իրենց երեխաներին, բայց կանանցից յուրաքանչյուրը, բացի այդ մեկից, մտքի մեջ, համենայնդեպս, պահած ունի պատրաստի հոր նրանց կերպարը: Ուրիշների պատանեկան երազանքը քաղաքազրլուխ, լուսնագնաց, երկրի ղեկավար, ոսկու տիրակալ, կանանց ընտրյալը դառնալն է, նրանցը՝ պարզ, իրագործելի մի ցանկություն՝ սիրած աղջիկ—սիրելի կին, ուշիմ, բարեկիրթ երեխաներ — ապագայի լավ քաղաքացիք... Նրանք իրենց հասանելիք երազանքը զիջում են դեռ շունեցած երեխաներին և իրենց պուճուր բախտի ետևից գնում են կույր, ինքնամոռաց, և որովհետև կանայք նրանց հայրական հոտը զգում են հեռվից, նրանք ընկնում են խանձարուրների բույրով օծված որոգայթներից առաջինը, կաշկանդվում են վաղաժամ հոգսով և շեն կարենում իրենց անբաժն երեխաների ապագան կռել:

...Փամբ լրացավ, և նա ոչինչ անել չէր կարող աղջկա սենյակ գնալուց բացի:

Նրանք, իհարկե, ղեռ այնտեղ էին: Նրանք, որ գործընկերոջ անպատկառ մի տնավարությունը օտարից քաշվել շունեն, մեծահոգաբար իրենք էլ նրա ներկայությունը հանդուրժում են աղջկա կողքին, իրենց շարքերում, որովհետև համոզված են, որ բոլորով նույն բանն են ուզում, որ ամենքն էլ նույնն են ուզում և ուրեմն հավասար են իրավունքով: Նրանք պատրաստ են աղջկան միջից կիսելու, մաս-մաս

անհելու... Կարող են զիջել վերջին հաշվով, բայց համը հանելուց հետո, գրողը տանի, միայն համը հանելուց հետո...

Ազգիկը թատրոնի կին էր գառնում: Նա ջահել էր՝ ներսը տեղ կար առանձին՝ սիրո և առանձին՝ սիրախաղի, կյանքը նրա դեմ մեկեն բացվել էր շքադռնից, ոտքերի տակ գորգ էր փոված, որ ձգվում էր մինչ անմահություն, ամեն բայլին մի դուռ էր բացվում կրնկի վրա ու թվում էր՝ եթե կանգ առնի մի երկվայրկյան, հետևյալ դուռը փակ կմնա, եթե բացվի մինչև անգամ հապաղելով, քայլ անելու վճռականությամբ կլքի նրան, — ուրեմն թափը կոտրելն է սխալ: Իսկ տղամարդիկ՝ տողանի կանգնած, կնոջ համար հայելուց պատ են, որպես թե կինը ապրելիս լինի հայելապատ սենյակներում, հայելապատ փողոցով քայլի, ոտքերի տակ հայելի լինի, երկնքի տեղ հայելի լինի... Գեղեցիկ կանայք ապրում են իրենց արտացոլանքի հետ: Եվ ոչինչ, որ տղամարդիկ կնոջ հայացքը թյուր կըմբռնեն՝ իրենց կզգան, իրենց կպահեն ավելի տաք, քան հայելին է: Գեղեցիկ կնոջ պաղ նայվածքը նրա համար է, որ փշրի դրանք ուզած ժամանակ, գեղեցիկ կինը արտացոլվելու խնդիր չունի, միշտ կգտնի շքեղակազմ-անխտրական-ստորաքարշ ապակիներ, բայց կպահի նաև մեկը՝ զարգասեղանի հավատարիմ, պայուսակի հավատարիմ, ծոցում պահվող հավատարիմ, ծուռությունն էլ սիրող հայելի, որին նայում են միայն հոգու ներանձուկ ժամին և թեթև շնչով խավարում են, երբ ուզում են, շնչից սրբում են, եթե ուզում են, ավելի հաճախ, այնուամենայնիվ, թողնում են խավար:

Ազգիկը գիտեր՝ իր տեսազաշտում, ձայնի արձագանքի ուրտից ներս իրենով ապրող մեկը ունի, նա խաղատանն է կամ անտառում, կամ գետակի մեջ, կամ պանդոկում և ձայն տա՝ կգա, շտա էլ՝ կգա, ճաշին կգա, ընթրիքին կգա, եթե շուտ չգա:

Իսկ նա ամառանոցային այդ քաղաքում մի կիսամութ, մի կիսափնթի՝ խոհանոցը սրահին մոտիկ — սրահը՝ դուզարանին, մի անմեղեղի, տղամարդկանց հավաքվելու տեղ էր ման գալիս և գտավ զարեչրատուն-խինկալանոցը:

Գարեջուրը խինկալու հետ՝ անմիտ բան է, բայց գարեջրի ենթադրվող հայրենիք Հայաստանում մի այնպիսի շոր ու

աղի բան շի հորինված, որ մատուցվի դարեջրի հետ: Վանա տառեխը պիտի լիներ՝ գարեջրի հարգը շիմացող վայրենոց մնաց, Միջերկրականի խեցգետինը պիտի լիներ՝ արժանացավ Կիլիկիո ձիթապտղի սև բախտին, Արաբսի լոքոն տեղը կրոներ՝ քաշվեց Կասպից ծով, Կասպից ծովը թուրանական կարոտախտով կուլ է գնում ասիական ավազուտներին... հե՛րն անիծած.

— Խինկալի բերք:

Բայց տեղը գո՞վ էր: Առաստաղը աղյուսաշար թաղ էր կապած, հատակը սալապատ էր, պատերը՝ սրբատաշ քարից, նստարանները՝ կարպետածածկ քար, սեղանները՝ փայտամած քար, լուսամուտները՝ որմնախորշերում, խորշերը կեսից քիչ վեր հատվում էին մայթի գծով, ծառաբների երևացող հատվածներն առանց սաղարթի ու արմատների անկենդան էին, անցորդները երևում էին մինչև ծնկները... Ի՞նչ մարդիկ են ծնկներից վեր: Անցնում էին անդեմ: Տաբատի փողբեր, բարձր կրունկներ, հյուսկեն ճտփեր, ճեմաքայլ ոտքեր, վռազ ոտքեր, լույսի շերտերի նման մկրատվող երկար սրունքներ, երեխայի փաթ ընկնող ոտքեր, մի ինքնավստահ, ազդեցիկ քայլ, որ ամսական եկամուտը հուշում էր՝ 15000... Այստեղ կանացի ձիգ սրունքները կանգ առան, նկարչագեղ ամփոփվեցին շրջանակով, աջ ծունկը ծալվեց, շտկվեց, հետո ծալվեց ձախը, հետո անտես ուղիղ իրանը մի կենտ կրունկի վրա սահուն կես շրջան դարձավ, ապա ետ դարձավ շարժման նախկին ուղղությունը շարունակելու պես անորսալի և հանդիպեց ում սպասում էր... Կնոջ ոտքերը ձգվեցին թաթերի վրա, կրունկները ասֆալտից կտրվեցին սխմվուրի համբույրի տեղում: Կտրուկ իջան, թվաց թակոցի ձայնը լավեց և շրջանակում լույսն ամայացավ:

Այլևս ոչինչ անել չէր լինի աղջկա սենյակ դնալուց բացի...

ԲԹԻՅԸ ԲԵՐԻՆ

Եթե տոմսավաճառը չկալի մարդուն, ժողովուրդը չէր սկսում/ելու այդ տեղի վրա: Բայց հրաշք էր լինելու, եթե չասեր, թե...

...Ամեն բան ճիշտ էր: Ճիշտ էր, որ բանթողի ամենախառնակ ժամին մերձքաղաքային ավտոբուսի մեջ մարդիկ կոտորվում էին ոտքի վրա ու դուրսն էլ հուլիս ամիսն էր, և որ մարդը քսան կուպեկ տվել երկու տեղ էր զբաղեցրել՝ կողքին էր դրել խաղողով լի կարագի արկղը և կանգնածների աչքը արկղի զբաղեցրած տեղի վրա էր... Սխալ բան չէր ասվել, միայն թե տարիքն առած մարդ էր, ամեն մեկի շարժումն էլ կողքինների նեղություն էր, անցնելիքն էլ ինչ էր՝ կես ժամվա ճանապարհ, այնպես որ՝ սրտից մեռնելուն սովոր ժողովուրդ՝ տրտունջը ներս գցած գնալու էր:

Բայց տոմսավաճառը տոմսավաճառ չէր լինի, եթե ճակատագրի հետ հաշտված այդ ժողովրդին չարեր մարդու դեմ:

— Աղա են դառել, քսան կուպեկով ֆայտոն բռնել, տուն են քշել տալիս...

Այսպես անդեմ — երրորդ գեմքով խայթելու սովորություն կա ժողովրդի մեջ և միամիտ — փոքր զանցառուն արդարանալ չի կարողանում. կասեն՝ ով էր քեզ բան ասողը, իսկ պնդերեսը վրան չի առնում՝ լավ իմանալով անդեմ խոսքի կարճ կյանքը:

Ետդող տանող մարդը անհանգիստ շարժումով մատնեց իրեն:

Տոմսավաճառ կինը ֆայտոն բառը, գուցե, հնին հակված սրտի բերումով ասաց: Ավտոբուսի ամենատարեց ուղևորը եթե մտովի մի հիսուն տարի էլ ետ տարվեր, այսօրվա իր հագուստ-կապուստով անգամ ֆայտոնի ուղևոր չէր: Ճիշտ է, այս մատչելի դարում էլ տաքսի չէր նստել, այլ հարվում էր մերձքաղաքային չոր ավտոբուսում, բայց ետընթաց հի-

սուն տարին նրան ավելի էր հեռացնում ֆայտոնից ու աղայությունից: Մի բան էլ կար, որ ֆայտոնի ու աղայության ոգեկոչման ֆոնի վրա վիճակը դարձնում էր զավեշտական՝ նրա աղայական բեռն էր՝ շուկայի ընտիր խաղողը իր նման մաշված խաղողի արկղի մեջ:

Զիմացողը կհարցնի՝ կարագի արկղը ինչո՞ւ պիտի մաշված լինի, եթե մեջը երկրորդ անգամ կարագ չի դրվում: Շուկայի գեղը կպատասխանի, որ կարագ կրելը այդ ծալովի սովորաթղթի փորձնական դերն է, դրա բուն գործածությունը սկսվում է կարագից ազատվելուց հետո, մրգահասի օրերին: Եվ որ ավելի հարմար աման կովկասը չի տեսել: Եվ որ այս կողմերում ոչ մի բան մրգի ու պտղի առևտրին այնպես զարկ չի տվել, ինչպես ծալովի այդ տուփը: Բեռն իրացնելուց հետո այդ թուղթը կարելի է առանց ավստոսալու դեն նետել, բայց եթե ծալծլես ու դարսես, թղթով էլ փաթաթես, տաս հատը կդառնա տղամարդու էլեգանտ բեռ: Եվ կծառայի մինչև խոր աշուն:

Եթե ավտորուսը քաղաք գնալիս լիներ, բեռի ու բեռնատիրոջ անհարիրությունը աչքի չէր զարնի. կմտածեին՝ մարդն իր խաղողը շուկա է տանում: Բայց ավտորուսը գնում էր շուկայի կողմից: Նաև քսան կոպեկին հետամուտ տոմսավաճառը կար և երբ սա երկրորդ անգամ բերանը բացեց...

— Բիճա,— հուշեց շոգից չկտորված մի ձայն,— քսան կոպեկ տուր, թող անջատվի:

— Էդ ո՞վ անջատվի: Էդ ո՞վ էր լավամարդը,— վիզը ձգեց տոմսավաճառը, բայց հետևողական շեղավ. երիտասարդը կարող էր խոսքին տեր կանգնել:

Մարդը գուցե չէր կռահել, որ քսանկոպեկանոցով կարելի կլիներ տոմսավաճառի ձայնը կտրել, գուցե ձերունավարի դլացել էր, բայց հիմա վճռեց.

— Արի: Արի ստացի:

— Հարցը քսան կոպեկը չի, մարդկություն ասա,— իր բարձր տեղից քարոզեց տոմսավաճառը, բայց ձեռքից ձեռք անցած քսանկոպեկանոցը քսակը դրեց:

Մինչև կանգառ լուծյուն էր: Կարելի էր կարծել ծանոթների չկան ամեն օր նույն ժամին գործի գնացող, նույն ժամին վերադարձող մարդկանց մեջ: Այնինչ կանգնածները

սիրտ շունչին խոսելու, նստածներն էլ խոսելով՝ կանգնած-
ների ուշադրութունը վրաները հրավիրել չէին ուզում:

Կանգառում նոր հրմշտոց սկսվեց: Կանգնածները սասան-
վեցին. նեղվողները տեղ արին իրենց, տեղավորվածները
նեղվեցին, ավտորուսը շարժվեց, հանդարտվելու ժամանակն
էր, բայց առջևից բարձրացած մի կին կոնքերն ու ուսերը
գործի դրած՝ սպառնալի գալիս էր ետ: Առաջ նստածները
մերումանուկ, նաև անկար մարդիկ էին, մեջները հարմար
մեկը չկար, որի գլխավերևը կանգնե՞ր՝ խաղար ջղերի հետ և
ճղելով եկավ: Այստեղ էլ նստած տղամարդկանցից համեմա-
տաբար երիտասարդ մեկի հայացքը բռնել չկարողացավ: Եվ
երբ անցել էր միջանցքի կեսը, իր քթի տակ տեսավ կարագի
արկղը:

— Սա դիր վրեն,— անառարկելի ասաց ու ոտքերի արան-
քից վեր հանեց ահագին մի պայուսակ: Ուրեմն, ժողովրդին
ճղելիս այս պայուսակը հետն էր եղել:

Մարդը մեքենայորեն բռնել ուզեց պայուսակը, բայց մեկ
էլ ձեռքը ետ քաշեց:

— Կճխլի, չէ՞:

— Դե որ կճխլի, վերցրո՞ւ նստեմ:

Մարդը օգնության հույսով շուրջը նայեց՝ հայացքը գոտ-
կատեղերին ու փորերին առավ, նայեց կնոջը՝ միգուցե գթա,
հապաղեց՝ գուցե թե դղջա, վերջը ձեռքը արկղին տարավ,
կարծես ուզում էր գոգը դնի, բայց միտքը փոխեց:

— Փողը տվել եմ,— ելքը գտավ:

— Մեր փողը փող չի՞,— ծեփեց կինը:

— Էէ՛,— մարդը, երևում էր, խոսելուց լավ չէր:

— Է-մե չկա: Իմ ձեռքին էլ բան կա, բայց ես ուրիշի
գլխին չեմ դնում:

— Ես ո՞ւմ գլխին եմ դրել,— նեղացավ մարդը: Չհաս-
կացավ, որ իր գլուխը նկատի ունեն: Եվ ճարահատյալ ձեռ-
քը խոթեց արկղի տակ... Եվ դեմքը ծամածուլեց: Արկղի տակ
մի տհաճ բան էր կատարվել: Մարդը ձեռքերը ետ քաշել
ուղեց, բայց կինը պայուսակը բարձրացրած սպասում էր:
Մարդը արկղը առաջ քշեց, ետ՝ կողքի թեքեց, խցկեց նստոցի
ու առջևի թիկնակի արանքը, արմունկներով, կրծքով սեղ-
մեց... Այստեղ ավտորուսը արգելակեց: Արկղը սպրդեց ու

տակը բացվեց: Տերը դառնացած թողեց ու շակվեց: Արկղը վերից մեկ քառորդով պարպվել, նստել էր տակից դուրս լափված խաղողի վրա: Արկղի ստորին՝ բացված թերթերը խաղողը պահում էին: Իսկ արկղի տեղը հյուսիսից թացվել էր: — Ես չեի ասո՞ւմ,— ոչ ոքի չգիմելով ասաց մարդը:

Կինը իր սև գործն արած արդեն շուռ էր եկել:

— Բա կարադի արկղով խաղող կտանե՞ն,— կշտամբեց մեկը:

— Է, պատահեց, ասի տանեմ երեխերը ուտեն:— Չախորդությունը մարդու լեզուն բացել էր:

— Սկզբից ամանի մասին մտածելու էր,— խրատեց նույն ձայնը:

— Դե, ասի, ամանի երեսից չիռշմանեմ, տանեմ երեխերը ուտեն:

— Խաղողը կողովով կտանեն,— լավեց սթափ մի ձայն:

— Է-է,— ասաց մարդը:

— Թանկից էժանը չկա,— պատասխանեց նույն ձայնը:

— Է, տասը մանեթ իրեն տամ, տասն էլ քթոցին, էդ խաղողը կուտվի՞:— Մարդը ամեն անգամ գլուխը ծուռ էր խոսողին նայելու, բայց չէր դանում:

— Քթոցը տանը պետք կգար:

— Իսկ եթե պետք չգա՞ր,— հարցրեց ավտորուսի հոռետեսը:

— Բա հիմա լավ է՞, որ ոչ կողովը կա, ոչ խաղողը,— հակաճանոց սթափ ձայնը:

— Լավ է, թե վատ...

Ավտորուսը վերելքից պրծել էր, լուսամուտներից քշից-շատից հով էր փշում և ուշքի եկած մարդիկ հեշտորեն մարդու հոգու հետ խաղի մեջ մտան:

— Իջնելիս շիրան կսրբես,— բողբոլվին լուրջ զգուշացրեց տոմսավաճառը:

Մարդը վիզը ծոցի տոմսավաճառին նայելու և պարանոցի խորշումները այդ կողմի վրա խորացան: Այդ պարանոցը նման էր կաղնու բնի: Այդպիսի սևացած ու ճաք-ճաք պարանոց ունենում են ողջ կյանքը քար տաշած, գլուխները վեր պահելու ջանքից վզներին զոռ տված մարդիկ:

Մարդուն անախորժ էր տումսալաճառի կպշելը: Գերա-
դասելի էր շաղակրատանքը խաղողի ու քթոցի մասին, դրա-
նում, էլի, բարեհոգի ուշադրութուն կար իր անձի հանդեպ,
և երբ ավտորուս բարձրացավ գլուխը տաք մեկը, նա բարի
ընդունեց նորեկի կատակը.

— Հը, բիձա, գինի ե՞ս գցել:

— Անտեր անեմ էսենց գինին,— ասաց,— քաղաքից գյուղ
տարվող խաղողն էլ շան բաժին էր դառնալու:

— Վեղրո էիր առնելու, լցնելու էիր մեջը, ջարդվածը
գինի, մնացածը...

— Ասի՛ ցինկի համ շտա, երեխերը ուտեն:

— Բա եղա՞վ,— ավտորուսին աչքով արեց խմածը,—
խաղողը մեղք չի՞ երեխանց բերանը տաս: Խաղողից պիտի
գինի քաշվի:

— Օղուն էլ դեմ չես,— խայթեց կանացի մի ձայն:

Տղամարդը սրտանց ծիծաղեց ընտանեկան հոգսը մատ-
նած կնոջ ասածի վրա: Ծիծաղելուց նրա գեմքը ավելի կլո-
րացավ և երկու օրվա անթրաշուժյան տակից թշերը արգա-
վանդ կարմրությամբ ճառագեցին:

Բայց ավտորուսը միտք շուներ թեմայից շեղվելու

— Մենք ասում էինք՝ հարմարը կողովն է,— կարմրա-
թշին կողմնորոշեց կողովի կողմնակիցը:

— Է, տղա ջան, տասը մանեթ էլ որ քթոցին տաս...—
մարդուն պինդ էր կպել ապրանքի ու ամանի նույնարժեք
անհեթեթությունը:

— Թանկից էժանը չկա,— կրկնեց առակախոսը:

— Դա մեզ համար չի ասված,— խեղճացավ մարդը:

— Ումի՞ց ենք պակաս,— հոխորտաց կարմրաթուշը: Նա
կարծես ավտորուսը կոշում էր դասակարգային գիտակցու-
թյան:

— Քո ժլատությունով առածի դեմ մի գնա:— Զրույց
հրահրողը զզաց, որ կարմրաթուշը գինովի անհոգությամբ
նյութից կշեղվի:

— Դե, մարդն ինչ իմանար, որ գարդունը փտած է,—
հունն ընկավ կարմրաթուշը:

— Զրի արկղն էլ փտած կլինի,— վրա բերեց առակա-
խոսը:

— Ձրի ս՞վ կտար,— հարեց հոռեստեսի դեր ստանձնածը:

— Մի մանեթ եմ տվել,— մեջ բնկավ մարդը:

— Դե էդ մանեթով էլ տակը փակի,— ծիծաղեց առակախոսը:

— Երեքանոցով էլի մի կերպ կփակվի:

— Հինգանոցով՝ գուցե:

— Տասնոցով: Դրա ճարը տասնոցն է: Ճոճոան, կարմիր, անշրանցիկ... Տալիս են՝ հոգիդ փառավորվում է, տալիս ես՝ սրտիցդ էդ գույնի արշուն է կաթում...

Կարմրաթուշը էլի շեղվում էր և սաղրիչը ասաց.

— Երեխեքն էլ կասեն իրենց պապը քաղաքից է գալիս, խաղող է բերելու... Մի տասնոցն ի՞նչ էր որ...

— Է, բրտինքին տասնոց տալի՞ս են որ... Տասը մանեթ էլ աշխատում ես՝ երեքանոցներով են տալիս:

— Հարզը իմացողին են տալիս:

— Հարզը իմացողին չեն կարա շտան:

— Պիտի ուղես, որ տան:

— Աչքնեքը պիտի հանես, որ տան:

— Ունենաս պիտի, որ տան՝ դնես վրան:

— Գույնն իր գույնն է սիրում:

— Գույնին վայել գրպան ունենալու է:

— Ամեն փող իր գրպանն ունի...

Խաղողը հյութ էր տալիս: Հյութը առու կապել հոսում էր վարորդի կողմը: Փողի հարցը մասխարության վերածելը մարդուն վերջնականապես ընկճեց: Նրա շուրթերին իր հիմար վիճակը առաջինը գիտակցողի պահապան ժպիտը դեռ կար, բայց դա այլևս նույնիսկ դառը ժպիտ չէր: Նա կուշտ էր բոլորից ու լսել չէր ուղում: Ոտքի թաթով առջևից պահել էր արկղը, ձախ ձեռքով բռնել էր թիկնակի ձողից, այք՝ թաշկինակով, դրել էր նստոցի թացության վրա, շաղված հայացքով դուրս էր նայում: Նրա միտքը այնտեղ էր, փերջին կանգառում, ջուր դառած խաղողի արկղը այդտեղից դուրս քաշելու շարժարանքի վրա:

ՄԻՆՉԵՎ ՈՐ ՏԵՍՆԵՆՔ

Ուսուցչի օրվա առթիվ, ածխահատի օրվա ու էլի մի քանի օրերի՝ ոտանավորներ էր գրում պատանեկան թերթի համար: Այդ գործը իրենն էր: Չէին պատվիրում, բայց նման էր պատվիրելու: Գիտեին՝ գրելու է, գիտեին՝ բերելու է, երկու ամիս առաջ, երկու շաբաթ առաջ, երբ հարկավոր է: Գրադիմաց սրտի ուզած ոտանավորը տարին մեկ կարող էր տպել:

Մայրս գոչում մնաց՝ ակնքը կանչի...

Այսպիսի հանգով: Ավելի նշանակալի տոների համար խմբագրությունները ուրիշ հեղինակներ ունեին: Մեռած ու կենդանի: Մեռածների հետ, հասկանալի է, շափվել չէր կարող: Գուցե նրանց տաղանդը չուներ, թեպետ որ նայես՝ և հանգն է տեղը, և շափն է կարգին, և բռռերն էլ նույն հայերենն են... Բայց մեռածների ասածն ասած է:

Ապրողների հետ նույնպես չէր կարող: Հավասար կամ քիչ ավել-պակաս շնորհքով հանդերձ՝ նրանց երեսը թիկունքից էր պինդ, թիկունքը՝ պինդ երեսից:

Աստծու տվածը պիտի շատ լինի, — մտածում էր մի առավոտ, — թե չէ՝ բոլորով, ամենքս մի քիչ պաշար շալակած ճամփա ենք ընկել... Մեկի ծնկները շուտ են թուլանում, մեկի կամքը հերիք չի անում, մեկը գնում է դեմից քայլողի ոտնահետքերով կամ առաջինի փեշից է բռնել, մյուսն էլ բռնել է դրոշի կոթը, որ դրոշը շվաք անի...

— Վա՛յ, մամա ջան, մոռացա ասեմ՝ պրոռեկտորը Չեզ կանչել էր...

...Պատկերացրեք, յոթ-ութերորդ դասարանում հերոսության կամ ընկերասիրության մասին շարագրություն հորինելու ողջունչ պահին ձեզանից առաջ նստածներից մեկը ետ դառնում ու լաստիկե պարսատիկով ծամած-մամլած թուղթ է շպացնում մտքի լարումից-զգայուն դառած ձեռկատին... Մեքենագրուհին կիսաբերան (այդ էլ՝ անտեղի)

ժպտում էր նրան: Նրա ժպիտը ոչ գեղեցիկ, ոչ էլ տգեղ էր, անհամարձակ կնոջ ժպիտ էր՝ համենայն դեպս, երբ տղամարդու վերաբերմունքը դեռ չի ճշտել: Մայրաքաղաքի ուսանողական ութ թերթերի խմբագիրներից միայն այս մեկն էր բանաստեղծություն գրում ու տպում, և այդքանն էլ աղջկա համար անագին բան էր: Բայց հայացքները երբ հանդիպեցին, աղջկա ժպիտը ոչ թե չբլեց, այլ կարծես թե թարմ յուզաներկով դիմանկարի քիթուքերանը լողեցին: Խմբագիրը դառը հայացքով նրան էր նայում: Եվ այդ միջոցին շատ էր նման ինքը իրեն. դժվար ձեռք բերած իր պաշտոնը պահելու հոգսից ջղազար դառած, վաղ ամուսնություն կնիքը դեմքին, քաղաք գալով եռանդը կտարած գյուղացի տղա:

«Ասում էի, չէ՞, մի քիչ շատ էր»:

— Ի՞նչն էր շատ, ընկեր Պարսամյան:

— Իսկ-դու-աղ-ջի-ջան...— Նա խոսում էր վանկատելով՝ արա՞տ էր, թե բարբառային առողանությունը ճնշելու միջոց, բայց վերածվել էր սովորության,— իսկ դու, աղջի ջան, մարդկանց բերանին իզուր ես նայում, եթե բարձրաձայն չեն արտահայտվում, դու էլ մի լսի:

— Ես խնդրում եմ...

— Այ աղջի, ո՞նց չգոռամ, երեսուն րոպե այստեղ նստած եմ՝ նոր ես ասում:

— Ես խնդրում եմ... Խնդրում եմ ինձ «այ աղջի» չասեր... շատ եմ խնդրում...

Խմբագիրը դուրս էր գնացել:

Զորս մատ փոշի էր նստած բուհական թերթի խմբագրության առօրյայի վրա: Անվանի դասախոսները արհամարհում էին թերթը, կարգին ուսանողները դբաղվում էին ուսումով, նրանք էին թերթի հետ գործ բռնում, ուղբեր ուսանել-ուսուցանելը երրորդական բան էին համարում:

Թերթ սարքողները մի քիչ ժրում են սեպտեմբերին: Նախ, տարեկան ծրագիր են կազմում. առաջին համար՝ ռեկտորատի բարեմաղթանքի խոսքը առաջին կուրսեցիներին և վերջիններին շողիք ի բերան թոթովանքը՝ է՛ս ինչ բախտ էր մեզ բաժին ընկավ, ի՞նչ վստահություն, սրա տակից ո՞նց ենք դուրս գալու... Լուսանկարներն են միայն տարբեր ամեն

տարի: Հոկտեմբերին՝ այսինչ ամյակը, նոյեմբեր-դեկտեմբերին՝ քննաշրջանի նախապատրաստութիւն, հունվարին՝ բուն քննութիւնները, մարտին՝ քննաշրջանի ամփոփումը, ապրիլին՝ երկրորդ քննաշրջանի նախապատրաստութիւն, մայիսին՝ դարձյալ քննութիւններ, հունիսին՝ դրանց ամփոփումը և շրջանավարտների աղիողորմ հրաժեշտը անմոռանալի դասախոսներին... Լուսանկարներն են միայն տարբեր ամեն տարի: Արանքներում՝ լուրեր, հումոր, հասարակ տոներ, ուսանողի վարքի հարցեր, այլևայլ հարցեր,— և այդ ամենը՝ անհոնորար: Եվ ո՞վ կգրի: Ո՞վ է հիմա անհոնորար երկու տող գրում, եթե պաշտոնի-բանի հարց չունի: Ու թերթը ապավինել էր կարիերիստների մարտաշունչ վաշտին:

Պրոսեկտորը նախաճաշում էր: Նախաճաշը շո՞ւտ էր սկսել, նո՞ր էր սկսել, քարտուղարուհուն հարցնե՞լն է ճիշտ, թե չհարցնելը... Ուտելը այն եղակի միջոցներից է, որ մի կարճ պահ հավասարեցնում է բարձր ու ցածր դիրքի մարդկանց, միևնույն բանով զբաղվող մարդիկ լեզու գտնում են: Իսկ պրոսեկտորը ուտում էր փակված: Փակված, մենակ ուտող մարդուց անիմաստ է լավ բան սպասել: Բայց և շուտ գալ գնալ չէր լինի: Քարտուղարուհին մասնավոր անձ չէ, իբ մեծավորի լիազոր անձն է մեր աշխարհում, նրա վեցերորդ զգայարանն է, վերմակի տակից դուրս մնացած նրա ոտքն է, որ զգայուն է սառնութեան հանդեպ: Եվ ուրեմն, անհարգելի շուտ գալ գնալը խմբագրի ուժերից վեր էր: Նա ընդունարանում պիտի մնար մի քանի րոպե, դեկավարի նախաճաշի՞, նրա կանչի՞, ընդունարանի կահավորանքի՞, ինչի հանդեպ ակնածանք տաժեր քարտուղարուհու վկայութեամբ և նոր դուրս գնար՝ կրկին գալու պարտավորութեամբ: Կամ թե՛ սպասե՞ր: Ի՞նչ իմանաս որն է ավելի վարվեցողական զգայուն ոտքի տեսանկյունից:

Իսկ քարտուղարուհին անտարբերութեան շքեղ նմուշ էր: Մի բան էր պակաս՝ վրան դմբեթարդ ապակի քաշես, որ մթնոլորտից շփշանա: Այդ աղջկա հետ խմբագիրը լեզու չգտավ: Նա հիշեցնում էր ակնեղենի-ոսկեղենի փորձված-շնացած խանութպանուհու, որը հետաքրքրասեր հաճախոր-

դին ակնթարթորեն տարբերում է գնողունակից, ընդ որում՝ փողը առնում է գլխանց: Դա մի կին էր, որ տղամարդկանց դուռ իրեն հայտնի շահանիշով դասակարգում էր երկու, երեք, գուցե տասը կարգի և խմբագրի նմաններին տառացիորեն չէր արժանացնում ուշադրության:

Եմբագրին բան չէր մնում, բան պատուհանից դուրս նայելը: Նա բավարարվեց վարագույրների եղած ճեղքով, բարձր, թանկարժեք, զմրուխտ կերպասին ձեռք դիպցնել չհամարձակվեց... Այսինքն, պարզ չէր՝ տնավարի կրացվեիր՞ն, թե՞ թաքուն մի տեղ քուղեր, թոկեր կան: Իսկ ձեռքերը էլի չգիտեր ուր կորցնելու: Սովոր տեղը գրպաններն էին՝ դա բացատրված էր, կրճքին խաչեր՝ ամբարտավան տեսք կունենար, մեջքին դարսեր՝ էլի այն չէր, և թողեց, որ կունատի թևերի նման կողն ի վար կախվեն:

Նա մտածում էր առանձնասենյակի դռների մասին: Այդ դռները բացել-փակելու ձևը չգտավ: Բաց ես անում կըրկնակի դռան առաջին փեղկը և... եթե ծածկես երկրորդը բացելուց առաջ, կմնաս մութ-հիմար վիճակում, կխարխափես մինչև երկրորդի բռնակը գտնես և ներս կմտնես փարախի դուռը գլխով բաց արած ոչխարի նման: Եթե շթողնես առաջին փեղկը, պիտի ճղատվես երկուսի միջև, կրունկով պահես, արմունկով պահես, մեկը շթողած՝ երկրորդը բացես կամ նույն վայրկյանին մեկը թողես-մյուսը բացես... և երբ ներս մտար ցանկապատի ճեղքից սողոսկած գողի նման, արդեն կես մարդ ես: Միգուցե դրանք, իսկապես էլ, բացել-փակելու անհարմար են: Դրանք պիտի բացեն քո առաջ, որ չխճճվես: Կրկնակի դուռը արդյո՞ք նրա համար չի շինված, որ եթե դեմդ բացող չկա, մտնել չփորձես, որ հենց խճճվես հակառակ դեպքում, գլուխդ կորցնես, նվաստանաս ընդունելությունից առաջ և հետո, որպեսզի հետո, սեփա-կան կամբով, այդ դռներին մոտենալ չուղես... Հնարավո՞ր է: Չէ: Քավ լիցի: Ենթադրությունը եթե ոչ էժան, գոնե, հաստատ, ծանծաղամիտ է: Դա ստացվում է ինքը իրեն: Իշխանություն՝ ուղած հագուստից իրեն թոթափող, մորեմերկ բնույթն է այդպես:

«Ասում էի, չէ՞, երեկվանը մի քիչ շատ էր»:

«Ի՞նչն էր շատ, բնկեր Պարսամյան»։ Մեքենագրուհու միամիտ ձայնը ականջին զնգաց ապտակի նման։ Եվ հըստակորին հիշեց դեմքը։ Եվ դեմք եկալ կնոջ դեմքը։ Աղջկա դեմքը։ Կնոջ դեմքը։ Աղջկա դեմքը... Եվ այդ անհարկի, անխոստամնալից, այդ ոչինչ շատող համեմատությունից սիրտը ցավեց։ Եվ նվաղելու պես հանկարծակի՝ սրտով-ուղեղով-մաշկով զգաց ու գիտակցեց, նաև վերհիշեց, որ կա նաև մի ուրիշ կյանք՝ հափշտակվածության ոլորտը միակ, երբեմնակի վերադարձը մարդու մանկության, հայրենիքը տղամարդու, որտեղ կարող ես լինել բախտավոր, լինել քմահաճ և անպատժելի՝ երեխայի պես...

Բախտը այս մարդուն երես չէր տվել։ Հաջողությունը այցի էր գալիս հին, կամակոր սիրուհու նման, որի գալը հիշեցնում է վաղուց չգալը և ուրիշ... «ուրիշ ոչինչ» ասելն էլ ճիշտ չի լինի, բայց ի՞նչ անուն տաս դառի ու քաղցրի համը հանող շիլաշփոթին։ Օրինակ, ի՞նչ էր նշանակում երեկվա օրը։ Երեկվա քաղցր, նաև դառը, վերջին հաշվով՝ անհամ օրը։ Օրը քանի՞ դեմք կունենա։ Նայած օ՞րը։ Նայած մարդո՞ւն... Հարցրեք նրանց, ովքեր ապրել են հազար տարի — ես ի՞նչ իմանամ։

Քանի չահել էր, մտածում էր, թե կարևորը օրվա միջից մի կերպ դուրս գալն է, վաղը, իբր, նոր օր կլինի։ Բոլորովին ուրիշ մի օր։ Տարիք առնելով հասկանում էր, որ դժվար օրվա, անհամ օրվա միջից անվնաս դուրս շեն գալիս, դա հետք է թողնում գալիք օրվա, հետագա բոլոր օրերի վրա։ Միգուցե դա՝ անդորությունը, սկսվում է որոշակի տարիքից հետո։ Կամ՝ մի անողոր հարվածից հետո։ Որովհետև՝ եթե փորձը ճշմարտություն է, կար ժամանակ, որ անկասկած էր անցնող օրից թոթափվելու ճշմարտությունը...

Ձահել ուսերի ճշմարտություն էր։

Երեկվա առաջին հաճելի բանը հասկանալի էր։ Առավոտվա հաջողությունը ընդունում ես իբրև նոր օրվա տրամաբանություն, ընդունում ես այնպես, ինչպես լավ առավոտը, որը միայն քեզ չի պատկանում, այլև քարին, քարի վրա արևկողի ելած սողունին, արձակ ու ձիգ փողոցով անցնող զվարթ-վաղված տրամվային, թե՛ ջրափոսին, թե՛ մրջնանո-

ցին... Այդ առաջին հաջողութիւննով կարելի էր մարդավարի ուրախանալ: Կամ կարելի էր շուրախանալ, որովհետեւ եղածը ի՞նչ էր՝ սպասված մի բան՝ ռադիոակնարկի հոնորարը տեղ էր հասել:

Ինչ ասել կուզի, հոնորարը թեթև փող է: Աշխատավարձի հոգսը շատ է: Աշխատավարձը դատապարտված է առօրյա մանր կարիքները կանոնավորապես վերացնելու խորին ձանձրույթին, այնինչ փողը արժե մի բանի. որ տառացիորեն վատնես, քամուն տաս իր տմարդի բնույթին վայել արհամարհանքով: Այդ բանը անես գոնե երբեմն՝ գոնե մի պահ դրա առօրյա լծի բռնի ցավը մեղմելու համար: Եվ ո՞վ կպնդի, ո՞վ կհավատա՝ իբր եզր (եթե ջահել չի) լծփախ է տալիս մեկընդմիջտ ազատվելու միամիտ հույսով, իբր կողերի ձեծված կաշին չի թրթռում կրկին լծի տակ քաշվելուց հետո ստանալիք շառաչուն ցալի հեռանկարից... Բթացնող ցալից գերադասելին շամփրող ցալն է, թե հաջորդում է մի շունչ քաշելուն:

Տարիքն առած, քնտանիքի տեր տղամարդ՝ նրան չէր սազում զբաղվել հիմար բաներով, բայց առավտը խոստումնալից էր: Եվ թափանցիկ էր անժուժկալ կնոջ ակնարկի նման: Եվ ուրեմն, ստացածի տասնհարող մասով մտավ խաղի մեջ և շահեց քսանհինգ ռուբլի: Շահեց «սպորինտ» կոչված պատրանքով, որի լավն ու վտար այն է, որ շես հասցնում հույսերով քրքվել, աննշան հույսդ վատ թաքցրած քաշվում ես մի կողմ (և ամբողջ տեսքդ կծու հեգնանք է սեփական անձիդ, նաև անբախտակիցներիդ հանդեպ), ծրարիկը բաց ես անում... ու հանկարծ շահեց: Գե, որ օրը հաջող էր գնում, մտավ փոստատուն, միջբաղաքայինով պատվիրեց գլուղ՝ 10 բոպեից միացրին: Մոր հետ խոսեց, դուրս էր գալիս շքամուտքից՝ կարծես շորը առավ մի բանի՝ մի տխմար միտք նրան կառչեց՝ այս վերջինը շախտի աներ: Առաջին պահ նա ծուռ ժպտաց այդ մտքի վրա որպես ուրիշի հիմար մտքի: Միտքը նրան կողմնակի թվաց, որովհետեւ բուն միտքը չէր, մտքի ծաղիկն էր: Պտուղն ավելի կաշուն դուրս եկավ՝ այս երկրորդը, իբր, շառ էր: Եվ քանի գնաց՝ կծվեց, թթվեց, թունավորեց ողջ էութիւնը՝ մի մարդու համար, մի օրվա

համար չափից դուրս էր: Գրանից արդեն փրկություն չկար: Անհաջողությունների սովորած տղա՝ այդ օրը նրան հունից հանեց:

«Մրա տակը ի՞նչ է թաքնված» — մտածում էր հիվանդի նման մայրով քայլելիս, մտածում էր ճաշարանում պելված, անջատված որոճալիս, մտածում էր տպարանում, տուն գնալը հա՛ ձգձգում էր («Անակնկալի լավն էլ, վատն էլ քեզ մնա, աստված, երեխի տեր ենք»): Ստացած ու շահած փողով երկիսաների, տան համար ոչ մի բան չառավ, որ շարաբաստիկ այդ օրվա հետ կապ չունենան, անգամ անկողին մանկուց հետո իրեն արգելեց խոստովանել, թե օրվա հետ, երևի թե, փորձանքը անցավ, — շխոստովանեց, որ զղաստ մնա: Եվ կեսգիշերն անց ճմռված, տաք (տհաճորեն տաք) սավանների մեջ մի մտքի հանդեպ, որպեսզի մարդ հաջողությունից չկորցնի խեղճ գլուխը, արժանապատվորեն ընդունի այն, նրա հայրը առնվազն պիտի հաջողակ եղած լինի, նրա հոր հայրը հաջողության հետ պիտի նստած-վերկացած լինի, ապուպայերի համար այդ բանը անձրևի, ձյան, ծաղկունքի նման սովորական պիտի եղած-անցած լինի... Կամ թե՛ հակադարձ սաստկացումով: Տարբերությունը էական չէ: Ցեղի տեական հաջողությունը պնդացնում է մարդու հոգին: Եվ, ափսոս, նաև դախացնում է մարդու հոգին: Բազմեցնում է ինքնարավոթյան խախուտ գահին և... Վայ թե շարչաց փոքրագույնը դա է, իմ աստված, նույնիսկ դրա տարբերակն է, երևի թե, լավ. մարդու անխելք, փուչ տեսակը, որ անասունի նման է միայն չափի գալիս (դնչին տալիս ես՝ նոր է հտ դառնում, լեզուն այրում՝ հտ է քաշում, աչքը փուչ մտնում՝ գլուխն է թեքում, տրաքվելն է սոսկ ուտել-խժռելուց հտ կանգնեցնում), քան այնպիսինը, որ մեծահոգի փոքրագույնից ամեն տրված համարի բախտ, երկրորդը՝ շատ, աշխատանք, ապրուստ ունենալը, պաշտոնի, անգամ շնչին մարդկային վերաբերմունքի արժանանալը ընդունի ոչ թե ինքնըստինքյան հասկանալի բան, այլ ընծա, շնորհ, ողորմածություն բախտի բերումով իրենից վեր կանգնածի կողմից և կուշուձիգ գա նրա առաջ, նրա կոշիկի քուղերը կապի, չհամարձակվի պորտից վեր նայել, միայն թե նա՝

«սղորմացողը», քո աչքերի մեջ շնչմարի այնպիսի մի բան,
որի համար գլխին տալիս, ողորմությունը առնում են ձեռից:
Այդպես է լինում, երբ ուղտի բեռը բարձում ես էշին:

Մրափի ոգին հմայում էր դարանամուտ, մրմնջում էր
մոզական խոսքեր՝ լույսը կրացվի՝ բարին հետք, լույսը կրաց-
վի՝ բարին հետք, լույսը կրացվի... դիպչում էր նրան ու ես
էր ցատկում ձգված մարմնից, իջնում էր վերից փետուրի
նման և զարթուն-տաք շնչառությունից թռչում էր վեր, մար-
մինը քուն չէր ընդունում՝ որպես մահի, և չափն անցկաց-
րած, ձգված ցերեկվա հոգեվարքի ջղաձգումից ցավի երկու
շիկացած սլաք բիրերը շամփրում, լովում էին ուղեղի մեջ:

Ու երազ տեսավ: Բահ ու քլունգ առած ամբոխը կարծես
գնում էր շաբաթօրյակի: Կին, տղամարդ, դպրոցական ու
կրճախի երեխա, լողունգներով, իր խակ ժխորի ալիքի վրա
հորդում էր առաջ... Եվ մեկ էլ անցան քառատրոփի .. Տե-
ղը, ուր հասան, կանաչ լանջ էր, շրջանակված էր քարացրոն-
քով և մեն մի ծառ կար: Բացազատվեցին, ծծկերնհրրն դեն
շարտեցին, բահ ու քլունգ գործի դրին և ամեն մեկը սկսեց
իր համար գերեզման փորել: Ինքը ո՞ւշ հասավ, թե՞ դյու-
րաշարժ չէր՝ որտեղ ուզում էր քլունգը խփել՝ գրաղված էր:
Բույե շանցած՝ փափուկ հողերին տեր կանգնեցին, քարքա-
րուտները նվաճեցին, և իրեն մնաց կազնու տակը (ծառը
պիտի որ կաղնի լիներ): Քլունգն իջեցրեց՝ առավ երես նլած
արմատի, վրա բերեց երկրորդ անգամ՝ էլի արմատ էր, եր-
րորդ անգամին զարմանքով տեսավ՝ իր բաժին տեղը հոծ
արմատ է: Ավելի ճիշտ, ծառի սազարթի ստվերի չափով
տախտակամած էր և քլունգը դադաղին ընկնող խոշոր քա-
րերի թնդյուն էր հանում: Ինքը նեղացավ: «Ես ուղենամ ինքս
ինձ համար գերեզման փորեմ ու տեղ շինիմ...»: Թքեց հե-
ռացավ: Այստեղ արթնացավ: Նեղացածության դպացումը դեռ
նրա մեջ էր:

Վարազույրների թղաչափ ճեղքը շատ էր ու քիչ չէր: Դրը-
սում մի ինչ-որ նոսրություն կար, որից թոքերը ցավելու
նման ցավում է հոգին: Այդ օրվա լույսով ամեն առարկա,
մակերես, գիծ, գույն ու շարժում տարանջատված գոյություն

ուներ ինքը իբ համար և կյանքը նման էր շաղված կաթի։ Վարագույրների ճեղքից նայելիս հավաքության և կամ խորության, առնվազն՝ շաղվածության հետ անմասնակից լինելու պատրանք կար։

Մի երթատասարդ տղամարդ ու կին ընկան նրա տեսադաշտը և դուրս կգային հետք չթողնելով, մտապատկեր չդառնալով, եթե կանգնեին ուրիշների, ուրիշ կանգնած զույգերի նման, ովքեր խոսում, շարժվում, հորանջում էին՝ այնպիսի բաներ, որ տեսողությունը ընդունում է ի գիտություն և ուրիշ ոչինչ։ Բայց այդ երկուսը պաղպաղակի կրպակի մոտ անբնականորեն անշարժացան։ (Անբնականությունը, արտառոցը, կեզծը, սուտը նա զգում էր թիկունքի մաշկով)։ Երկրորդ հարկից էլ զգացվում էր, որ այդ զույգը փողոցի հետ, ուրիշների հետ կապ չունեցող բան է մտմտում, և շրջապատը նրանց համար կա ու չկա։ Կանգնած էին կիսադեմով իրար դարձած, նրանց իրարից բաժանում էր ոչինչ շատող, հավանաբար ապօրինության հանգամանքով պարտադրված մի տարածություն, բայց ոչ մի ուժ, ոչ մի հանգամանք ի վիճակի չէր այդ մարմինները հեռացնել զույգն-ինչ ավելի։ Նրանք այլևս կաշկանդված էին մեղքի թափանցիկ միակ շապիկով։ Եվ երբ հեռացան վճիռ ընդունած մարդկանց թափով, այնտեղ, որտեղ կանգնած էին, նրանց ողողած օդի մեջ նրանցից ինչ-որ բան մնաց։ Եվ այն մեղսանուշ, հնարավոր, մոռացված կյանքի կշտամբանքը դադեց նրան՝ վարագույրների արանքից նայող տղամարդուն, կրծքի տակից մի բան ծանրորեն ընկավ ոտքերը, և կրծքավանդակը մնաց դափ-դատարկ։

«Ինչի՞ վրա ենք մեր կյանքը մսխում, ողորմած աստված,— դատարկության ընդերքում պատկապատ դիպավ հեծեծանքը...— Մեր արեխն՝ թերթ ենք տպում, մեր արեխն՝ ընթերցող ունենք... Ընկերների աչքից ենք ընկնում, կանանց աչքին դառնում ենք ծիծաղելի, աչք ենք կուրացնում ամեն բառի, տառի վրա, վրիպելու վախից դառնում ենք հոգեկան հիվանդ, բայց, միևնույն է, կախված ենք մի հատիկ տառից... Տառը ի՞նչ դառավ, որ դրա վրա դողում ենք անտեր շան նման...»։ Ընդունարանի ցածրիկ սեղանին իր թերթի վերջին համարը դտավ։ Ոտքի վրա շուռումուռ տվեց,

առաջին էջը, երկրորդ էջը, երրորդ էջը, չորրորդ էջը, դարձ-
յալ երրորդը, ապա երկրորդը և առաջինը, հետո՝ մեկումեջ,
հետո՝ անկանոն... Միալի համար կանչած շինե՞ն: Բայց
ի՞նչ կարող էր հասցնել նայել, եթե անգամ կարողանար
կենտրոնանալ: Համենայնդեպս, վերնագրերը որեորդ ան-
գամ տառետառ նայեց, աչքի անցկացրեց ամենայն երևացող
բան, առաջին էջի հողվածներից ցաքուցրիվ կարգաց մի քա-
նի պարբերություն և չհասած վերջակետի՝ հոգնություն զգաց:
Թերթը վար դրեց: Ապուշություն է տպագրելուց հետո կար-
դալը: Վկա է աստված, ինքը դրա վրա քոռացավ: Իսկ եթե
հանկարծ... եթե մի բան... Մարդ ենք մենք, չէ՞: Էդ անտեր
թելը բարակ է, չէ՞: Կկտրվի, ախր, մի տեղ:

Ղեկավարությունը նրան կանչել էր մի պարապ հարցով:
Եվ ոեկտորատից նա դուրս եկավ ինքն իր հանդեպ զզվան-
քով լեցուն: Էծան պրծնելու թեթևությունը ցնդեց դուռը ծած-
կելուց հետո: Աստիճաններով իջնում էր կծկված, անձրևի
տակ ընկածի նման, որի շապիկը կպել է մարմնին, մարմի-
նը մի կերպ հարմարվել է անհաճո թացին, բայց եթե հան-
կարծ իրար եկավ, սառնությունը ծակծկելու է ասեղի նման:

Այդպես իջավ, խմբագրության հարկը անցավ, շենքից
դուրս եկավ՝ անձրև էր մաղում՝ գնաց գլխաբաց: Կգնար
աչպես: Մինչև առավոտ, ցերեկը ամբողջ, ու մի գիշեր
էլ... Հայրը ապրելիս լինեիր, ինքը գնար գյուղ: Ոտքով գնար:
Հարյուր ոտքի ծախսեր գնար, ասեր՝ այ հեր, տասը ոտքի
տուր գնամ մի օր ինձ համար ապրեմ: Թոռներդ, հայրիկ,
իմ հոգին կերան, դեռ մատնաչափ են՝ մաշկում են ինձ, և
ես մի օր չեմ կարենում ինձ համար ապրեմ: Նրանց բախտի
վրա դողալուց անտեր շնից էլ վատ ենք դառել: Մնված օրից
նրանց կարծես պատանդ են տարել, պատանդ են առել
նրանց բախտը, որ մենք սողանք, եթե ուղում ենք որ նրանք
ապրեն... Բայց երեխեքին հարկավո՞ր են ահուղողով ապրող
հայրեր: Նրանց կյանքի, բախտի համար լավ չէ՞ ունենան
ուժեղ-մեղած, տղամարդ-մեղած, քան թե մեղած-շթաղած
հայրեր... Ախ, չգիտեմ: Այսօր հոգնել եմ հայրությունից:
Այս մի օրը շատ եմ հոգնել: Արի դու ինձ հերություն արա՝
գնամ էսօրս նամուսով ապրեմ... Կոպեկ չեմ ծախսի շանոր-
դի թոռներիդ վրա, թող իրենց հոր վաստակով ապրեն, թող

կաշին քերթեն, էսօր ես հայր շեմ, իմ հոր ուսանող, անհող որդին եմ, ձրիակերութեան այնպե՛ս կարոտ... այդ քաղց-
 րութիւնը տուր ինձ, հայրիկ, տասը ուրբի տուր՝ էսօրս ապ-
 րեմ: Ապրեմ կամ հարբեմ: Հարբեմ, որ օրը կապվի օրվա
 հետ, թե չէ՝ օրերը մթնում են ջոկ-ջոկ, ամեն օրը մի կյանք
 է թվում — ձանձրալի է այդքան կյանք ապրել... էլի եկել
 եմ արձակուրդին՝ տարին մեկ տուն եկող-չեկող անառակ
 որդիդ (նրան թվում էր՝ իր հետ պիտի ապրեք հավերժ),
 մայրս գործում է՝ ուրախութիւնը շորթերով սեղմած՝ աստ-
 ված, հանկարծ, շատ շհամարի, մենք նստել ենք վառարանի
 մոտ, շամփուրները վառարանում են, գինին՝ սեղանին, խը-
 մում ենք շատ, ծխում ենք երկար, և քո հայրութիւնը տղա-
 մարդավարի գուսպ պատում է ինձ: Իմ միջից լուսաշխարհ
 է գալիս որդիական սերս, գեպի քեզ է գալիս ղգույշ, ամաշ-
 կոտ ու փափկած լեզվիս ծայրին է ահա՝ «Ի՞նչ լավ էր, հայ-
 րիկ, պատերազմից եկար, և մենք իրար տեսանք ինն ամ-
 սից»: Պատառ չես դնելու բերանդ, գիտեմ, շուտ-շուտ ասե-
 լու ես՝ տղա շան, կեր, խմելու ենք կամաց, ծխելու ենք
 երկար, քնելիս դրպանս տասը ուրբի ես դնելու՝ «մինչև որ
 տեսնենք» ասելով:

Ե՞րբ էր՝ անձրևը դադարեց: Արևը իջնում էր Հայկական
 պարին: Արևից ահռելի մի շողք էր գալիս, գալիս ճեղքում
 էր դեռ քաղաքի տանիքներին նստած ամպերի մութ զանգվա-
 ծը և խփում էր Մատենադարանի լայն ճակատին: Շողքը
 խփում էր Պողոտայի երկայնքով, շուրջբոլոր խավարի մեջ
 լույսի շեղք էր կուրացուցիչ փայլով, կրճատվել էր տարա-
 ծութիւն, վերացել էր սահման, կարծես արևը մայր էր
 մտնում սուրբ Սարգիս եկեղեցու մոտ, ձորապոնկին, այն-
 տեղ, որտեղից քաղաքը կտրող մայր փողոցը իր երկար թա-
 փից գետնից կտրվում, թռչում-թառում է ուղիղ Հայկական
 պարի ուսերին: Արևը մայր էր մտնում, այնինչ երկինքը բաց-
 վում էր, ամպերը Արաքսն ի վար հեռանում էին Արարատ-
 յան դաշտից, օդը զնգում էր — մայրամուտ չէր, այլ լու-
 սաբաց, ինչ-որ շփոթ էր եղել մեր բաժին երկինքում՝ օրը
 նոր էր բացվելու, իսկ արևը նստել էր Հայկական պարին...
 Թաց էին ծառերը, թաց էր ասֆալտը, շենքերի պատերը,

մեքենաները, մարդիկ, ջուրը շունչ էր տվել ամենայն անշունչ բանի և հաշրհեղեղյան բեղուն խոնջանք էր տիրում երկրին:

Նա գնում էր ոտքով: Խորտկարանից ելել, գնում էր կայտառ: Անցնում էր կանգառ-կանգառի հաւից և ծուռ ժպտում էր ավտորուսները խցկված մարդկանց: Զգիտեր, չէր ուզում իմանալ՝ մինչև տուն՝ տասնհինգ կանգառ, գնալու է ոտքով, թե՞ ուղած տեղից կնստի մի բան: Խղճում էր ավտորուսները խցկված մարդկանց, բայց ինքը մտադիր չէր մինչև վերջ քայլել: Մտադրությունը կլիներ նպատակ կամ բռնի առօրյան կլիներ՝ որոշակի ժամի որոշակի տեղից որոշակի ժամի որոշակի տեղ... Այդ ամբողջ տենղը այսօրվա համար չէ: Այսօր երանավետ հանգստի օրն է: Հանգիստ, որ պարզեւ է ինքը իրեն մինչև կեսգիշեր տուն հասնելու իր որոշումով, երանավետ այնքանով, որ չէր կարող, չէր էլ կամենա ամեն օր ունենալ, ամեն օր ունենալով՝ ընկնելու էր մի ուրիշ հոգեմաշ չափի մեջ:

Գնում էր ոտքով: Սեպտեմբերի այդ երեկոն իջնում էր սահուն, փափուկ, անձայն՝ վայրէջքի աղեղ անող օդանավ, որ երևում է վերջալուսի ֆոնի վրա անսահման հեռվից: Եվ նա չէր ուզում օրը վերջանալ: Այնքան չէր ուզում, որ կեսգիշերին դեռևս տան ճանապարհին էր:

«Արուսյան պուրակ» շկաչող անունը վրան Պլանի գլխին, երթուղիների հանգուցակետում գարեջրի փայլատ կրպակը իսկը տեղին էր: Ժամեր առաջ, երեկոյան կողմ, կրպակին մոտենալ չէր լինի: Ծեր կինը չէր հասցնի գավաթները ողողել, գարեջուրը չէր հասցնի տաքանալ, վաճառողը չէր հասցնի թղթադրամները դարսել՝ ճմռթած կխցկեր խալաթի գրքպանները... Հիմա նույնիսկ կարելի էր կրպակին հենվել: Եվ կասկածելի օղուց հետո երկու գավաթ գարեջուրը բալասան էր:

Երկու հոգի էլ ծարաված եկան: Ասին՝ վարորդ են: Ասին՝ գարածից քաղաք կտրել, գարեջրերը փորձելով եկել հասել են այստեղ՝ ամեն տեղ ջուր էր, սա լավ դուրս եկավ, ափսոս՝ խմելու տեղ չի մնացել: Ուշ ժամի խմող տղամարդիկ՝ շուտ մտերմացան: Նրանք այդ ժամին, այդ տեղի վրա համախոհ են, և նույնիսկ՝ ընկեր, փուլթ չէ, թե վաղը, եթե

հանդիպեն, շճանաչի մեկը մյուսին: Մեկը ասավ՝ նորքեցի են, փողոցը ասավ և տան համար, եթե նրան նեղացնող լինի, թող ծախի թեով իմաց անի՝ սելավի պես նորքից կիջնեն: Մյուսը նայում էր մեկուսի կանգնած ջահել կնոջը: Իրիկվա վրա փափկած կին էր: Առավոտները նրանք ուրիշ են: Տերեկվա դուռը դիպվածի առաջ բաց է լինում և գեշ թե սիրուն բծախնդիր ու անառիկ են: Բայց ժամ առ ժամ տեղի են տալիս, իրիկվա կողմ դառնում են զիջող, կեսգիշերին համաձայն են թեկուզ գեհեհեի, միայն սատանան տղամարդու կերպարանքով գա և տղամարդու բերնում սատանի, վատագույն դեպքում՝ շան լեզու լինի:

— Բան ասող եղավ՝ իմաց արա, սելավի պես տղերքով կիջնենք...

Մարավները կոտրած տղերք՝ հեռանում էին խոտոր քելքով: Միայնակ կինը գնացել էր՝ հետը տանելով կեսգիշերային կանդառների քաղցր խոտվքը: Փողոցների լույսերը հանդան: Տաքսին անցավ՝ դանդաղ ընթացքով գայթակղելով: Ինքնաթիռի լույսերի հետքից գնաց ձայնը: Գործարաններից մեկը շառաչով արտաշնչեց ներսի շոգին: Քաղաքն անցնում էր քնած ձերտնու շնչառության:

Նա անվրդով էր, ինչպես անբամի գիշերվա ծառը: Եթե շգար այսօրվա վերջին ալտորուսը, առավոտվա առաջինը չէր կարող շգալ:

ՀԻՆ ՊԱՏՄՈՒԹՅՈՒՆ Է

Հեռախոսները երեք հատ են, և Անիկը դիտի, որ սպիտակ լեհահականին ձեռք տալ չի կարելի: Այդ բանը իմացավ վերջերս: Մինչև իմանալը համոզված էր, որ սպիտակ լեհահականը պարզապես խափան է: Նախ՝ որ կոչնակն էր տարօրինակ մզղում, փոխանակ ընդհատումներով կանչեր, հետո էլ՝ վեց թվից հինգը չհավաքած՝ շխկոցով միանում էր,

կարծես թե մեկը, ձեռք լսափողին դրած, սպասում էր դան-
դի: Անիկը մտածում էր, որ իր ընկած տեղը շտապ օգնու-
թյան կամ հրշեջ ծառայության նման մի բան կլինի, բայց
երբ իմացավ հեռախոսը «կառավարական» է, սաստիկ վա-
խեցավ և այդ օրվանից դողալով է սրբում հեռախոսի փո-
շին: Կարմիր հեռախոսին առհասարակ չի մոտենում, ան-
տերը շատ է շքեղ, ասես խոսելու համար չի, այլ հետո գն-
րեզման տանելու: Անիկի հեռախոսը մոխրագույնն է, քա-
շում է համարը ու երևի թե զրուցակիցը ամեն անգամ հարց-
նում է՝ որտեղից է զանգում, Անիկը վրա է բերում.

— Խմբագրությունից:

Զրույցը գնա՛ց... Հարմար տեղավորվում է խմբագրի
փափուկ, պտտվող աթոռին... Բայց այդ գիրքին մնում է
բոպեից ոչ ավելի: Հետզհետե սահում է առաջ և արդեն
բազկաթոռի պոնիին նստած, աչքը դռան կողմը և ամեն պահ
վար ցատկելու պատրաստ, միառժամանակ սրբելով սեղանի
փոշին, զրուցակցին հարցուփորձում է անցած մի օրում տե-
ղի ունեցած-չունեցած բաներից: Հինգ-տասը բոպեից զնում է
լսափողը, ավլում է հատակը և անցնում հաշորդ սենյակը:
Այստեղ հեռախոսը մեկն է, աթոռը՝ շոր-սովորական, և Անի-
կը երկար է նստում լսափողը ականջին: Այս մի զրուցակի-
ցը կամ անհասկացողի մեկն է, որ չի հարցնում՝ որտեղից
են զանգում, կամ գիտի որտեղից զանգելը ու էլի անհաս-
կացող է, որովհետև խելքը գլխին ամեն մարդ, իմանա-չի-
մանա, կարգ է՝ հարցնում է՝ որտեղից են զանգում: Սա չի
հարցնում: Ու քանի որ գլխի չի ընկնում, Անիկը մի միջոց
գտնելով՝ ասում է.

— Խմբագրությունից եմ զանգում:

Իր սենյակում գրամեքենայի առաջ նստած Արամը, ինչ-
քան էլ գործով տարված լինի, այս խոսքի վրա ժպտում,
անցնում է առաջ: Անիկի առտնին, առօրյա շաղակրատանքի
հեղեղը մտնում-անցնում է նրա լսողության միջով առանց
հետք ու հետևանք և միայն այս դարձվածքը խփում է ական-
ջին և աչքերը անձայն ծիծաղից տամկանում են:

Անիկը նորեկ է խմբագրությունում և նրա համար Արա-
մի զբաղմունքը հանելուկ է: Այն ժամանակամիջոցում, որ
նա անց է կացնում հեռախոսագրույցներով, մասամբ էլ

ավելի-մաքրելով, երբ էլ որ կիսաբաց դռնից ներս նայելու լինի, Արամը կամ մեքենագրելիս է լինում կամ՝ պատուհանից դուրս նայելիս: Արամի բացակա ժամանակ Անիկը նըստել է գրամեքենայի առաջ, նույն ուղղությամբ նայել, բայց հինգ հարկանի շենքի խուլ կողպատից բացի բան չի տեսել, որին հնարավոր լիներ այդքան ուշադիր նայել: Եթև տղամարդը անբթիթ, լուռ պատին է նայում, կինը փշաքաղվելու իրավունք ունի: Նաև խղճահարության իրավունք ունի, որովհետև գրամեքենայի առաջ նստած տղամարդ Անիկը չի տեսել: Տղամարդու այդքան սևեռուն դեմք մեկ էլ գերեզմանոցում է տեսել:

— Արամ ջան, տասներեքերորդ աշխատավարձ կա՞,— հարցնում է Անիկը:

— Կա,— պատասխանում է գլուխը շարձրացնելով:

— Ե՞րբ կտան:

— Ի՞նչը, Անիկ մայրիկ,— ու պելված նայում երեսիդ...—

Ախ, հա՛... մեկ չի հասնում, չէ՛:— Անո՛ւշ, անշատված, իր անշատվածության վրա էլ ժպտալով՝ նայում է երեսիդ: Մի ինչ-որ հնարով նայում է երեսիդ ու աչքերիդ չի նայում: Ու ինքդ քեզ մեղավոր ես զգում երեսային քնից արթնացնողի պես: Տանջված են, տխուր են, դեմքներին գույն չկա, աչքներից է երևում, որ սրտում ցավ ունեն, բայց չի էլ անցնի մաքներից, որ մարդ արարածը կողքինի հետ պիտի խոսի, իր նմանի առաջ սիրտը բաց անի: Չեն անում: Ամեն բան ներս են գցում, գցո՞ւմ... ու Անիկը որոշել է (ո՞վ դիտի մարդու հետ վաղը ինչ կպատահի) մի առիթով Արամին իր տուն հաշի հրավիրի:

Բայց... Հաղար ներողություն, Անիկ մայրիկ, Արամը ճաշկերույթների ժամանակ չունի: Համենայն դեպս, բանի դուրսակարան չունի, իրեն չի վերապահի անհոգ ապրել: Երեսայաների տեր է, աշխատավարձը՝ լավ դիտեր, տունը՝ վարձու մի սենյակ, գրելու հարմարություն չկա բոլորովին, և բանթողից հետո մնում է այստեղ, ուր տաք է, լուսավոր, գրասեղան, գրամեքենա, առանձնություն ունի,— մնում է երգիծական պատմվածքներ գրելու, ստացվում է շաբաթը երեք-չորս էջանոց տխուր մի պատմություն, ամիսը՝ չորսը, երկուսը մերժում են թերթերում ու ամսագրերում, բայց հա-

դորդում են ռադիոյի առավտոյան «Ուրախ ալիք» հանդիսով, մեկը, ոնց էլ լինի, տպագրւում է իրենց ամսագրի վերջին՝ 44-րդ էջին մի տառատեսակով, որ կարգալու համար չէ, այլ տպագրած լինելու, իսկ վերջինը... մնում է դարերի համար:

Անիկը նայում է նրա տառապանքին և մտածում է, որ տղան մի օր կմեննի: Նայում է մտալար դեմքին, խուլ պատին հառած տենդոտ հայացքին և մտածում է, որ ավելի շուտ կխելագարվի: «Տեսնես, երեսեքը հորը նման են» — մտածում է Անիկը: Եվ ուզում է, որ երեսաները հորը շատ նման լինեն, որ նրանք շատ սիրեն իրենց խեղճ հորը, որ նա շատ սիրի երեսաներին, շատ ու շատ սիրի, ուրիշ ի՞նչ ուրախութուն ունի այս երկնքի տակ, գրողը տանի:

Մի երկուշարթի, բանթողից հետո, Անիկը մի փաթեթ դրեց Արամի սեղանին. բոխիի թթու էր լիտրանոց անոթի մեջ և կեսլիտրանոց շշով՝ թթի օղի:

Արամը քնքշանքով նայեց Անիկին. բառ չէր գտնում ասելու: Շնորհակալութուն ասելը տխմարութուն թվաց այդ պահին: Շատ է քաղաքավարի-անմտերմիկ: Այդպես՝ եվրոսպական վեպերից ծլած պարոնիկներն են ասում՝ «Շնորհակալ եմ Ձեզանից, մայրիկ»: Զգում ես, որ մայրերը կուրծք չեն տվել նրանց, այնքան որ խորթության է փշում այդ տանից:

Արամը խմել չէր ուզում, բայց չէր կարող Անիկին վերաւորնել, Անիկը սովոր չէր խմելու, բայց չէր ուզում իր բերածը ողորմության նման լինի և խմեց մի կերպ կես բաժակ...

Արամը թող անուշ անի, ինքը կգնա իր գործին:

Այդ օրը հեռախոսով քիչ խոսեց. միտքը իր հշուրասիրության հետ էր: Գործը վերջացրեց, տեսալ՝ շիշը դատարկ է: Շիշը դատարկ էր, և Արամին ոչինչ չէր եղել: Նույնիսկ գլուխը չէր դրել սեղանին: Նստած էր սթափ ու ձիգ, և միայն աչքերն էին պայծառ: Հայացքը էլի պատուհանից դուրս էր, էլի նույն շենքն էր, նույն կողապատը, բայց նրա դեմքը հիմա անձիգ էր և աչքերը զուլալ էին երկու ամսեկան իշուկի աչքերի նման:

Անիկը այդ պահին աղջկան հասկանում էր:

...Հիսուն-վաթսունական թվականներին գիպսից արձանիկներ էին ձուլում՝ շուն, կատու, աքլոր, ուրիշ շատ բաներ, վաճառում էին էժան կամ փոխանակում բնամթերքով, դրանք սնամեջ էին, խալտաբղետ ներկված և մեջքին, պարանոցին, կրծքի վրա մի տեղ ճեղք ունեին հինգ կոպեկանոցի տրամադծի չափով: Պարզունակ այդ արձանիկների մեջ մեկը կար՝ բոլորակ դեմքով, մատղաշ մի աղջիկ, ծամերը՝ սև, գլուխը՝ թեք, այտը՝ ձախ ափին: Եվ հեղ մի ժպիտ կար դեմքին:

Ահա այդ դիրքով, անվրդով հեղությամբ, գուցե տարիների հետ քիչ խաթարված ժպիտով, ինչպես հիշողության շուրջն էր ընկած գիպսե արձանիկ, որի շուրթը առել է մի բանի,— այդպես, խմբագրության սենյակի բաղկամտին նստած աղջիկը նայում էր սիրած տղամարդուն: Նա դուրս էր գալիս սենյակից, գնում էր տպարան, ժողովի, խմբագրում էր կամ ինքն էր գրում, շախմատ էր խաղում ընդմիջումներին... Այդ ողջ միջոցին աղջիկը նստած՝ նրան էր նայում, նրան սպասում, զբաղվում թերթ ու ամսագրերով և ինչ-որ ժամի ելնում-գնում էր:

Գալիս էր շաբաթը մեկ-երկու անգամ, նստում դրուցում էին, թե առանձին եղան, թե տղամարդը դրադված չեղավ, և չէր ձանձրանում: Չէր էլ ձանձրացնում:

— Հասմիկ, մի ժամով ժողովի գնամ,— թե ասեր՝ լավ էր: Եվ գնում էր: Ինչքա՞ն կտեի: Ինչքան որ տեկց: Ինչքա՞ն կտեի այս պատմությունը՝ դժվար է ասել: Երբ կյանքից այսքան քիչ բան ես ուզում, մի կյանք կտեի:

Հին պատմություն է. սրտառուչ, տարտամ, մի քիչ դառնավուն... Մարմնական՝ ոչինչ: Գրեթե ոչինչ: Այդ պատճառով էլ այսքան տարիներ՝ ութ թե տասը տարի, շրջապատի վերաբերմունքը անփոփոխ նույնն է ամուսնացած տղամարդու և նրան սիրող աղջկա հանդեպ՝ հանդուրժողական, խղճահարություն թեթև երանգով:

Անիկը դժվար հասկացավ նրանց: Միտոժամանակ խեթ նայեց, նայեց... ու սրտաշարժվեց: Սովորեց նրանց: Հիմա, բանթողին, երբ նա գալիս է, եթե աղջիկը իր տեղում չեղավ, Անիկը քիչ հուսախաբվում է:

...Այնուամենայնիւ, մի կյանք շտեկց այդ պատմութիւնը: Աղջկան, գուցե, ավելին էր պետք, քան տղամարդու ներկայութիւնը, քան սրտաճմլիկ հավատարմութիւնը իր միակ սիրուն... Կամ գուցե տեկց: Գուցե տասը տարին մի կյանք սպառեց և այն, ինչ մնաց, ինչով ապրում է՝ ստվե՞րն է կյանքի, ինչից կառչում են մի վերջին անգամ...

— Արամ, Հասմիկը ամուսնացե՞լ է:

— Ամուսնացել է:

— Բախտավոր լինի, մեղք էր, տղա ջան:

Կամ՝ ավելի կարճ հարց ու պատասխան: Կցկատր խոսքեր, զարտուղի մտքեր... Բայց նրա մասին: Եվ միշտ Անիկի նախաձեռնութեամբ: Արամի դրող ունկնդրութեամբ... Մի բանում, սակայն, միաբան չէին: Կինը ուզում էր խոսել ու լսել, իսկ տղամարդը լսել էր ուզում, ինքը բարձրաձայն ասելիք շուներ: Եթե հանկարծ հրաշքով խոսեր, բթամիտի պես, կամ մտազարի, պիտի կրկներ՝ ո՛ւշ հանդիպեցին: Եվ արգարանար պիտի ասելով՝ ուշացած սերը ուշ հղիութեան նման է լինում. լինում է քաղցր, լինում է դժվար, և անակնկալ լինելուց՝ նաև անհավանական, սիրտ մաշելու շափ տարակուսելի... Ինքն իրեն պիտի ձողկեր ասելով՝ փոքրագութիւնը սիրո համար հարմար դազազ է. ուշ սեր չի լինում, վաղ ծերութիւնը իր անունն ունի: Եվ հեշտ չէ թեպետ, բայց լավ է ապրել անունը տալով:

— Դու քո տունն ունես, մեղք էր, տղա ջան:

Անիկը, այսպես, մեկ-մեկ կխոսի աղջկա մասին: Այնպես կխոսի, որ Արամը հոր մահը կհիշի, այն երկու օրը, երբ կարեկցաբար ուսերը գրկած՝ նրան դազազից հեռացնում էին, սեղան նստեցնում, ասում էին՝

— Կեր:

— Պինդ կաց, — ասում էին:

— Դե, տղամարդ կաց, ի՞նչ ես փուլ դալիս, — կշտամբում էին:

ԿԻՐԱԿԻ

—Մարիամ...— կանչին պատասխան չկա:— Մարիամ...— Ձայնը արձագանք չունի:— Մա-րի-ամ:— Ինքն իրեն ամփոփում է ձայնը: Ոչ աղերսական է, որ գուժ հարուցի, ոչ պահանջկոտ է, որ ջղայնացնի, ոչ էլ տիրական, որին տեր կանգնեն: Սակավաչուր ցայտազբյուրի շիթի է նման, որը երբեմն վեր է նետվում շունչը պահածի արտաշնչումով ու կրկին փլվում... «Ես... ես կա՞մ... ոնց որ թե՛ կամ»:

Խորտկարանի դեմուղիմաց գրանիտե ցայտազբյուրներ կան՝ բարձր ու ցածր, ծխախոտի տուփի և լուցկու տուփ՝ իրար կողքի, ջուրը ցայտում է առանց ձայնի և թվում է, թե անհամ է ջուրը: Համր աղբյուր է: Մեծ քաղաքների ջրերն են համր: Համր են անգամ շատրվանները: Քսան-երեսուն քայլի վրա կարծես նայում ես հեռադիտակով: Տարածության և լսողության կապը խզվել է: Դրանց միջև պատ է բարձրանում, ձայներից ծնված և նույն ձայները, ամեն առանձին, ինքնուրույն ձայն իր մեջ մեռցնող աղմուկի պատը, որ վեր է ելնում գիշերվա սառը, լռին ընդերքից, մարմին է առնում անբարձրակի, ուժգնանում է արեգակի բարձրանալու հետ և ցերեկը մատնում խլության: Արևամուտից հետո փլվում է կամաց-կամաց, կեղիշերին մոտ նորելուկ-մանուկ ձայներ են ծնվում դժոխային խլության կողից. ականջ շոյող զրնգոցով մի տեղ մուրճ են զարկում մետաղին, մի տեղ ճոխնչով դարպաս են փակում՝ ասես ջութակը մենանվագով խույս է տալիս նվագախմբի հախուռն աղմուկից, հարևան բակում, Արևելքի ծուլության խորքից, նարդու քարերը շրխկում են 500 վտ. լամպի լույսի տակ, և տաղավարից տղամարդկանց ձայներ են լսվում, քնկոտ ձայներ, քնափախ ձայներ, անկողինների կարոտած ձայներ, անկողինների թշնամի ձայներ... և, վերջիվերջո, անբուն, անպատկառ ոմն լակոտի ավ-

տամեքենայի վնգոցի ֆոնին վատ քուն մտնողի ցնցումներով լուռությամբ տիրող է դառնում,— հարաբերական այդ լուռության մեջ պուրակներում, մայթերի վրա ցայտաղբյուրները ծկլթում են լեռան աղբյուրի շատ հեռավոր նմանողությամբ. պատից անդին երբեմն շենքը վերից վար կտրում, երկրի ընդերքն է վիժում շղթայագերծ կոշուղու ջուրը. երկաթուղային կայարանից բարձրախոսը քաղաքի վրա տարածում է քունը առած դիսպետիզմի առույզ ձայնը՝ մախ շորորոր գիծ, մախ շորորոր գիծ... Գիմացի շենքի ութերորդ հարկում շենքի վերջին լույսը հանգավ, անջատիչի շիկոցը լավեց և քունը փախավ լսողության անմեղ պատրանքից:

Եվ ամբողջ գիշեր մի կերպարանք՝ դեռահասի ստինքներով, աչքերիդ միջով սրտիդ խորքը նայող աչքերով, վտիտ, սիրելի անառակի կերպարանքը մերթ հատակվում է մտապատկերում, մերթ դիմագծերը աղավաղվում են, ինչպես սերո գերագույն պահին, մերթ էլ դեմքը չբանում է մղձավանջային տեսիլքներում... բրդե ներքնակը լցվում է սազի փետուրով, փետուրները կենդանանում են, թևաբախում են շպշպոցով, ներքնակը հանկարծ կտրվում է մահճակալից, խուճապահար եղած սագերի դժղժոց է լսվում մի տեղից՝ ներքնակի մեջ են, թե՞ գաղօջախի տապակոցում... Օ՛, տեր աստված, մարդ կարողանար աչքերը բացել...

— Մարիա՞մ...

«Ի՞նչ Մարիամ...»:

Կինը այդ պահին մտածում էր. տեսնես այս մե՞կն էլ մուրացող կղառնա, թե՞ ինչ-որ մի բան (թեկուզև մահը) կփրկի նրան: Մի հիշողություն, որի մեջ ուժ կա, այդ տղամարդուց զգացած ուժի հիշողությունը մղկտում է այս մտքի վրա:

Բայց մուրացողության դուր հասնելու օրինակներ Մարիամը գիտեր: Խորակարանում իր աշխատելու երեսուն տարում մի տասնյակ մարդ մուրացող դառավ: Մուրացողների մի առանձին տեսակ են նրանք: Նրանք չեն ուզում, բայց երբ տալիս են՝ դեմ չեն վերցնելուն: Մանավանդ՝ ընդ քավարարվում են: Սկզբում նրանք խմում են բոլորի նման, հետո՝ ապառիկ, ապառիկ այնքա՛ն, որ գնալով ձրի է դառնում և փակում է ինքը իր ճամփան: Հետո նրանց հյուրասերում

են: Կամ թե նստում են մի բաժակ գինով, նստում են ցամաքած բաժակի առաջ և միայն տեսքով ակնկալում են հյուրասիրություն... Նրանց ճամփում էին գասարոնոմից օղի բերելու: Բերած օղու առաջին բաժակը բերողինն էր: Բացի դրանից, հնգանոցից 80 կոպեկը մնում էր իրենց: Հետո՝ 50-ը, երբ շորտուքսանանոց օղին վերացավ: Մանրադրամով գինի էին խմում՝ քաղցր գինի, որ խփի ձեռաց... Անկումից առաջ մանր-մունր ծառայություններ էին սրահում անում, ինչպես մոլեռանդ հավատացյալը իր եկեղեցում: Գրա դիմաց Մարիամը նրանց հյուրասիրում էր:

Սվ վերջանում էր մուրացողությունը:

Նա տեսել էր ինչպես են մարդիկ մուրացող դառնում, օրը-օրի, բաժակ առ բաժակ, կոպեկ առ կոպեկ... Տեսնելը, սակայն, հասկանալ չէ, նրանց հանդեպ զզվանք էր զգում, լավագույն դեպքում՝ արհամարհում էր: Արհամարհանքից կարեկցանքին հանգելու համար ն՛ շատ բան էր պետք ն՛ շատ բան պետք չէր՝ մի սթափ հայացք, որ իր կյանքի ընթացքը չափեր:

...Ընդամենը երեսունմեկ տարի առաջ աղջկան պարտքով փող էր հարկավոր: Հարկավոր էր մի տար վերարկու, մի զույգ կոշիկ, որ անձրևաջուրը մեջը լցվի, երկու ամսվա (ուշացրած) սենյակի վարձը, նաև հացի փող, որ հյուսվելուց անկողին չընկնի: Շաբաթական մանր պարտքերը ջլատել էին նրա հոգին: Այդ առօրյա նվաստացումից պրծնելու համար հարկավոր էր... վերարկուն հանած՝ ընդամենը մի զույգ կոշիկի, երկու ամսվա սենյակի վարձի, նաև հացի փող, որ ուղելու էր միանգամից և օտար մեկից: Անպայման օտար մեկից, որովհետև ազգականները շոտլ են լինում ամենավերջում, նրանց շոտլությունը պետք է գալիս թաղման ծախսերին:

Ամեն երեկո հավանական պարտատերերի ցուցակ էր կազմում: Գրում էր տաս-տասնհինգ անուն, հետո վերջից սկսում էր ջնջել... ջնջում էր ցուցակը ամբողջովին: Այնուամենայնիվ, մի քանի անուն վերականգնում էր: Սվ սպասում էր առավոտին, սպասում էր, որ պատահաբար նրանց հանդիպի: Սվ չէր հանդիպում: Երեկոյան նորացնում էր հին ցուցակը, սկսում էր վերջից ջնջել... պատճառաբանություն-

ներն այնքան շատ էին՝ ջնջում էր ցուցակը վարից վեր: Եվ
ինչպես երեկ, մի քանի անուն վերականգնում էր: Լավատե-
սության, թե՞ հուսալքման պահերին էր դա:

Գիշերը հեշտ էր: Անկարեկից ցերեկվա դեմքը սքողված
էր, կես քուն — կես արթուն թմբիրի մեջ աշխարհը թվում էր
բարության հովիտ, այնպիսին, ինչպիսին 16 տարեկանում
մեզ թվում է, թե կդարձնենք, եթե ամենքս մի բիշ ջանք
թափենք, եթե ինքներս լինենք կարօկից:

Հուսահատության շաբաթ եղավ, երբ հինգ հոգուց ան-
հրաժեշտի կեսը խնդրեց՝ հինգն էլ մերժեցին: Հետաձգելով,
հուսադրելով, բացատրելով... Նրանք իրենք էլ, հասկանում
ես, կարիքի մեջ են, նեղն են էս պահին: Եվ Մարիամը հա-
կացավ նրանց. նրանց նեղությունը 50, 500, 5000 ուրիշ
չունենալն էր, իրենք՝ 5: Յուրաքանչյուրը իր շահով նեղու-
թյան մեջ է:

Աղջիկը դեպի կամուրջը գնաց:

Թանձր, կուրացնող ձյուն էր գալիս: Սղը սառն էր, գե-
տինը սառն էր, ինքը սառն էր ոտից գլուխ... «տղամար-
դիկ» — մտքով անցավ: Նրանք չէին մերժի: Նրանք կտային
անվերադարձ... անվերադարձ — որոշակի ակնկալիքով...
Քայց այդ տարիքում, երբ սերը ամեն բացվող օրվա հետ
սպասվում է, ամենաթանկը գրավ չեն դնում: Գրավ չդրեց:
Գա ուրիշ կյանք էր: Օտար կյանք էր: Օտար, անհեթեթ, ան-
բնական էր անցորդների աճապարանքը, լուսամուտներից շո-
ղացող լույսը, ազդագիրը, որ շորս օր հետո ապրողներին
հրավիրում էր ֆիլհարմոնիայի փոքր դահլիճ այլերկրացի
կիթառահարի մենահամերգին... Մթնում էր կամաց: Տեսա-
դաշտը նվաղում էր, ավտոմեքենաները ձեռք էին բերել կեն-
դանու բնազդ, բնությունը թելադրում էր հնազանդություն,
ձուլում էր իրար գույն, ծավալ, շարժում, կամրջի ծայրը չէր
երևում, բազրիքը բարձր էր, երևի՛ սառը, բազրիքին նստած
ձյունը ձգվում էր՝ սպիտակ ու անկենդան գիծ, եթե ձեռք
տար, բիծ էր մնալու, եթե մի կտրուկ շարժում աներ, մի
տպեղ բան էր կատարվելու բնության մամլող անդորրու-
թյան դեմ... Քայլում էր անկամ, ինչպես շնչում էր, կամքը
մարմնից բաժանված էր և կյանքը շարժեր մի կտրուկ շարժ-
ման: Ոչ կյանքը արժեր, ոչ մահը արժեր: Թվում էր, թե

անխուսափելիին պիտի կատարվի ինքն իրեն. երկինքը պիտի փաթիլ առ փաթիլ երկրին իջնի, մարմինը պիտի ընդարմանա, թերթերունքները սառցակալեն, շունչը պաղի և երանելի խավարը պատի իր բաժին կյանքին:

...Երբ հինգ հոգի նրան մերժեցին, աղջիկը ճաշակեց նվաստացման ողջ դառնությունը: Տարիներ հետո այդ հիշելով, հարյուրերորդ անգամ հիշելով, նա հասկացավ ինչպես են մարդիկ մուրացող դառնում: Նրանք խնդրում են մեկից, երկուսից, նույնիսկ երրորդից, հետո դարձյալ այդ նույն երեքից, հետո խնդրում են նաև նրանցից, ովքեր պարզ չէ՝ կտա՞ն, թե չեն տա: Ի վերջո, նրանք՝ ողորմողները-չողորմողները, դառնում են մի դեմք: Առ-առավելն՝ երկու տարբեր դեմք. մեկը տալիս է, մյուսը չի տալիս:

Տղա ու աղջիկ մոտեցան ցայտաղբյուրներին, խոնարհվեցին շիթերի վրա, խմելը խաղ էր՝ այդ դիրքով երկար մնացին, գլուխները բարձրացրին միանգամից, պինդ համբուրվելուց կտրվելու պես և ծիծաղեցին... Եվ ահա ուժի հիշողությունը, որ խփեց մարմնին որպես թույլ հոսանք, անցավ հողին և հետքը չկա: Եվ չկա դեմքը: Այս երկրորդ դեմքը՝ տարիների խարաչը վրան, խանգարում է: Ստացվում է մի դեմք, մի դիմակ: Մի դիմակ և դեմք... «Բայց եթե նա իմ կողքին ապրեր...» — մտածեց կինը: Եթե տղամարդն իր կողքին ապրեր, մտածում էր, ջահելությունը քիչ-քիչ կլուծվեր կնճիռների մեջ, և ծերությունը անակնկալ չէր խփի սրտին: Եվ չէր լինի երկու տարբեր դեմք: Կամ դեմք ու դիմակ: Մեր ծնողները մեզ համար միշտ այնպես են եղել, ինչպես հիմա կան: Լուսանկարները զծվացնում են մեզ, խառնում են իրար ներկա ու անցյալ, խաղ են խաղում մեր պարզունակ հոգիների հետ և մեզ թվում է՝ կյանքը անմիտ է, մահն անբնական... Ա՛խ, մեզ ստեղծող, թող այնպես լիներ, որ մարդ աշխարհ գար տկար ու զառամ, հետո շտկվեր աստիճանաբար, աստիճանաբար ողբեր լցվեին կենարար հյուսվով, անոթները մաքրվեին տարի առ տարի, մաշկը գույն առներ ու զվարթանար, խելքը ծաղկեր մարմնին զուգահեռ, և այդպես գնար դեպի մանկություն... Ամենավերջում կաթի բույր գար թափանցիկ մաշկից, ուղեղը սրբվեր իմացածից, ծառը մնար ծառ, որ անուն չունի, քարը մնար քար, քամին փչեր ինքը

իր համար, շուրջ հոսեր ինքնանսպատակ, բանականության վերջին ծվենը լուծվեր եթերում և մեր թիկունքին թևեր բուսնեին առանց ցավի:

Լուսթյուն կա, որ ոչ մի բանից չի սասանվի, ոչ շոգեքարչի անդուր շշակից, ոչ անկած ջահի փշրվելուց, ոչ ավտոմեքենաների բախումը կանխող արգելակների մահասարսուռ ճոնչոցից, բայց կենտ մի բառը կհարամի ամսեղ ընկած զեռունի նման: Մի բառը մարդուն կանի դիվահար... Երբ տղամարդը կրկնակի հազաց (այդպես հազում են հասարակաց մութ զուգարանի բաժանմունքներին մոտենալիս կամ երբ վեհերոտ պատրաստվում են խոսք բանալու), Մարիամը հապճեպ շիշը բացեց, տարավ դրեց սեղանի վրա և այդ ընթացքում, որը տեևց հազիվ մի բույս, տաղնայի մեջ էր՝ հիմա կխոսի...

— Մարիամ, էն երեխին երազում տեսա:

«Մանուկ, ի՞նչ էս ինձանից ուզում»... Իսկապես, ի՞նչ էս նրանից ուզում, ոչ տղեն էս դու, ոչ աղջիկն է նա, վաղուց կարգացած՝ քիչ հիշվող գիրք է. մի տղա ու մի աղջիկ են եղել, աղջիկը՝ սիրուն, տղեն՝ բոյով, տղեն ասել է՝ ուզում էս, Մարիամ, ինձ նման բոյով, քեզ նման սիրուն աղջիկ ունենանք... Աղջիկը սիրել ու ծիծաղել է: Տղեն ասել է՝ եթե տղամարդը մի կնոջից ուզում է աղջիկ-երեխա ունենալ, դրանից վեր սեր չկա, Մարիամ... Աղջիկը ծիծաղել ու սիրել է... վաղուց կարգացած՝ քիչ հիշվող գիրք է... Հիմա եկել ու երեսուն տարվա բորբոսը կերած պատմությունը հետ էս թերթում... ու թերթերը մնում են ձեռիդ: Դու գերեզմանից աճյունը հանում, մեկ էլ էս թաղում... Պատրանք չես թողնում անմահության...

Այդ տարի ձմեռը ո՞նց երկարեց... Ձյունը դառել էր աղքատին պատանք: Կամրջի ծայրը շեր երևում, բազրիքը բարձր էր, երևի՝ սառը, կյանքի ու մահվան սահմանը շեր պատկերացրել, թե կլինի այդ աստիճան կոպիտ ու վանող, եթե իր մեջ կյանք չէր մնացել, եղածը մահ էր, եթե մահ էր, պիտի աճեր, ուռչեր ինքն իր մեջ և թարախակալ վերքի նման անցավ բացվեր... Ձյունը գալիս էր մարմանդ ու թանձր, կարծես ձմեռը գարնան վրայով, ամռան վրայով, աշնան վրայով ձուլվելու էր եկող ձմռանը, և հորիզոնին հույսի մի

ափ պատուհան չկար: Ինչ-որ մեկը բռնեց թևը ու կյանքը շարժեց մի կտրուկ շարժման: Կարծես դա այն էր՝ անխուսափելիին, որ կատարելու էր ինքը իրեն: Զգուշորեն թևը քաշեցին և տեղի տվեց: Ինքը մնաց, թևը տաքան: Վերարկուն հագրից ելավ գնաց, ինքը մնաց կամրջի վրա՝ մատաղի գառ ձմռան ասածուն:

Ավտոմեքենան բազաբից մի կերպ դուրս էր եկել և սլանում էր անհայտ ուղղությամբ: Լույսը կորչում էր փաթիլների մեջ, ընթանում էին մութ բեմի վրա լուսարձակի կտր շողքի մեջ պարավազը անող պարուհու նման, որը երբեմն թվում է թե դուրս կրնկնի շողքից, զուխը կտա մի պատի: Ավտոմեքենան մոտենում ու չէր հասնում ձյան գորշ պատին, պատը փախչում էր հալածական, բայց մի ակնթարթ հնարավոր էր, որ անշարժանար: Մի ակնթարթում կծեփվեին հողմապակուն ծեփվող-շարտվող կաթիլի նման:

Տղամարդը կպել էր դեկին, հայացքը մեխել էր ճանապարհին, ասես ոչ թե մեքենան էր ենթարկում իրեն, այլ ճանապարհի հազիվ նշմարվող ժապավենը, որ գալար-գալար փովում էր անիվների տակ՝ ավտոմեքենան որ կողմ էլ ծռեր: Բայց թե՛ վարորդը, թե՛ ճանապարհը կհոգնեին: Ճանապարհը միայն մի պահ չէր հասցնի ավտոմեքենայի ընթացքը բռնել... և առանց ջանքի, ինքը իրեն անխուսափելին կկատարվեր: Բայց նա մենակ չէր: Հուսահատությունը անբասիր է մենակության մեջ: Հուսահատության մոայլ, սառցեղեն վսեմությունը հալչում էր կամաց ուրիշ մեկի շնչառությունից... Ծամերին նստած ձյունը ջուր դառավ, առաջին կաթիլը ընկավ ծոճրակին՝ ծոճրակը պաղ էր, ողնաշարի երկայնքով վազեց և մի ջղաչին հեկեկոց բռնեց նրա մարմինը, որը հանդարտվեց այն ժամանակ, երբ վերջին կաթիլ արցունքը քամեց: Ավտոմեքենան բազաք էր դառնում զգուշ ընթացքով: Վարորդը ջարդված, բայց դո՛ տեսք ուներ: Նա հնարամիտ ու խիզախ մարդ էր: Եվ հոգատար էր: Համբերատար էր անհավատալի, բայց թե հետո ի՛նչ էր քաշելու՝ այդ շղիտեր: Կամրջի վրա գտած մարմինը շնչի բերելը միայն սկիզբն էր: Նա, ընտանիքի տեր լինելով, մի քանի ամիս հիվանդանոցից դեղատներ, դեղատներից հիվանդանոց ճանապարհները շափեց-շափչփեց, աղջկա համար նոր սեն-

յակ վարձեց, որ խոնավ շէր և առանձին ելումուտ ուներ, լավ վարձատրվող գործ գլուխ բերեց, նրա ընկճված մարմնին ու հոգուն կանացիություն վերադարձնելու տանջանքը կրեց... և վարձատրվեց տարիներ տևած հավատարմությամբ:

Զմեռն անցկացրեց հիվանդանոցում, գարունը «եզան լեզվի» նման նստեց վերքին, լուսամուտների վարագույրները արդեն քաշում էին արևի դեմ — մինչև նոր ձմեռ ահագին կյանք կար և Մարիամը վերստին կին էր: Եվ երբ նա վերստին կին էր, անխուսափելին նոր կերպարանք առավ: Ինքնաարդարացումը կամ հույսը այն էր, թե տղամարդուն վերադարձնելով իր գտած գանձը, ետ կստանա ինքը իրեն: Անխուսափելին անկողինն էր, եթե շուտ մտներ, շուտ էլ կեներ... Բայց խրվեց մնաց: Ուշ առավոտի անկողին եղավ, երբ ոչ կարգին կարողանում ես քնից արթնանալ, ոչ կարողանում ես նորից քուն մտնել: Դա գերություն էր՝ գերություն շէր: Սիրո նման շէր: Մարմինների ընտելություն էր, ամենավերջում՝ մարմնի պատիժ:

Հետո դու եկար, ու նա իմացավ ո՞նց են սրտով մարմինը սիրում: Նա հասկացավ, թե ինչն է կանանց առնականություն քարին ուխտ տանում: Բայց ինքը իրեն շէր պատկանում: Իր փրկված կյանքը սեփական աչքին քիչ արժեք ուներ, որ երախտագիտությունը ոտները կապեր, բայց թույլ էր կամքը: Թե՞ մենակության պտուղն էր դառը: Եվ նա ուրիշից ինը գիշեր իրեն գողացավ քո ոտքը բերեց և ինը օրը թագ ու պսակը եղավ իր կյանքի... Իսկ դու եկել ու երեսուն տարվա բորբոսը կերած պատմությունը թերթել ես տալիս... ու թերթերը մնում են ձեռիդ... Դու ինձանից խլում ես ուժի հիշողությունը, ոտնահարում ես թագ ու պսակի իմ ինը օրը աշեախի նման զլխիս իջած քո ծերությունով ու իմ կյանքից ինձ բան չի մնում անառակությունից, կեղտից բացի...

Պատահեց, որ մի օր կեսօրին նա արթնացավ մինչև լույս տևած գինարբուքի սեղանի եզրին գլուխը դրած, մի քանի մարմին մեկնված էին որտեղ պատահի, որձկացել էին լվացարանում, թթված գինու, օղու, կոնյակի, մոխրամանների խառը հոտից նրա սիրտը բերանն էր հասնում,— և դա իր կյանքի խտացումն էր: Այդ կյանքն սկսվեց արբունքի հաջորդ օրվա հեշտանքով, երբ թանձր է միտքդ, թանձրությունը

քաղցր է ինչպես սարքովի մեղր և անբանական զմայլանք կա ամեն ինչում... Հավատարմությունը ինչքան տևական ու մոլեգին էր, ազատությունը բազմապատիկ սանձարձակ եղավ: Այն ժամանակ կնոջը թվաց, որ եթե երկրորդ տղամարդը՝ իր կամեցածը, այդքան քաղցր է, երրորդը պիտի սիրո ատն լինի, չորրորդը պիտի... կամ հինգերորդը... Բայց հիմա գիտեր, ծնվում, մեռնում և մինուճարին հանդիպում են միայն մեկ անգամ: Այլևս գիտեր, որ տղամարդը հագնելիք չէ՝ վրագ փորձես, այլաշխարհիկ պտուղ չէ, որի քաղցրն ու դառը համտեսով ջոկես: Քաղցրը բախտն է: Իսկ եթե երկուսն էլ մի հաշիվ են, կամ կորցել էս բերանիդ համը, կամ անհամությունը մեջդ է եղել:

Հետմիջօրեն՝ ողնաշարը կտարած սողուն, քարշ էր գալիս շոգի, փոշու մեջ ու չէր հասնում հանգրվանին: Կինոթատրոնի շենքի ճակատի ջերմաշափը ցույց էր տալիս 37: Ոչավելանում, ոչ պակասում էր... Անսպասելի մի բարավիկ քաջքաքամի ցայտաղբյուրներից դենը ծառայավ, ուսով հրեց մի տղամարդու, եղբևանու փոշին կուլ տվեց, պորտապարով արագ հասավ ցայտաղբյուրներին՝ ջրի շիթերը ցայլեցրտալով մի երկվայրկյան իրար առան, ապա սրբնթաց ուղիղ դեպի դուռը եկավ, զարնվեց քիվին՝ երկու կես եղավ, վերին մասը համբարձվեց երկինք, ստորինը փուլ եկավ շեմին, և մի թույլ հոսանք վարագույրները տարուբերեց, մի բուռ փոշի շաղվեց հատակին, և լրագրի մի պատառ կպավ դռան մոտի սեղանի ոտին:

Հանքային ջրի բաժակը ձեռին՝ կինը սառել էր: Հետո շունչը ետ բերեց բեկ-բեկ, ձեռքը արմունկից պոկվեց ընկավ վաճառասեղանին:

«էդ նրանից է, որ հաճախորդ չունեմ,— մտածեց կինը:— Նրանից է, որ հաճախորդ չունեմ»: Ոչ թե կրկնում էր միևնույն միտքը, այլ մի անգամ ձևակերպվածը երկարում-հոսում-շարունակվում էր, ինչպես լույսի շոգ՝ «նրանից է, որ հաճախորդ չունեմ...»:

Մինչդեռ կիրակին կեսօրից հետո բնակարաններից դուրս շպրտեց ձանձրույթից մեռնող տղամարդկանց. նրանք քայլեցին փողոցներով, պուրակներում հապաղեցին, կինոթատրոնների կողքով անցան, թանգարանները շրջանցեցին,

մտան Մարիամի խորտկարանը, և կինը գտավ իր անելիքը, և շեղված օրը գլորվեց գնաց դեպի մայրամուտ:

Երեկոյան յոթից հետո թե՛ ձայներն էին խուլ ու խառնակ, թե՛ ծավալներն ու մակերեսներն էին նշմարվում աղտո՛, ներդաշնակութեան գրեթե նման թմբիր էր բերել երեք շիշ գինին... և դեռահասի ստինքներով, աչքերիդ միջով սրտիդ խորքը նայող աչքերով վտիտ, սիրելի անառակի կերպարանքը հռեւ էր պատին, և սիրո շնչում տարրալուծված անձև շուրթերը ժամանակի խլութեան դեմ շնչում էին նրա անունը վաղորդայնի առաջին ձայնի հստակութեամբ:

ՉՈՐ ՕԳՈՍՏՈՍ

Եսթերը ամուսնուն ասում է.— Մի դնա: էսօր մի դնա,— ասում է Եսթերը: Ձայնի մեջ խնդրանք կամ հորդոր չկա: Ձայնը հույս չունի, որ կլսեն իրեն: Եվ պատճառաբանություն չունի՝ ինչո՞ւ ամուսինը չգնա: Եվ խոստում չունի՝ եթե չգնա՝ ի՞նչ, չգնա՝ ի՞նչ անի: «էսօր մի դնա»: Աջ ոտը շեմից դուրս դրել, թիկնել է դռան շրջանակին, ձախը ոտնաչափ բարձր շեմափայտին է, և ծավալած ծունկը անբնականորեն հարթ, ավարտուն է երևում: Գլխից վեր շեմածածկ թիթեղի կեծութեանը, զիմացը՝ անվրդով թիկունքը ամուսնու, իբր սուվերում կանգնած, իբր ամուսնուն կարևոր բան ունի ասելու,— նայում է ներփակ ու խեղդուկ բակին, կողքանց նայում է հարևան բակից վեր ձգվող բարդու կատարին և ինքն իրեն ասում է. «Իզուր էլ ասում եմ»: Իզուր էլ ասում է: Մեսրոպը կնոջից երկու քայլ առաջ, ծածկից դուրս և արևի տակ, կիրակին խմիչքով օծող, կիրակին հոշոտող տղամարդու կեցվածքով կանգնել ու նայում է սազերի պես ծորակը պաշարած երեխաների խաղին: Մեսրոպը ծխելով սպասում է, թե իբր է տղամարդկանցից մեկնումեկը նարդին թևատակին տնից դուրս գալու: Տղամարդկանց մնար, առավոտից սկսած

խաղը կհսատ չէին թողնի: Միայն բարձրացող արևի շողը լիներ, էլի չէին թողնի: Բայց կանանց ու երեխաների համատ կանչերը նրանց, այնուամենայնիվ, տարան նախաճաշի: Եվ կուշտ ու կուռ նախաճաշից հետո, կիրակնօրյա խորովածի կանխավայելքը սրաներում, օգոստոսի վերահաս միջօրեին տղամարդիկ քուն մտան: Հիմա արթնանում են քնից՝ նարդու և թղթախաղի նորոգված մուտքքով, թարմացած, առույգ, տղամարդավարի կազմ ու պատրաստ օրվա ամենահանդիսավոր մասին՝ քյաբաբ-խորովածով բակային խրախճանքի փորձությանը:

Ժամանակ առ ժամանակ կին ու աղջիկներից մեկնումեկը, երեխաներին ծորակից քշելով, դուլլով ջուր առնում, շփում է իր շեմին: Հոգու մխիթարություն է, ոչինչ չի փոխվում, միայն ասֆալտից ելնող գոլորշին է նստում մարդու շնչին: Ասֆալտը եռում է, ինչպես եթե հենց նոր ծխացող խառնուրդը բեռնատարից թափած-տափանած լինեն: Ասֆալտը փողոցից վիժել, ողողել է բակը, լցվել ամեն ծակ ու ծուկ, մնում է ներս խուժի տները, և կյանքը դառնա համատարած դժոխք: «էժան էր անտերը, անխնա փոռցին,— մտածում է Եսթերը:— Տղամարդու խելք՝ ցեխից պրծանք, կրակը ընկանք»: Եսթերի հայացքը բարդու կատարին է: Եսթերի մխիթարությունը Լուսավորչի քամին է: Երբ բարձրանում է քամին, բարդին անձայն կեռանում է, կեռանում մինչև շտկում է իրանը, լսվում է սաղարթի սոսափը, բացվում է տերևների տակերեսը, և բարդու սաղարթը սպիտակում է՝ կրաչրում թաթախած ներկարարի վրձին: Քամին բակ չի մտնում: Գրեթե չի մտնում. փողոց ելնող քուշեն հազար կեռման ունի: Բայց քամու հենց միայն գոյությունը. թեկուզ վերևում, Եսթերի սրտին մխիթարություն է բերում: Եվ նա արձակում է խալաթի վերին կոճակը, որը կրճքամիջին է և ստինքների ձգությունից միշտ թուլացած է լինում:

«Չորանաս»: Շշունջը հասնում է Մեսրոպի ականջին: Սովորության համաձայն Մեսրոպը չպիտի արձագանքի, բայց այնքան երկար է նայել բարձրահարկ շենքի պատշգամբին, որ պիտի ցույց սա, թե ինքը այստեղ է՝ իր կնոջ կողքին:

— Բան ասի՞ր,— Մեսրոպը շուռ չի գալիս:

— Ասում եմ՝ դժոխքից ինչո՞վ է լավը:

— Եկող ամառ քեզ ծովափ կտանենմ:

— Եղավ վեց տարի՝ ասում ես:— Եսթերի ձայնի մեջ հանդիմանություն չկա: Մովը նրա համար այնքան է հեռու, ինչքան Կանադայում ապրող քեռին. երկուսին էլ լուսանկարով է տեսել: «Քեռուդ նամակ չգրեցիր» — ամեն անգամ, աչքը հեռուստացույցին դրած լուսանկարին առնելիս, ասում է Մեսրոպը: Քեռին այդ լուսանկարում կուշտ-բախտավոր տեսք ունի. աջ ձեռքը շքեղ ավտոմեքենայի վրա է, ձախը՝ փառավոր կանթած, ինչպես բանակային տղերքն են ձեռքը մտերիմ ընկերոջ ուսին դրած՝ տնեցիների համար լուսանկարվում, և ժպտում է քեռին բարեկեցիկ, ճերմակ ժպիտով: Բայց Եսթերը չի հավատում նրա բախտավորությանը: Կեցվածքում, թե դեմքին մի տեղ, գուցե աչքերի մեջ, գուցե բերանի անկյուններում՝ տխրության մի ծվեն կա: Կա, կամ Եսթերը վերագրում է քեռուն: Միգուցե վերագրում է տարակուսանքից. մարդուս միակ քեռին առանց մի հատիկ հարազատի ինչպե՞ս կարող է երջանիկ լինել: Միգուցե իսկապես կա, որովհետև հայրենիքից հեռու մարդ չի կարող այդքան երջանիկ լինել...

— Հայը կարող է, — ասում է Մեսրոպը:— Հազար տարվա մեջ հայը դրան սովորել է: Ուրիշը չէր կարենա: Ուրիշը հայրենիքի կարտոից էլի կապիկ կդառնար... Դու քեռուդ նամակ գրի, քեռուդ որ նամակ գրես, մեզ ավտո կուղարկի, — իբր կատակ է անում: Իբր ինքն իրեն հեղնում՝ ժպտում է բերանի անկյունով: Բայց ժպիտը խեղճի ժպիտ է ստացվում: Բայց լրջությունը, հույսը, թե օտար մի մարդ, հեռու, օտար մի երկրից օրերից մի օր ավտոմեքենա կուղարկի օտար մեկին, աչքերի մեջ է:

— Ինչի՞ս քեռին է, — ասում է Եսթերը:— Կանադայից էստեղ՝ ի՞նչ քեռի, — տրամում է Եսթերը:— Արյունը էսքան որ ձգվեց, մի տեղ չէ՝ մի տեղ կկտրի, չէ՞, Մեսրոպ:— Եվ հեկեկանքի պես անսպասելի խղճմտանքով է լցվում ամուսնու հանդեպ, նրա միամիտ հույսի հանդեպ և ինքն էլ ուզում է հավատալ, որ օտար մի մարդ, հեռու, օտար մի երկրից օրերից մի օր ավտոմեքենա կուղարկի օտար մեկին:

Լուսավորչի քամին՝ Եսթերի մխիթարությունը, դեռևս ինչ-որ տեղ, ինչ-որ լեռան փեշին ուշաթափ է օգոստոսի

տապից: Ուր որ է կբարձրանա գետնից, կբարձրանա՝ պաղ, պնդուն, մաքուր, փորձի համար կսահի ծաղկած լանջով՝ ծաղկանց ճկվելը դուր կգա, մի ալիք էլ կանցնի լանջով՝ խոտուծաղկի հնազանդ պառկելը դուր կգա, կգա երրորդ ալիքով, շորերով սրբնթաց կգա, ցողունների ճկուն մեջքից կթռչի լեռան թամբին, թամբից, հակառակ լանջն ի վար, կսուրա քաղաք... Եվ քաղաքի շնչին զարկվելով՝ կկտորվի քամին: Եվ քաղաքի փողոցներում փեշը զլուխը զցած կթափառի տաք, փռելթաթախ, զզվելի մի քամի:

Չկա անգամ այդ զզվելի քամին:

Բայց Եսթերի կոճակը շեմի խսիրին է: Կուզենար՝ կոճակը ընկներ ու պայթեր, իսկ կոճակը խսիրին ընկավ: Իսկ Մեսրոպի հայացքը՝ իբր երեխաների խաղին, բայց հինգերորդ հարկի պատշգամբին է: Մեսրոպը երևակայում է, թե պատշգամբին լվացք փողոց կինը իր վրայից է հատ-հատ շորերը հանում, անցկացնում լվացքի պարանին: Եվ լվացքին վերջ չկա, վերջ չկա լվացքի պարանին... Ի՞նչ արած, այդքան հեռավորության վրա տղամարդուն միայն այդ է մնում, որ կինը իր վրայից շորերը անվերջ հանի:

Մեսրոպը նրան այնքան է ճանաչում, ինչքան շենքի մյուս բնակիչներին, ինչքան Մեսրոպի հարևաններն են ճանաչում շենքի բնակիչներին: Տասնմեկ հարկանի է շենքը, բարձրացավ աչքի առաջ, կահույքի արհեստանոցի տեղում և բակը ապահով քողարկեց փողոցի կողմից: Կանցնի այսպես հարյուր տարի, և հնօրյա, անբարեկարգ թաղը սպի չի լինի քաղաքի ճարտարապետական դեմքին:

Շենքը բնակեցվեց միանգամից, մետրոյի գնացքի լցվելու նման, և դրա մեջ անբնական բան կար: Մի քանի հարյուր մարդ միանգամից դարձան բակում ապրողների հարևանը: Սակայն բնազդը ասում էր, որ նրանք իրենց հարևան չեն լինի: Իսկապես, նորաբնակները եկան խուռներամ, եկան ժխորով, տեղավորվեցին՝ բակի անդորրը խանգարելով, բայց տեղավորվելուց հետո փակեցին դուռ ու լուսամուտ, հնարավոր ամեն բան փակեցին, ողորմելի գիտանցքներ թողնելով փակ դռների վրա, այն էլ՝ ալիքի փակվելու համար... Եվ բաղմահարկը նման էր քաղաքում բուն դրած օտար կա-

յազորի միջնաբերդի. ապրում էր իր կյանքով՝ անտես, անքննելի:

Եվ միայն լավ եղանակներին, երբ արևը անցնում է շենքի ճակատի կողմը, բնակիչները դուրս են թափվում պատըշգամբները և նայում են ցած, ինչպես մտացրիվ մարդիկ են նայում մրջնանոցին. վերից վար նայողի վիճակ, որ նրանց մարդկային նկարագրի հետ առնչություն չունի:

Այս հայացքների տակ ապրելուն էլ մարդիկ սովորեցին, և բակի ներփակ կյանքը կարծես արտաքնապես շփոթվեց: Բակում ապրողները միայն երեկոյան արևից զրկվեցին: Եվ մեկ էլ ազմուկն էր շատ: Եվ, իհարկե, ազմուկը շենքից էր «Շենքից կլինի» — ասին միաբերան, երբ թաղայինը եկել էր պարզելու, թե ով է այն ստահակը, որ քանիբորդ անգամ կտրում տանում է տաքսաֆոնի փողը: «Շենքից է», — ասում էին երգ ու երաժշտության ձայն լսելիս, ասում էին մի հանգով, իբր ուրախությունը նրանք հաստատ անհամության կվերածեն: «Շենքից է» — ասում էին անկարեկից՝ սգո մեղեդու ձայն առնելիս, ասես դա մարդկանց կացարան չէր, այլ Սողոմ, որտեղից ամեն բան սպասելի է, նույնիսկ երկու հուշարկավորություն միանգամից:

Բայց ինչ էլ լինեք, շենքը քաշում էր: Համենայն դեպս նրանց, ովքեր վարից վեր նայելը նվաստացուցիչ չէին համարում, ոչ էլ վերից վար նայելը՝ բախտավորություն: Շենքը ձգում էր նավահանգիստ մտած օտար նավի նման, ձգում էր խորհրդավորությունը փակ դռների հետևում խմորվող կյանքի, առավել խորհրդավոր դարձող այն բանից, որ այդ կյանքը ծիկրակում էր վարագույրների հոտից, այդ կյանքի ծվենները թրթռում էին լվացքի պարաններին, այդ կյանքը լույս էր տալիս պատշգամբներին սուրճ խմող կանանց մերկ սրունքներից... Եվ թվում էր, թե այնտեղ, քեզանից տասը քայլ հեռու, նույնիսկ ամուսիններն են իրար հետ երջանիկ:

Այնտեղ՝ հինգերորդ հարկի պատշգամբում, իր հագից շորերը հանող, լվացքի պարանին անցկացնող կինը, թիկունքում՝ իր սեփական կինը, սեփական կնոջ ջղային շնչառությունը, — Մեսրոպը կանգնել ու հետ չի նայում: Գիտի, որ կոճակը էլի խսիրին է, լավ գիտի կիսաբաց կրծքերի տեղը, բայց պատշգամբի կինը հագից շորերը հանում, փռում է

վլացքի պարանին: Մեսրոպը մինչև վերջ մերկացնել չի ուզում, վերջին շորի վրա շունչը ետ է բերում և սկսում է նորից: Եվ շորերին վերջ չկա, վերջ չկա վլացքի պարանին...

Պատշգամբի կինը վեջինը հանել, վերջինը ձեռքին՝ անձնատուր լինելու շափ սպիտակ, գալիս է վլացքի պարանով: Գալիս է անփուլթ, ճոճուն, կանացի... Իսկ պարանի ծայրը Մեսրոպի վզին է կապած:

Մեսրոպը շրջվում ու խոստոտ նետում է.

— Կոճակդ պոկվեց:

— Վաղուց է պոկվել:— Եսթերը չի փոխել դիրքը, միայն հայացքն է հինգերորդ հարկի պատշգամբից փախցրել բարդու կատարին:

— Կկորչի:

— Կոճակը նրա համար է, որ ընկնի-կորչի:— Չանձրույթից Եսթերը համաձայն է մի երկու ապտակի: Գոնե մի բան կփոխվի: Գոնե ամուսնուց կխոտվի: Չի ասի՝ էսօր մի գնա: Թող գնա իր համար խաղա, աչքը պատշգամբների՝ խաղա: Խաղա այնքան, մինչև սև ու սպիտակ խաղաքարերը խառնվեն շաղված աչքերի առաջ: Եսթերի խիղճն էլ չի տանջի ամուսնուն դավաճանելու համար:

Եսթերը քմայքոտ, խոռվկան աղջնակի պես կտրուկ շուռ է գալիս, դուռ-դռան հետևից շրխկացնելով հասնում է խորքի սենյակ, վարագույրները ետ է շարտում պատուհանից, բազկաթոռը քաշում պատուհանի մոտ, աթոռը՝ բազկաթոռի, ընկնում է աթոռի մեջ, ոտքերը դնում է բազկաթոռից բարձր աթոռին, այնպես, որ սենյակի կիսամութում սպիտակ ազգրերը դրսից երևան, իսկ ինքը չերևա, ինքը բոլորովին չերևա... և այդպես նայում է իր պատշգամբին: Պատշգամբը երկրորդ հարկինն է, ուղիղ Եսթերի պատուհանի դիմաց ու մոտիկ, այնքան, որ մնացած պատշգամբները տեսադաշտում չեն, այնքան մոտ, որ Եսթերը չի համարձակվում բացահայտ նայի, նայում է վարագույրի փեշերը երեսին պահած, բազկաթոռի թիկնակին հետ ընկած և կիսախուփ կոպերի տակից: Այսպես՝ դավաճանում է ամուսնուն: Այսպես նայում է ուսանող պատանուն: Գուցե ուսանող, գուցե զորակոչի սպասուժից ձանձրացող մեկը, գուցե և գիշերվա գող ու ավազակ... բայց՝ սիրուն: Պառկել է

ճոճաթոռին, գոտկից վեր՝ մերկ ու պիրկ, երբ սենյակ մըտ-
 նելիս մատերը ծոծրակին ագուցած՝ ձգվում ու աշուձախ ջար-
 դում է ողնաշարը, մեջքը բարակ և ուժեղ է, ինչպես իրանը
 ջահել վագրի։ Հիմա, ձեռքերը գլխատակին, ինքն իրեն ճո-
 ճելով նիրհում է երևի։ Եսթերի կողմը չի նայում։ Չնկա-
 տելու տալ չի կարող։ Եթե տղամարդը կնոջ մի տեղին նայում
 է, նայում է կնոջ բաց տեղին, հարյուր մարդու մեջ լինի,
 հարյուր քայլի վրա լինի՝ կինը զգում է, որ իրեն են նա-
 յում։ Երբ տղան այսպես կիսապառկած, գլուխը թեք և բաց
 գիրքը բերանքսիվայր փորին՝ նայում է Եսթերի պատուհա-
 նին, Եսթերը սարսում է մի պահ և ծնկները հանկարծ թու-
 լանում են։ Եվ փակում է կոպերը, հազիվ ընդդիմանում է
 ճոճերի դողին, ստքերը աթոռից վար առնելու բնազդին ու
 ձգված-լարված, ինչպես ստքերը հոման ջուրը դնող մոլա-
 գար մեկը, ինչպես օտար անկողնում օտար տղամարդու
 սպասող մեկը՝ սպասում է ինչ-որ բանի։ Լարումը զնալով
 վերանում է, ղզայարանները թմրում-խլանում են, շնչառու-
 թյունը դառնում է հանդարտ, անլսելի, Եսթերը վերանում է
 ինքն իրենից կամ թե սուզվում ինքն իր մեջ, ուր այլևս չկա
 պատշգամբի պատանին, ուր չկա ոչինչ և դրսի ձայները
 ձայներ չեն, այլ պղպղակների անձայն պայթյուն ջրի մակե-
 բույթին, այլ միայն ձայնի հիշողություն, — և այստեղ...
 Նա տեսնում է իր երեխային՝ հեղհեղուկ, վերացական գլի-
 մագծերով, վերացական-հրեշտակի կերպարանքով մի մա-
 նուկ, իսկ մանկան մոտ, շուրջը ինչ-որ տեղ հաժող, տես-
 նում է իր տղամարդուն, նրան, թեկուզև միակին աշխար-
 հում, որը չի հավատա ոչ մի բանի, բացի տղամարդուց, չի
 հավատա կնոջ ամլությունը և Եսթերի պես կհավատա տղա-
 մարդուն։ Նա գեղեցիկ է, առնական, կապույտ աչքերի
 շամփրող հայացքով, ինչ-որ բանով նման պատշգամբի պա-
 տանուն, ինչ-որ տեղ՝ նաև ամուսնուն... Ինչ-որ տեղ նաև
 ամուսնուն, որովհետև Եսթերը հավատում է պահին, այն
 եզակի պահին, երբ քարն անգամ կպտղավորվի։ Եսթերը
 այնպես է հավատում պահին, որ Մեսրոպը երբեմն փշա-
 քաղվում է նրա կանացի կության պոթկումից։ Մեսրոպը
 փշաքաղվում է, որովհետև չգիտի ինչից են կանայք ցնոր-
 վում։ Իսկ կինը, հետո, երանելի մի թմրություն մեջ ձեռ-

քերը դնում է իր մեղկացած փորին և, ինչպես ինքնաբեղմ-
նավորման սարսուտով անշարժացած ծաղիկ, չի շնչում —
շնչում է կամաց, ներշնչանքով, թվում է՝ եթե այդպես եր-
կար մնա, եթե շատ երկար կարողանա շնչել — շնչել կա-
մաց, ներշնչումով, իր բացված մաշկի ամեն բջիջով, այդ-
ժամ ներս կառնի կյանքի առաջին հյուլին և այդ պահը ինքը
պիտի որ զգա, չի կարող չզգալ այդ պահը: Հետո, օրեր շա-
րունակ, կյանքով լցվելու սպասումի մեջ, ամեն զլխապտույ-
տից զլխապտույտ երջանիկ, ամեն տկարություն ավետիս
բնդունող, ապրում է մի ուրիշ աշխարհում, քայլում է լուս-
նոտի նման, բնում է երեխայի պես՝ քնել-արթնանալուց հե-
տո լինելիք հրաշքի հավատով... Ու մեկ էլ սթափվում է պա-
հը կորցնելու սարսափից: Եվ պաղ ու տաք օրերի վայրիվե-
րո հերթագայումից զլուխը կորցրած Մեսրոպը կնոջ անկոտ-
րում հավատի գիշերներին մտածում է, որ կանայք այդպես
են միայն ցնորվում: Նա կնոջ հավանական խելագարության
դեմ կենտ մի ճար գիտի՝ մանկատանից բերեն խոշոր աչքե-
րով, մի լավ, մի առողջ երեխա: Բայց Եսթերը խուլ է, ինչ-
պես ինքնաբեղմնավորման սարսուտով անշարժացած ծա-
ղիկ: Եսթերին, Մեսրոպ, հարկավոր չէ ուրիշի երեխա, նրան
անմահություն է պետք կամ անմահության պատրանք: Ես-
թերը չի ուզում ինքն իրենով վերջանա: Եսթերը չի ուզում
մահանա: Այս աշխարհում, Մեսրոպ, նրան հարկավոր է ըն-
դամենը անմահության պատրանք:

Իսկ Մեսրոպը չի մնում տանը: Չի հասկանում, որ իր այ-
րական ներկայությունը Եսթերի մեջ պետք է մնա անբացա-
կա: Չի հասկանում կամ արդեն չի հավատում, որ ինչ-որ
բան կփոխվի և Եսթերին իր հույսի հետ թողնում է մենակ:
Այսպես շահավատալով էլ կգնա: Այսպես, ինչպես տղամարդ-
կանց շրջապատ է գնում, ինչպես գնում է խմելու ու խա-
ղի, կամաց-կամաց կգնա տնից՝ իր երեխաներին ուրիշ կա-
նանց մեջ գտնելու: Ու երեի թե ճիշտը դա կլինի: Ճիշտը
դա կլինի, որ Եսթերը մնա մենակ, մնա այն միակ տղա-
մարդու հույսին, նրա զալուն կամ կանչին, մնա այն միակ
հույսով, որ նրան իր մոտ բերող մի ուժ, մի աստված, այս
մեկից անկախ կարեկից մի աստված պիտի որ կյանքում
լինի...

Վարորդի միայն աչն է ղեկին, թույլ, արմունկից ծալված, թվում է վարելու հետ առնչություն չունի, այլ զրված է հենց այնպես, որովհետև ավելի հարմար տեղ չկա դնելու: Չանձրույթից, թե ղեկին չնիրհելու համար նա սուլում է: Սուլում է վայրիվերո, մեղեդիների շփոթով, մեղեդուց մեղեդի թռչելով, անհարկի զլելով և անսպասելի մարումներով, բայց և զարմանալի միալար ու տաղտկալի: Այդպես՝ ծաղկից ծաղիկ թռչող մեղվի ընդհատուն բզզոցն է լսվում հուլիսի միջօրեին:

Կինը հանել է գլուխը պատուհանից, և աչքերը խուփ են: Սարահարթի տաք օդը փչում է ղեմքին: Գեմքը՝ նիհարոտ, թեծաթուխ թոնրահացի գույնի, անկենդան է, ինչպես խցիկի հողմապակին: Կիզող արևի տակ, բեռան տակ, շարժիչի սրտամաշ օդքով բեռնատարը սողում է վերելքին: Սողում է մեղրաջրում խրված ճանճի օրհասական ճիգով, և կակղած ասֆալտի ու գողերի շփման ձայնը քաղաքի ձայներից հոգնած կնոջ ականջին հնչում է իբրև մանկուց հարազատ նվագ՝ ճոճկների շնչահեղձ երգը՝ երաշտից մրկված ամռան դաշտերում:

Ժամ առաջ է բեռնատարը դուրս եկել քաղաքից: Այդ մի ժամվա ճանապարհը փախուստ էր Արարատյան դաշտից, իր ասֆալտով տապակվող քաղաքից, որի կաշուն շունչը՝ հալ ընկած ձյութ, դուրս է հորդում խճուղիներով, և զրանից կարծես փրկություն չկա:

Փրկությունը հորիզոնի մոխրագույն մշուշներում ուրվագծվող լեռնաշղթայից անդին և հուսահատվելու շափ հեռու լեռնանցքն է:

— Ես բեզ ուստորան կտանեմ,— խոստացավ վարորդը, երբ լեռան թամբը անցան:

«Ուրախությունդ մեռնի» — մտքում ասաց կինը: Սարերի հովից սթափված ամուսնու ոգևորությունը նրան չէր զիպել: Ամուսնու խոստումը անգամ փուչ խոսքի արժեք չուներ, քանի ղեռ մի կասկած նրա հոգու հանգիստը առել էր. որ-

տե՞ղ է ամուսինը անցած երեք գիշերը եղել: Արդյո՞ք բազալում է եղել ճի՞շտ է, որ երեք օր հերթ է կանգնել գերան բարձելու համար... Կասկածելը ժամանակավոր սփոփանք էր, նրա պատիկ հույսն էր, թե կարող է, այնուամենայնիվ, ամուսինը բազալում եղած լինել: Իրականում նա կասկած չուներ. անցած երեք օրը ամուսինը ուրիշի հետ է գիշերել: Իսկ ինքը, միամիտ, հավատի վերջին ծվենով հուսացել էր, որ ամուսինը այս անգամ չի գնա, մարդ կլինի՝ կնոջ հետ քաղաք գալով, նրան անպատիվ չի անի: Քաղաքի ճանապարհին մտածել էր. եթե մտքին շնություն լիներ, կնոջը հետը չէր տանի: Ամուսնու ազգականի տանը, ուր երեք օր մնացել էր, մտածում էր, թե այդպիսի ստորություն ամուսինը երևի թե չանի: Խանութներում հերթի կանգնած, երեսաների համար շորուկոշիկ առնելիս մտածում էր. «Գոնե էս անգամ չգնա, գոնե էս անգամ չանի»: Հիմա, վերադարձի ճանապարհին, խռոված, ասես ոչ թե կին լինի, որ կարող է խանդել, այլ հորից նեղացած աղջիկ-երեխա, նա տրամորեն մտածում է. «Գոնե էս անգամ չգնար, կնոջը առաջին անգամ քաղաք էր բերել, քաղաքը տեսած չկար... Մարդ լիներ, կնոջը օտարի դասը թողած՝ չգնար հերթ կանգներ ՆՐԱ դասը...»:

«Մեռնի տղամարդկանց սիրտը,— հայացքը լանջն ի վեր արածող նախրին՝ մտածում է կինը,— Ի՞նչ սրտով են հերթ կանգնում... Ի՞նչ ախորժակով են մեկի թերմացքը մեկելը ուտում, իրար հարու տալիս, իրար կատար ծակում՝ ամեն ձեռքի տակ ձկնոզ վառելի համար»...

Նրանցից մեկն էլ Օֆիկն էր՝ Գոհարի երիտասարդ օրերի անպատվությունը: Օֆիկի տունը գետահովտի վարորդների կարճատև հանգրվանն էր, ճանապարհամերձ ճաշարանի կամ բեռնաթափման կայանի նման մի բան: Սիրո բեռով գալիս և բեռնաթափ գնում էին: Եվ Օֆիկի շեմին, նրա մաշված շեմին, մրջնանոցի իրարանցումով ճակատ ճակատի գալիս և իրար ճանապարհ էին տալիս: Այսպես՝ օրնիրուն, այսպես՝ տարիներով, մեկմեկուց շամաչելով և մեկմեկու փոխարինելով, մարդկանց աչքի առաջ և մարդկանցից շա-

մաշելով՝ գնում էին ու գալիս... Հներին ցիցկատար արլոր-
ներ էին փոխարինելու գալիս...

Բայց նրանցից մեկը (և դա Գոհարի ամուսինն էր) ան-
փոփոխ մնաց:

Անհասկանալի էր, մեռնելու չափ անհասկանալի էր, և
Գոհարը հրեք հասկանալ չկարողացավ, թե ասածն շոտտի
վրա ամուսնու սիրտը ո՞նց տաքացավ: Չհասկացավ, այդ
ինչպե՞ս եղավ, որ նա, մի տղամարդ, որ կյանքում լիտոկեց
կինը վրան մի կաթիլ օծանելիք ցանի, հանկարծ քիթուրն-
րանը լողզած անառակին կուլ գնաց: Կնոջը խանձարուների
լաթերով խճճեց, իսկ ինքը հազար մաղի հաց կերած շքերի
հետ գնաց: Չհասկացավ՝ այդ ինչ գորավոր կախարդանք էր,
որ երբ նա, գյուղից, գյուղի տղամարդկանցից կուշտ՝ թողեց
ու քաղաք գնաց, Գոհարի ամուսինը հետևից գնաց...

Ու ամիսը մեկ գնում էր: Գնալիս՝ մի քանի օրով էր
գնում: «Ապրանք բերելու» — ասում էր: Ձյուն-ձմեռ չէր նա-
յում՝ գնում էր, լեռնանցքը՝ մահվան ճամփա, գյուղի վա-
րորդներին օձով ծեծելիք, ոտքները դուրս չէին գնի շեմից,
իսկ սա գնում էր... Տղամարդ էր, պիտի ճանապարհ գնար՝
Գոհարը հասկանում էր: Ու եթե տղամարդը դուրսը, ճանա-
պարհին է, նրա սրտում մեղքի դուռը կրնկի վրա բաց է՝
գիտեր, ընդունում էր: Բայց ցավը այն էր... Եթե նա, ում
մոտ ամուսինը գնում էր, աշխարհի անառակը չլիներ, գուցե
թե Գոհարը ամուսնուն հասկանար: Եթե Գոհարը կույր լի-
ներ, նրան տեսած չլիներ, եթե միայն լսելով իմանար, եթե
նա երևելի գեղեցկություն տեր լիներ, եթե մի քիչ թեկուզ
Գոհարից լավը լիներ... այդ էլ չէ՝ եթե ամուսնունը միայն
լիներ, ոչ թե բովանդակ աշխարհինը, — միգուցե Գոհարը
ամուսնուն ներեր: Բայց չէր հասկանում և ամուսնուն չէր
ներում: Իրեն էլ չէր ներում, որ այդ անպատվությունը, ինչի
մասին աշխարհը գիտեր, հնազանդ տանում էր, դեպքից
դեպք ձայնը բարձրացնելուց և վերջում հուսահատ հեկեկա-
լուց բացի՝ ոչինչ չէր անում: Այդ էլ՝ իբր ըմբոստանալը,
երեխաների մեծանալու հետ հազվադեպ էր դառնում: «Հերն
էլ անիծած, — մտածում էր, — երկունս էլ ալլանդակ, իրար
գտել են»: Սրանով էր սիրտը փոքր-ինչ թեթևանում, երբ իր
անպատվության մասին մտածելու ժամանակ ունենում էր:

Մտածելու ժամանակ, իհարկե, լինում էր: Բայց ի՞նչ օգուտ մտածելուց: Եվ Գոհարի միտքը, խոհեմ իշուկի բնազգով, հրը հանկարծ սովոր ճամփից շեղվում էր, վերստին գտնում էր իր ճամփան, քնկնում էր առօրյա հոգսերի տրորված արահետը: «Հողին հավիտենական տանջանքի համար չէ,— հուշում էր խոհեմ կենդանական բնազգը,— այլ միայն ուրախություն: Եվ եթե աստված կամեցել է, որ ուրախություն չլինի, առօրյա խաղաղության մեջ թեկուզ հողին թող ապրի»:

Խաղաղությունը պիտի որ անհոգ կյանքում լիներ: Գոհարի խաղաղությունը հոգսերի մեջ էր:

«Աշխատող ձեռքերի հանգստությունը մաքի անհանգըստություն է,— զգուշացնում էր պահապան բնազգը:— Եվ որ մաքի անհանգստությունը սրտին նստվածք է տալիս»:

Գոհարը զգում էր, որ անիծյալ այդ երեք օրը ծանրացել է սրտին: Անսովոր պարապության մեջ, անսովոր ճամփորդության ընթացքում ամուսնու սովորական բացակայությունը, շատ սովորական դավաճանությունը նրա անուկեռ կանացի միտքը գամել էր իր դժվար, անիրավված կյանքին և ցրվելու, մոռանալու ելք չկար: Սեռուուն այդ մտածմունքը ինքն իր մեջ խմորվելով՝ դարձել էր սեփական դժբախտությունը զիտակցողի՝ ինքն իրենով սնվող և ուռչող ցավագին մի վայելք և այդ վիճակից, որի մեջ ցավոտ ստիներ ուշ և դժվար ծնված մանկան բերանը դրած մայրն է միայն լինում,— այդ վիճակից դուրս գալու ցանկություն և ուժ չկար:

Հիմա, ճանապարհամերձ ռեստորանում նստած, Գոհարը պատառ հացի անգամ ախորժակ չունի: Հայացքը սեղանին է, միտքը սեղանին չի դառնում: Միտքը այնտեղ է, այն նզովյալ տանը, որ ամուսինը երեք օր գիշերել է: Գոհարը շատ կուզենար, որ դա շան բուն լիներ, բայց երեկ կանոնավոր բնակարան է. խոհանոցով, պատշգամբով, ննջարանն առանձին, ննջարանի պատուհանին՝ թանձր վարագույր, երկտեղանոց փայտե մահճակալ, կողքը՝ ցածրիկ պահարան, վրան՝ լուսամփոփ,— իսկը շնանալու տեղ... որտե՞ղ է նա այս ամենը տեսել: Հավանաբար ինչ-որ մի ֆիլմում: Բայց այդ կարգի ննջարանի տիրուհիները մի ուրիշ բան են լի-

նում, նրանք կյանքից չեն, կյանքում այդպիսի կանայք չկան: Համենայն դեպս, Գոհարը չի տեսել: Եվ հետո, ինչ կապ ունի նա՝ վարորդների բաժինը, հեքիաթի կանանց հետ, ինչ գործ ունի հեքիաթային ննջարանի հետ, ով նրան արքայա-վայել այդ տունտեղը կտա: Կամ թե՛ խցիկների նեղվածքին սովոր, երկտեղանոց մահճակալն ու այդ ողջ ճոխությունը նրա ինչի՞ն է հարկավոր: Նրան այն էլ կբավի, որ շորս պատ և տակը գետին ունենա, պինդ, անառակությունը հանդուր-ժող գետին...

Բայց ինչ էլ Գոհարը մտածի, շնարուն-տան պատկերը աչքերի առաջից փախչում է: Աչքերի առաջ ինչ-որ տեղից հիշվող, խավարոտ, փափուկ ննջարանն է: Եվ այդ տան տեղը Գոհարը շատ է ուզում իմանալ: Ոչ թե ինչ-որ բան ձեռնարկելու համար, այլ միայն որոշակիություն: Միմիայն որոշակիություն համար և ուրիշ ոչ մի բանի: Որովհետև անորոշությունը՝ որ ամուսինը կարող էր քաղաքի այս ծայրում էլ գիշերած լինել, հակառակ ծայրում էլ, և տասնչորսերորդ հարկում ինչ-որ մի շենքի, և ինչ-որ խավար գետնահարկում, — այդ անտեղությունը (ասես նա ամեն տեղ էր եղել և ամենքի հետ էր եղել), այդ բարդ անորոշությունը խճճում էր նրա պարզ կանացի էությունը: Թվում էր՝ եթե տեղը իմանա, և թե թեկուզ մոտավոր տեղը իմանա, եթե այդ բնակարանի կահկարասուց գոնե մի մանրամասն իմանա (մի գուցե իր անպատվությունը տեսանելի և տառապանքը անտանելի դարձնելու համար), ամեն բան կընկնի իր տեղը, և ինքը վերջապես կհանգստանա:

Հայացքը սեղանին է, միտքը սեղանին չի դառնում: Սեղանին խաշած ձուկ է՝ վարդագույն մսով իշխան, պանիր, վարունգ, լուխի, լվացքի օճառի եփվածքով թուխ հաց և մի շիշ օղի... և երկու լի բաժակ: Ո՞վ է այդքանը խմելու, եթե ամուսինը դեկին է: Ակամա նայում է շուրջը, ասես մեկ ուրիշն էլ կա, որ նստելու է սեղան, բայց ուշանում է: «Ես եմ խմելու» — հանգիստ, իր վճռականությունից շղարմանալով մտածում է Գոհարը: Ծարավ նայում է օղու թերաս շշին: Ուզում է խմել, բայց ձեռքերի համար ամաշում է: Ամաշում է ծխախոտի տերևներից հավերժ սևացած ձեռքերը

սեղանին դնի: Ուզում է, բայց սովոր է իր քաշած օղուն, թթի, սալորի, տանձի, հոնի բուրավետ օղուն: Իսկ խանութի օղի՝ հաղվաղեպ է խմել: Եթե առիթ է եղել, եթե շատ են ստիպել: Այն էլ՝ մի բաժակ: Ու այն էլ՝ զզվանքով: Բայց հիմա սեղանին թույն էլ լինի, խմել ուզում է: Թվում է, եթե մի բաժակ խմեց, իր ներսում տեղահան եղած մի բան մեկեն ու փափուկ տեղն է ընկնելու: Մտքին քաղաքի անիծյալ ննջարանն է, հեղհեղուկ, մղձավանջ երազի մի պատկեր, որ քաղաքով մեկ, երկնի ու գետնի միջև թափառում և մի տեղ շորս պատ ու տանիք չի դառնում: Մտքին նույն անհանգիստ սրդն է. եթե տեղը իմանա, թեկուզ մոտավոր տեղը իմանա... Քաղցած, խորշանքով նայում է սեղանին: Առաջը թերմացք են դրել, մի ուրիշ, մի ուրախ սեղանի թերմացք և ինքը պիտի ուտի: Ուրիշի հետ քաշած ուրախությունը իր հետ են շարունակում: Այդ տմարդի վերաբերմունքը հնարավոր չի տանել: Աչքերը լցվելու վրա են: Զեռքը տանում է աչքերին... «Ամոթ է» — սթափվում է հանկարծ և արցունքները սրբելու պատրաստ ձեռքը մեկնում է բաժակին: Գոհարի ձեռքը դողում է: Գողով ու դժվար խմում է օղին: Մի պատաս հաց է ծամում: Մամում է երկար: Արցունքը կուլ գնալ կարող է, թերմացքը չի գնում... Ինչ արած, մտածում է, միշտ էլ այդպես է եղել, դրսի ուրախություն փշրանքներն է ամուսինը տուն բերել: Դուրսը, շրջապատի մեջ, սեղանների վարդ լինելով, իր սեփական տանը մարդավարի ուրախանալու, կնոջն ու երեխաներին ուրախացնելու ժամանակ չի ունեցել...

Գոհարը մտածում է. եթե այնպես պատահեր, եթե կյանքը այնպես դասավորվեր, որ ամուսնու հետ շուտ-շուտ ճանապարհ գնար, եթե գոնե մեկ-մեկ գնար, եթե այնպես լիներ, որ դաշտի աշխատանքից աչք բացելու ժամանակ ունենար, եթե երբեմն ազատվեր տան գործերից՝ խոզանոցից, հավաքներից, գոմից, կարողանար՝ ձեռքերը հաներ լվացքի տաշտից, կարողանար՝ ամուսնու հետ մարդամեջ ելնել, — եթե միայն այսբանը հնարավոր լիներ, երևի թե իրենց հարաբերությունն այդպիսին չլիներ: Երևի թե հարկավոր է,

որ մարդ ու կին միայն երեխաներով չկապվեն, միայն առաւ-
նին հոգսերով չկապվեն: Մարդ են, շէ՞, Օտարները, օտար
տեղով, երբ մի անգամ միասին սեղան են նստում, ինչ-որ
բանով իրար կապվում են: Ինչո՞ւ իրենք էլ այդպես չլինեն,
ընտանիքից, երեխաներից, անկողնուց բացի մի ուրիշ, մի
մարդկային կապվածություն շունենան: Ընդամենը այսքան
մի բան. ամիսը մեկ նստեն այսպես, իրար դեմ-դիմաց, որ-
պես հավասար սեղանակից, խոսեն հազար ու մի դատարկ
բաներից և մի ուրիշը նրանց խմիչք և ուտելիք մատուցի:

Երկրորդ բաժակից հետո Գոհարը մտածում է. հերն էլ
անիծած կյանքի, առաջին անգամ այսպես սեղան են նըս-
տել, որ ինքը հոնքերը կիտեց, ի՞նչ է փոխվելու: Տասնհինգ
տարի ոչինչ չի փոխվել, հիմա ի՞նչ է փոխվելու: Ամեն ան-
գամ այսքան հոգատար չեն լինում իր հետ, փոխանակ վա-
յելի, մտքից ինչ ասես չի անցնում... Իսկ գուցե ոչ մի նըն-
ջարան էլ չի եղել: Գուցե ամուսինն իսկապես ուրախ է, որ
կնոջ հետ ճանապարհ է գնացել: Եվ ռեստորանում կնոջը
հյուրասիրելու համար է, գուցե, ուրախ: Ուրիշ ե՞րբ է եղել,
որ ամուսինը իր ձեռքով նրա ափսեն ձուկ դնի, իր ձեռքով
աղ ցանի... և ընդհանրապես այսքան ուշադիր լինի: Ուրիշ
ե՞րբ է եղել: Ինչո՞ւ մի անգամ էլ ինքը չվայելի, ինչո՞ւ մի
անգամ էլ իրեն ռեստորան շտանեն: Ումի՞ց է պակաս, գրողը
տղամարդկանց տանի...

Վերջին բաժակի վրա Գոհարը մելամաղձոտ է դառնում.
Եթե կյանքը ուրիշ կերպ գասավորվեր, եթե հայրը ինը երե-
խա շունենար, և ինքը դպրոցը շթողներ վաստակելու հա-
մար... Եթե իր սերը մի ամիս շուտ պրծներ բանակից ու
հասներ իրեն...

Աչքերի մեջ տաք ու տամուկ մուծ, Գոհարը նայում է
շուրջը: Ավտոբուսից իջած, ավտոբուսից ուշացող, ինչ-որ
ջրեր խմող, ինչ-որ վռիկ ուտող, գդալներին փշող-շտապող
մարդիկ... Եվ ամուսնու բացած սեղանը Գոհարին դուր է
գալիս: Ռեստորանում նստելը, մատուցողի վազվառուքը,
իրենց ծառայելը՝ անշափ դուր է գալիս: Այս բուժ թմրու-
թյունը, որ իջել է ուղեղին, նրան դուր է գալիս... Միայն թե,
մտածում է, վեր կենալիս հանկարծ չօրորվի, հանկարծ
չդիպչի մի բանի՝ ամուսնուն խայտառակ անի... Գուրս գա-

լիս բռնում է ամուսնու թեր, ամուսնու թեր բռնած՝ նրան
դուր է գալիս...

— Հարբած եմ,— թևանցուկ քայլելիս թոթովում է Գո-
հարը և ահամա ժպիտով ձգվող բերանի անկյունները հավա-
քել չի կարողանում:— Հարբած եմ,— ասում է ավտոմեքե-
նային մոտենալիս:— Երեխերը վրես կծիծաղեն,— ասում է
խցիկում նստած և ինքը անձայն ծիծաղում է:

Ներողամիտ-ծաղրող-քաջալերող հայացքով, ինչպես հար-
բեցողն է առաջին բաժակը խմող պատանուն նայում, ամու-
սինը նայում է Գոհարին: Մեքենան պոկվում է տեղից: Գո-
հարի աչքերը խուփ են: Իրանը դեռ զգաստ ու ձիգ է, բայց
զլուխը, թիկնակին հետ ընկած, աշուձախ ճոճվում է: Մըտ-
քին սեղանն է, սեղանի մոտ՝ ինքն ու ամուսինը. հետո՝ մի
ուրիշ սեղան՝ նա և ամուսինը. հետո նույն սեղանը՝ երեքով՝
ինքը, ամուսինը, նա. ու դարձյալ իրենք՝ երկուսով. ու դարձ-
յալ նրանք՝ երկուսով. դարձյալ՝ երեքով. ապա և վեց հոգի՝
ինքը, ամուսինը, և չորս երեխաները՝ համեղ ձուկը խփշտե-
լիս... Ու նորից վեցն են՝ առանց Գոհարի. հետո էլ բոլորով՝
ինքը, ամուսինը, նա և չորս երեխաները. ու նորից մնում են
երեքով՝ ամուսինը, ինքը, նա... նա, ինքը ամուսինը... ինքը,
ամուսինը, նա...

ԾՈՒԽԸ ՄԱՐԵՑ

Ասել էր՝ մի արևոտ տեղ կթաղեք: Ոչ ոք չհիշեց երբ
և ում էր ասել, բայց նման էր իրեն և տղերքը արևի դեմը
փակող թխկին շիվերից քշտեցին:

Գերեզմանատունը արևմուտք նայող թեք բացատ էր հո-
նուտ լանջի վրա, լավ արև էր տեսնում միայն երեկոյան,
դրա դեմն էլ առել էր տոհմի շիրմաշարքի մեջ աճած ջահել
թխկին: Մեծ չէր գերդաստանը՝ անցյալում ուներ հազիվ յոթ-
ութ շիրիմ: Եվ ոչ էլ գերեզմանոցն էր մեծ: Ոչ էլ գյուղն էր

հին: Տարածվելու էլ տեղ շուներ: Ամառանոցի, մեղու պահելու տեղ էր՝ միակ աղբյուրով, որի շուրջը ընդամենը մի երկու հարյուր տարի առաջ հավաքվել, ճյուղեր էր տվել Արցախը թողած մեկ-երկու գերդաստան: Այնպես որ ամեն գերդաստանին ընկնում էր հազիվ մի տասնյակ շիրմաքար:

Ծառից ցած ընկած տեղը անհարմար թեք էր, հարմարը վերի կողմն էր և տեղն էլ՝ հեռանկարով... հեռու տնից՝ տան մեծի համար: Բայց թխկին սովեր էր գցում այդ տեղի վրա:

Գերդաստանը վաղուց կորուստ չէր ունեցել և շիմացան ծառը երբ աճեց: Գուրս էր եկել պապի շիրմաքարի տակից և քարը քիչ-քիչ հանում էր վեր: «Գեո որ թող գնա» — մտածել էին ամեն անգամ, կարծես հույս կար, որ ծառը ինքնիրեն կշորանա, կամ՝ բունը, թերևս, դադարի հաստանալ, կամ... Հույսը, կարծես, պապի վրա էր: Նրա շիրմաքարը այդքան հեշտ դժվար թե խախտվեր: Նա, որ քար էր սարքել կնոջ ու քրոջ, հղբոր ու դատեր համար, նա, որ այս փոքր գյուղի հանգուցյալներին արժանացրել էր իր անուն-ազգանվան տակ հավերժանալու բախտին, նա, որ տաշել էր իր սեփական քարն ու սպասել տակը մտնելուն... «Գե, երեխ, աստված դեմ է, որ մարդ իր քարը տաշի» — ենթադրել էր հարսը:

Գերեզմանոցում ամեն տեսակ ծառ ու թուփ աճում էր (երևում էր լանջը հատելով են գերեզմանատան տեղ բացել) և ամենալավ հոնը այստեղիցն էր — հասնում ու կաթում էր անմարդարնակ երկրի բնության կարգով: Բայց ոչ մի քար դեռ շուռ չէր եկել: Ասենք, ոչ մի քարի տակից թխկի չէր ծլել:

Տղերքը ստորին շիվերը կտրեցին սղոցով (կացնով՝ կարծես մի բանի ցավ էր տալիս), շիվերը տարան գերեզմանատան դարպասի մոտ խնամքով դարսեցին: Թխկին՝ բունը տկտր, արմավենու նման կանգնեց հայոց գերեզմանոցում: Արևի դեմը բաց էր արևմուտքի կողմից:

Գերեզմանափոր հալեորներն արդեն աչքաչափ անում, տնտնում էին կտրելիք գետնի վրա:

...Նրանց տարեկիցներն իրենք էին այստեղ պառկած, նրանք ի՞նչ գերեզման փորող էին, բայց գյուղացիք ասել էին՝ կնեղանան: Գյուղը փոքր էր, բայց կգտնվեր երկու-երեք հարեհաս տղամարդ, որոնք կարող են կով մորթել-քերթել,

հարսանիքի ու քելեխի սեղան սարքել, միս խաշել երեք հարյուր հոգու համար, նաև գերեզման փորել, բայց ասին՝ հալկորները կենդանան: Հիմա նրանց տիրապետող զգացումը նեղանալն է, կմտածեն՝ իրենց հաշվից դուրս են գցել: Երիտասարդների դեպքում, իհարկե, մոտ շեն գալիս (նրանց գլուխը այդպես էլ չմտավ, որ մեծը փոքրի գերեզման փորի), բայց մնացած դեպքերում չկանչեն՝ նեղանում են, ասացին:

Գերեզմանափորներին իմաց արին առավոտյան տասի կողմը, նրանք տեղ հասան տասներկուսին: Չնայած երկու օր առաջ էին իմացել մահը, չնայած երեկ տեսել էին քաղաքից բերելը ու իրենք իրենց մեջ պատրաստվել էին, բայց ծերունավարի տնից ելնելն ու տեղ հասնելը տեսց երկու ժամ: Եթե էարողանային էլ, գուցե պատշաճ չհամարեին այդ տեղը շտապել:

Եկել էին բահով, բլունգով, թուկով, մի աման ջրով: Սկրսեցին: Առանց թել ձգելու աչքաշափ բռնեցին, բահով գծեցին ուղղանկյունին և նստեցին ծխելու:

Տղերքից մեկը գերեզմանոցից եկավ՝

— Բիձեքը շեն հասցնելու, — ասաց:

— Նրանց հանգիստ թողեք, — ասաց ավագ որդին:

Քիչ հետո գերեզմանափորներին հաց տարան: Մի ժամից գնացին աման-չամանը բերելու՝ տեսան հալկորները շշի վզիկը շարդել են. անձանոթ էր եղել «Ստուլիչնայայի» պտրտվող խցանը:

Ամանները ետ բերողը կասկած հայտնեց՝

— Վայ թե հալկորները հալից ընկել են, հանկարծ ու...

— Չեր գործին կացեք, — ասաց ավագ որդին:

Մեծ եղբոր որդու հետ Սև ծովի ափերից եկավ հասավ փոքր եղբայրը, և մեռելատան շունչը տեղն ընկավ: Մտածել էին՝ հանկարծ ու չհասցնեն, հանկարծ ու հայրական տնից մեկը չլինի, որ հող տա երեսին:

Քանի դեռ կենդանի էր՝ պատկանում էր գյուղին, զավակներով՝ պատկանում էր ամուսնու ցեղին, բայց մահը եկավ, կտրեց կապ ու կապանք, և հա օտար որբ էր մոր գերեզմանից այսքան հեռու մի տեղ:

Նա գլուզի համար լավ հարս էր եղել: Մեծերին հարս-
նություն, փոքրերին ուսուցչություն էր արել, ամուսնու տոհմ
մին երեք սիրուն, խելացի տղա էր պարգևել, երկու կաթ-
նակեր աղջիկ էր մեծացրել երկու հայ օջախի համար, քա-
ռասուն տարի հաշմանդամ ամուսին էր պահել, տասներկու
թոռ էր մեծացրել, մինչև ծնողները քաղաքում ոտքի կանգ-
նեն, տնից չէր բացակայել շաբաթից ավելի և ահա այս եր-
կար՝ ամիս տևած բացակայությունից հետո զավակները քա-
ղաքից նրան բերին հողին հանձնելու:

Անտերացած հալևորը հա՛ պտտվում էր դագաղի շուրջը
ու մրմնջում էր՝

— Ափսո՛ս-ափսո՛ս:

Հետո դուրս էր գալիս, մտնում էր այգի, ելնում էր ճա-
նապարհ, մտերիմ մեկին դռնում էր, որ իրեն կշտամբի:

— Բա հիսուն տարի մարդու հետ ապրես ու մեռնի՛ նոր
հարզը իմանա՞ս...

Հալևորը վերջին երկու շաբաթը օրումնչ զանգում էր Երե-
վան՝ թող դուրս գրվի գա, ի՞նչ օգնություն տեն ցույց տալ
էդ հիվանդանոցներումը... Եվ երկու օր առաջ ասացին՝ դուրս
ենք գրել, վազը գալիս է: Խոստացած օրը դուրս չեկան: Հան-
գուցյալը գալու էր որպես բուժման այդ փուլը անցած: Բայց
երևի չեկավ ու ահա այսօր բերում են...

Միջնեկ որդին, հարսն ու փեսան կեսօրին եկան: Եվ
մեքենայից դուրս գալու եղանակից հալևորը հասկացավ:
Այդ ե՞րբ էր եղել, որ ժպտալով առաջ չգան:

Երեխաները եկան նստեցին, խոսեցին դեսից-դենից,
հարսը կլավ հալևորին հաց տալու, որդին մարած լամպ
գտավ՝ նո՞րով փոխեց, փեսան զրոյում փայտի դարսն էր
կոկո՛ւմ, այսպես կամաց-կամաց եռանդի եկան (չհասցնելու
վախը ներսից շափ էր զցում) և երբ սենյակներից մեկի
մահճակալները հանելուն հասան, փեսան հասկացավ, որ
այդ խոսքը վերջապես ասել պետք է: Նա վճռական գնաց
դեպի խորքի սենյակը և աներորդին ու կինը հետևեցին նրան:

Հալևորը բազմոցին նստած թերթն էր շուռումուռ տալիս:
Նայեց շեմին խեղճացած երեխաներին ու ակնոցը հանեց:

— Ասեք... Ասեք պրծեք... — ու ձայնը կերկերաց:

Հարսը փուլ եկավ կեսրարի կողքին, գրկեց ու հեկեկաց։ Տղամարդիկ դուրս եկան սենյակից։

Վրա հասավ առաջին գիշերը։ Այս գյուղում կարչ էր, որ հանգուցյալի մոտ երիտասարդները մնան։ Մնացին՝ փեսաներից փոքրը, ազգական աղերքից երկուսը և հանգուցյալի ամուսնու եղբոր որդին, որին հանգուցյալը կուրծք էր տվել։ Եվ նա անարատ կաթնակեր որպես՝ շքնեց երկու գիշեր։ Ավելի երիտասարդները հերթով քնում էին, նա արթունի հետ արթուն էր երկու գիշեր։

Մերկացրած սենյակ էր, իշտանուկները՝ պատերի տակ, մեծադիր լուսանկարը պատին, դագաղը՝ սենյակի մեջուկը գիշերվա լուսյան մեջ կախված։ Դռան մոտի թախտը դուրս չէին տարել և արթուն տղամարդիկ վրան նստած շախմատ էին խաղում։ Գուռը բաց էին թողել, որ սենյակում ծուխ չկանգնի և ժամանակ առ ժամանակ ցավ էին գցում ներսը շող կատվի վրա։

Հանգուցյալին այսպես անշարժ տեսնելը, այն էլ առանց կոծողների, սնիրական էր։ Ժիր ու զվարթ նրա բնույթին խորթ վիճակ էր սա, և թվում էր մարմինը այստեղ, ինքը հիմա դռնից ներս կմտնի ու խնդալով կասի՝ «է՛ս ինչ օլինբազուխուն է, վերեք նստենք հացի»։

Բայց ժամը եկավ և նրան տարան։

Գերեզմանոցում հալևորին պիտի որ ձայն չհասնեն, մանավանդ որ սովազ հղբայրը կողքն էր և հանգուցյալին պատշաճը հատուցեց, բայց երկու օրում երկու նախադասությունից զատ բան չէր ասել ու խոսեց։ Ու երևում էր կյանքում չի խնայել հանգուցյալին։

Գերեզմանատնից դարձան, հոգեհաց տվին։ Երկար ճանապարհ գնացողները սեղանից ուղիղ ճանապարհ ընկան։ Զավակները դատարկված-պապանձված նստեցին, մինչև ազգական-հարնանները սեղանը հավաքեցին։ Բակով մեկ պայտածև սարքած սեղանը թողեցին շաբաթ օրվան, հայտարարված յոթի ու քառասունքի համար։ Մնում էր երկու օր։

Այդ երկու օրը անցկացրին յոթի սեղանին պատրաստվելով։ Շաբաթ օրը հաց տվին մի հարյուր հոգու։ Իսկ առաջը ընդամենը մեկ օր կար, որ շաբաթը փակվեր։ Գործը քաղա-

քում մնում էր, երեխաները թողնված էին՝ մեծերը իրենց, փոքրերը ուրիշների հույսին — հարկավոր էր շտապել:

Եվ անցան տունը մեռցնելուն: Նախ այժմ ուլի հետ ծախեցին: Կարտոֆիլ էր, տանձ էր, լոբի էր, խնձոր էր, ուրց էր, ավելուկ էր՝ մեջ-մեջ արին, ամեն բանից մի քիչ թողնելով զարնան համար — հալևորը զարնանը հետ էր գալու: Հետո սառնարանը անջատեցին, դատարկեցին, մաքրեցին, զազի ծորակը նկուղից փակեցին, էլեկտրականութունը ապահովիչներից անջատեցին, պատուհանների փեղկերի սողնակները գցեցին, վարագույրները վրա քաշեցին, ցեցի դեմ բան ցանեցին տեղաշորի ու պահարանի մեջ, այգու դուռը կոպակեցին ու տակ ու զլխին ցաքի դրին... Հերթը հասավ հավերին: Այդ գործը հա՛ ձգձգում էին, որովհետև հանձն առնող չկար: Վերջը՝ փեսաներից կրտսերը պիտի աներ: Նա խոհանոցի երկու դանակները տարտամորեն իրար քսելով իջավ աստիճաններից, հավանոցի դեմ կանգնեց: Այսպես անկամ կանգնեց-կանգնեց... կարուկ կռացավ, շալվարի փողքերը բշտեց ու այդ գործողութունից կարծես եռանդի եկած՝ մտավ ցանցապատ տարածքը: Հավերին առավոտից դուրս չէին թողել: Մեկն էլ պետք էր, որ մտներ հավանոց ու հավերը մեկ-մեկ դուրս տար: Հալևորից բացի այդ գործը երեի ոչ ոք չաներ և նա ներս մտավ և առաջին հավը կիսաբաց դռնից դուրս մեկնեց: Փեսան առավ ու վիզը կտրեց: Հալևորը շտապում էր, դժվար էր շնչում զարշահոտը, և վրա-վրա տալիս էր հավերը, իսկ փեսան արդեն չէր հասցնում գետնին սեղմած արնաքամելով հավերին հանդարտացնել, չէր հասցրնում անգամ ոտքերի հողերը կտրել և գլխատված հավերը թպրտում էին շուրջուրը: Հալևորը հավաքնում անհամբեր էր, մորթողի ձեռքերը արյան մեջ կորած էին, դանակը բթացել էր, բայց նա մոռացել էր երկրորդ դանակը, որ կողքը գցած էր:

Երբ վերջին երկու արևոտն էլ մորթված էին, նա շտկվեց ու ինքն իրենից զզված թքեց՝ շուն լինես, տան փոքրը չինես: Ատակը, մտածեց, կուտ կերած հավեր են, երեխեքը մի շաքաթ քաղաքում կուտեն:

Հավերն էլ բմբլեցին, մաքրեցին, բաժանեցին ու այլևս անելիք չկար:

Երբ բոլորը մեքենաների մեջ էին, տան մեջ մի բան դղրրոտորով ընկավ: Մի պահ քարացան: Բոլորի մտքով անցավ՝ մոր նկարը չլինի՞... Միջնակ տղան դռները բացեց, սենյակներով անցավ, ոչինչ չտեսավ: Եկավ նստեց դեկին, «բան չկար» — ասաց, ու մեքենաները զգուշ, ցավակցաբար հորնդացին:

ԿՒՆԸ, ՇՈՒՆԸ, ՏՂԱՄԱՐԴԻԿ

Նման էր, որ երիտասարդ կինը ամուսին չունի: Միաժամանակ լենինգրադում ապրելուց հետո վերադարձել էր ծննդավայրը, գեղարվեստի ինստիտուտում գիսերտանաթե լաբորանտ էր ձևակերպված և արվեստների հովանավորի կեցվածք ուներ:

Փափուկ, խոսվկան շորթերով, երեսունի ու քառասունի միջև նայած օրվան ու տրամադրությունները տատանվող այդ կինը դեռատի աղջկանից ինչ-որ բան ուներ և նման էր, որ ամուսին չունի — տղամարդիկ այս հարցում քիչ են սխալվում:

Թե ինչով էր գբաղվում ինստիտուտում, այնքան էլ պարզ չէր առաջին շաբաթներին, թեպետև ինստիտուտ ասածս միջին մեծություն միջնակարգ դպրոցից էլ փոքր էր, դրսից՝ անշուք, ներսից՝ ոգորմելի: Այն էր երևում, որ դասախոսականի բաղմոցին նստած ծխում էր չափավոր, տեական հաճույքով նստում էր բուֆետում սուրճ խմելու, խոսում էր սակավ, շաղակրատում էին հետը լինող մարդաթող կանայք, ինքը աջուձախ բարեւում էր իրեն բարեւելու համար բուֆետ մտած տղամարդկանց, այդ օրը դասերից ազատ, բայց հատուկ իրեն տեսնելու համար ինստիտուտ եկած տղամարդկանց, ապա և բարձրանում էր երկրորդ հարկի դասախոսական, և արվեստագետ դոցենտները հաճույախոսում էին, սա

էլ հաճոյախոսությունները ընդունում էր հավուր պատշաճի՞ն
Անունը կիզա է:

— Կիզա,— դասամիշոցին մոտենում է արվեստագետի
կոչումից իրեն կտրի՞ճ զգացող տարեց մեկը,— Կիզիա,—
սիրունացնում է անունը,— գնա՞նք սուրճ խմենք:

Կիզան սովորաբար շի մերժում, իսկ եթե ասաց ժամա-
նակ շունի՞ սուտ է, նա օրը ութ ժամ մաքուր ժամանակ ունի
ինստիտուտում, պարզապես մի քանի բաժակ արդեն խմած
է լինում, «իսկ անշափավորությունը, գիտեք, ծերացնում է
կնոջը» — բարձրաշխարհի՞կ, հմայիչ ժպտում է Կիզան:

Այսպես ժպտում է, նստում է դասախոսականում, բու-
ֆետում, իննսուն ուրլի է ստանում կենինգրադ ապրած լի-
նելու, իր փափլիկ տեսքի կամ արվեստների հովանավորի
կեցվածքի համար և մտքում օր-օրի հասունանում է ազնվա-
զարճ մի շնիկ ունենալու գաղափարը:

Լավ շնիկ գտնելու համար նա հարցուփորձում էր ամեն-
քին (ուզում էր որ «բալոնկա» լինի, անպայման «բալոն-
կա»... Հասկանո՞ւմ եք, նրանք փաղաքուշ են և հումորի
զգացում ունեն), բայց շնիկի մասին, իբրև նվիրական իղձի,
ծեր պրոֆեսորի առաջ էր միայն սիրտը բացում:

Պրոֆեսորը ավարտել էր նույն այդ կենինգրադի գեղար-
վեստի ակադեմիան, միառժամանակ այնտեղ աշխատել էր,
սերում էր Թիֆլիսի հին առևտրական տոհմից, կիրթ էր,
յոթնասունն անց ու կնամեծար: Կիզան գնահատում էր հու-
մորի զգացումը տղամարդկանց մեջ և համոզված էր, որ
շներն էլ ունեն: Իր ցեղական շնիկը որ՞ հաստատ ունենալու
էր: Այդ մասին նա խոսում էր առանց հումորի նշույլի,
նույնիսկ մի տեսակ սգեշունչ թախիժով, վաղամեռիկ բա-
նաստեղծի ոտանավորը կարդացող բանասեր ուսանողուհու
հանգով, և դա էլ նրա հմայքին հմայք էր ավելացնում:

Անտեղյակները, հասկանալի է, քթերը չէին խոթում
շների վարքուբարքին վերաբերող արտոնյալ զրույցների մեջ,
բայց կիզայի համակրանքը շահելու համար շուն որոնում էին
բոլորը: Օրը տաս-քսան բուպե դասախոսականի հեռախոս-
զբաղված էր լինում շան հարցով: Շաբաթից ավելի սենյակը
դարձել էր կիզայի շտաբը. զանգում էին ներսից, զանգում
էին դրսից, ներս մտնողը լուր էր բերում, դուրս ելնողը խոս-

տանում էր էլի հարցութորձել... Թալինցի երիտասարդ դասախոսը հարևան քրդերից Կովկասյան կոշվող հովվի շան լակոտ բերեց: Լակոտն ամբողջ օրը երկրորդ հարկի հիացմունքի առարկան էր. բրդոտ, կճատ, փոփոլ պոչով, սև աշուկներով — քայլում էր գլորվելու պես, գգվում էր՝ խելքամաղ էր անում կանանց, բայց թե մեծանար՝ շոբանի շուն էր դառնալու և երիտասարդ մտավորականը կճատին տիրոջը տարավ: Նա արդեն գիտեր, որ սիրուն շունը դեռ չի նշանակում ազնվածին շուն, բայց նվիրվածությունն էլ գնահատող շեղավ, որովհետև ոչ ոք չգիտեր քրդի հովվից շան լակոտ պոկելու գինը:

Շունը գտնվեց: Զանգեցին դասախոսականի հեռախոսով և շնատերն ու Լիդան այսպիսի զրույց ունեցան:

— Դուք նախկինում շուն ունեցել ե՞ք:

— Այո, Իհարկե, — ասաց Լիդան:

— Ի՞նչ ցեղի: — Հեռախոսին մոտ եղածները լսեցին, որ ձայնը դառամյալ է:

— Ամենատարբեր, — խոհեմորեն պատասխանեց Լիդան:

— Շենքո՞ւմ եք ապրում:

— Այո, շենքում:

— Ո՞ր հարկում:

— Հինգերորդ:

— Ափսո՞ս...

— Անհանգստանալու բա՞ն շուներ:

— Գիտե՞ք, ես չեմ ուզում նրանից բաժանվել, բայց հանգամանքները... Դուք գոնե պատշգամբ ունե՞ք:

— Երկու պատշգամբ:

— Իհարկե, ապակեպատ են:

— Մեկը բաց է:

— Երեխա ունե՞ք:

— Տղա ունեմ:

— Ձեր ամուսինը շուն սիրո՞ւմ է:

— Ինչպե՞ս ասեմ...

— Ներող եղեք...

— Ի սեր ասածո...

Երկուսն էլ լռեցին միառժամանակ: Հետո կինը դժվար

շունչ քաշեց լսափողի մեջ, շունչը պահեց, բայց ասելիքը ասես շնչի հետ ներս էր առել՝ երկար պահել չկարողացավ.

— Խնդրում եմ ներեք... Դուք աղջկաս տարիքին եք... Շունը կին չէ, նա կապվում է մի տղամարդու... Գնացող-հկող տղամարդկանց հետ...

— Դուք ինձ ինչի՞ տեղ եք գրել...

— Ես ասացի՝ ներողություն:

Լիդան ներողությունը կարծես չընդունեց:

— Խնդրում եմ ինձ հասկացեք,— ասաց կինը:

— Հասկանում եմ:

— Ես պիտի տեսնեմ ձեր տունը,— վերջացրեց կինը:

Լիդան այս մեկը չէր սպասում:

Բայց պառավին դուր եկավ շան ապագա կացարանը և շունը դուրս եկավ դասախոսականի կյանքից: Տղամարդիկ ի՞նչ էին անելու այսուհետև:

Իհարկե, շունը մեկ-մեկ հիշվելու էր դեռ: Նա լակոտ էր, դեռ թոթովախոս հաշելու էր, մրսելու և հիվանդանալու էր, չարություն էր անելու, զվարճալի էր լինելու, խելք ու հումոր էր դրսևորելու,— բայց միայն ծեր պրոֆեսորի համար: Այդքանն էլ նրան շատ էր: Իսկ տղամարդկանց պետք էր ավելին: Վատը այն է, որ տղամարդկանց նկրտումները այդպիսի մի շրջապատում չի պատշաճի, որ անսքող ու կոպիտ լինի, ինչպես բանակային սիրտ հորդումը գնդի գերձակուհու հանդեպ: Շան պատմության պես քնքուշ պատրվակ, այրական նկրտումները իբր սքողող, միամիտ մի բան պետք է ամեն դեպքում: Եվ մինչ արվեստի տղամարդիկ պարաքայլով, հեռվից, նրբորեն մոտենում էին, մինչ կնոջ ու տղամարդու միջև ընկած տարածությունը կարճում էին շան ու արվեստի վերաբերյալ երկար խոսքերով,— որտեղից որտեղ մեկը իջավ մեքենայից, աջ դուռը բացեց կնոջ առաջ, կինը ճկվել, մտնում էր ներս՝ ամենաանհարմար-հարմար պահին սա ձախ ձևերի լայն ավտով կարճ, օժանդակելու նման հասցրեց արվեստների հովանավորի նրա կեցվածքի ակնհայտ տեղին, դուռը դրեց, անշտապ եկավ նստեց ղեկին, բռեց՝ գնացին:

— Խփե՞ց,— աչքերին չհավատաց պատուհանից իբր ցրված դուրս նայողը:

— Ո՞ւմ խփեցին,— ակնոցները հանեց մյուս պատուհանի առաջ նստած պրոֆեսորը: Բուպիններ առաջ նա չէր կարողանում սեղանին դրած թղթերի վրա կենտրոնանալ մայթին կանգնած ավտոմեքենայի լաքի փայլից:

— Խփելու տեղին,— շարախնդաց շնիկի որոնումներին շմասնակցածը: Նա շփոթմունքը հարմար համարեց քողարկել անպատկառու թյամբ:

— Հո նախկին ամուսինը չէ՞ր...

...Նախկինն էր, թե նախկինը չէր,— երեսուներ հազիվ բուրած մի տղամարդ էր՝ մեջքը պինդ, մութ աչքերով, խոջի մեջքը ուղենար կշարդեր ափի կողով, բայց ուժի տեղ չի, բանջարեղենի իր խանութում դեռ որ լավ է: Լավից էլ լավ է: Հերթը հո միշտ կա: Մարդիկ էլ հո նյարդային են: Իսկ կշեռքի նժարների հավասարվելուն սպասելու համբերություն հայր չունի: Ու իրարից բողոքավոր շենք: Տուն շենք թալանում, բանկ շենք կտրում, դանակ շենք քաշում անցորդի վրա, դրպան շենք մտնում ավտոբուսում,— աչպես մարդու խիղճը հանդիստ է...

Հանդիստ խղճով 7-ին գործը վերջացնում է, մեքենայի դուռը բացում է, նստում, կայցնում է ծխախոտը ու մտածում է... Մտածելը պարտադիր չէ. աչ ձեռքը դնում է ղեկին և իր փիլիսոփայությունը ձեռքի տակ ունի: Շտապել է պետք. 21-ը սեռոտ է դառնում, իսկ աղջիկները դա սիրում են՝ փողը հեռք. տղամարդը գիշերային կենդանի է, տղամարդը ցերեկը՝ տանը — շղջիկը քեզ օրինակ. վենեբրական հիվանդությունը հիվանդություն չէ, այլ բախտի բան. կինը երբեք պիտի շիմանա օրվադ հաշիվը, բայց շաբաթը, ամիսը Էսթան պիտի տանը տաս՝ պարտադիր. կյանքում կլինեն մի տասը հոգի, որոնց պիտի շնեղացնես, մնացածը թող զգուշանան քե՛զ նեղացնելուց... Կյանքը բարդ չի: Շատ չէ՛ մի տաս... տասնհինգ տարի էլ որ էսենց ապրենք...

Նախկինն էր, թե վերջերինս — պարաբայլը արհամարհող, շների հետ զլուխ շղնող, արվեստը հարգող, եթե իրեն շատ շմտեհնա, կանանց սիրող, եթե միայն գրպանով հոգա, օրվա րնծայի ատամներին նայել շիմացող, ծախելիս գինը զբլխանց առնող, առնելիս զլխանց գինը տվող տղամարդ էր մի:

Երեկվանից էր հայտնի, որ բան չի գտնվելու,* բայց տղերքը համբերատար պեղում էին: Առավոտը անկամ էին գործի կպել, բայց գործի ավարտի վրա եռանդի եկան՝ հարամված գործը պրծնեն գնան տուն:

Արդեն հասել էին դամբարանի հատակին, ուր հողի մի բարակ շերտ ժանգի գույն էր առել. անասունի մորթուց այդ հետքն էր մնացել: Եթե լցնովի հողի ու բնահողի սահմանը լուծված անգամ լիներ, գրանից դենը սպասելիք չկար, որովհետև մորթին աճյունի տակ են փռում:

Նրանք պիտի պատրաստ լինեին և պատրաստ էին դամբարանը կեղծ գտնելու: Այս դամբանաբլրից երկու դամբարան արդեն կեղծ էին դուրս եկել և կեղծի հավանականությունը, ճիշտ է, նվազել էր, բայց այս մեկն էլ կարող էր լինել:

Կեղծ՝ այդ մենք ենք հիմա ասում: Գրանք ոչ միայն կեղծ չեն մտահղացվել, այլև մեռնելու անկեղծ խոստումով կառուցվել են վաղօրոք: Այսինքն, մահվան մտասեեռումը իրենից վանելու համար, մահվան շունչը իր տնից հեռու պահելու համար ունևորը դամբարան էր կառուցում իր ու մերձավորների համար, որ պիտի նշանակեր, թե՛ այս փուլ աշխարհում ապրելներս մի մեծ ուրախություն չի, իմացիր, և գիտենք, որ ճշմարիտ հանգիստ քո գրկում ենք գտնելու, հող երանելի և ահա մեր ինքնակամ քայլը դեպի քեզ, ահա հավերժական մեր կացարանը՝ մեր ձեռքով կառուցած, բայց ինչ-ինչ կիսատ գործեր դեռ պահում են այստեղ, ներողամիտ եղիր, քանզի մեր կամքը մերը չէ, գիտես...

Բայց գնում էին պատերազմ ու բորենու կեր դառնում, բայց խորշակի նման անցնում էր թշնամին ու մարդ չէր մնում, որ մեռյալներին թաղի, և դամբարանները մնում էին առանց աճյունների:

Այս մեկը, սակայն, կողոպտված էր:

Նույնիսկ կմախքի կես կազմը չլրացավ: Հավանաբար դանձադողերը շտապելիս են եղել: Երևի լույսը բացվելու

վրա է եղել, երևի ճանապարհով աշխարհապահ զորքի շուկատ է անցնելիս եղել, հնարավոր է՝ ձեթը վերջանալու վրա է եղել... Նրանք ձեթի ճրագ կամ մարխ են ունեցել, հետևելը շուր կամ գինի են վերցրած եղել, այսինքն՝ հիմնավոր գործ անելիս են եղել, բայց գողի առավոտը շուտ է բացվում՝ աճյունախառը պարկը լցրել հեռացել են:

Երեկվանից ափերի մեջ շուտամուտ էին տալիս փարչի կտորը՝ երեք հաղար տարվա դամբարանից հանված միջնագարի խեցեղենի նմուշ: Անհիծյալ այդ խեցեղենը ոչ մեկի մտքից դուրս չէր գալիս, բայց Ավոն էր, որ ամեն անգամ փոսից ծխելու դուրս գալով, ձեռքն էր առնում գրեթե հազարամյա այդ հանցանշանը:

— Ջուր չէ, գինի են խմել,— վերջնական եզրակացություն արավ Ավոն:— Արարատյան դաշտում գինին ջրից էժան պիտի եղած լինի:

Փոսից չպատասխանեցին: Մարդը այդ կիզիչ արևի տակ, փոշի կույ տալով չէր ալարել՝ խոսել էր, մարդը կարծիք էր հայտնել և մարդաբան ժաննան նրա խոսքը անարձագանք չթողեց:

— Գոնե գանգը թողած լինեին,— նվնվաց ժաննան: Նա դամբարանի ծածկասալերից մեկին նստած՝ քաշասրունք ուղղակի սրունքոսկրը չափով իր սրունքի վրա: Ժաննան մինչև ծնկները հասնող դուլպա էր հագել (վախենում էր կարիճներից) և շորտ: Գերեզմանի հազարամյա փոշին նստել էր գիտերի աղվամազին:— Գանգը թողած լինեին, ինձ հերիք էր:

Ավոն խնդաց նախքան կասեր.

— Աճյունի վրա քեզ հետաքրքրող ուրիշ բան հազիվ էլ լիներ:

— Կավ, մեկ էլ կուզես,— նեղացած ձևացավ ժաննան: Հրանտը փոսի մեջ կոկորդի փոշին հազալով մաքրեց, այնինչ խոսքը սպիրտի մասին էր: Ժաննան ոսկորները մշակելու սպիրտի կեսը Հրանտից թաքուն տալիս էր Ավոյին, մնա-

ցածին ջուր էր խառնում և ոսկրերը լվանալիս լա՛վ շար-
շարվում էր:

Հրանտը համբերատար պեղում էր: Ինքը արշավախմբի
պետն է, իրեն հուսահատվել չի սազի, այլապես ջահելներից
ինչո՞վ տարբերվի: Թեթևամիտ Ավոյից ինչո՞վ է տարբեր-
վելու: Իսկ տարբերվել պետք է: Ժաննայի աչքում գիտու-
թյունից բացի շահեկան մի բանով, տղամարդկային մի գծով
առանձնանալ պետք է:

Հրանտը մտածում, բայց ջահելներին չէր ասում, թե բա-
ցառված չէ, որ տասնմեկ-տասներկուերորդ դարերում աճյու-
նը պղծողները այդ փարչը ջարդած լինեն կատաղությունից:
Բացառված չէ, որ մի անգամ արդեն դամբարան մտած են
եղել և դարեր հետո մտնողները հուսախաբությունից աճյու-
նը ցրիվ են տվել, գինու թե ջրի փարչն էլ փշրել են պատին:
Եվ ուրեմն այս հազարամյակում իրենցը երկրորդ խուճբն
է, որ տխմար վիճակի մեջ է ընկնում... Դժբախտաբար, ժա-
մանակը ամփոփ, ապահովիչ փուլեր չունի, արարքը չի պար-
փակվում իր ժամանակի մեջ և, եթե անգամ սերունդների
կենդանի շղթայով չի փոխանցվում ու չի ազդում մարդկա-
յին վարքի վրա, ապա այսպես ա՛հա դաշվում է իրեղեն
աշխարհին և այս օրվա նման անապինկալ լույս աշխարհ է
զալիս...

Այլևս պեղելու բան չկար: Հրանտը ձեռքը մեկնեց, որ վեր
քաշեն: Ավոն նստած տեղը հակվեց առաջ, ձեռքը բռնեց
(«Ոտքերիդ տեղ արա» — «Արել եմ») ու ձգեց: Հրանտը խցանի
նման դուրս թռավ փոսից: Ժաննան Ավոյի մերկ բազուկը
բռնեց՝ ուժե՛ղս: Ավոն բնազդով մկանները լարեց: Ժաննան
ուրախացավ ուստի նա առաձգականությունը հայտնաբերած
երկալի նման ու Ավոյի բազուկի հետ խաղաց:

Բայց հաց պիտի ուտեին:

Ասենք, ուտելու մի կարգին բան չկար էլ: Երեկվանից
շտապում էին համբ ևլած գործը շուտ պրծնեն և ձկան պա-
հածոյից, վարունգից, պանրից բացի հետները բան չառան:
Բանվորություն անող դպրոցականները հետները մածուն-բան

կունենային, բայց այսօր նրանց կարիքը շունեին և պատվի-
րել էին չգալ:

Այս տարի բախտները չէր բերում: Հերվա ուսանողուհի-
ների ոտը բարի էր. լավ ապրում էին, լավ էլ աշխատում
էին: Ընդհանրապես տարին լավ սկսեցին. Մերուժանին պա-
կասող նյութերով ապահովեցին և ուղարկեցին Լենինգրադ
դիսերտացիան գրելու: Այնտեղից էլ նվեր ստացան հնագի-
տականի մի գույգ ուսանողուհի: Լավ նվեր էր, բայց սո-
ված ուսանողուհիներին պահել էր պետք: Օղբ փոխել՝ ախոր-
ժակի էին եկել: Երկու բարակիրան արարածներ էին, բայց
կարծես ջուլհակուհիների բրիգադ էր ճամբար դրել: Չէին
քնում ու սովածանում էին երկու ժամը մեկ: Զահել էին,
կարող էին ամառն էլ արթուն անցկացնել, բայց տղերքին
հանդիստ էր պետք: Նաև՝ տանը աշխատավարձի էին սպա-
սում: Իսկ աշխատավարձը, դաշտայինն էլ հետը, չէր հե-
րիրում անգամ աղջիկներին:

Հետո, գյուղի տղերքը պաշարած էին պահում արշավա-
խմբի կացարանը: Տղերքը, ճիշտ է, մեծ օժանդակություն
էին (թե չէ աղջիկների ախորժակը փակելը հեշտ չէր), բայց,
մեկ էլ, տանում-չէին բերում: Հնազանդները անհանգստանում
էին. սերը՝ սեր, քեֆը՝ քեֆ, բայց կարող էին նաև սպանել:

Տնակը գյուղի ամենաբարձր կետի վրա էր, ջուրը չէր
բարձրանում, և ջուր բերում էին պահակի տնեցիները: Վտիտ
երևեսաները դանթարի տակ բեկված գալիս, տեսնում էին
սլացիկ ուսանողուհիներին սենյակներում անքուն, կիսա-
մերկ, սոված հածելիս... Պահակը շարաթը մի գառ էր մոր-
թում, բայց հնազանդները տեսնում էին դա ինչ է նստում
իրենց վրա. տնակը կամաց-կամաց կահ-կարասուց մերկա-
նում էր, իսկ գույքը-դուրս գրելու ժամանակը մոտենալու
փոխարեն կարծես հեռանում էր: Ինչ արած, կերակրել էր
պետք այդ սիրո հրեշներին: Արժեք, որ կերակրեին: Պար-
զասրտություն, ջանասիրություն, ուտել-չուրանալու դիմաց
արժեք, որ օրը մի գառ ուտեին, այնինչ ուտում էին շա-
բաթը մեկը:

Բաժանվելիս ուսանողուհիները տղերքի վզներովն ընկել,
հոնգուր-հոնգուր լալիս էին: Նրանք սրտանց էին կապվել

այս հարավին, ուր ճահիճ ու մոծակ չկա և կարող ես զօրգիշեր կիսամերկ թրև գալ, այս երկրին, ուր տղամարդիկ իրենց երեխաներին հավասար հոգ էին տանում ուրիշի կանանց և փոխարենը ուզում են ընդամենը սեր:

Աղջիկները երազում էին եկող տարի վերադառնալ, բայց ժաննան Մոսկվայից գալու էր և երկրի հնագիտական ֆակուլտետներին հայտ շնորհակայացրին. արշավախմբի կացարանը նեղ կգար ժաննային ու աղջիկներին:

Բայց ժաննան փոխվել էր: Այն ջահել, կրակոտ մարդաթողից միայն հեշտ ծիծաղելն էր մնացել: Կոտորվել էր մի տեսակ: Մտահոգը՝ մտահոգ չէր, բայց մտասեւեռված էր տան վրա և նախկինի նման արշավախմբի եռանդի սնուցողը չէր: Մի խոսքով, մեջը սեր չկար:

Հրանտը հույսեր էր կապել նրա վերադարձի հետ: Հրանտը մտածել էր տղամարդավարի պարզ, ջահել մարդաթողը կեռա, կփրփրի՝ կնստի, երբ նստեց, հուսալի սիրո կարիք կունենա, երբ ունեցավ, ինքը դեմը կգա: Հրանտը հասկանում էր, որ ժաննան երեխա-երեխա ամուսնացել՝ ամուսնությունը լուծ է տեսել: Արագ բաժանվելով՝ իրեն վերածընված է գտել: Այդ ժամանակ նրա աչքին երևալը Հրանտը ճիշտ չէր համարել: Ծիշտը, մտածել էր, սպասելն է: Բայց ժաննան երկու տարի մեծ մայրաքաղաքի ազատ կյանքից հետո եկել ու, ահա, ամուսնանալ էր ուզում:

Հրանտը, գուցե, հոգու խորքում ուղենար կնոջից բաժանվել, բայց բարդությունները միտքը շեղում էին գիտությունից: Ժաննան, գուցե, հոգու խորքում երազեր հուսալի սեր ու ամուսին, բայց Հրանտը անասող տղամարդ էր, շան հավատարմության դրոշմն էլ ճակատին էր, իսկ ժաննան հանդարտվել էր թեև, բայց այն արյունն էր, որ մի ոհմակ անաղուհաց քրդի շներին երևի թե գերադասեր տանու քոսոտից:

Ժաննան ուղեց Ավոյի ձեռքի վարունգին աղ տնի ու Հրանտի հայացքը բռնեց: Ժաննայի ձեռքը, սակայն, չկարկամեց, Ավոյի վարունգից սահուն անցավ, ճախրեց սփռոցի վրա, աղ ցանեց մնացածին, ասես այդ հիմնական միտումով էլ մղվել էր առաջ: Հրանտը նրա շարժումների այդ անխուճապ, սահուն անցումներն էլ սիրում էր:

Լուս, անախորժակ ուտում էին: Վարունգը տղամարդկանց ատամների տակ այնպես էր ղռթղռթում, ասես ճակընդեղ ուտող հիվանդ տավարի գոմում լինեիր:

Տղամարդկանց անախորժակ ուտելը ժաննային միշտ էր հուսահատեցրել: Նա ելավ, գնաց ավտոյի դուռը բացեց, կիսով ներս մտավ (շունչը կտրվում էր արևի տակ շիկացած մետաղե տուփի ներսում) և դուրս ելավ մի շիշ գինի ձեռքին:

Այդ գինին հասկանալի չէ ինչից են ստանում: Արտադրողները չեն ասում, որ ծախվի, առնողները հետևողական չեն լինում, որովհետև ընտրելու բան չկա: Անորոշ հայտնի է, որ գինու սպիրտն են բացում: Այսինքն, ջրի մեջ քիչ սպիրտ են լցնում և որպեսզի այդ խառնուրդը շնեխի, էլի ինչ-որ թույն են ավելացնում, որից տղամարդիկ շան նման կատաղում են: Իսկ գիշերը ծարավ տոչորվում են: Այդքան հեղուկ խմելուց հետո մեռնում են ծարավից: Այդպես մի քանի տարի խմում ու երեսուն տարեկանից տառապում են ստամոքսի խոցից:

Ժաննան դեմքին զզվանքի արտահայտություն էր տվել, այսինքն՝ գինին տաք է: Պիտի որ գինին եռալիս լիներ խցանի տակ, բայց Հրանտը խցանը բոլորեքյան կտրեց ու շիշը քաշեց գլուխը: Արևը վերից էր վառում, շիկացած քարը տակից, իսկ նա կպել էլ եռման գինու շիջ. եթե խորովվում ենք՝ խորովվենք, էլ թերախորով լինելնե՛րա ինչ է:

— Հրանտը ցնդում է,— ժաննայի ականջին ասաց Ավոն:

Հրանտը շի կողքից աչքերը հարցական շիջ: Ավոն նշանացի հրաժարվեց իր բաժնից՝ հանգիստ խմիր: Հրանտը շիշը ցամաքեցրեց և ուտի վրայով, կտրիճաբար շարտեց: Շիշը ընկավ բերանի վրա, վեր թռավ ու նստեց դամբարանից հանած հողաթմբին:

— Ա՛հ,— շիջեց ժաննան: Այդքան քար ու կարկառի մեջ շիշը իջել էր գետնին, թռել ու նստել էր էլի հողին: Ժաննայի դարմանքը շի վրա էր, բայց շի զծած կորագծի մյուս ծայրին Հրանտն էր, և սա ինքնաբավ ժպտաց:

— Նշան ենք բռնում,— Ավոն վեր թռավ տեղից:

Տղայութիւնը երկուսին էլ կալաւ: Ժաննան էլ քար էր վերցնում (ափսոս էր, որ պատահական դիպչեր), և տղամարդիկ աճապարեցին:

- Չմտենաս:
- Պուճուր քարով:
- Փետով հաշիվ չի...
- Ա՛պրի Ավոն...

Խիողը Ավոն էր, բայց ժաննան լաւ տեսաւ, որ Հրանտի քարը կորագծով իջնում էր շշի վրա: Մինչ դա կախովել էր շշի վրա, Ավոյի տականց նետած քարը կարճատաջ սուրաց ու վայրկյան առաջ շիշը ցրիւ տվեց: Հրանտինը ապարդյուն թրմփաց հողին: Զարդված շշի ղնգոցը դեռ ականջներում էր և այդ խուլ անկուճք հագիւլ թե հնչեր, բայց Հրանտը անօգնական տնքոցը կարծես թե լսեց:

Զահրումար գինին տեղ էր հասնում, և Հրանտը շիշը նշանի առնելու Հովոյի կոշի մեջ դիտավորութիւն տեսաւ: Մարդ մի կյանք ապրում և գուցե մեկ անգամ է իր ձեռքով կատարված նման հրաշք տեսնում, իսկ Ավոն, ահա, շշի վայրէջքի հրաշքը արագ ցնդեցնել ուզեց: Եւ Հրանտին էլ հիմարացնելով խաղի մեջ քաշեց, որ իր ձեռքով արվի: Եւ վերջին պահին էլ ավելի հիմարացրեց՝ ինքը խփելով:

Ավոն եկաւ նստեց ու տղայաբար խնդում էր Հրանտի վրա: Ժաննան սփռոցը հավաքում էր: Հրանտը աջ ուսը կախ գնում էր դեպի ավտոն:

Երբ շարժվել էին, Ավոն խոսեց.

- Թե ինչի՞ էինք արևի տակ հաց ուտում:
- Իսկապես,— զարմացաւ ժաննան:
- Ի՞նչ կերանք որ,— քամահրեց Հրանտը:

Հաց կերան, որովհետև հենց դաշտից քշելու էին տուն, բայց գյուղի խաչմերուկի վրա Ավոն հարցրեց.

- Ո՞ւր քշեմ:
- Բազա,— հրամայեց Հրանտը:

Ժաննան տարակուսած նայեց երկուսին էլ, բայց արդեն գյուղի ճանապարհին էին:

Գյուղի խանութի առաջ կանգ առան առանց պայմանավորվելու: Ավտոն կարծես ձի էր՝ բնազդով կանգնեց: Այդ խանութում ոչխարի շատեցրած միս երբեմն լինում էր:

լինում էր նաև սատկած ոչխարի շատեցրած միս, որը, իհարկե, անասուն չպահող հայկական գյուղերից եկողների համար էր: Անասուն չպահողները լավ չեն ջոկում սատկածն ու շատկածը, ջոկեն էլ՝ առնում են, որովհետև եթե խանութի գինին ու օղին մարդուն միանգամից չեն սպանում, սատկած ոչխարի միսը ինչի՞ պիտի սպանի: Հետո, օղուն գոտ էին տալիս և թույնը թույնով շեղոքանում էր:

Այս խանութում խմիչք լինում էր անգամ սակավապետութեան ժամանակները: Խմիչքների վերին թարեքին «Սիրիրսկայա»-ի տուղը շշերն էին՝ որակի նշան ճանճի ծետուկով: Եթե ոչ տասը, գոնե յոթ տարի առաջ քաշած օղի պիտի լիներ:

Քաղաքում ալարկոտ փոխվեցին, ալարկոտ լվացվեցին, սենյակներում անիմաստ գնացին-եկան, վերջապես նստեցին հացի: Այդ ընթացքում, իհարկե, օղին սառնարանում քիչ սառավ:

— Մրսած ես, — ասաց Ավոն, երբ Հրանտը առաջը քաշեց տոմատով «Ստավրիդայի» երկրորդ տուփը: Հրանտը անորոշ քրթմնչաց՝ առաջիդ հացը կեր: Նստած էին պատը շրջամբում: Արագածից արդեն փչում էր իրիկվա քամին: Յերեկվա տապից շրմած գյուղը իրիկնամուտի ձայներով շնչի էր գալիս: Տարվա այդ եղանակին եղդիները Արագածի վրա են լինում, բայց տնապահ փոքրամասնությունը մի հայ գյուղի բնակչության շափ էլի կար:

Հրանտը ուտելուց հոգնեց: Ելավ, մի պտույտ արավ սենյակներում, եկավ կանգնեց ժաննայի թիկունքին ու անսպասելի երգեց.

— Նամակ, նամակ, նամակ էլ կստանաս,
եաբար, խաբար, խաբար էլ կստանաս...

Երգը այդքանն էր, կամ իմացածն էր այդքան: Երբ մի տասն անգամ երկտողը կրկնվել էր, Հրանտը անսպասելի էլ ընդհատեց.

— Մեր թաղում մի գիծ կար, անունը Կարո, քսան տարեկանում նույնն էր, ինչ քառասուն տարեկանում: Հարսին մուսլ, կենտրոնացած ուղեկցում էր Զանգվի ձորի պահես-

տը՝ աշխատանքի, այնտեղից վերադառնում էր երանությունից սեպերը բաց... Իրենից եմ սովորի։

Նամակ, նամակ, նամակ էլ կստանաս...

Երբ Հրանտը ներս էր գնացել թեյ գնելու, ժաննան հարցրեց.

— Իրո՞ք ցնդում է։

— Լրիվ բո մեղքը չի,— զգաստացրեց Ավոն։ Այս հանգով խոսեցին։ Մի ժամանակ մտերիմ եղած, հետո սառած մարդկանց խոսակցություն էր. խոսեին՝ չէր լինում, շխտսեին՝ չէր լինում։

— Հարա՞յ,— ներսից գոռաց Հրանտը։

Ժաննան վեր թռավ տեղից, Ավոն հոնքն իսկ շարժեց։ Բայց պահ անց ժաննայի քրքիչի վրա ելավ գնաց։ Հրանտը եռման ջուրը թեյնիկի մեջ լցնելու փոխարեն լցրել էր հընդհական թեյի լիտրանոց տուփի մեջ։ Գրանում երկու ամսվա խմելիք կար։ Ժաննան ծիծաղից նվաղել էր, Հրանտը ծոճրակն էր բորում։ Ավոն թեյի տուփը դատարկեց դուլի մեջ, թեյամանն էլ շուտ տվեց վրան։

— Մի շաբաթ կխմենք։

Հետո վերնաշապիկը հագնելով պատշգամբ ելավ։ Օղբ սառը չէր, բայց լույսի վրա եկող մժղուքը համը հանում էր։ Գյուղը նոր շնչի եկած՝ արդեն պատրաստվում էր մրափի. ժողովուրդը ժամը չորսից ոտքի վրա էր լինելու։

Նամակ, նամակ, նամակ էլ կստանաս...

Ավոն բաժակը ետ դրեց. երգողը ժաննան էր։ Նա երգելով էլ պատշգամբ ելավ և մատերը խրեց Ավոյի մազերի մեջ։

— Նոսրացել են,— ասաց։

— Ցանովի չի, կնոսրանա։

— Քոտանամ...

— Զգվում եմ երկու տղամարդու արանքում գնացող-եկող կնոջից։

— Ավո։— Նրա զողացող մատերը քարացան։

Ավոն ուսով հավեց կնոջ կողին՝ մի՛ նեղանա։

— Մի բաժակ թեյ բերե՛մ,— զգացվեց ժաննան։

— Անդրոն բեր, կամաց կխմենք։

Ժաննայի համար արդեն ամեն ինչ ծիծաղելի էր: Երկրորդ շշի կեսից երեքի համար էլ ամեն բան, ամեն մանրուք ծիծաղելի էր: Ու քանի որ ծիծաղելը հեշտացավ, անցան անեկզոտներին: Հետո անցան անպարկեշտներին: Գիշերվա մի ժամի հոգնեցին ու ամենքը իր ներսում իրենից ու մյուսներից զզվեց:

Վեց ժամ նստած էին ու գործից շէին խոսել: Երբ քնելու էին գնում, Ավոն հարցրեց.

— Դամբարանը քանի՞ տարում հողով կլցվի... Եթե քամու հույսին մնա:

— Եսի՞մ,— տհաճությամբ գործին անդրադարձավ Հրանտը:— Մի տաս... հարյուր տարում երևի:

— Շշի կտորները դամբարան լցվեցին,— սենտիմենտալ շերեալու համար Ավոն հորանջելով ասաց:

— Դա էլ մեզանից հիշատակ,— վերջին ուժերով ծիծաղեց Ժաննան:

— Առավոտը անցնելիս շթերվե՞նք,— Ժաննայի կատակը շքնդունելով, պատասխան էլ չսպասելով, իր համար խոսեց Ավոն: Եվ, իհարկե, պատասխան չտացավ:

Գիշերը Հրանտը Ժաննայի անկողնու մոտ նստած, երկա՛ր բան էր ապացուցում: Դուրը ծածկել չէր համարձակվել, և Ավոն դժվար քուն մտավ: Ուշ արթնացան: Առանց նախաճաշելու ճամփա բնկան: Դամբարանից հինգ հարյուր քայլի վրա անցան, Ժաննան մղձավանջ երազն էր պատմում և ջարդված շիշը, դամբարանը մոռացան: Այդպես էլ երբեք չհիշեցին:

ԿԱՆԱՅՔ

ՈՒրեմն, բանը հասել էր պատմվածք մեքենագրելուն:

Հազիվ մի շաբաթ ինքը նրանց առանձին թողեց, կամ նրանք իրեն մենակ թողեցին, մի քանի օր հետոները սուրճ խմելու շնաց, կամ նրանք հետոները շտարան, և ահա բանը հասել է պատմվածք մեքենագրելուն:

Պատմվածքի մասին միտքը Ալիսին առավոտից գերել էր: Ասես բարձրաձայն արտասանելիս լիներ, ասես բեմի համար սերտելիս լիներ — ասում էր շարահյուսական տարբերակներով, որ, ափսոս, սահմանափակ էին և հնչերանգներով, որոնց թիվ չկար: Բայց ոչ մեկի մեջ այնքան հեգնանք չկար իր կամ նրա հանդեպ, որ սիրտը սփոփվեր ու միտքն էլ հանդարտվեր: Այնուամենայնիվ, այսօր երեկվանից հեշտ էր: Այսօր, վերջապես, հախուռն ապրումները խոսքով ձևակերպեց, և ինքը կարծես ինչ-որ շափով կողքից նայող դարձավ:

Սևուկի գործը մեքենագրելը չէր և ստեղծերին խփում էր հատ-հատ: Նա ավելի շատ հմայված էր իր երկար մատների պարով: Սևուկը երեխայի պես թշերը փքել էր, շուրթերը անձայն արտաբերում էին տպվելիք բառերը, և Ալիսը միառժամանակ նրա շուրթերին նայելով՝ կասկածեց, թե դա կարող է իրեն ծանոթ պատմվածքը լինի: «Չի՛ կարող պատահել» — իր կասկածամտությունից վախեցավ Ալիսը: «Ամոթ քեզ» — ինքն իրեն նախատելով կասկածը փարատել ուզեց Ալիսը: Բայց տեղը նստել չկարողացավ: Ելավ, թեյնիկը դրեց, գնաց թարմ ջուր բերելու, որ երեկվանը փոխի, միջանցքում չպատահեց մեկին, սրի հետ խոսել լիներ, շուտ դարձավ, թեյնիկը վերցրեց, ջուրը ո՞ր թափի՞ լցրեց պարապ ծաղկամանի մեջ: Թարմ ջրով թեյնիկը դրեց կրակին, քիչ էր մնում անելիքը շիմանար՝ աչքը ընկավ պատի օրացույցին: Որոշեց գտնի տարվա քսաներկուերորդ հինգշաբթին, դաավ՝ մայիսի 28-ը: Հեռախոսով զանգեց մի տեղ՝ չպատասխանեցին, մյուս համարով խոսեց՝ չէր կենտրոնանում...

Ալիսը Սևուկից ընդամենը վեց տարով էր մեծ, բայց ինքը նոր հասկացավ, որ դա ուրիշ սերունդ է՝ ճամփան կարճող սերունդ: Ալիսը իրեն նախապաշարված կին չէր համարում, բայց մինչ բանը պատմվածք մեքենագրելուն կհասնեն, իրենք երեք ամիս սուրճ էին խմում համարյա քույր ու եղբոր պես: Չորրորդ ամիսն էր գնում՝ դեռ ոչ մի բան չկար, թեև նահանջելու տեղ էլ կարծես չունեին: Երբ տղամարդը

կողքով անցնում էր, հա՛ մղվում էր, որ ձեռքը բռնի, գրուցելիս՝ խոսքը ձգում էր, որ շուտ շնորհանա, ինչ տրամադրություն էլ ունենար, նրա հայացքը բռնելիս՝ ժպտում էր, որ կասկած չունենա... Ալիսի համար նա ոչ առաջինն էր, ոչ էլ, երևի, վերջինը լիներ, ինքը տղամարդու միակը չէր հաստատ, բայց Ալիսի ուզածը քչից-շատից կայուն մի կապվածություն էր, որ կարծես թե կար:

Այստեղ Սևուկը եկավ:

Նա նոր դեմք չէր շնորհում, հարկն էր պարզապես փոխել, և տղամարդիկ առանձնապես իրար շանցան: Նաև իրենց սիրո լավ շրջանն էր, և Ալիսը այնքան էլ շանհանգրստացավ: Համենայն դեպս, ուզում էր, որ Սևուկը մի կապվածություն ունենա: Երեխան, այո, կար, բայց Սևուկը դեռ այն տարիքում չէր, որ միայն մայրությունով գոհանար կամ լիարժեք մայրություն զգար: Նա ինքը դեռ երեխա էր և իր երեխան, երևի թե, այն խաղընկերն էր, որ խոտվում է, երբ ուրիշ խաղընկեր ես գտնում և խելույն ներում է՝ հենց վերադարձար:

Սևուկը, ուրեմն, խանդի առարկա այն տեսակն էր, որին շուտ են սիրում, որին շուտ են ներում:

...Պատմվածքը ձեռագիր էր, բայց կասկածք, թե դա իր քանիցս մեքենագրածն է, Ալիսին հանգիստ չէր տալիս: Հեղինակը գոհ չէր գրածից և մի քանի անգամ մեքենագրել ավելց: Ահա տարին լրանում է, ու պատմվածքը էլի ձեռագիր է: Ուրեմն վրան էլի աշխատել է: Ուրեմն, մեքենագրածից արտագրել է: Փաստորեն նորից է գրել: Փաստորեն դա ուրիշ պատմվածք է: Եվ հետաքրքիրն ինչ է՝ մեքենագրողն էլ ուրիշ է:

Աղջիկներից ամեն մեկը քիչումիշ մեքենագրել գիտեր, բայց Ալիսը այդ ձեռագրին վարժվել էր: Գրամեքենան իրենցը չէր, երբ փոքր-մոքր բան էր լինում մեքենագրելու, խքնդրում-բերում էին և մեքենագրողը Ալիսն էր լինում: Այդ մեքենան սենյակից սենյակ շրջում էր: Այդ շնորհում երկուսից մեկը ինչ-որ բան գրում էր, որովհետև հիմնարկի ղեկավարը գրում էր: Հազիվ թե ղեկավարին դուր գալու համար գրելիս լինեին: Հազիվ թե ղեկավարն ուզենար շնորհում մրցակից ունենալ, բայց ստացվում էր, որ աշխատանքի քնդոնում

էր նրանց, ովքեր երեխա ժամանակ գրական խմբակ են գնացել: (Որպես աշխատող նրանք ինչ էլ լինեին, գոնե պատրաստի ընթերցող էին): Եվ նախապատվութունը տրվում էր գրասեր, մարդաթող կանանց: Ճիշտն ասած սա տղամարդու աշխատելու տեղ էլ չէր, բայց շրջապատ էր, բարեկամութուն էր, վերադասի գանգ էր — տղամարդիկ էլ կային:

Պատմվածքի հեղինակը այդ սակալ տղամարդկանցից էր: Վարչության աստիճանակարգում նա չորրորդ աստիճանի ծառայող էր, երկար միջանցքի վերջին կետմանի վրա չորս սենյակ գրադեցնող ենթաբաժնում մի փոքր իշխանավոր էր, որին սակայն քարտուղարուհի չէր հասնում, ու ինքն էլ շատ գրելու դատապարտված չէր, իսկ տարին մեկ գրած մի քանի էջը աղջիկները կմեքենագրեին ընկերաբար թեկուզ տասն անգամ:

Երեկ ահա ներս մտավ ու ասաց.

— Աղջիկներ, ո՞վ կմեքենագրի, չորս էջ բան է:

Նայեց երկուսին էլ, բայց ուզում էր, որ Սևուկը անի: Երևի տղամարդու հայացքը Ալիսի վրա պաղեց, երևի Սևուկի վրա շերմացավ, և երկուսն էլ զգացին ով պիտի անի: Տղամարդը չէր ուզենա, որ այդքան զգացվի, դրա համար էլ ասաց՝ ծխախոտը բերանում ու աչքերը, իբր, ծխից կկոցած: Եվ թղթերը անփույթ ընդհանուր սեղանին դրեց: Այսինքն, սեղանը Ալիսինն էր, բայց դուռը ամենամտառ լինելով՝ սենյակին հասցնազրվածը, ընդհանուրին հասանելիքը դրվում էր այդ սեղանին: Ուրեմն, դա նախ Ալիսի սեղանն էր և ինքը կարող էր խնդիրքը իրեն ուղղված համարել:

— Երկուսով կանենք,— ելքը գտավ Սևուկը:

— Տողումեջ կանենք,— խայթեց Ալիսը:

— Ոճս անհավասար չի՞ լինի,— կատակով դուրս պրծնել ուղնց տղամարդը:

Այս ոգով մի քանի խոսք էլ փոխանակեցին, որը գնալով միշտ է անհամանում:

Դա երեկ կեսօրից հետո էր: Ալիսը գործատեղից շուտ ելավ: Մտավ խանութ, մտավ կինո, ընկերուհուն զանգեց՝ հանդիպեցին, տանը հեռուստացույց նայեց, եզրոր ու հոր տարատները արդուկեց, ուշ անկողին մտավ, որ շուտ բուն

մտնի, ու բունը շտարավ: Առավոտը եկավ գործի՝ Սևուկը մի էջ մեքենադրել էր:

— Գու ձեռագիր կարդալուց ո՞նց ես:

«Լավ, էլի» — մտրում աղաչեց Ալիսը, բայց խոստացավ, որ կեսօրից հետո կթելադրի: Հույս ուներ, որ ուրիշ պատմելիք չկար: Հույս ուներ, որ Սևուկը մի կերպ գլուխ կհանի:

Գնաց սենյակներով շրջեց, տեղակալի աշքին երևաց՝ հանձնարարություն ստացավ, կեսօրից հետո էլ դրադմուներ ունեցավ: Թղթեր էր ջոկելում, մասյաններ էր ստուգում, գրություններ էր ծրարում... Զբաղմունքը կհերիքեր նաև վաղվան, բայց համբերությունը հատավ: «Համոզվիր՝ պրծնի» — ասաց ինքն իրեն ու տեղից ելավ:

Սևուկը շարձարվում էր ձեռագրի վրա:

— Արդեն կարդում եմ, գործդ արա:

Նրեխայի պես էլ անմեղ նեղացել էր:

— Գործից ձանձրացել եմ, տուր կարգամ,— պնդեց Ալիսը:

— Կանեմ, կանեմ,— ժպտաց ու ներեց Սևուկը:

Ալիսը նստեց թելադրելու, և դա այն նույն պատմվածքն էր: Մնում էր վեր կենա ու գնա, բայց մնաց նստած: Հիվանդագին մի հետաքրքրասիրություն բռնեց նրան. ի՞նչ է փոխել, ինչքանո՞վ է փոխել: Կարծես իրենք դա երկուսով էին գրել, և նա իրեն շհարցնելով՝ բաներ է փոխել, որ չի կարելի, կարծես իրենից ստացած նամակը տվել են կարգալու նրան, ում հատկապես շէր կարելի:

Եվ որ Սևուկը այդպես դանդաղ էր մեքենադրում, կարծես դանդաղ, ցավացնելով անտղում էր Ալիսի Հոգին... Գոնե շուտ վերջացնեն: Գոնե շուտ վերջանա: Եվ Ալիսը թելադրեց: Բան էր փոխված՝ տխուր էր, փոխված չէր՝ տըխուր էր:

ԲՈՒՔԸ, ԵՐԳԸ, ԵՐԵՒԱՆ

Երեխան արդեն հասնում էր դպրոցին: Վազքից արդեն անցել էր քելքի: Վախենում էր դուխը վեր առնի՝ դպրոցը տեսնի սպասածից հեռու: Նաև թիփին աչքերին էր խփում, և երեխան գնում էր՝ փալաս կեպին աչքերին քաշած:

Դպրոցին, փաստորեն, հասել էր, մնում էր հասնի շեմին: Չորս պատերի ապահովության հեռանկարից արդեն տաքանում էր: Կամ լավ թմբել էր: Այդպես դուխը կախ գնալու դեմ էր առնելու դռանը և իրեն հաճելի անակնկալ էր մատուցելու:

Երեխան այնքան էր ինքն իրեն ապավինել, այնքան էր մտել ինքն իր մեջ, որ մրմուռացող ոտքերը այլևս իրենը չէին: Նա արդեն ոտքերին օգնել չէր կարող և ճիշտը դրանց գոյությունը ուրանալն էր: Եթև ոտքերը իրենը չեն, ուրեմն ցավն էլ իրենը չի, խորամանկում էր երեխան:

Ձեռքից եկածը արել էր. գուլպայի ծակ թաթը ձգել, ոտքի տակ էր դրել, ոտքին մեծ, պոռթած կոշիկների ներսը դարձան ու քուրջ էր խցկել, ձեռքն ընկածով կապոտել էր, բայց կարծես բան արած չլիներ: Սառած, անզգալի, սրտեղի վրա քաշած կոշիկի նման, ուրիշի ոտքին եղածի նման անհաղորդակից կային և տարօրինակ էլ էր, որ հետը դալիս էին: Այսինքն, առաջն ընկած գնում էին:

Երեխան հասավ դռանը ու դուռը չբացած՝ ներսում էր... Գուռը դեմ ընկավ, ու երեխան ցրտից ոտքից գլուխ դադվեց: Ուրեմն, դեռ ներսում չէր:

— Հարուժ քեռի,— կանչեց,— սառա, Հարուժ քեռի:

Երեխային թվաց հեռվից, դանդաղ, միջանցքով գալիս են: Գալիս-չեն հասնում: Դռան դեմ անակնկալի եկած երեխան անպաշտպան էր: Այդքան շղգալու տված ցուրտը, այդքան իրենից վանած, արհամարհված ու չարացած ցուրտը մեկին, վրիժառու խփել էր երեխային: Կամբը հաշվարկված

էր որոշակի տարածութեան, որոշակի ժամանակի համար և հիմա իր գործը արեւը վերացել էր: Սառնամանիքի դեմ նոր խաղ սկսել չէր լինի, և կամազուրկ մարմինը ցրտի բերանը տված՝ երեխան տղամարդավարի մղկատում էր: Ու ամեն պահ ներսում հայտնվելու հույս ուներ:

Գռան փեղկը հույսով ետ գնաց ու դիսկոցով դեմ առավ նիղին:

— Էսքան շուտ ո՞ւր ես եկել, այ լակոտ:

Հանգը այնպես չէր, թե՛ այ որդի, բա դու մեղք չե՞ս, բա դու քուն ու դադար չունե՞ս... Չայնը քնահարամ եղած հարբածի շարութեանն ուներ, բայց երեխան շարութեանը բիծու փնթփնթոց հասկացավ:

Լավ մարդուն նեղութեան տալու համար երեխան մեղավորութեանն զգաց և արդեն որպէս ներս մտած՝ բացատրեց, արդարացավ.

— Հարութ քեռի,— ասաց,— վազելով եմ եկել՝ շուտ հասա:

— Իմ գործը չի, Ավազը կարգադրել է շնորհեմ:

Երեխան կարծեց լավ շարդարացավ:

— Ավազը չի իմանա, Հարութ քեռի, կմտնեմ նստարանի տակ:

— Գնա ձեր թախտի տակ մտի,— ասաց:

Երեխան կարծեց հոգու հետ խաղ են անում: Կարծեց հետագա վայելքն են ձգելով քաղցրացնում:

— Ավազը իմ մոր քեռու տղեն է, Հարութ քեռի, բաց արա:

— Գնա, գնա,— ասաց,— մի անգամ էլ ետ վազի արի՛ ժամը կգա:

Երեխան առաջին պահ չհավատաց, բայց հեռացող ոտնաձայնը իրոք հեռանում էր: Երեխայի խելքը մտավ, որ, ուրեմն, ճիշտը տուն գնալ— դառնալն է, եթե դուռը չեն բացում, ուրեմն ճիշտը դա է, ու իր լավն են ուզում: Բայց բուրբ, մութը, բքից սակված, տեղները շմատնող շները... Երեխան գպրոցի մատուցներում ձեռքի փայտը վախի հետ շարտել էր՝ ո՞նց գտներ: Հետո, ախր, ո՞նց կարող էր տուն գնալ-դառնալը սվելի հարմար լինել: Իսկ եթե հարմար չէ, դուռն ինչո՞ւ չբացեցին... Երեխայի միտքն էլ էր ստոչում: Իսկ

ոտքերը ինքնաբերաբար դոփոգովում էին: Երեխան արդեն պարում էր: Բայց ուսը դցած շորի պայուսակը ընդմեջում էր և գրպանիկի թանաքամանը կարող էր շուռ գալ: Երեխան ձախ ձեռքը հանեց թևատակից, շորի վրայից բռնեց թանաքամանը, բուծ, սառչող ժատով խցեց բերանը: Հիմա կարող էր ապահով թռչկոտել:

Ձախ ձեռքն էլ ոտքերի հետ սառչում էր: Ականջներին երեխան կամքի գերագույն լարումով ձեռք չէր տալիս. տրորեր՝ մղկտոցը սաստկանալու էր: Միտքը ցրտից, ցավից շեղել էր պետք: Մի բան անել պետք էր: Հիշեց, որ գրպանում հացի կտոր կա, աջ ձեռքն էլ թևատակից հանեց, կոխեց գրպանը՝ լիքը ձյուն էր, ձյան տակ հացը քարացել էր: Եվ երեխան սկսեց երգել.

Այսբան ուրախ կյանքը մեր բնկեր էսինչն է ավել,

Այսբան ուրախ կյանքը մեր բնկեր էսինչն է ավել...

— Սովից ցնդել ե՞ս, այ լակոտ:

Երեխան քարացավ: Ամոթից մի երկվայրկյան նույնիսկ տաքացավ: Իր երգելը երգեցողության դասատուն անգամ լսած չկար, իսկ սա Ավագն էր: Երեխան կուշ հկավ ու սպասում էր, որ վզակոթին տան: Միաժամանակ սպասում էր դուռը բացվելուն: Լարումից երեխան մի քիչ էլ տաքացավ:

ԶԵՌՔԴ ԵՏ ՏԱՐ ՅԱՎԻ ՎՐԱՅԻՅ

Տաքսին երեք հոգի էր տանում: Վարորդը առաջարկել էր, մենք էլ արագ համաձայնել էինք երկուսական ոտքի ավելի տալով՝ թեթև ճանապարհ ընկել: Ինձ հետ տարիքով մի կին էր հտեը նստած և այդ վազ ճաղատացած, կարճիկ տղամարդն էր, վարորդի կողքին: Երևանից այնպիսի թափ էինք առել, որ բացառվում էր միանգամից զրույց սկսելը: Կարծես սպասում էինք շունչներս տեղը գալ: Արագությունը

կլանել էր ոչ միայն վարորդին, այլև ուղևորներին: Աշտարակն անցանք՝ դարձյալ լուռ էինք: Ապարան շհասած... ճաղատս խայթվածի նման շուռ եկավ ու պայթեց՝ «Բա սա օրենք է՞», և չոնց մինչև Կիրովական:

Նոսրն այն մասին էր, որ իր ներկայացրած փաստաթղթերում սխալ են գտել և իրեն զրկել են ինքնագործ խմբի հետ Բեռլին զնալուց, շնայած ինքն արդեն տասը տարի խմբի առաջին դհուլին է: Ուրեմն, որ ինքը ժամանակին զլիսի չի ընկել կեղծ փաստաթուղթ հանի, հիմա պիտի տուժի՞: Բա տասը տարի՞ն... Բա հիմա որ մինիստրի տեղակալը Ալավերդի է գալիս հուշարձանի բացմանը, չբռնի՞ ասի՞ ով Գերմանիա է գնում, թող նա էլ դհուլ խփի:

Այս վրիժառու միտքը նրան հանգիստ չէր տալիս, բայց զգացվում էր, որ չի անի: Այդ սրտի տեղը չէր: Ասում էր՝ բռունցքը բաժնի վարիչի սեղանին է խփել, բայց տարբերակներով վերապատմելուց հասկացվում էր, որ չի արել, ներս է գցել ու հիմա մեր քթից է բերում:

Տարեց կինը կարեկցանքի շեշտով նրան հարցեր էր տալիս և պարզվեց, որ տղան իմ հայրենակիցն է:

— Ի՞նչ մարդ են նոյեմբերյանցիք,— հարցրեց կինը:

— Թո՛ւ, մարդ չեն,— ասաց և Ապարանից նոյեմբերյան հողին հավասարեցրեց նոյեմբերյանցիներին: Եվ իր ծննդավայրի մասին այդքան թշնամանքով խոսող մեկին ես չեմ տեսել: Նա տասը տարի առաջ էր տուն դրել Ալավերդիում և տեղացիներից փոխ էր առել ալավերդցիների՝ այդ կնոջ ու իր ասելով՝ ատելութունը հանդեպ նոյեմբերյանցիները: Ինչ կա որ, հարևանները իրար արևով չեն երզվում. սրա անասունը նրա հողն է մտնում, սրա շունը նրա հավն է գզում, մեկը մյուսի աչքադրած գործին է տեր կանգնում, մեկը սունը շինում է այնտեղ, որտեղ մյուսին թվում էր ինքն էր շինելու... Ուրիշ պատճառ որ չլինի, երեկվա գյուղացի ալավերդցիին իրեն քաղաքաբնակ է համարում, նոյեմբերյանցուն՝ գյուղացի, այդ էլ որ չլինի՝ մի քանի նոյեմբերյանցի Ալավերդու շուկայում դեղձ են ծախում... Հարևանին չսիրելու առիթ միշտ կա: Բայց ի՞նչն էր այդպես դադել այդ մարդուն: (Ես զգում էի, որ նրա ոտքը պինդ են կոխել, կամ ակամա են տրսրել, իսկ ոտքը բարակ է եղել ու հոգին՝ փոքր: Ըստ

երևույթին նրանց ցեղից էր, ովքեր ոռնում են դեռ ցավ շտված և ռիւր կտակում են որդիներին): Պարզվեց, որ նոյեմբերյանում ապրող հոր տան ատաղձագործական հաստոցի հոսանքը անշատել են: Կարգ չի, որ տանը հաստոց լինի և անշատել են:

Մեզ ուղեկից կինը տասը տարի աշխատել էր նոյեմբերյանում, և նա էլ վստահ էր, որ նոյեմբերյանցիք մարդ չեն: Նա բժշկուհի էր կամ բուժակուհի: Ես հպանցիկ նայեցի նրան ու համոզված մտածեցի, որ նա երիտասարդ տարիներին վատ չի զգացել նոյեմբերյանում, պարզապես երիտասարդութունն անցնում է՝ փողը մնում, և հիմա, որ ամեն ծառայության համար ինչ-որ կերպ վարձահատույց են լինում նրա բնագավառում, հիմա, այսօրվա շահերի տեսակետից այն տարիներին նայելիս (սերը անցնում է, փողը՝ մնում) այդ տասը տարին իսկապես կորած է նրա համար:

— Մենակ՝ նասիրյանը, — ասաց կինը:

— Հա՛, նասիրյանը:

Այդ կինը այսօր Երևանից տաքսիով գնում էր Կիրովական հատկապես մի խանութ մտնելու ու ետ դառնալու:

Չէ, ես Երևանից Կիրովական պիտի ավտոբուսով գնացած լինեի:

...Մեղրու ճանապարհին ես ճանապարհի ընկեր ունեի տարիքն առած մի գործընկերոջ, և նա ամբողջ ճանապարհին հաշտվել չկարողացավ այն բանի հետ, որ ուղևորներից մի քանիսը հինգ ժամվա ճանապարհը գնալու են ոտքի վրա: Նա ստեպ-ստեպ շուռ էր գալիս նրանց կողմն ու ասում՝ «բա էսենց բան կլինի՞», նրա մտահոգությունը ոչ ոք չէր կիսում: Նստածներից մեծ մասը այդպես ոտքի վրա գնացած պիտի լիներ: Նոյեմբերյանցուս համար էլ արտառոց մի բան չէր հինգ-վեց ժամ ոտքի վրա ճանապարհ գնալը: Միայն պատերազմ ու բանտ տեսած այդ մարդը չէր հանդարտվում:

— Բա էսենց բան կլինի՞:

Արցախեցու նրա առողանությունը ավելի սրտառու էր դարձնում նրա խոսքը:

Նա զարբարացի էր, ես՝ լռեցի, երկուսով նախիջևանը կտրում էինք՝ Մեղրիում Երևանը ներկայացնելու: Երկուսս էլ այդ ճանապարհը անցնում էինք առաջին անգամ, և ինձ

Բվաց նրա վրդովմունքը վերաբերում էր նախ՝ ավտորուսից դուրս եղածին: Համենայն դեպս, այդ նախադասութիւնը ձև էր տալիս նորանցյալ ժամանակներում թափառող իմ մրտաբերին: Նա՝ յոթանասունն անց, ես՝ քառասունին մոտ, այդ օրը ծանոթացած՝ շէինք խոսում, բայց մեր մտածմունքի առարկան նույն Արաքսի հովիտն էր: Միայն երկրորդական հարցերում էինք տարամիտ. վերջում ճանապարհը նրան կրկար էր Բվացել, իսկ ես շէի զգացել ժամանակն ինչպես անցավ: Ինձ ոչինչ չէին ասել այն գյուղերի անունները, որոնց միջով խճուղին անցել էր: Պատմութիւնը չգիտի այդ գյուղերի անունները: Նման է այն բանին, որ ձեռքդ ես առել մի մասունք մատչան, որի գրերը անշնորհքորեն քերել, նոր գիր են գրել: Եվ կազմն են փոխել: Եվ վերնագիրն է անհեթեթ:

Նույն Արաքսի հովիտն էր՝ նույնի ավազուտներով ու շիկահողով, ծիրանի ու խաղողի այգիներով, միայն արտերն էին շատ, մեկ էլ՝ հայացքի ապավեն Արարատը չկար:

Կանգառը հարկադիր էր: Ավտորուսի վարորդը հինգ ժամ տևելիք ճանապարհի վրա, երևում էր, կանգառ տալու մտադրութիւն չուներ, նրան այն էլ էր շատ թվում, որ անցագիր ստուգելու համար մի տեղ կանգնեցրել էին, մի տեղ էլ պիտի կանգնեցնեին: Բայց շարժիչի միալար-հուսալի հորնգյունը սկսեց գլխալ, և դադար առանք:

Ճանապարհի ձախին քարակոփ բլուր էր սարքած և քարերի արանքներից ու շաղափած անցքերից ջուր էր ցայտում: Լցնովի հողին առատ խոտ էր աճել: Բլուրը օազիս էր կիսաանապատի մեջ, և ջուրը գոլ ու անհամ էր: Ուղեցի հասկանալ, մի քանի անգամ փորձեցի ու չհասկացա՝ ջուրը վայրց ձորի լեռներից եկող ջուր է, որ դաշտում անհամացել է, թե՞ ընդերքից է հանված... Մեքենան չէր շարժվում: Ինձ ձանձրացրեց համը տեղը բերելու իմ համառութիւնը: Անցա ճանապարհի աջ կողմը, բարձրացա այն բլրակի մնացորդի վրա, որ խճուղու տակ էր մնացել և հորդահոս մի խողովակ ու տակը նով տեսա: Գեպի հարավ, չերևացող Արաքսի կողմ արտեր ու այգիներ էին փոված և հորիզոնը փակում էր ցածր մի բլրաշար: Ըստ երևույթին, դա Արաքսից այն կողմ էր ընկնում... Եվ այստեղ էր որ տեսա Փոքր Մասիսը Մեծի ֆոնի վրա:

Ես կոսցա նովի վրա, ջուր շփեցի երեսիս և ինքս ինձ
ասի՝ «Քեզ այսքանն է հասնում Շարուրի դաշտից»:

Զնայած Արարատը չէր երևում, մնացյալ ճանապարհին
իմ հայացքը դեռ Արարատի կողմն էր: Բայց հայացքս ոչ մի
բանի վրա կանգ չէր առնում, և այդ ամայությունը ավելի
սրտամաշ էր, քան Արարատի գերյալ պատկերին նայելը:
Պարապության մեջ նայելուց կսկծացող աչքերս հա՛ ձախ
էին դառնում՝ հանդստանալու վայոց ձորի, ապա Զանգե-
զուրի լեռնաշղթայի վրա... Բայց հեռվում ձգվող լեռնաշղ-
թաների վրա շաղվող հայացքիս դեմ հածում էր Զորավարի
առաջնորդած գաղթականության խմբակային ուրվականը...

Այն, ինչ բազմաշարշար այդ քարավանը քաշել էր Արար-
սից այն կողմ, դեռ ողջ տառապանքը չէր: Արևմտյանից
գրկված այդ ժողովուրդը դեռ պիտի Արևելյան Հայաստանը
կտրեր լայնքով ու երկայնքով՝ Ղարս—Ալեքսանդրապոլ—Զա-
լալօղլի—Գսեղ—Դիլիջան—Մարտունի—Վայոց ձոր—Նախի-
ջևան—Զուլֆա—Խոյ—Էտ՝ Զուլֆա—Նախիջևան—Զանգե-
զուր—Դարալագյազ—Երևան:

Ի՛նչ հեղինակության տեր պիտի լիներ մարդը, որ կարո-
ղանար հետապնդող թշնամու վերահաս զնդակի տակ սով-
յալ ժողովրդին տանել այդ տանջանքի ազնկով, որի վրա
են ընկնում Հայաստանի բոլոր լեռնանցքները, և ճակատ
տար այս անգամ Խոյի կողմից ներխուժող թուրքին, ապա
ևս մի ծանր նահանջով գորքն ու բաղմապատկված ժողո-
վրդին անցկացնել Զանգեզուրի լեռնաշղթան և Զանգեզուրը
պահեր մեզ համար: Եվ ի՛նչ ապարախտ պիտի լինի զորա-
վարը, որ այդքան կաշկանդված լինի իրեն ապավինած ժո-
ղովրդի ապահովության հոգսով ու չկարողանա իրեն վայել
թափով շուռ գա, իր ծանր ձեռքը բարձրացնի ասելի թշնա-
մու վրա... Թուրք ավարառուի ամեն անգամ բերող բախտից
էր, որ տասնութ թվականի մայիսից հետո զորավարի ձեռ-
քերը կապված էին գաղթականության բախտով:

1985 թվականի հունիսի վերջերին ես թերթիլու եմ այդ
օրերի տարեգրությունը և մի դուզագրիպություն ապշեցնելու
է ինձ. այն օրերին, երբ ես Նախիջևանի դաշտում, ապա և
Մեղրու հյուրանոցի իմ սենյակում մտածելիս եմ եղել երկու
մեծ հայերի մասին, 67 տարի առաջ այդ մի քանի օրը Ան-

դրանիկը Գսեղում եղել է թումանյանի հյուրը: Եվս մի զուգադիպություն. ինձ այդ խորհրդածություններին մղած օրը, որ դուրս եմ եկել Երևանից, մայիսի 22-ն է եղել: 67 տարի առաջ այդ օրը հայկական 5-րդ հրաձգային գունդը և գնդին աջակցող աշխարհագրոր գունդը թշնամուն ջախջախում են Ղամշլու գյուղի մոտ և օրվա վերջին գրավում Սարդարապատ գյուղը: Գա մեծ ճակատամարտը շահելու առաջին բայն էր:

...Իսկ Ղարաբաղի սան բաց էր թշնամու առաջ: Բայց Սարդարապատը գրավելուց երկու օր հետո հայերը այնուամենայնիվ ճակատամարտ են տալիս, որ տևում է երեք օր: Այդ ճակատամարտում հայերը փաստորեն գիտակցված նահատակության գնացին, որովհետև Ղարաբաղի սանայի բախտը վճռված էր այն բանից հետո, երբ պաշտպանության կարևորագույն բնագիծը՝ Ջաջուրը, հանձնվել էր առանց մարտի:

...Երբ կոռվա սարերից իջել, Կիրովականով դուրս էի գալիս դեպի Երևան, հիշեցի, որ չորս օր առաջ Կիրովական մտնելիս մոռացել էի այդ օրերին իմ մտքերին իշխող պատմությունը: Խանգարեցին հիշել: Եվ խանգարողը դճուղին էր, որի նմանները միշտ են ջլատել մեր միտքն ու վիժեցրել են մեր միաբանությունը:

Իսկ Մեղրու ճանապարհի իմ ծերուկ ընկերն ու ես մի բանում էինք տարակարծիք. վերջում պարզվեց՝ ճանապարհը նրան երկար էր թվացել (այդ էլ երևի իր հոգնած ոսկորներից էր, կամ՝ կցկտուր էր եղել նրա ծերունական միտքը— ժամանակն էլ է դժվար անցնում խորզուբորզություններով), իսկ ես չիմացա ժամանակն ինչպես անցավ:

Եվ ժամանակը չզգալով հանդերձ, հակառակ ֆիզիկայի օրենքի, ինձ մեծ էր թվացել Հայաստանը:

Երևի դա Հայաստանից էր:

Մեծ արագությունների երկիր չէ Հայաստանը: Արագությունը փոքրացնում է երկիրը: Հանդարտ ընթացքի դեպքում Հայաստանը մեծ հայրենիք է: Հայաստանը ինքը հանդարտ ընթացք է թելադրում: Որքան զեռնի երեսը, տասն այգբան զեռնի տակ է Հայաստանը, և տողերս գրելու հուլիսի այս օրերին հնազետ ընկերոջս հետ Արարատյան դաշտի դռերում երեք հազար տարվա դամբարան պեղելիս ժամանակը ինձ

պատկերանում է ուղղահայաց ընթացքով: Ինձ համար մարդկության քաղաքակրթությունը ծլում է երկրի ընդերքից և ճառագում տիեզերք... Գուցեև սպառվելու միտումով:

Հայաստանը իր խորություններ է երկիր: Հայաստանը մանրամասն սիրելու հայրենիք է և այդպես մանրամասն սիրելու դեպքում մեկ չէ՝ տասը կյանք էլ չես սպառի: Միայն թե շտապելու հարկ չկա: Առավել ևս համեմատելու կարիք չկա: Քարտեզը երկրի ու հայրենիքի մասին գաղափար չի տալիս, մասշտաբայնությունը հանգստություն չի բերում բնակչի հոգուն, որովհետև մեծը դեռ մեծարժեք չէ, նաև մեծից մեծը միշտ կա:

Երևանից հինգ ժամ ճանապարհ անցնելով՝ ևս Մեղրին տեսա իբրև նոր Հայաստան: Քարտեզի պատկերը, անշուշտ, իմ մեջ կար, բայց եթե այնպես է ստացվել, որ Հայաստանի հարավային սահմանը աղեղ է տվել և դու գնում ես աղեղի լարով ու ճանապարհին հանդիպած անունները քեզ ոչինչ չեն ասում, ուրեմն աղեղի մյուս ծայրին Մեղրին պիտի գրտնես իբրև նոր Հայաստան: Այո, քարտեզի պատկերը իմ մըտքում կար, բայց Մեղրին գտնվեց հրաշքի նման... Հայաստանը հյուսիս-արևմուտքից հարավ-արևելք ձգված, մի կենտոստոտ ոտքը Արևելքի սրտում և ոտքը Արաքսով, այստե՛ղ, հա՛տված... Վերջին հատումն է: Բայց կարող էր վերջինը չլինել և Մեղրու գոյությունը հրաշքի է նման:

Առավոտ վաղ հյուրանոցի պատշգամբ դուրս գալով, ևս նայում էի ուս-ուսի կանգնած պղնձագույն լեռներին և շաղված հայացքով ու քնատ ուղեղով չէի ըմբռնում, որ իրար ձուլված այդ լեռների մեջ կիրճ կա և այդ կիրճով անցնում է Արաքսը՝ սահման, և թե ահա այն ապառաժոտ լանջը Հայաստան է, մյուսը՝ Պարսկաստան... Նույն լեռնաստանն է, նույն քարն ու թուփը, նույն սողուններն ու զեռուններն են արևկող անում նույն արևի տակ, և միայն մարդի՞կ են տարբեր, թե՞ ջոկված: Ես ինչքա՞ն պիտի ապրեմ այստեղ, որպեսզի քնից արթնանալով՝ արդեն մեջս լինի մերն ու ոչ մերը:

Առավոտները մարդիկ երեխայի են նման: Առավոտը մարդուս մանկությունն է և իրականությունը չընդունելու վաղտորդյան այդ վայրկյանները մեզ դարձնում են Երեխաների Երկրի քաղաքացի:

Ես երկու օր գնում-գալիս էի Արաքսի ափով և պղտոր, ժանգի գույնի ջուրը իմ լսած, կարդացած, երգածս Արաքսի պատկերին շէր բռնում: Ամեն ժողովուրդ իր մայր գետն ունի, բայց հայը միակն է գուցե, որի համար մայր գետը մնում է գրքերում հոսող, երգերում շառաչող գետ: Այսպիսի էլ մայր գետ լինի, պղտոր ժամանակների միջով պղտոր հոսում է, անցնում է երկրիդ կողը քերելով և երևում է ասես ապակու միջից... Մեծ ակվարիումի հոսող ջուր է մայր Արաքսը:

Արաքսի ջրի գույնն ունեն Մեղրու լեռները: Եվ պղտոր ջրի ափին, ժանգոտ լեռների մեջ՝ առափի քարին նստած լողացող գեղեցկուհու է նման Մեղրի քաղաքը: Իրեն հասանելիք արդյունաբերական ազտն ու տենդը Ազարակին տված Մեղրին տեսնելով՝ ես առաջին անգամ հպարտություն զգացի հայ քաղաքաբնակի համար և առանց կասկածի որոշեցի, որ այդպիսի քաղաք է եղել Վանը:

Այդպիսի քաղաք կարող էր լինել Ալավերդին, բայց Ալավերդին իր քաղության Ազարակը չունի և քաղաքի ապառաժներն իսկ սեպցած են, նաև վարդերն են քիչ, և ծառն է սակավ, և գետն է ձկնազուրկ, մարդիկ էլ մեծ քաղաքի բնակիչի հովեր ունեն: Ալավերդին մեծ քաղաքները կապող ճանապարհի վրա է, իսկ մեծ ճանապարհի վրա ապրողները մեծ աշխարհի հետ լինելու պատրանք են ունենում:

Գնացքների պատահաններից շարտած աղբի մեջ քաղաքակրթության պերճ դեմքը, այնուամենայնիվ, կա, և մեծ աշխարհի հետ առաջին շփումը պերճ աղբի հետ է լինում՝ «Վինսթոնի» տուփ է, մանգոյի անոթ, «Կոկա»-ի շիշ, ծամոնի թուղթ, «ազիդասով» ինչ-որ ներքնաշոր...

Եվ այնուամենայնիվ ալավերդցիին ավելի շուտ է Սև ծով հասնում: Նա երկաթգծի մի ծայրին Երևանը, մյուսին՝ Քրիլիսին ունի, չհաշված Մոսկվան... Այս կողմերում մինչև դարակես քաղաք ասելով Քիֆլիս են հասկացել: Նաև Շուլավերի սև շոշկան կա... Ալավերդցին քնարության հնարավորություն ունի և այնքան էլ կապված չէ Երևանի հետ:

Ամեն անգամ կոռի գնալով ես զգում եմ, որ հիվանդանում եմ տեղական հայրենասիրությամբ և երեք օրից Երևանի ու Արարատյան դաշտի գոյությունը ինձ թվում է անիրական,

չնայած իմ տունն այդտեղ է ու իմ երեխաները ծնվել ու ապրում են այդ դաշտում: Բայց այս անգամ ինձ խիստ անհանգստացրեց Երևանի բնակիչ լոռեցու՝ Արարատյան դաշտը ուրանալը (Լույս դառնան մեր միաբանությունից զործի թագավոր ու ռամիկ նահատակները — նրանք այդ ինչպե՛ս էին մեզ ի մի բերելու...) Անհանգստությունս գուցե նրանից էր, որ տասը օրվա մեջ ես Հայաստանը երկայնքով կտրել-դարձել էի, գուցե նրանից, որ ոտքս Հայաստանից դուրս էի դրել... Վերջին հաշվով, ես տեսել էի Մեղրին:

Մեղրին, զգում ես, այնպե՛ս մայրաքաղաքի կարիք ունի: Մեղրին իր վարդով ու նոսով, իր կոկլիկ-կառուցիկ տեսքով իրեն անապահով է զգում իր ձկնառատ Արաքսի ափին, իսկ Ալավերդին, ահա, իր ծուխ ու մրի մեջ, իր անձուկ ձորում, ձկնազուրկ Գեբեղի ափին մայրաքաղաքի կարիք այնքան էլ չունի: Եվ անկեղծորեն էլ ալավերդցիք զարմանում են, որ Երևանի նման շոգ ու աղտոտ քաղաքում մարդը, մանավանդ՝ լոռեցին, կարող է ապրել: Եվ այդ քամահրանքից էլ անցնում, ակնարկում են Երևանի խանական անցյալը, Ալեքսանդրապոլը թուրքին անկոխվ հանձնելը... Ես հայրենակցի իրավունքով սաստեցի իմ հյուրընկալին. «Եթե աստված մեզ թշնամու ոտքը կտորոզ բնաշխարհ է ավել, դա մեր բախան է, ոչ թե գերազանցությունը»: Եվ պատմեցի Արաքսի հովտից ստացած իմ տպավորությունը:

Երբ հասանք Զուլֆայի մատույցները, այս դաշտը ինձ մի լայնածավալ գետ պատկերացավ, որի ահռելի լայնքը շեշտակի նեղանում ու այստեղից դուրս է հորդում Պարսկաստան: Իսկ ավելի ճիշտ՝ այս դաշտը սելավի հուն է եղել և գաղթը եղել է պարբերաբար կրկնվող սելավի նման. Մասիսի լանջերից, Մաղկունյաց լեռներից, Գեղամա լեռներից, Զանգեզուրի լեռներից գետերի հունով՝ ժողովուրդը բշվել, լցվել է հովիտը և դաշտն էլ սրբելով՝ հոսել Պարսկաստան: («Տղամարդկանց շատերին սրի քաշեցին, այլոց գերեվարեցին կանանցով ու մանուկներով և անցկացրին Երասխ գետից, Զուղայի հունով» — գրում է Ղևոնդը 687 թվականի մասին): Եվ չարաբախտորեն այնքա՛ն հարմար է այս դաշտը աեղահանություն համար: Եվ սրբված ու լայնարձակ դաշտը

այնպէս դալթականիչ է անասունի ու անասունի ետեից զնացողի համար՝ հակառակ ուղղութեամբ:

...Լույս դառնա ներսես Աշտարակեցին, որ այս դաշտը վերաստեղծեց հայերի երկիր:

Արաբսի ափով երկու օր զնալ-դալով, բնականաբար ես մտածում էի Դերեղի ափին անցկացրած իմ կյանքի մասին: 65 թվականին մեր ութերորդ դասարանը ինչ-որ ձևով նշեց Եղեռնի հիսնամյակը: Մենք արդեն ինչ-ինչ բաներ դիտեինք թուրքութեան մասին (դեռ 56 թվականի նեղոսի ճգնաժամի օրերին ինչ-ինչ աղբյուրներից առած լուրերով տարեկից լակոտները մեզ սպառնում էին օսմանցիների գալով), բայց ոչ մեկիս մտքով չէր անցնի և զպրոցն էլ ավարտեցինք՝ երկար ժամանակ շիմացանք, որ ընդամենը գետի այն ափով, երկաթգծով, որի վրա հավասարակշռութեանն երա պահելու վարժութիւններ էինք անում, — որ այդտեղով թուրքեր են անցել: Եվ որ Սադախլու կայարանի կառամատուցին — ողջ հովտում միակ ասֆալտապատ՝ ջահելութեան ճեմեղատեղին, թուրքի ոտ է դիպել: Պատմութեանը, փաստորեն, մեզ ամեն ինչի մասին տեղեկութեան էր տվել, բացի մեզ հետ սպատահածի ու մեր կողքին եղածի:

Այո, թուրքերը ոչ միայն Ալեքսանդրապոլ, այլև Լոսի մտան:

Եթե ոսոխը մտել էր Փամբակի ավազանը, Ղարաքիլիսայի բախտը վճռված էր: Թուրքը թարախ էր կապել Բաղուսի և Փամբակի լեռնաշղթաների միջև և պիտի բաց թողնվեր, ելք պիտի տրվեր նրա ընթացքին ամենակարճ ու անվնաս ճանապարհով: Եթե Լոռու ձորն ու Դիլիջանի ուղին փակվեր, անօրենը շուռ էր գալու Ապարանի վրա և Երևանի վիճակը աղետալի էր լինելու: Թուրքական զորքը շտապում էր Բաքու, բայց ռազմաերթով չէր անցնի Երևան — Սևան ճանապարհը: Ղարաքիլիսան հանձնելը Երևանի փրկութեանն էր: Բայց երկու-երեք օրը բավական եղավ, որպեսզի հասկացվեր, թե ասկյարութեանը այն զորքը չէ, որին կարելի լինի ռազմավարական նկատառումներով քաղաք հանձնել: Երկրամասի թուրքամետ ամբոխն էլ իր հերթին էր սանձաղերժվել և հայ զորքը Դիլիջանից դարձավ՝ վանդալների նրանց կամքը կոտրելու, Ապարանի ուղղութեամբ անարգել մաներ-

ները խափանելու, վերջապես՝ անարատու ամբոխի ախոր-
ժակը փակելու և ըստ էության հանձնակիչք քաղաքի տակ
մի այնպիսի ճակատամարտ տալու, որը թուրք ռազմագետ-
ները երկար են հիշելու:

Թշնամին թողնվում է Հայաստանի թիկունք: Նրա ճա-
նապարհը բաց էր մինչև Բաքվի մատույցները, բայց նվա-
ճողը անպատիժ արշավանքի չէր գնում, գնում էր ճակատի
երկրորդ բնագծի դեմ: Բաքվի կոմունայի հայկական զնդերը
սպասում էին քաղաքի մատույցներում:

...Եթե Ղարաքիլիսայի ճակատամարտը որոշված լիներ և
Անդրանիկի 4 հազարանոց ջոկատը հասներ Գսեղից, թուր-
քերի տասը հազարանոց զորքի դեմ հայերը կունենային 11
հազար զինվոր և հավանաբար թշնամուն ետ շարտեին Ղա-
րաքիլիսայից... ետ շարտեին դեպի ո՞ւր: Եղած ուժերով հա-
կառակորդ չէր ջախջախվի, իսկ Ալեքսանդրապոլում նստած
էր թուրքական 15-րդ կովկասյան դիվիզիան, Ախալքալակն
ու Ախալցխան, Բոլնիսն էլ հետը՝ գրավված էին, Քիֆլիսում
գերմանացին էր, լոռվա թիկունքը Ղազախի կողմից անա-
պահով էր, հարավից հարվածի տակ էր Զանգեզուրը, — թուր-
քերը Ղարաքիլիսայից ետ շարտեին դեպի ո՞ւր և բանի՞ օրով:
Եվ որտեղի՞ց էր մեզ համալրում գալու: Գլխավոր զորա-
խումբը գլխավոր խնդիր ուներ՝ պահել Երևանը, փակել Նա-
խիջևանի դուռը, Իգդիրի կողմը, Արագածի հարավային լան-
ջերի վրայով սպասվող հարձակումը, Ապարանը, Ախտան,
Սեանը և ճակատամարտ տալ Սարդարապատի տակ:

...Արդյո՞ք այդ օրերին հայ առաջին բանաստեղծն ու
առաջին զորավարը Գսեղում բանակած ջոկատը չէին դիտում
լոռվա երկրապահ զորք: Արդյո՞ք Ղարաքիլիսայից հետո
նրանք արդեն չէին մտածում Զանգեզուրի ու Նախիջևանի
մասին...

Լոռի գնալով, ես հատկապես Գսեղ մտնելու մտազրու-
թյուն չունեի: Գործս այլ տեղի վրա էր, ճամփորդելու առիթն
էր այլ, բայց Մեղրին տեսնելուց հետո կուզենայի տեսնել
Գսեղը: Ըղձական-անկամ ցանկությունս ցանկություն էլ
մնաց: Գսեղ մտնելիս ինքնին շտապվեց, և ես թողեցի դա
իրերի բերումին: Եվ իրերի բերումը ինձ սարերը տարավ...

Այն սարերը, որտեղով Զորավարի ջոկատն ու ջոկատին ապավինած ժողովուրդն էր անցել:

Երեք շաբաթ սարերում անձրև էր եկել և միայն տրակտորով էր հնարավոր գյուղից բարձրանալ: Ճկուն ԳՏ-54-ի կցանք բեռնված էր տախտակով ու շիֆերով, և մենք այդ բեռի վրա, հարթ գետնին նստածի նման ծնկներս կզակնե-րիս տակ քաշած՝ սար էինք բարձրանում: Նստածներից այդպես ճանապարհ գնալու հմտություն չունեցողը ես պիտի լինեի, բայց 50—60-ական թվականներին բեռնատարների թափերին անցկացրածս օրերի փորձը ինձ պահում էր հավասարակշռության մեջ: Ետպատերազմյան շրջանի ցեղերի գազան ԳՏ-ի հարազատ հոնդյունի ամեն ելեէջ հուշում էր ճանապարհի վիճակը և մկաններս հին վարժանքի հիշողությամբ կանխում էին կցանի ցնցումները: Յեխը ծածկում էր տրակտորի թրթուրները: Ատամնաբույժ բնկերս ինձ գրադեցնելու համար միալար պատմություններ էր անում, բայց ես կարող էի ականջիս պռչով լսել, որովհետև նա իմ կրթուսեր բնկերն էր, իսկ բուրոսովին շսեկ շէի կարող — հյուրընկալի նրա ջանադրությունը սրտաշարժ էր: Այդ մի քանի օրը բնկերս լռում էր միայն այն ժամանակ, երբ ես խոսում էի (իսկ ես քիչ էի խոսում) և մեկ էլ՝ երբ սեղանի վրա քնում էր: Այսպես, ուտել խմելով խոսում, խոսում ու մեկ էլ քնում էր աչքերը բաց: Եթե քունը խոսելու ժամանակ էր վրա տալիս, դառնում էր ռնգախոս, ապա լռում էր, շնչատությունը հանդարտվում էր, ու աչքերը պաղում էին: Խոսողին «հա», «հրմ» անելով արձագանքում էր, բայց քնած էր լինում: Այդ միջոցին ինձ գերբնական սարսուռ էր պատում: Անցնում էր 5—10 րոպե և նա քիչ-քիչ ուշքի էր գալիս:

Մենք վերելքը հաղթահարեցինք և մեր հայացքի դեմ բացվեց Գուգարաց լեռնաշխարհը: Եվ մի շաբաթվա մեջ ես երկրորդ անգամ տեսա, որ Հայաստանը վիթխարի երկիր է, որ՝ Արարատյան դաշտի ներփակության մեջ, տաքդեղի ու սամիթի ածուխ եզրին, այսքան սահմանին դեմ առած, Արարատը աչքիդ առաջ ցավ ունենալով՝ պայթում է սիրտդ նեղությունից և հայացքդ պատեպատ է զարկվում... քարտեզ գտնելու: Այնինչ քարտեզը սփոփանք չէ. թվում է՝ Մոսկվայից ինքնաթիռով Երևան գալիս վայրէջքի թափին Հա-

յաստանը նեղ է դալու, թվում է ինքնաթիռը գետնից կտրվելիս Հայաստանի սահմանից դուրս է ընկնելու...

Քանի մենք բարձրանում էինք, լեռնաշխարհը մեզ հետ բարձրանում էր: Արդեն այն սահմաններում էինք, որտեղ օդը ծփում է, ցնծում է մարդու թոքը և սիրտը խայտում է լեռնային գետակի ձկան նման:

Հյուսիսի վրա Վիրահայոց լեռներն էին, հյուսիս-արևմուտք՝ Ջավախքի լեռնաշղթան ու դրա թիկունքին երևացողը, թերևս, Ջավախքի բարձրավանդակն էր, Բազումի լեռները մնում էին հարավ-արևելք... Եվ այնպե՛ս անտազնապ էր մարդու հայացքը սահմաններ չընդունող բարձունքների վրա:

Հյուսիս-արևելյան կողմը Գուգարաց լեռնաշղթայի մի բազուկ կտրում էր հորիզոնը: Գրանից անդին Քոսի հովիտն էր և տեսողության սահմանից դուրս էր կովկասի շղթան: Այդ լեռնաբազկի վրա մի տեղ պետք է որ պապիս ուրթատեղը լինի: Այսօրվա կողմից ես չեմ բարձրացել այս սարերը և չէի կողմնորոշվում, բայց երկու-երեք տարի ապրել եմ սարերում ամառ թե ձմեռ: Այն օրերին ես պիտի որ նայած լինեմ այս կողմի սարերին և ինչ-որ բան երազած: Ես այն ժամանակ հայրենիքի զգացողություն ունեցած չեմ եղել, որպեսզի սահմանի գիտակցության դառնությունը ապրած լինեմ և աշխարհն ինձ համար այս է եղել, որ տրված է ամենայն կենդանի արարածի ի տնօրինություն: Իմ հոգին խայտալիս է եղել անդիտության մեջ: Ես չեմ իմացել անգամ, որ Քաչալ Ավետիքը իմ խորթ պապն է, որ նա ամուսնացել է թուրքերի ղյուղի ճանապարհին սպանված իմ ունևոր Մեխակ պապի այրու հետ: Չգիտեի անգամ, որ մարդ երկու դուռը պապ ու տատ է ունենում, որովհետև հայրս տասնհինգ տարեկան՝ հորական պապս, որ Թիֆլիս պառկած է եղել հիվանդանոցում և հիվանդատես թե հիվանդապահ զնացած տատս մի քանի օրվա մեջ մեռել ու թաղվել են անհայտ է որտեղ:

Իմ սարերում մնալը մի բերան պակասեցնում էր մեր բազմաբերան ընտանիքից: Ինձ կարող էին սարերի օդ ու ջրի հույսին թողնել ևս մեկ-երկու տարի և հազիվ թե պարտուսի նախանձախնդիրները պակասությունս զգային: Բայց

հայրը կրտսեր որդուն ուսումի էր տալու և օգոստոսի մի օր ծածկած սալլով սարերից իջեցրեց Գեբեղի հովտի կիսա-անապատը:

Սալլի մեջ ես անձրև չեմ զգացել. ըստ երևույթին քնած եմ եղել: Համենայն զեպս ոչինչ չեմ հիշում մինչև այն րոպեն, երբ սալլից հայրս ինձ առավ թամբին: Ուղեցել էր՝ որդին տեսնի այդ օրը... Անձրևից հետո արև էր շողում: Մենք գնում էինք մի ճանապարհով, որ հետո պիտի նմանեցնեմ ու մտքումս այդ ճանապարհը պիտի մնա Գեբեղի ափից մեր տուն տանող ճանապարհի տեսքով... Անձրևից հետո ըլացված երկրի վրա արև էր շողում, օդը զրնգում էր աչսօրվա նման և այդ պահի բերկրանքը առաջին իմ բերկրանքն է լինելու, որ թելադրված շի լինելու շոշափելի բանից: Այդ օրը աչբերս բացվել են հրաշքի ղեմ... Բայց ահա թե ինչու է այդ ճանապարհը հիշողությունս մեջ տպավորված լինելու Գեբեղի ափից մեր տուն տանող ճանապարհի տեսքով. բերկրանքի այդ պահին հաշորդող հիշողությունս մեր տուն մտնելն է: Տուն եմ մտնում՝ անկողինը հատակին է փռված: Անկողինը տրորելով գնացի զեպի մայրս, «երեխեն» կանչի վրա մեխվեցի: «Երեխեն էս չի» — հարցրի, ցույց տալով ինձնից հետո ծնված քրոջս. «էլի կա», — ասաց մայրս և նրա ժպիտը առաջին ամօթխած ժպիտն է լինելու, որ ես տեսել եմ:

Բարուրի մեջ քնած էր իմ քույրիկներից ևս մեկը: Ուրեմն սարերում իմ եղած ժամանակ մեր ընտանիքում ծնվել էր ութերորդ երեխան: Դա Մեծ սատակման տարին էր և շաբաթներ անց մեր տունը բռնած տխրությունից ես ենթադրեցի, թե մեռել է իմ միակ պսպը, որովհետև հայրս ներս մտավ ու ասաց. «Պապը մեռել է»: Բայց պապս ապրեց ևս տասը տարի և նրա հոգեհացին ինք տղա թոռներս փառավորապես խմեցինք:

Ամառ-ձմեռ սարերում լինող տատս ու պապս երևի թե 18 թվականի մայիսին տեսել են Գսեղից դուրս եկած զաղթականություն ու զորքի երթը... Այսօր հունիսի ինն է: Երկու շաբաթ անընդհատ եկող անձրևը զազարել էր զիշերս ու առավոտը այնպես բացվեց, որ մարդուս ստքերը կտրվում էին հողից: Միայն ցեխն էր ծնկահար: Բայց սարերում գե-

տինը շուտ է շորանում: Շուտ կշորանա, քանի դեռ իսպառ տրորված չէ:

...Սարերը կտրտված են ճանապարհներով: Նորանոր ճանապարհներ են բացվում, որովհետև հեղեղը հինը ավերում է: Նոր ճանապարհը հողի կուրծքը բացում է նոր հեղեղի դեմ և ջուրը կամաց-կամաց սարերը սրբում է հողից: Մազկունքից է սրբում, որովհետև թվում է սարերում խոտ չի աճում, աճում է միայն ծաղիկ և այդ ծաղիկից է լինելու մեր վայելելիք յուզն ու սերուցքը, ինչի ակնկալիքը ունենք ես ու բնկերս:

...Օղը զնգում էր, արևը կիպում: Սաստկացող քաղցը նույնիսկ հաճելի էր՝ արտակարգ նախաճաշի հեռանկարով: Մեր բախտից էր, որ երկու շաբաթ տևած անձրևը կտրվել էր մեր գյուղ մտնելու գիշերը: Բայց հունիսին, այսպես թե այնպես, երեք օրից մեկը կարող է արևոտ լինել: Այնինչ զորքն ու ժողովուրդը այստեղով անցել է մայիսին... Ով մայիսին եղել է սարերում, նա գիտի ինչ թաց ու թոն է կապում երկնքին այսքան մոտ երկրին: Եվ այդպիսի մի ժամանակ մեր տառապյալ ժողովուրդն ու զորքը գնացել է՝ ծաղկունքին արշուն տալով:

Մեկ դիվիզիա բանակի իրավունք ստացած երկրին զորավարի շորս հազարանոց ջոկատը ավելորդ էր գալիս, և Անդրանիկը նենգ դաշնակցին ուխտագրծության առիթ շտալու համար իր ջոկատն ու ջոկատին ապավինած ժողովրդին տանում էր սարերով, մի բուռ Հայաստանի սահմանները քերելով՝ Գիլիջանով, Սևանով, Մարտունիով, Վայոց ձորով՝ Նախիջևան... Մի՞թե զորավարը հավատում էր, թե Թավրիզի ուղղությամբ գործող բանակի գիծը կճեղքի նման դժոխսային երթ անցած ջոկատով ու ժողովրդով: Արդյո՞ք զորավարի նպատակը չէր՝ շոշափել Արաքսից այն կողմ բանակած թուրքերի ուժերը և նրանց դիտավորությունները Նախիջևանի ու Զանգեզուրի նկատմամբ, նաև՝ Նախիջևանում ազգամիջյան կռիվները կանխելը և անհրաժեշտության դեպքում հայ ազգաբնակչությունը ապահովաբար Նախիջևանից դուրս բերելը... Այդ խնդիրը չէին կարող աչքի առաջ շունենալ Հայոց առաջին բանաստեղծն ու առաջին զորավարը:

Լուովա սարերում, երկրային խուճապից ու ժխորից վեր կանգնած, կյանքի հավերժության պատրանքին այդքան մոտ լինելով, հույսս դրած մի անակնկալ, այս բարձունքներում հնարավոր պայծառացման վրա, ես փորձում էի ըմբռնել երկու մեծ հայերի մտադրությունները մինչև վերջ: Մտածում էի. այնուամենայնիվ Զանգեզուրին երկրապահ զորք ավելի անհրաժեշտ էր, քան Լոտուն, Նախիջևանին առավել, քան Զանգեզուրին, Արցախին առավել, քան Նախիջևանին... Բայց 67 տարիների համարությունը փառ էր կապում աչքերիս դեմ, շտապեցնում սովոր ուղեղս նեղվում էր ժանգի տակ:

Միայն այշելու կարողությունն էր մնացել և ապշում էի. այդքան բուրբը շուգենան ապրելը ու հանկարծ ապրե՞ս...

...Սարերից ոտքով իջանք: Իմ բեռը երկու բլիթ պանիր էր ու մի աման խավիժ, որ մայրը հետս էր դրել, որ Երեվանում ապրող իր անվանի որդուն տանեմ: Ուժս տեղը ու առավոտը լավ նախաճաշած, ուրթում մեղրով ու սերուցքով պնդացած՝ ես, սարերի սովորս, երկու կիլոմետրանոց վայրէջքի ավարտին արդեն քայլումեջ դայթում էի: Սարից իջնելը ելնելուց շատ հեշտ չէ, իմացողը զիտի, բայց այնուամենայնիվ... Այնուամենայնիվ ի՞նչ համեմատություն նրանց հետ... Ես պատկերացնելու մոտ էի: Մոտ էի ավելի քան երկու օր առաջ, մոտ էի ավելի, քան այդ պահին որևէ մեկը, բայց այդ վերջին կետից մինչև պատկերացնելն ու զգալը այնքան տարածություն կա, որքան շիմանալուց իմանալը: Ոչ, բացարձակապես անհնար էր պատկերացնել անգամ, թե ինչպես է այդ փախստական ժողովուրդն իր հիվանդների ու վիրավորների բեռան տակ, սովից ուժասպառ, թշնամուց հետապնդվելով՝ քայլել Երզնկայից էրզրում—Ղարս—Ալեքսանդրապոլ—Ձալալօղլի—Գսեղ—Գիլիջան—Ելենովկա — Բայազետ—Մարտունի—Մալիշկա—Նախիջևան—Ջուլֆա — Խոյապա՝ Նախիջևան—Զանգեզուր ճանապարհը... Եվ գրեթե միակ դեպքն է սա, երբ տեղահանված մեր ժողովուրդը պահպան ջոկատ է ունեցել:

Մարցագետի հետ սարերից իջած, գետի հետ դուրս եկանք գյուղի վրա: Գետը գնալով՝ զորանում էր, ես՝ թալկանում: Իմ հոգին լիքն էր բնությունը, միտքս խճողված էր անստույգ պատմությանը, ինքս ջարդված էի և իմ նորագյուտ ընկերը,

որի ընկերությունը այն ուրացող դժուրաց հետո սպեղանի էր հոգուս, սպասում էր գյուղական այն լավ սեղանով, որի վրա ավելորդ բան չկա ու պակաս էլ չկա:

Նա ինձ հետ սարերը շքարձրացավ, որովհետև այդ մի արևոտ օրը կարող էր առաջիկա շաբաթվա մեջ վերջինը լինել՝ աչքը տեսածից է վախենում, իսկ կարտոֆիլի բուկլիցի ժամանակն անցնում էր: Նա հատկապես այդ գործի համար ուրբաթ եկել էր Կիրովականից, բայց երեկվա անձրևի տակ էր ընկել: Այս բարձրության վրա երկինքը ջղագար կնոջ է նման՝ լացն ու ծիծաղը հանկարծակի:

Մթնում էր: Միտոժամանակ դեռ նստել կլինեիր պատըշգամբում, բայց վառարանի գոյությունը անհանդիստ էր անում հովվերգության հակված հոգին: Ծղոնները դարսեցի ինչպես կարգն է: Դարսում էի դանդաղ և ամեն փայտ դնելով՝ մի տարով թեթևանում էր քառասնամյա իմ բեռը: Կրակը ամեն տեղ բոլոր ժամանակներում նույն կերպ է բոցկըլտում և դեպի մանկություն տանող ավելի լավ միջոց չկա, քան նախապատմական այս հրաշքը: Հետո ծպեղներ արի ու դրեցի ճղոնների տակ ու արանքները: Արարողություններից մերկացող այս կյանքում կրակ անելու արարողությունը դեռ կա՝ փառք կրակի աստծուն: Շատ վաղուց տնական կերոսինի հոտ չէի առել բենզինով ներծծված քաղաքում ու շնայած բեռնատարների թափբերին քարշ եկող սղա-երեխայիս քիթը մի ժամանակ քամահրանքով ծամվում էր կերոսինի ջրալի հոտից (այնինչ ռունդերս հաճույքով էին քաշում ու մինչև հիմա շնչառությունս բացվում է բենզինի ցնդող հոտից), բայց այդ ժամին, այդ սենյակին՝ թախտով, պատուհանագոգով, պատուհանագոգին դրված զարթուցիչով, այդ սենյակին ու լայնանիստ վառարանին կերոսինի հոտն էր սազում, ինչպես բուրմունքը՝ ծաղկած դաշտին:

Եթե ծով ունենայինք՝ ծովից էր դուրս գալու մեր աստվածը, եթե անտառների տեր լինեինք՝ անտառից էր գալու, բայց շունենք և մեզ ահ ու խորհրդատվություն ներշնչողը կրակն է եղել: Եվ կրակի միջից էր ելնելու մեր երեխա աստվածը: Եվ քանի որ ամեն մարդ իր օջախն ունի, քանի որ ամեն մարդ ինքն է իր կրակն անում՝ առանձնյա, ինքնամփոփ է եղել մեր հավատը և մեզ շի կպել նախրի բնազդը:

Երեկոն խմելու չէր տրամադրում: Ես այնքան լիքն էի տեսածով, լսածով, շնչածով, և զգայարաններս այնքան սրբված էին, որ խթանիչի կարիք չունեին: Ինձ պետք էր ընդամենը այնքան, որ շիրմա լինի իմ ու առօրյայիս միջև: Այդքանը արդեն կար և նրա ետև՝ կար, քուն էր մտել իմ տունն ու առանին իմ հոգսը: Մոռացում հարկավոր չէր: Մոռացում չի էլ լինում, լինում է միայն ցավազին արթնացում: Ամեն ավելորդ կաթիլը հիմա թույն էր իմ նորոգված արյան համար:

Ընկերս հայավարի համառ հյուրասիրությունը մի հնարով դուզակցում էր հարգալիբ զիջողությունը, ես՝ ինձ ընծայված օրը պահպանելու ջանքս չէի թողնում հասներ անձնապաստանություն... Իսկ երեխան հա՛ շուլարվում էր մեզ, զգալով, որ օդին ու գրույցը մեր ուշադրությունը շեղում են իրենից: Նա չզիտեր, որ մի որոշակի աստիճանի վրա մենք հակվելու ենք դեպի իրեն... Այսինքն կարող էր արդեն քնած լինել: Բայց մենք չէինք կարող չզրուցել: Լոռում լինելով՝ չես կարող շխոսել Թումանյանի մասին, Թումանյանի մասին խոսելիս՝ չես կարող չհիշել կամավորական նահատակ Արտավազդին և «երկու քարի արանքում» թպրտացող հայ կամավորական շարժումը... Այդպես է, երբ մենք մեր սրբտազնդ պահերին ուզում ենք մեր մեծերի մի լավ տողը հիշել, երկրորդ տողին մեր ձայնը խզվում է ցավից: Այդպես է լինում Արուսյանին հիշելիս, Տերչանին հիշելիս, Վարուժանին հիշելիս, Չարենցին հիշելիս, Զոհրապին հիշելիս, Սիամանթոյին հիշելիս... Նահատակների ստեղծած գրականություն է մեր գրականությունը և մեզ վիճակված չէ ունենալ մաքուր պոեզիայից բավականություն ստացող գեղազնտի երանելի հոգեվիճակ: Եվ եթե Քուչակն էլ չլիներ, մենք ի՞նչ էինք անելու գրականության ու կյանքի այս նզովյալ «կապի» մղձավանջում:

Երեխան արևածաղկի քթից էր թռել, թշերը կարմիր, ծիծաղն անպակաս: Քամավում էր մեզ ու կարկաչում, մեզ հետ էր բերում մեր մտասևեռ մոռացությունից, ստեղծում էր մեր բորբոքվածությունը, մեկ էլ պապանձվում-ապշում էր՝ իր հետ, այստեղ չլինելու մեր համառությունից, բայց երեխայաբար չէր հուսահատվում:

Քունը տանող երեխայի վրա իջնող շերմությունից նրա
թշերը կրակ էին կտրել, աշուկները կուլ էին գնում քնի ու
արթնության սահմանի առեղծվածային փայլով... Եվ քունը
գլխին երեխան, ընկերներին հոգածու ներկայությունը, հա-
լ՛երժական կրակն ու պատուհանագողին ժամանակի հետ
չափ ընկած ժամացույցը ասում էին՝ Ձեռքդ ետ տար...
Ետ տար ձեռքդ ցավի վրայից՝ այս երեխայի գլուխը շոյիր,
պրկված շուրթերդ սիրով ետ բեր՝ կարմիր խնձոր թուշը համ-
բուրիր,— այս մի օրն էլ հա՛յ մի լինիր, գրողը տանի, հայ
մի՛ լինիր:

ԾԱՆԲ ԼՈՒՅՍ

Վերախնայելին իր պաշտամունքն էր: Չայնապնակը միշտ առանցքի վրա էր լինում՝ ասեղը իջեցնում էր, տեղավորվում էր հին բազմոցի իր անկյունում, ոտքերը քաշում էր տակը, թևերը խաշում էր կրծքին ու... խլանում էր այս աշխարհի ձայների հանդեպ:

...Բարասկզբի Մոսկվան, Կիևը, Խարկովն, Օդեսան, ամառանոցային քաղաքները՝ սիրո ուղեկանում — փոքր ու մեծ զրբերից ծանոթ, լավ ու վատ ֆիլմերի մեջ հարուստն առնող ցնո՞րք աշխարհ... Մտուղիներում՝ ճեմաքայլ ամբոխ, սպիտակ-փրփուր հանդերձների ծով, նվազարանների արծաթափայլը թույլ լապտերների լույսերի ներքո, արժանապատիվ երթը կառքերի ձմառն սպիտակ փեշերին ձգվող աշնան փողոցում, շրադոների բացվել-ձածկվելը լոռիցյան սլկուն ծրանիների շուրջ, և տղամարդիկ, որ անբիծ ճերմակ բաճկոններով են, գավազանները անցրած ունեն արմնկածալին, նրանք բարետես ու բարեկիրթ են, սիրահետում են չղարպասելով, դալուկ մատներ համբուրել գիտեն և սիրած կանանց ծաղիկ են զրկում երկտողով հանդերձ...

Նա ուշացած էր այս աշխարհ եկել: Կամ ժամանակից շուտ էր եկել: Այսինքն, մարդու այն տեսակն էր, ում խփում են ամեն կարգի ժամանակները. հերոսականը՝ ավելի եռանդով, ոչ հերոսականը՝ ճղճիմությամբ, պատերազմականը՝ դաժանությամբ, ետպատերազմյանը՝ անտարբերությամբ, և նրանց համար ժամանակների լավն ու վատը չափվում է ցավի մեղմությամբ — ցավի ուժգնությամբ:

Բայց ժամանակ կար, երբ այս կյանքը նրա համար ապրելու տեղ էր: Հետո նրան ի՞նչ պատահեց: Այդ բանը նրան ե՞րբ էր պատահել: Մոր փորձն ուրիշ տղամարդու ձե՞ռք էր կալել, օրորոցը գիշերվա կեսին շո՞ւտ էր եկել, սովի տարի՞ն էր գծախոտ կերել... Խեղճ երեխա, անմեղ արարած, կյանքը թակարգ էր ծննդկան մոր ոտքերի առաջ, ճակատագիրն էր ջադու տատմեր, իսկ նա անտեղյակ աշխարհ եկավ ու պատրաստվում էր երջանկության...

Այսպես անտեղյակ աշխարհ գալիս ու պատրաստվում ես երջանկության, այնինչ ցեղիդ մեջ ինչ-որ մեկը սազմնավորվել է արնապղծության սոսկալի մահճում. կամ մեկի մայրը ծոցվորության ութերորդ ամսում դիվտեղ է լիալուսնի ծանր լույսից, կամ թե՛ պանդխտի կիսաաչրի, մեջքի ցավից մորմոքվելով վեր է կացել մոթուլուսին ու երեխեքին քնած թողել՝ դուրս է եկել իբր ցախի, իբր՝ գիշերվա մատղաշ սունկի, բոխու, սիբեխի, ավելուկի... Այսպես, գյուղից դուրս է եկել ու շաղաթաթախ դալարիքի մեջ քայլել է լանջերն ի վեր, լանջերն ի վար, լանջերով խոտոր, և փեշերը թացացել ու փութկոտ քելքը կաշկանդել են, բայց գնացել է երինջի նման, որի աչքին արտա չի գալիս, երբեմն միայն, մեջքի ցավը կոտրելու հույսով կոացել է՝ մի թեր թրթնջուկ, մի բերան սինձ է պոկել անցել, ծնեբեկի տեսքից ցնցվել՝ քնթացքն է շեղել, — այսպես երկու բուռ կանաչը փեշում, ոտքերը՝ փեշից ազատած, խոտը՝ ծնկից վեր, ոտքերը՝ ճերմակ, խոտը՝ կանաչ, երկինքը՝ կապույտ, մշուշը՝ ճերմակ — գնացել է... Հետո ոտքերին հանգիստ տալով՝ իջել է ձորը ու անհանդարտ մարմնի կեսը եղինջուտի միջով է տարել և մրմուռը պատճառ բերելով՝ մորմոքվել է բարձր ձայնով, հետո լանջն ի վեր սողացել է թուխպի նման... Այստեղ ձախից թուխպի մի լեզվակ եկել ու շուլալվել է ոտուփեշին... Նա քարացել է: Աչքերը բացել՝ տեսել է կոնքին թխպի օղակ, ձեռքով ծուխը քշելու հանգով շարժում է արել՝ բան դուրս չի եկել, քայլել է առաջ՝ կանգ է առել, վաղել է առաջ, նետվել է աջ, նետվել է ձախ, ընկրկել է, բայց ապարդյուն... Եվ հաշտված հետը, նաև ցավը հոգնությունով մեռցնելու ջանքից ուժասպառ, նաև նեղացած, որ բնությունը իր ստեղծածին տեր չի կանգնել, չի սփոփել, չի ամոքել, — բռնել է

մի վարընթաց կածան... Ու այստեղ էլ՝ տեղաշարժերով անըմբռնելի թուխպը նրա գեմ է ելել: Եվ կարծես կինը գոյություն չի ունեցել, ինքը՝ անկամ, ինքը՝ բացակա, այդ նրա կոնքին օղակ կապած թխպի ծվենն է երկար փնտրել-վերստին գտել մայր զանգվածին, վերածուլվել է համատարածին... Կինը մտել է գորշ լուսթյան մեջ, ջրի մեջ սուզվելու նման՝ աչքերը փակ, շունչը պահած ու խավարի ակնկալիքով, բայց երբ կոպերը թրթռալով վեր են քաշվել, անիրական մի կերպարանք... անիրական, բայց տղամարդու իրական հոտով խաշնարածի մի կերպարանք թխպից զատվել, առաջ է եկել: Կինը փլվել է արահետին, քար ու խիճ անցավ խրվել են մարմնի մեջ կամ փշրվել, դարձել են փոշի, և շաղված միտքը մի բան է ուզել՝ գետնի տակն անցնի, հետո ուզել է ելնի ու փախչի, հետո թե՛ սա երազ է, շատ է ուզում, բայց չի կարողանում աչքերը բացի, մի հույս է մնում, որ տղամարդը հասկացող լինի՝ ամեն ինչ կատարվի արագ... Մշուշից ելած, արահետին ծնկի եկած, աչքերը փակ, բերանը բաց, փեշը փորին սեղմած ջահել կին — տասը կյանք ապրիր՝ կպատահի՞ — չի պատահի: Եվ ուրեմն, տղամարդը հասկացող լինե՞ր-չլինե՞ր, սրտակեր լինե՞ր, թե աստժո գառ, էական չէր: Եվ ուրեմն, այդ երկուսին իրար մոտ բերող, այդքան մոտիկ բնությունը՝ բարեզույթ մայր, միաժամանակ՝ գործը իմացող կավատուհի, մեղքը իր վրա է առել, ինքը լրվել է, և լինելիքը եղել է ամպի պարպումի նման: Եվ կնոջ մարմնի բուժ ցավը անցել է հողին: Ավելի հողին: Ավելի խորը... Հետո կինը վեր է կացել՝ անձրևի ձեծից թոթափվող շտկվող խոտի նման, ձգվել է դարթնող ծառի նման, շուռ է եկել՝ հետևյալ պահին սիրո զույգին մոռացած երինջ, շուտով գտել է գյուղի ճամփան և օրվա մեջ առաջին անգամ նա լսել է, որ անտառը լիքն է հավքերով, տեսել է, որ ծառերի բները՝ վեր, ճյուղերը շեղ են աճում, զգացել է, որ անտառը ծառերի զանգված չէ սոսկ, այլ ամեն տեսակ իր անունն ունի, և ամեն ծառի մոտով անցնելիս, ամեն խոտի ոտք դնելիս, ամեն ծաղիկ շրջանցելիս՝ անունները անվան տերերին ձայն են տալիս իր ներսից:

Շաբաթներ անց, սար ու գաշտ ընկած՝ արմատ է կրրծել, խոտ է արածել, ամենալեղի սլտուղն է լափել, հող է

կերել, մոխրաշուր ու կրաշուր խմել... բայց պտուղը թույնով սնվել՝ զորացել է:

Խեղճ երեխա, անմեղ պտուղ, արյան, բախտի հարամվելու հազար ձև կա, իսկ դու անտեղյակ աշխարհ ես դալիս, օրորոցիցդ վերաճում ես, եթե քուն ու սնունդ ես առել, եթե վրադ ցավող տեղ չունես, աստծո օրը քեզ համար ուրախություն է... բայց անարդար է տնօրինողի բռնած գործը. ազգատուժյունը ժառանգվում է կարողությունից ավելի հաստատ, ձախորդությունը նոր ձախորդության դուռ է բացում, մեղքը դուրս տալիս ու հատուցվում է յոթերորդ էլ անմեղ պորտում, և ոչ մի ծնվող երջանկության երաշխիք չունի:

Նա մեծանում էր, ու նրա մեջ ամենաերևացող բանը սերն էր — ամենքի հանդեպ ու ամեն ինչի: Նա անխտրական իր սիրո ղիմաց ոչինչ չէր ուզում — միայն իր սիրուն սնունդ որպես, կամ սիրուն խմար, կամ սերը բոցելու խոփվ՝ ուզում էր, որ իր սիրո մեծ առարկայից՝ այս մեծ աշխարհից, մի փշուր էլ իրեն պատկանի: Թող որ դա լինի ամենաչնչին նշույլը նրա, մեկ հարյուրերորդն այնքանի, ինչը երջանկացնում է ուրիշներին, բայց որ՝ պատկանի ամբողջովին, անմասնատելի, անվիճարկելի: Աշխարհը ձեզ՝ ի տնօրինություն, իմ բաժին նշխարքը ինձ առանց պայմանի:

Ժուժկալության ու անզիջունության այս խառնուրդն էլ, երևի թե, զրկում էր նրան մինչև անդամ նվազագույնից... Ինչ իմանամ: Ես բախտավոր եմ ու հեշտ եմ խոսում, բայց նրա կյանքը չի տեղավորվում այն սկուտեղում, որ թեթև բռնած քեզ եմ մատուցում: Որևէ կյանք չի տեղավորվի: Երբ բախտավոր ենք կամ հաջողակ ենք, ամենքս էլ մի քիչ խող ենք: Չի՞ պատահել, որ կաղի կողքով վազելով անցնես, կոկորդը կապած երեխայի մոտ պաղպաղակ լափես, արշավածի ու նման հիվանդի սենյակ խուժես... Ամեն անգամ ամենքս մի քիչ խփում ենք նրանց՝ ինչքա՞ն շատ է:

Ահա այդպես, եղբոր աղջիկը (այդ ես եմ) իր գեղեցկության մեջ կենտրոնացած երկու քալ արեց՝ սենյակը կտրեց լայնքով, նստեց բազմոցին, ոտքերը քաշեց տակը մի շարժումով, որ թե ուժեղ, թե նազելի էր և գոտկատեղից վար պատկերացավ ամենաշահեկան տեսքով. երբ բաց են լինում

միայն ծնկները, և երբ ոտքերը առեղծվածորեն սկիզբ են առնում ինչ-որ տեղից, ինչ-որ տեղ առեղծվածորեն վերջանում են, և իրանը, որ թվում է ավելի երկար, ծիլ է տալիս կանացիություն պարարտ կենտրոնից: Իսկ նա նստած է՝ շալը ծնկներին՝ գիրքը վրան, թաշկինակը ամեն պահ հնարավոր հարբուխի դեմ բռան մեջ սեղմած և զարմուհու ամեն շարժումը տեսողաշտում կամ զգայարանների ընկալունակության սահմաններում ունենալով, աչքը մի պահ կտրում է գրքից, թոուցիկ նայում է վրան, այդ ակնթարթում հիացմունքն ու մտահոգությունը փոխանիփոխ իշխում են նրա նայվածքին, և այս անգամ էլ մտահոգությունը սառում մնում է աչքերի մեջ՝ «Տականքի մեկը այս ոտքերի, այս մեջքի համար հավերժական սեր կխոստանա ու աղջիկը խելացի է՝ բայց կխաբվի...»:

Նա քեզ սիրել չի կարողանում, դու դա զգում ես, բայց մի նեղանա: Իմ զգացմունքը նա հասկանալ չէր կարողանում: Քո վրայից մի հնություն հոտ է գալիս, որ ուրիշներին խըրտնեցնում է... Իմ գլուխը դրանից պտույտ է գալիս: Դու պապենական ձեր քուրսու տակից ոտքերդ քաշել, վեր ես կացել, եկել անհարցում մտել ես քաղաք, քաղաքը ձեր գյուղի թաղերից մեկն էս հաշվում — ոչ ավելի, մնում է, որ լողարանից տաշտը բերեմ, ջուր տաքացնեմ ոտքերիդ համար, ես լվանամ, դու հաճույքից փնջաս ու հալվես... Նրա հաշվով դու գոհիկ ես ու մեզ միասին թողնելուց նա վախենում էր: Բայց բնակարանն ինքն առաջարկեց: Հենց վախենալուց էլ առաջարկեց: Այս տանը, ուր ես շատ եմ քնել, ուր նրա շունչն ու իրերը կան, ես անպաշտպան չեմ իր կարծիքով:

...Այսպես եղավ: Մեր ամուսնության նախօրյակին զանգահարեց: Դե, ամեն օր մեր տուն զանգում էր, ես օրումեջ այստեղ կայի, այստեղ հարմար էր պարապելը, հաճելի էր ծնողներին աչքից հեռու մեծավարի սուրճ խմելը, նույնիսկ նրա անդադրում հոգատարությունը նեղություն չէր... դե՞ ու նեղություն չէր: Իմ խակ անձը ամեն վայրկյան ուշադրության առարկա էր, իսկ տատիկիս՝ ծնողական խստությունից ազատ սերը հավասարակշռում էր հորաքրոջս մայրապետական խստությունը, եթե պատահեր՝ չափը անցնելու Ուրեմն, ինձ զանգահարեց, և այս զանգը սովորական չէր: Ինձ չէին

կանչում մեծավարի՝ մի մեր տուն արի, այլ բառ պատշաճի հրավիրում էին:

Նա այդ առիթով սեղան էր բացել: Սեղանին իմ սիրած ծաղիկներն էին՝ սիրածս ծաղկամանում: Փողաշուշանները հինգ հատ էին, բայց թվում էին քիչ, որովհետև ծաղկամանը բարձրավիզ էր և թվում էին ճոխ, որովհետև սլացիկ վզի բարձրության վրա ծաղկեփունջը փարթամ տեսք ուներ: Նա միրգ էր դրել, գաթա էր թխել, շինական ճերմակ սփռոց էր փռել... Ճերմակ սփռոց, ցմփոք շշով բալի լիկյոթ (ծաղկամանը նրբիրան էր) ծիրանագույն սկահակում՝ կարմիր խընձորներ և դրանցից վեր՝ սպիտակաթույր փողաշուշաններ: Նա հուզված էր ջղադրգովածության աստիճանի: (Ուրախությունն էլ, տխրությունն էլ նրան տրվում էր ջղերի գնով): Իմ հայացքը անկեղծորեն վայելում էր սեղանի տեսքը: Կսազեր, որ նա նատյուրմորտները գերադասող հանճարեղ ու անդամալույծ նկարչի կին լիներ: Հանճարեղ թե՛ ոչ, բայց անպայման անդամալույծ, որպեսզի կնոջ սիրո առարկան, շինթթե, անձնագոհության կարիք չունենար, և նատյուրմորտները գերադասող, որպեսզի նա խղճահարության ասպարեզում բնորդուհու մերկ կերպարանքով մրցակցուհուց ազատ մնար:

Արարողություններ սարքելը նրա բանը չէր: Կամենալն՝ ուրիշ, կարենալու համար նախ՝ սառնասրտություն պիտի ունենաս, պիտի կուշտ ու ինքնագոհ լինես, բավարար չափով պիտի լինես դատարկամիտ: Իհարկե, նա այն խառնվածքը չէր, որ իրադարձությունը շփոթեր առօրյայի հետ, բայց ինքը իրեն ուժեղ էր լարել՝ շղիմացավ և մտահոլացած հանդիսավորությունը ինքը ավերեց:

— Ես գյուղ եմ գնում... Սեպտեմբերին սիրում եմ գյուղը... Հոկտեմբերը սիրածս եղանակն է... Ես հոգնել եմ քաղաքի մետաղի ձայնից... Գուք կմնաք երկու ամիս, որ տանը փոշի չնստի, ցեց շքնկնի... Առաջին հարկից առնետներ են վերև գալիս... Տատի նկարը ճանձերը սևացնում են... Առավոտները ես աշխատանքի կհասնեմ ավելի շուտ, քան քաղաքից... Յոթի գնացրով... կամ յոթն անց կեսի ավտորուսով... Քաղաքի աշունը տանել չեմ կարող... Ընկած տերևը ավլում են աղբի նման ու ծառերը մերկանում են մերկ մայ-

թերին... ու արմատները լուր չունեն ծառից, որովհետև ընկած տերևը սրբում տանում են աղբի նման... Ու...

— Հորաքույր ջան, մենք տուն ունենք...

— Մերը, սիրելիս, առանձնություն մեջ է անբասիր... Մի հակառակվիր: Գուք տուն չունեք: Տունը ձերը չէ: Կարիք չկա, որ մեղրամիսը... որ ձեր սկիզբը առօրյայից հասարակ դառնա: Ինչո՞ւ նեղվեք կամ մտածեք, որ ուրիշները ձեզնից նեղվում են... Մնացեք միառժամանակ:

Քանի խոսում էր, թևս բռնել, սևեռվել էր վզնոցիս խաչին: Վերջացրեց՝ ժպտաց, նայեց աչքերիս՝ թեթևացել էր: Բայց չէր վերջացրել: Չասված խոսքը կոկորդին կանգնած պատառի նման երևում է: Զղային մարդու նիհար կոկորդին: Նա հազիվ թե խոսքը վերջացնեի այդքան հասարակ՝ մնացեք միառժամանակ: Նրա աչքերը մատնում էին կիսատ մտքի՝ մարգարեանալով լրվելու գայթակղությունը: Եթե ասվեիր, այդ խոսքը լինելու էր վսեմորեն սարսռեցնող բան, բայց ես դրանից վախ չունեի: Իմ սերը շատ էր խանդավառ, ես ուզում էի, որ իմ անխոռվ, իրենով հարբած զգացմունքին խառնվի մի քիչ զգաստություն, մի թեթև տազնապ, ճակատագրականության ինչ-որ շորշոփ... Երևի թե իմ ցանկությունը թեժ կրակը մի բուռ ջրով բորբոքելու երեխայական քմահաճույք էր: Այդպես էլ շասաց՝ «Գուցե ձեր սիրուց այս քառասուն օրերը մնան»: Եթե ասեր, մենք այդ պահին չէինք լինի այդքան տարբեր, այդքան չէինք մնա իրարից հեռու. նա՛ վերջնականապես այդքան զրկված, ես՛ սիրո ու ապագայի տեր: Ես համաձայն էի մի քիչ պակասի, միայն թե մի քայլ մոտենամ նրան, համաձայն էի, որովհետև երբ ուրիշներն են երջանիկ լինում, համարում ես հնարավոր — նրանք ուրիշ աշխարհից են, բայց մերձավորիդ երջանկությունը զրկանքիդ կողքին ըմբռնել չես կարողանում: Ես համաձայն էի գոնե մի քիչ զոհաբերության, որովհետև նա զոհաբերում էր իր ունեցած միակ բանը՝ ինքնապատան առանձնությունը... Այստեղ նա կար իր հին կահույքի ու հին գրքերի, հին երգերի նոր ձայնագրությունների, իր շորացրած ծաղիկներին, ծաղկամաններով շոր փշերի, ջահել օրերի լուսանկարների միջավայրում, և մեր՝ բույրերիս, ներկայությունը խանդաբող հանդամանք չէր: Նա մեզ վաղուց ընտելացել էր, մեր ներ-

կայությամբ իրեն զգում էր ուզածի նման: Մենք կարողանում էինք շորս հոգով սենյակում լինել ու շորս էլ մեզ համար լինել: Խոսում էինք այն ժամանակ, երբ լուսյունը դառնում էր խանգարող հինգերորդը, բայց ավելի շատ կարգում էինք: Տատիկից հետո այս տունը հիշատակների կացարան էր: Ճիշտ է, նման չէր մեռելատան, բայց նման էր եկեղեցու:

Գու նկատե՞լ ես՝ եկեղեցիներին ու գերեզմանոցներին անպաշտոն կապված մարդիկ միատեսակ ձանձրալի են, հավասարապես բթամիտ են: Երբ գյուղ գնացի, նրան գտա գերեզմանոցում: Նա զբաղված էր տատիկի շիրիմի շուրջ ինչ-որ անիմաստ, անիմաստությունից վերջ չունեցող, երևի թե հազարերորդ անգամ արված բաներ անելով: Երբ մարդուս միտքը զբաղված է, ձեռքերը ապրում են իրենց կյանքով: Ես հուսահատված մտածեցի, որ նա մեկընդմիջտ իր զգայական եռանդի համար ասպարեզ գտավ: Այդ ասպարեզը այնքան անհատակ, անպարագիծ ու անորոշ է, որ կկլանի ուզածը եռանդ:

Վերադարձիս ճանապարհից աչ խաղողի շարք-շարք այգիներ էին, գծերը բարակելով փնջվում էին հորիզոնի... Այնտեղ, որտեղ հորիզոնի գիծն էր լինելու, Արարատ լեռն էր, և շարքերը դեմ էին առնում լեռան լանջին, կախվում էին աներևույթ Արաքսի վրա և նման էին Արաքսից հանած առունների... Շարքերի կրկնությունի՞ց էր, թե՞ շարժիչի միալար ձայնից՝ քունս տանում էր: Աչքերս փակել էի, քաղցր թրմբիրը պատել էր ինձ, բայց գլուխս խախուտ ապակուն մոտ հարմարեցրած՝ ինձ պահում էի քնի-արթնություն սահմանի վրա, որ գլուխս չընկնի կողքիս նստածի ուսին, որ ճակատս հանկարծ չխփվի դեմի երկաթին... Մտածում էի քո մասին: Կոպերիս տակ քո պատկերն էր. դեմքդ, քայլվածքդ, աչ ձեռիդ ափով ծոծրակիդ շպաղենելու ծիծաղելի սովորությունդ... Հետո պատկերդ ամբողջացավ ֆոնի վրա, հետո խորացավ միջավայրով, միջավայրը շարժում մտավ և դա արդեն մտապատկեր չէր, դա երազ էր: Բայց գլուխս հաստատ պահելու զգոնությունը դեռ վրաս էր, ու ես չկայի երազի մեջ: Ես չկայի ու զգացի, որ երազը կկառավարվի: Առանց ջանքի երազը ժամանակի խորքը տարա, ու մենք երկուսով (ես, կարծես, կողքից) մեր առաջին օրվա մեջ էինք: Հետո կա-

Վեցա մի քիչ ետ բերեմ՝ դա էլ եղավ: Ու այստեղ ինձ ման-
րամասներ երևացին, որոնք ես մոռացել էի: Թե՞ չէին եղել,
նոր ավելացան — ես մոռացել եմ: Բայց տպավորությունը
այնպես էր, թե կառավարում եմ արդեն եղածը: Դա քիչ
նման էր փակ աշքերով վերհիշելուն, բայց հստակ էր ժա-
պավենի վրա հանած կյանքի նման: Մանրամասների առա-
տույթունն էլ հիշեցնում էր ժապավենի հիշողությունը: Հետո
ուղեղիս արթուն մասը ինձ երազից դուրս էր քաշում ինչ-որ
խոստումով, ետ էր բերում կռահումի անհանգստությունը...
Ես գայթակղությունը շղիմացաւ: Երազն ու քունը թոթափելու
ջանքից գլուխս ցավով դժժաց, երազը շաղվեց, աշքերս բաց-
վում էին՝ ես հասկացաւ: Նրա հայացքի իմաստը պարզվեց:
Ու իմ գեմքը ամոթից վառվեց: Նա խաբված էր: Նա իմ մա-
սին մտածել էր ավելի լավ, ինչին ես արժանի չեմ: Իմ արար-
քը ստորություն է նրա հանդեպ, ափսոս, երբեք բացատրել
չեմ կարողանա: Եթե բանը նրան պարզեմ, կթեթևանամ,
բայց նա կխոցվի: Իմ արարքը դուցն հասկանա, բայց իր հի-
մար վիճակի համար իրեն չի ների: Ինձ էլ չի ների: Մարդիկ
ոչ մեկին չեն ներում իրենց հիմար վիճակի համար: Հիմար
վիճակի վկա չեն սիրում: Քեզ չեն ներում նույնիսկ այն
ղեպղում, երբ քո մասին վատ են մտածել — լավն ես դուրս
եկել, փոխանակ իրենք իրենց չեներեն, փոխանակ ինքդ նրանց
չներես:

Նա ոչ մի բան չի մոռանում, գրանից էլ ապրելը տառա-
պանք է նրա համար: Նա սպասում էր, որ իմ գեմքին տես-
նելու է ամուսնական երկրորդ օրվա հիասթափություն կամ
ցավոտ մի բան, որը ես, գիտեր, թաքցնել չէի կարող, եթե
լիներ: Բայց որտեղի՞ց պիտի լիներ, եթե ես... մենք... մե-
զանչե՞լ առեմ՝ մեզանչել էինք պսակից առաջ: Բոլոր ղեպ-
քերում, նա չէր տեսնելու իր սպասածը: Իմ պարագային նրա
լսած-իմացածը սուտ դուրս եկավ: Ես չգիտեմ, մարմնի ցա-
վի հիշողությո՞ւնն է կարճ, թե՞ սիրո կախարդանքն էր մեծ...
Ու գիշերն էր լուռ... Լուսինն էր նոր... Հողն էր խոնավ...
Աստղը՝ պահապան... Այդպես եղավ...

...Բայց դու քնած ես... Քո արձակուրդը վերջացել է...
Քնիր, դու պիտի քունդ առնես... Տղամարդը պիտի քնի, որ
գործի վրա քունը շտանի... Որ սիրո վրա քունը շտանի... Որ

ղարթնի ու կնոջը գտնի առաջին անգամ... Այսպես հեռանա, որ մոտենա... Կորցնի, որ նորից գտնի... Գտնի-կորցնի... Կորցնի-գտնի... Կինը կսպասի... Կանայք կսպասեն... Թող նրանք քնեն: Նրանց բունը պատերազմից պատերազմ ընկած միջոցին է... Կանայք՝ ոչինչ: Նրանք ամենաշատը՝ կթառամեն, ամենաշատը մենակ կմնան... Մեկը անցած պատերազմի հաշմանդամ կգտնի, մեկը մի զառամյալի կհանի դադաղից, մեկը դեռահասներին տղամարդ կօժի, մի մասը հավատարիմ կմնա զրկվածներին, մի մասը հավատարիմ կմնա մեռյալներին... Նրեխաներին կպահպանի... ծայրահեղ դեպքում՝ աստվածը պատերազմի, որովհետև գալիքում էլ զինվորի ու տղամարդու կարիք կլինի:

...Անցած գիշեր ես շքնեցի—մարովս հիմար քաներ անցան: Երևի սա ժառանգական է. երբ մեր միտքը ճամփա է ընկնում, մենք լուսնոտի անկամոթյամբ գնում ենք նրա ետևից ու կանգնել չկա... Երեկ գիշեր լուսինը մեծ էր... կիսլուսինը գերեզմանների լուսատու է, սառն է, ոնց որ մեռելի ճակատ, մեր ցեղի համար վատ ուղեկից է: Նրան հիշեցի: Այն հատուկ զանգի օրը հիշեցի... Նրա պատրաստությունը սեղանով շէր վերջանում. տունը հիմնիվեր սրբել-մաքրել էր, լվացք էր արել, սառնարանը լցրել էր ինչով կարող էր, իր իրերի մեծ մասը հեռացրել էր, իմոնք բերել էր աչքի առաջ, առե՞լ էր, թե իր իղձերի մութ պահարանից դուրս էր բերել տղամարդու երեք զույգ զուլպա («Պահարանում մի քանի ձևեր սպիտակեղեն կա»—հարմար էր գտել, որ սա ասվի խոհանոցից), իր ննջարանից բերել էր այս գիշերալամպը, նորով էր փոխել հին խսիրները... Նա մեզ համար պատրաստել էր այս սենյակը, իմ սիրածն ու իր սիրածը և, հիշում եմ, ես մտածեցի. «Նա ինձանից շատ է մտածել այս քանի մասին»: Ու հիմա ինձ թվում է, թե ես նրա տեղն եմ պահել: Ես նրա առաջն ընկել, ամուսնության առաջնության իրավունքին տեր եմ կանգնել, դավաճանել, պատկել եմ նրան պատկանող տեղը ու վատ եմ զգում, իսկ ինքը իրեն վատ չի զգում... վատ զգալուց լավ է զգում: Նա իրեն այնպես է պահել այս օրերին, կարծես ես այս մեղքամիտը ապրում եմ նրա համար... Մի մեղքամիտ կարծես ապրում ենք երկու

Տողով... Պատկերացնում ես իր կյանքը իմով ամբողջաց-
նելու նրա խելագար երազանքը...

Երազանք ասելը ճիշտ է: Նրա կյանքը երազանքի նման
ձիգ-պարզունակ էր: Ծիշտ է, օժտված էր երազանքի ճկու-
նությունը էլ, բայց ճկունությունը մի հատկություն է, որ
դիմանում է ներգործության որոշակի ուժի միայն, այդ շա-
փից վեր ուժի դիմաց ճկունությունը որպես հատկություն
գոյություն չունի: Նաև անգոր է ժամանակի դեմ: Եվ բոլո-
րովին ոչինչ է ահեղ հարվածի առաջ:

Բայց մինչ հարվածը նրան կհասներ, մինչ ժամանակը
կսկսեր մաշել, նա ապրում էր այգաբացի սպասման մեջ
հմարված արևածաղկի նման:

Այդ տարիքի աղջիկներից ով մեկ անգամ թատրոն է
մտել, երազել է բեմի մասին: Նա չէր կարող բեմ շերազել,
որովհետև ամենքին ու ամեն ինչին ողողելու պատրաստ
սերը անհամբեր էր, այդ հորձանքից աղջկա սիրտը կարող
էր պայթել: Նրան պետք էր լույսերի մեջ շողշողացող բեմ,
կամ կախազանի տախտակամած, կամ զոհասեղան, կամ ող-
ջակիզման բորբոքուն խարույկ, կամ գնդակահարության ճեփ-
ճեթմակ պատ, ինքը այդ ֆոնին՝ սևազգեստ ու սքանչելի...
Եվ թատերականի քննություններին տապալվելը նա ծանր
տարափ: Նրան բուն քննություններին մասնակցել էլ չթողե-
ցին, նախաքննական փուլից ձրի խորհուրդ տվին փորձել
ուրիշ տեղ՝ բանասիրական — որոշակի հասցե էլ տվին...
Եթե նա միայն հիասթափվեր, դա շուտով կանցներ ու, գու-
ցե, փորձեր եկող տարի, էլի մեկ տարի, երրորդ ու չորրորդ
տարին էլ, ամեն անգամ հույս փայփայելով, թե այդ տարի
դերասանական խումբ հավաքողը անվրեպ աչք կունենա:
Բայց աղջիկը վիրավորված էր: Նա չէր կասկածել, որ իր մեծ
սերը բեմ հանելու պատրաստակամությունը այն աստիճան
անանձնական, վեհանձն քայլ է, որ եթե չընդունվի էլ երախ-
տագիտության զեղումներով, գոնե պատշաճին պիտի գնա-
հատվի, — բայց չհասկացան: Հինգ-վեց հասուն տղամարդ-
կանցից շեղավ մեկը, որ դա հասկանար:

Տղամարդկանց այդպիսի մի խումբ հետագայում նա տե-
սել էր գործի վրա՝ նկարչականի ավարտական քննություն-

ներին: Այդ հեղինակաբար տղամարդկանց հանձնախումբը նըստած է եղել քաղաքի մեծ ցուցասարահի մեջտեղում, ապակեծածկ առաստաղից վիժող արևի շողքերի մեջ, ավարտական աշխատանքները երկյուղածորեն բերելիս են եղել առաջ, սրանք հաստ ու բարակ վզերը ծռել են աջ, ծռել են ձախ, ափերն աչքերին հովանի արած՝ նկարչներին հատուկ թափով իրանները շարտել են ետ (իբր երկու թիզ տարբերությունը տեսանկյունը տեղը կրերի), ձգվել են առաջ, աչքները կկոցել են, հետո շոկ են՝ գլխով են արել նախագահի գլխին համաշափ... Նա պատմում էր. «Տղաները մեջտեղ բերին ննջարանի կահավորման-ձևավորման մի առաջարկ: Կողքը կանգնեց հեղինակը՝ մի պատկեր աղջիկ. երկար ու ողորկ սրունքներով, բարակ մեջքով, նրբաթել անթև ջեմպրով կրճեքին ընդզծած կարծես մատիտով, պարանոցը բարձր ու ճերմակ, դեմքը՝ գերազանց ամեն ինչից... Աղջիկը խոսում էր անփուլթ, ավելի շուտ իր ձայնով տարված, քան մտքին հետևելով և տղամարդկանց ուշադրությունը ցուցափայտով հրավիրում էր Հովիվուզի արհեստանոցներում սարքվելու արժան ռեկվիզիտի նախագծին: Բայց հանձնախմբի անդամներից ոչ մեկը չէր նայում ցուցադրվող աշխատանքին, նրանց բոլորի հայացքները գուլպայի պես տնավարի վեր էին սողում աղջկա մերկ սրունքներով, մի որոշ հատված անցնում էին երևակայության օժանդակությունը, փաթ էին գալիս բարակ մեջքի շուրջ, շունչ էին առնում կրճեքի վրա, մի մասը այստեղ կրճեքազարդի տեղ կպչում մնում էր միառժամանակ, մի քանիսը մի շնչում մագլցում էին պարանոցը, շուրթերը համբուրում էին... Առաջին խումբը վար թողած աչ ձեռքի հետ (աղջիկը շնորհալիորեն ձախլիկ էր) իջնում խաղում էին աղզրի վրա, մյուսները ցուցափայտը բռնած ձեռքի հետ իջնում ու բարձրանում էին, իջնում ու բարձրանում էին, աչքները կկոցվելով՝ անցնում էին խոշոր պլանի, շաղվելով՝ փոխվում էին ամբողջականի... Իսկ ականջներում առաստաղի տակ արձագանք տվող՝ կանաչի փափուկ, անիմաստ ձայնն էր... Հանձնաժողովի թե՛ երիտասարդ անդամների բաց բերաններում, թե՛ տարեցների մաշված շուրթերին տպավորությունը միաձայն էր՝ հրաշալի ննջարան է... «Գե-

րազանց... դեմ կա՞—չկա, գերազանց» — նախազանգոյր իրար էր անցել...»:

Տղամարդիկ նրա մեջ մի բան, այնուամենայնիւ, տեսել էին: Նրանք ինչ-որ բան տեսել էին, բայց նրա սիրտը չէին շահել, մի թեթև միայն կաշտոնել էին ու թողել էին հիմար վիճակում, ոչ այն է՝ նրանց բթամիտների շարքը դասես (նրանց նկատած — մեջդ եղածը կվարկարեկվի), ոչ այն է՝ մեծ խելք վերագրես — նրանք չէին տեսել գլխավորը: Եթե նա այն ժամանակ լիներ այնքան շոր, ինչ որ դատով հետադայում, կողի կրնկներ՝ չէր գնա բանասիրական, բայց դեռ ճկուն էր և ընդունակ: Իր ասելով՝ ընդունակ, որ զբաղմունք լինի: Մինչ հետագա անելիքը որոշելը կարելի էր մի բան էլ ավել սովորել:

Նա սովորելու ոչ մի առիթ բաց չէր թողնում: Ինձ խրատում էր հետեւեմ իրեն ու բացատրում-ներշնչում էր մտավորականի կյանքի հմայքը. ձեռքերդ մաքուր, ոտքերդ մաքուր, պետք եղածի չափ ազատ ժամանակ, երեկոները՝ համերգ ու թատրոն, հեղինակային երեկոներ, հավաքույթներ, հրավերքներ... Այս տունը ինչե՛ր է տեսել տատիս ապրելու ժամանակները... Հորաքույրս ճաշակի տեր էր, շրջապատված էր խոհեմ կանանցով, խելացի տղամարդկանցով, նրանք գործի ընկերներ էին, բայց գալիս էին նաև կողքից. մեկի ծանոթը կամ ամուսինը, մյուսի լավ երգող ազգականը... Ես, դեռ երեխա, սիրում էի այդ շրջապատը. նրանց երգելը, արտասանելը, կատակախառը կենաց ճառերը, — ինչ անեին, սիրում էի: Հորաքույրս իմ ներկայութունը խրախուսում էր սկսած տասնչորս տարեկանից: Դա այն կյանքն էր, որի վրա նա ինձ ձևում էր: Բայց երբ քիչ թե շատ խելահաս դարձա, հասկացա, որ այդ կյանքը իր երազածի խելոված պատկերն է, նկատեցի, որ այդ հրավերք-հավաքույթներին համարյա երբեք նա լիասիրտ ուրախ չի լինում: Ամեն անգամից նա ավելի, մի քիչ ավելի բան էր սպասում, քան ստանում էր, ու երբ հյուրերը ցրվում էին, մահու չափ հոգնած էր լինում: Ոչ այնքան հոգնած, ինչքան ուրիշ մարդ: Չի ասվի, թե ընկերների մոտ ձևանում էր: Չէր ձևանում, միշտ հավատում էր հաջորդ պահին: Ու եթե, հանկարծ, սպասելիքը արդարանում էր, երբ իր տարեկրի մեջ էր լի-

նում, ապրելու ջանք չէր երևում նրա վրա, ուրախանում էր այն աղջկա պես, որը գիտի՝ գեղեցիկ է, առաջօտը հանդիպում ունի սիրած մարդու հետ և կասկած չունի, որ անջատումի ամեն ժամը իր հմայքը կրազմապատկի նրա աչքում... Հոգու այդ զվարթ վիճակում լինում են՝ հիմարները միշտ, շփացածները՝ երբ հարկ համարեն, բախտավորները՝ կարճ ժամանակով: Նա հիմար չէր, շփացած չէր, ոչ էլ բախտավոր... Բայց մարդու հոգին չբավորի գրաստ հո՛ չի, թեկուզ հազվագեպ, բայց նա էլ իր տոն օրն ունի: Եվ մարմինն էլ իր կյանքն ունի ու իր կիրակին, մեկ էլ մաղձիցդ սիրտ խառնելու չափ կհագենա և կուզենա թույնից զրկվել, քեզանից փրկվել նախամարդու խմբակային խրախճանքի մեջ...

Դրանից էլ էր նա շուտ հոգնում: Հոգնում էր կամ սպառվում էր: Երևի թե հենց այն պատճառով, որ նա ոչ մի բան կիսատ չէր ուզում, կիսատ չէր զգում, կիսատ չէր անում, գրանից էլ, երևի թե, հոգնում էր շուտ:

Բայց նա այդքան ի՞նչ էր ուզում: Նրանք ի՞նչ են այդքան ուզում... Ումի՞ց են ուզում: Եղել է, չէ՞ (եղած կլինի) մի ժամանակ, երբ մարդ երկու աստծուց է բան հուսացել՝ իր բախտից ու իր աշխատանքից: Ու եթե մեկը խուլ է եղել կամ կույր է եղել, եթե մեկը զլացել է, ավել է մշուսը: Իսկ թե երկուսն էլ երես են թեքել, մարդը նրանցից խոռվ է կացել, բայց նոր աստված չի հորինել... Հիմա, ոնց որ, կուռքերը շատացել են: Հաշվիր, որ չկան: Երբ ուրանում են գլխավորը, մանր բաները շատանում են: Ու շատերից էլ շատ են ուզում, որովհետև եթե տալու հնարավորություն կա, ստանալու էլ գայթակղություն կա, եթե ավոզ աղքատները շատանում են, ստանալու եղանակները բազմանում են, տվողների բազմանալով՝ վարձահատուցման եղանակները ստորանում են... Եվ տուրևառի այս մղձավանջում արժանապատվության հուզարկավորների գորշ թափորը երկրագունդը որեքորդ անգամ գոտեվորվում է...

...Ասենք, նրանք ի՞նչ մեղք ունեն, այս թափանցիկ դարը մեզ հունից հանեց: Մեզ չէր կարելի այսքան բան տեսնել: Մա կյանքի ձև չի, ապրելու ձև չի, ամենօրյա զվարճանք է ու ամենօրյա սգահանդես... Ողջ աշխարհի ուրախությունն

ու տխրութիւնը աչքիդ առաջ է: Բայց ուրիշների ուրախութիւնով չենք ուրախանում, որովհետեւ նրանք չեն ուզում, չեն էլ կարող մեզ իրենց ուրախութեանը մասնակից անել, ուրիշների տխրութիւնը մեզ չի վշտացնում, դարձնում է միայն անտարբեր, որովհետեւ համատարած է: Ուրախութիւնն էլ է շատ, տխրութիւնն էլ: Մի կյանքի համար, մի մարդու համար չափազանց շատ է: Վարագույր չկա և ապրուստի քրմերը արդեն սեղան չեն նստում առանց կինոհեռուստաաչքի, ծածուկ չեն ուտում իրենց առօրյա լորի սիրտը, կապկի ուղեղը, արջի թաթը, եղնիկի մեջքը, որպեսզի մենք բան հասկանանք մեր պանրուհացից... Անառակութիւնն էլ ննջարանի դուռը չի ծածկում, բավարարութիւն չի ստանում մինչև ծափ շտան, աղջիկներն էլ արդեն հոժար չեն Բեյմոնդոյից գեշ տղամարդու, և կանայք իրենց բարձերի տակ պահած ունեն ամուսիններին ոչնչացնող համեմատութիւնը սուպեր ցուլերի հանճարի հետ, և տղամարդիկ անկողնային շնածկներին գործի վրա տեսնելուց հետո մտածում են, որ, ուրեմն, իրենց խոստում ջորի են պահել այսբան տարի...

Երեսունվեց տարեկանում նա սիրահարվեց: Միրահարվեց, ինչքան թույլ կտար նրա պատիժ բնութիւնը: Ախ, նրա այդ բուշուշող ու ավերող միտքը... Նա ամեն բանից պիտի յոթ էլ չէ՝ յոթանասունյոթ շափ առներ, պիտի մասնատեր՝ մաս-մաս շոշափեր, նայելը քիչ էր՝ պիտի նայեր լույսի դեմ պահած, պատճառը քիչ էր՝ պիտի իմանար դրդապատճառը, պիտի այնպես աղար ու մաղեր, որ տակը բան չմնա: Նրա համար սիրելը քիչ էր, պիտի իմանար ինչ է սիրում, ինչու է սիրում, ինչպես է սիրում: Նա ուզում էր հասկանալ սերը: Հասկանար ոչ թե ընդհանրապես, այլ հենց իր սերը: Գուցե նրանք իսկական սեր չէր, գուցե նրա ոչ մի սերը սեր չի եղել, որովհետեւ սերը պիտի որ տեղ չթողնի վերլուծութեան: Միգուցե և իսկական սեր էր, պարզապես նա պատուհասված էր մտքի ընթացքով հափշտակվելու հիվանդութեամբ և սերը չէ՝ մահն էլ չէր փրկի նրան ճակատագրից:

Ի՞նչ իմանաս: Եթե քեզ համար դատողութիւն անելը հեշտ է՝ ուշքի արի, եթե կարող ես՝ ընդունիր, չէ՛ եմթադրիր,

որ գուցե կա, կլինի, էլի, մի ինչ-որ բան, որ դու չգիտես-
ուրիշը գիտի: Թե չէ միտքդ չափես աս գցում՝ չզգալով, որ թեթև
միտքը թեթև վարդ ունի, որ հիմար միտքը, ծեքծեքուն կնոջ
քայլվածքի նման, ետքից տանելու հատկություն ունի... Ուշ-
քի գալով՝ ես մտածում եմ, որ նրա ուզած սերը ուրիշ էր:
Մեր իմացածը չէր: Նույնիսկ մեր երազածը չէր: Երազանքի
թևերից մեկը երևակայությունն է, մեկը՝ հավատը: Մերը
այն է, որի թևերից մեկնումեկը խուզած է լինում, ու այդ-
քանն էլ մեզ ձեռ է տալիս: Նա հավատում էր մինչև մահ
սիրուն: Նրա սերունդը հավատում էր: Երևի թե սերունդները
մեկումեկը հավատում են: Երևի թե 50, 100, 200 տարին մեկ
եկող-անցնող սիրո ալիքը նշանն է այն գերագույն մաք-
րագործող սահմանումի, ըստ որի սերը չպիտի վերջնակա-
նապես շնական դառնա... Մյուս կողմից էլ՝ ինձ թվում է թե,
եթև կյանքի մի ասպարեզում նա հաջողեր, եթե արժեցող մի
բանի հասներ, գուցե թե սերը նրա մտքի տերը չզառնար:
Ասում եմ, բայց համոզված չեմ, որովհետև նա այն մարդը
չէր, որ դժվարը հեշտով փոխեր, որ ճակատագիրը փոխեր
կյանքով: Սաղում էր, որ նա ծնված լիներ նահատակության
բարենպաստ ժամանակներում, երբ ահեղագույն թշնամիներ-
ին տուրք էին տալիս կույս աղջիկներ, նաժիշտներին ողջ
էին թաղում թագուհիների դամբարաններում, աղախիները
թույն էին խմում, որ տիրուհիների գաղտնիքները գերեզման
տանեն, և աղջիկները կախվում էին սիրած տղայի՝ առանց
հեծյալի վերադարձած ձիու սանձով:

Հորաքրոջս շրջապատում չկար մեկը, որ Նրանով չհիա-
նար, բայց նրանք կյանքի մարդիկ էին: Այդ կյանքը լիքն
էր արատներով. նրանք արատի մեջ էին ապրում, լավագույն
դեպքում ապրում էին արատի կողքին և նրանց համար հո-
րաբույրը այն երեխան էր, որի աչքերի մեջ նայելով՝ ցերեկ-
վա կեղտից մաքրվում են: «Փողը մարդուն աղտոտում է»—
ասում էին առաջին անգամ սահմանելու պես, «Պաշտոնա-
սիրությունը արժանիքից զուրկ ոչնչության հատկություն է»,
«Մարմնական սերը շորորդական է՝ համեմատած...», եր-
րորդում էին ու չէին կեղծում: Նրանք տեսել, շոշափել ու
զգացել էին, նրանք ամեն օր տեսնում, շոշափում, հիաս-

Սափվում էին, այդ բոլորից նրանք ինչ-որ բան հասկանում էին, որովհետև ապրում էին։ Իսկ նա ինքը կյանքի փորձ չուներ, փոխարենը միտքը սուր էր, և բնկերների փորձից դուրս բերած եղբայրացու-թյուններն ու ընդհանրացումները ստացվում էին մոտավորապես ճիշտ։ Ապրելու համար այդ-բանն, իհարկե, բավական չէր։ Նա չէր էլ ապրում։ Նրա սո՞ւր միտքն էր տիրոջը զրկել ապրելու ջղից՝ հետաքրքրա-սիրությունից կյանքի հանգեպ, թե՞ պահապան բնազդն էր դարձրել ամենատես կողքից դիտող... Ինչ որ է, նա վախե-նում էր շփվել կյանքին ու վերջին անգամ, երբ սիրահար-վեց, կարծես վարակվեց տարաշխարհիկ ինչ-որ ախտով։

Ուշ տարիքում սերը չի մարսվում, ինչպես չի մարսվում ամեն ուտելիքը։ Ամեն տարիք իր սե՞րը ունի — հնարավոր է։ Բայց դա հո չի նշանակում, որ ամեն մեկը ուզած տարիքում սեր կունենա։ Չի նշանակում։ Մեկը կունենա, հազարի համար դա կլինի այն տառապանքը, որ անց է կենում սիրո անվան տակ առ ի չզոյէ լավագույնի։ Այնինչ սերը չպիտի լինի տառապանքի բույն։ Թող գրողի ծոցը գնա, ես չեմ հասկանում սիրտ մաշող սերը։ Երեխան չպիտի ծնվի տա-ռապանքից... Սիրտ երեխան ծնվում է՝ բախտի աստղը ճա-կատին, սիրտ երեխան աշխարհ է գալիս արևի լույսով, տուն է մտնում՝ ոտքը բարով, մեծանում է դաշտի խոտի պես՝ աստծո աչքը վրան, ու թե աղջիկ է, լինում է մոր նման սի-րուն, եթե տղա է՝ հոր նման սրտոտ, ու եթե մայրը ուղեցել է՝ աղջիկ կծնվի, ուղեցել է տղա լինի՝ տղա կծնվի, ուղե-ցել է... Այ, եթե ուղեմ, եթե շատ ուղեմ, սիրեմ ու ուղեմ, ուղեչով սիրեմ՝ տղա կծնվի։ Ու բերանը քոնք կլինի, ձեռքե-րը՝ իմը, աչքերը՝ քոնք, մազերը՝ իմը... հասակը՝ քոնք... մեջքը՝ քոնք... շունչը՝ քոնք... Քաղցր տղա, կողքիցս մի հե-ռանա... Ինն ամիս կողքիս մնա, որ թողնեմ տղեն հորը քաշի... Իմ կողքին մնա, կողքիցս քայլի, որ մոր փորին կասկած չդիպչի, շար աչք չդիպչի... Մնա ու մի ականջ կա-խի մեծաբերան ապուշներին, գիշեր ու զօր պարզ երկնքի դեմ ունում են գլխակեր կուշտ շները... Մի հավատա, տղա-մարդը դինվոր չի ծնվել, նրա տեղը դաշտը չի պատերազմի, տղամարդու տեղը սա է՝ կնոջ կողքին, երեխեքի գլխի վերև՝ անբացակա, որ երեխեքը հոր շնչի տակ հասակ առնեն, հոր

հասակն ի վեր ձգվեն խաղողի որթի նման, հայրական ձեռք գլխներին օրհնանք, սաստում ունենան, հոր հետ վաստակեն ու հացի նստեն, իրենց ձեռքով ծնողին թաղեն, ապրեն ծնողի ապրած տեղը, ապրեն ծնողին իմացողների հետ, ծնողի թողած լավ անունով մխիթարվեն, գավակներին մխիթարանքի տեղ թողնելու հոգսով ապրեն, շիրիմներով կապ ունենան անցյալների հետ, կապ ունենան եկողների հետ... Անմահությունն այսպես հասկանան... Քաղցր տղա, կողքիցս մի հեռանա, գուցե կյանքում ինձ այս մի քանի օրերը մնան... էսքանն էլ շատ է ինձ համար... Իսկ թե սրանով չգոհանամ, եթե հետո սա ինձ քիչ թվա, չգոհացողը ես չեմ լինի, ուրացողը ես չեմ լինի: Ես, ուրեմն, մնացել եմ այս գիշերվա մեջ, ուրեմն ես մոխրացել եմ սիրո սպիտակ սավանների մեջ, ես, ուրեմն, դարձել եմ իմ երեխան... Թող կյանքիցս ինձ էս ուշ մթնող-շուտ լուսացող օրերը մնան:

Նա այսքանով կգոհանա՞ր — ես ի՞նչ իմանամ, գուցե գոհանար, եթե ապրելու Շատ ու քիչ զգացողությունը ապրելու մեջ է: Բայց ի՞նչ ապրելու մասին է խոսքը, երբ նոխազների, ճգնափորների, նահատակների ճակատագիրը նրան տանում էր ուրիշ ուղղությամբ կամ քշում էր շրջագծով՝ կյանքին շփվելով, կյանքի շորս բոլոր և աննկատելի շրջագիծը մեծացնելով՝ կյանքից դուրս:

...Սպիտակամաշկ, արագախոս, հանկարծակի ծիծաղող լուող անձնավորություն էր նրա սերը: Միջահասակ էր, նիհարոտ էր, առատ ու շեկ մազեր ուներ, իմ հասկանալով՝ վախկոտի մեկն էր, որովհետև բարակ ձայն ուներ, մանավանդ որ՝ տղամարդկանց հետ զրուցելիս չէր կենտրոնանում: Այն-ինչ կանանցից թե՛ չահելի հետ, թե՛ ահելի մի անկյուն քաշված քչփչում էր ժամեր շարունակ: Տղամարդը կիող հետ ցածր ձայնով եթե սիրո մասին չի խոսում՝ ի՞նչ է ասում... Կանայք նրան միշտ ասելու բան ունեին: Ըստ երևույթին, վատահում էին խիստ կանացի այն մտքերը, որ թաքցնում էին տղամարդկանցից և վատահ չեն, թե ընկերուհին կհասկանա: Նա մունջ լսող էր: Նա չափից գուրս էր ուշադիր կանանց նկատմամբ: Առաջինը ինքն էր նկատում պարզած քածակը, ինքն էր կոահում սեղանակիցներից ամեն մեկի ախոր-

Ժակի ուղղությունը, ինքը ծխող չէր, բայց գրպանում վառիչ էր պահում և կրակը հրամցնում էր ուրիշներից վայրկյան առաջ, վերարկուները հանում, պահում էր հանգերձապահի հաճկատարությամբ, հաճոյախոսություններ էր շաղտալիս գարնան ոչխարի փսլիների նման... Զզվելի էր: Երբ նա խոսում էր՝ աղմկարար էր, մեկ էլ խոսքը արագ մի տեղ կապ էր գցում ու կարեկցանքի կիսաձայնով հետաքրքրվում էր կողքին նստածի հարսի քրոջ թոքաբորբով, մի ուրիշի քեռու տղայի բնակարանի ձգձգված հարցով... Այսպես, երևի, ալիերկրացի տղամարդիկ կին ընտրողների ձայն են շահում, այսպես՝ հոշակված գերձակ են դառնում, այսպես՝ զառամյալ ազգականուհու կարողությունը ծառանգում են անտրոհելի իրավունքով: Նրա խոսքը, որպես կանոն, անամոթ էր: Զի ուրացվի, սրամիտ էլ էր: Եվ ուրեմն, անամոթությունը թեկուզ թափանցիկ, բայց շապիկ ուներ: Այդ բանը կանանց խուտուտ է տալիս: Մի խոսքով, նրա մեջ ամեն ինչ կար՝ հազար ու մի մանրուքի խանութ, որ տնտեսուհուն դուր է գալիս:

Եվ ուրեմն, դու մի զարմանա, որ նա իմ սերը չի հասկանում: Նա քեզ սիրել չի կարողանում, դու դա զգում ես, դու մի նեղանա: Դու տղամարդ ես, կնոջը մի մեղադրիր: Տղամարդը սիրված լինելը պիտի գնահատի, շտիրվելը ցույց չպիտի տա: Դու նրան ների, նա մեծ սիրտ ունի... Ուներ, հիմա բան չի մնացել: Նա ոչ մեկին հիմա արդեն սիրել չի կարող: Իր սիրո զիմաց նա բան չստացավ... Չստանալը այն խոսքը չէ, չստանալուն կհամակերպվեր, — նրա ահռելի, ինքնամատուց սերը շրնդունվեց, մերժվեց, արհամարհվեց մինչև անգամ, որովհետև այդ սիրո մեջ կասկած չկար, որ չափի բերեր, անխտրական ու անվերապահ նրա սերը մեղմություն չուներ և գերմարդկային... անմարդկային էր ավելի շուտ... Նախահարձակ էր: Հետո էր, որ նրա սերը դարձավ խտրական անձնասիրության աստիճանի, քիչ ավելի ու լրիվ ցամաքեց, ու նա ալիս ոչ մի բան չունի, ունեցածը այդ է եղել:

Զէ, հորաքույրս կանացի չէր: Այդքան սիրառատ, այդքան սիրո հակված լինելով՝ կանացի չէր: Թուլությունը զենք տեսնելու սեռի բնագոյր պահապան չունի և տղամարդու նրա

իրեալը, հասկանալի է, տղամարդ չէր: Ու իմ սերը չի հասկանում... Ու դարմացած է... Զարմացած է, որովհետև միշտ մտածել է, որ ես ինքն եմ ինչ-որ շափով: Այդ համոզմունքը ծնողական վստահութիւնն է նախ և առաջ (հասուն տարիքում մորիցս շատ ես նրան եմ կապված եղել), հետո արդեն՝ իրեն հատուկ շափազանցում: Հիմա նրա վստահութիւնը պակասել է: Պակասել սկսեց այն օրվանից, երբ իր երազած ինստիտուտի ուսանող դարձաւ, երբ նրա սերը անփառունակ զնաց կորավ. այդ շիկամաղին հարազատ քրոջ անկողնում գտան: Գրանից հետո տղամարդու նրա իրեալը շճում է, չէ՛, որ կպատահեր, եթե նա ջահել լիներ, եթե մի քիչ մոռանալու ընդունակ լիներ, եթե նրա կյանքը կրկնակի, գուցե՝ եռակի ձգված չլիներ, այլ անհետացավ, ցնդեց, մեռավ, գոյութիւն չունի: Տղամարդիկ նրա համար հիմա այլևս գոյութիւն չունեն: Նրա կյանքը հիմա, կարծես, պահ տրված բեռ է, որ նա՝ բարեխիղճ, նա՝ պարտաճանաչ, պիտի տանի հասցնի տեղ ու ճանապարհի կարճն ու երկարը մի հաշիվ է:

Նա մի այնպիսի անհամբերութեամբ այս կյանքը մտավ, որ ամեն մի շնչին թե մեծ, բայց նոր գաղափար կպչում էր նրան, ինչպես փոշին կնստի թացին: Նրբ նա դպրոցը ավարտում էր, այսպես մերկ էր. լողացած, թարմ, ինքը իրենով զմայլված մարմին, ինքը իրենով զմայլված հոգի, այն վիճակում, երբ հոգի ասվող թեթևութիւնը լույս է տալիս թափանցիկ մաշկից:

Պատերազմը վերջացել էր: Պատերազմից տղամարդիկ վերադարձան լուսնոտի նման: Նրանք նույնիսկ ամբողջովին չվերադարձան: Եվ կանայք, որ պատերազմի տարիներին ապրել էին անուրախ ինքնուրույն կյանքով և համաձայն էին որդիներ ծնող հարձի վիճակին, նույնիսկ դրան շարժանացան: Պատերազմից նրանք իրենց իմացած-ճամփած տղամարդկանց ետ շտացան: Վերադարձած տղամարդիկ կես տասնամյակում ապրել էին մի կյանք, մեկն էլ՝ վերագիր, մնացածը կանացի գործ էր և ժամանակը կնաբարո ընթացք բռնեց:

Հետպատերազմյան քսան տարին հորաքույրս կինիշխանութեան ջատագով էր: Այդ գաղափարից ամեն մի կին ինչ-

որ մի բան կորցնում է ինչ-որ ժամանակ, բայց դա անցնում է: Հիմա էլ կանցնի: Կանայք իրենց նվաճում են և քր իրենք կղնեն տղամարդկանց ոտքերի տակ, եթե, իհարկե, տղամարդկություն մնացած լինի... Նրան գինակից, գաղափարակից ուրիշ կանայք էլ տղամարդկանց դեմ հոխորտացին, տղամարդկանց վերից նայեցին, արին ամեն բան, ինչ անում են նման դեպքերում, բայց անկողին մտնելուց առաջ գաղափարի քուրճը հանեցին: Իր շրջապատում, իր սերնդի մեջ նա չգտավ մի տղամարդ, որը գինակից ամուսին լիներ: Հարմար մեկին նա կգտներ այն քչերի մեջ, ովքեր ետ եկան պատերազմից: Նրանք պատրաստի գինակից էին, որովհետև ոչ մի բանի առարկելու գլուխ չունեին: Գաղափարը նրանց համար պարապ հնչյուն էր, նրանք եղել էին գաղափարից մի քայլ դեմը: Այդ տղամարդիկ տարիքով նրան հասնում էին, բայց պատերազմը բազմապատկել էր կանանց թիվը, և տղամարդիկ այստեղ մարուր ոսկի արժեին:

Նրան մի ուժեղ ցնցում էր պետք: Այն մեկի նման, որ պատահեց ուշացումով, երբ հանկարծակի ծիծաղող-լուող շիկահերը անասունի մեկը դուրս եկավ: Այդ ցնցումը ամուշցրեց նրան: Ավելի վաղ նրան պետք էր մի ուժեղ հիասթափություն կամ մի ուժեղ, հոգատար ձեռք, որ ծոճ-ճկեր այդ անհնազանդ, անպտղության միտող շիվը ու քանի դեռ չէր դախացել, ճկեր հանդեպներ կյանքի հիմքին (այդպես վաղն են ջահելացնում անդալիսով), որտեղից նա՝ արմատակալած, վեր կձգվեր արդեն որպես կին:

Ուժեղ ձեռքերի պակասություն կա: Հոգատարության կարիք են զգում կին ու աղջիկ: Տղամարդու սով է, սիրելիս: Դու ուրիշ ես: Չգիտեմ, քո ձեռքն էր ուժեղ, թե՞ քո ձեռքի տակ կեռանալու ցանկությունս էր մեծ ու երազանքս՝ ճիշտ, թե՞ նրանից էր, որ մենք մեծացանք լիության մեջ, պակաս բան չկար, մնում էր սերը՝ այդ էլ եղավ տաք անկողնու վրա գնացող կատվի նման, թե՞ երկրպագունդը արևի շուրջը նորից սիրո շրջանով գնաց... Լինելիքը եղավ:

Մեր մայրերի արգանդները տաք, ապահով էին, ցրտից, սովից, չկամությունից ջրածիք չէին, մենք՝ մեր մոր փորում, մեր հայրերը մեր կողքին էին և մեր առաջին՝ շտեպի ճիշտ նրանց համար էր: Եվ մեր մայրերը իրենց մայրերի ու քույ-

րերի նման ստիպված չէին երկունքի ցավը անեծքով տանել, ստիպված չէին շրթունքները արնոտելով՝ ճիշերը զսպել, որովհետև չսող ունեին, որովհետև տղամարդիկ խլացած չէին պատերազմով: Նրանք դրսում՝ դռների ետև, պատուհանների տակ զվարճալի զսպվածություններ հաճում էին ու մեր մայրերի տիրավոր-զիլ աղաղակները ցերեկվա լույսը, գիշերվա մութը սրատում էին... 41-ին ծնված տղերքը մեզանից մեծ էին տասը տարով, մեզ շրջապատում էին անցավ, անկաշկանդ տղամարդիկ, հին զինվորները կպել էին տղամարդու իսկական դորժին, ամենավերջին պատերազմը (այդքան խնավեր պատերազմը պիտի որ վերջինը լիներ), այդ պատերազմը մեզնից հեռացել, պատմություն մեզ մոտենում էր խաչակրաց պատերազմներին, հողը պարբար էր ապրելու համար ու այս անգամ էլ հուպատերազմյան բախտավոր-ծնող ժամանակների սերունդ լինելը վիճակվեց մեզ: Ես ծնվել եմ սիրո համար: Ու եթե քեզ մի ժամ չեմ տեսնում, ոտքերիս տակից հողը գնում է: Բայց միշտ հո այդպես չի մնա... Թե՞ կմնա, եթե իմ ու քո սիրու վրա անդադար զողամ: Ես կզողամ, բայց վախենամ թե սերը անկախ լինի կամքից: Ես հասկանում եմ, սերը խնամքի կարիք ունի, սերը սիրում է, որ իրենով զբաղված լինես, շահես, պահես... բայց փայփայանքը այլասերելու հատկություն ունի: Փայփայանքն էլ կաշկանդանք է: Կաշկանդանքը այլասերում է... Ի՞նչ հող տաս զըլ-խիդ: Եթե չգիտես ինչից, ինչիդ, ինչպես է սերը կաշում, չես էլ իմանա ինչով պահես, չես էլ իմանա ինչից կցնդի... Թող որ ամեն բան տևի այնքան, ինչքան կարող է: Ափսոսալը փոքրոգություն է, ես չեմ ուզում լինեմ փոքրոգի... Եթե ես ուժ ունենամ ու չափսոսամ անցածը, ուժ ունենամ ու չուրանամ ապրածս կյանքը, եթե ընդունել կարողանամ, որ ոչ թե մահն է անհեթեթ-անարդար-զաժան, ալ իմ ծնունդն է պատահական բախտ,— եթե այսքան ուժ ունենամ, մեծահոգությունը կանմահանամ: Ես հավատում եմ անմահություն: Հավատում եմ առանց որևէ երաշխիքի: Իսկ մի ժամանակ երաշխիք էր պետք: Մեծամոլության այս ցույցը տես: Լինելու՞ բան է. որ բնությունը մեզ՝ իր պսակին ու զլուխործոցին օժտած չլինի առանձնահատուկ, արտոնյալ բախտով... Այսքան զեղեցիկ, այսքան բանական լինեմ ու մեկ էլ՝ չլի-

նե՞մ... Չի կարող լինել: Ես ինչպե՞ս կիսեմ ինչ-որ սողունի
ճակատագիրը, այս դարմանալի կյանքից հետո ի՞նչ սրտով,
ի՞նչ հնարով բնդունեմ, թե եղածը այս է. կա անմահություն
երկրի վրա՝ մի կյանքի սահմաններում, կա տիեզերքում՝
բոլորիս համար, բայց հավերժության այդ խնշույթին մեզա-
նից ոչ ոք անհատապես հրավիրված չէ:

Մեզ ձեռ չի տալիս, որ կյանքը հանկարծ այսքան պարզ
լինի ու բարդացնում ենք, ո՞նց ենք բարդացնում, ողորմած
աստված, ասես բարդացնելու էլի տեղ ունի:

...Ես խոսում եմ, որովհետև շատ ու շատ բան պարզ չէ
ինձ համար: Խոսելով կամ մտածելով ինչ-որ բանի մոտե-
նում ես: Գու մոտենում ես, նա հեռանում է: Եթե չես հաս-
նում, չես էլ կորցնում տեսողաշտից, որովհետև կանգ չես
առնում: Համենայն դեպս, շարժման պատրանք կա: Գոնե
ձանձրության փրկություն կա: Ես ձանձրանալուց սարսափում
եմ: Վախենում եմ մի օր մնամ մնացորդ կյանքով ու, նրա
նման, շիմանամ այդ կյանքն ինչ անեմ:

...Նա այն էր անում, որ իր մահվանը պատրաստվում էր:
Նա այդ գործը առաջ էր տանում իրեն վայել հետևողակա-
նություն՝ կյանքի հետ իր կապերը հերթով խզելով: Այդ
բանը նրան հեշտ տրվեց. երեխա չունեի, տղամարդկանց
վանել էր վաղուց, աշխատանքը ճղնավորի աշխատանք էր,
ընկերախումբը ցրվի էր եկել մօր մահից հետո, կարգում
էր այն հեղինակներին, ովքեր մեռել էին ամենատուշը դարս-
ակգրին, մնում էին հարազատները, նրանց էլ գոյությունը
կարող էր չզգալ իր գոյությունը չզգալու նման կամ դեպքից
դեպք մտաբերելով:

Տասը տարի առաջ, երբ վերջնականապես պարզորոշվում
էր այդ շկայացած կյանքի պատկերը, նա եռանդի վերջին
պոռթկումով (կարծես վերջինն էր) կպավ ինձ: Նրա վարքը
ընդհանրապես պոռթկումնային էր: Դա սազում է գժանոց-
ներին, հարմար է գալիս ուսանողական միջավայրին, բայց
չափի բերված աօրջայում իմաստուններն էլ, հիմարներն էլ
դրանից դիվոտում են: Իմաստունները՝ որովհետև ձանձրա-
ցած են իրենց իսկ ջահելությունից, հիմարները՝ որովհետև
ցնցումները վիրավորում են նրանց անթերի տախտակություն-

նր... Նա ապրում էր պոռթկումներով ու ամենաչնչին գրգռիչ հանդեպ վերաբերմունքը երեխայական-անմիջական էր: Դա բնական չէր, որովհետև մարմնի նույնիսկ բնազդական զգոնությունը տարիքի հետ բթանում է: Տարիների հետ կոփվում է հոգին: Այդպես՝ աշխատող ձեռքն է կոշտանում ու պաղ ու տաքի, ցավի հանդեպ դառնում է պակաս զգայուն, մի բան, որ պետք է գործ անողին, գործին՝ առաջել: Այնինչ նա կոշտանալուց սարսափում էր: Նա իր բնածին զգայնությունը փաշտալուց էր ջութակահարի մատներ որպես: Փայփայել ասելը քիչ է, կարծես անդադար գրգռում էր ու պատճառը, միզուցն, այն էր, որ ունեցածը միայն դա էր... Չէ, նա ծնվել էր պակասավոր: Ժամանակի մեջ մի երեկի բան անող, շրջապատին իրենից ինչ-որ մասնիկ թողնող խառնվածքն էր նա, բայց վերջին պահին տաղանդ կոչվածը նրան չէր կպել և մնացել էր չպատճառաբանված զգայնությամբ, կամ անկատար լինելուց՝ ամուլ, անգործության դատապարտված հատկությամբ, որ ներսից իրեն է խփում, դրսից ուրիշին... Նա տպավորվող էր լուսանկարչական ժապավենի պես, նրա մեջ այնքան բան էր լցվում օրվա ընթացքում, որ ինչ-որ ձևով պիտի դուրս գար, բայց ելք չէր գտնում: Նա ծնվել էր լուրջ արատով և ժամ առ ժամ, օր-օրի թունավորվում էր իր ներսից:

Երբ ինձ պինդ բռնեց, երեսունհինգ տարեկան էր: Բնական է, որ երիտասարդ հորաքույրը հասունացող զարմուհու դաստիարակությունը իր վրա առնի: Իսկապես որ, սկզբում նրա վարմունքի մեջ շիրագործված երազանքը իր երեխայով իրագործելու մայրական ջանք կար: Հետո էր, որ... Տխուր բան է, բայց պատահում է, շատ է պատահում, որ ինչ-որ շնչին երազանք գլուխ է գալիս հազիվ մի քանի սերնդի կյանքով... Թող տխուր լինի, տխրությունն էլ զգաստությունն է: Երևի թե դա հենց այն է, ինչը ամենից շատ է հարկավոր մարդկային ցեղին — որ սերունդները կապված լինեն երազանքի ընդհանրությամբ. որ ծնողները երազանքի հետ մնան իրենց զավակների մեջ. որ զավակները, մի նոր հով բռնած, աքսորի ու մահվան շտան ծնողներին. որ ծնողները դառնությունից շանիծեն նրանց ծնված օրը. և որ թոռները անմխիթար դատավորների դերում չմնան ամբողջ կյանքում, անն-

լանելիությունից իրար շխառնեն շարն ու բարին, վերջնա-
կանապես զրկված շինեն երազանքից:

...Դու ինձ մի ուղղի, ասում եմ այն, ինչ ասում եմ:
Նպատակից՝ չէ: Երազանքից: Լեզուն անսխալական ու իմաս-
տուն է: Երազանքը սլացիկ, թեթև, անլնաս բառ է,
իսկ նպատակը միշտ խփում է ինչ-որ բանի: Եթե հաս-
նում է՝ խփում է նպատակ-կետին, եթե չի հասնում՝ դառ-
նում խփում է ելման կետին, կամ հենց սկզբից, ետհամար
թափով, խփում է իր ելման կետին: Մեծ նպատակը այն
հրթիռն է, որ մոխրացնում է ելման դաշտը և նրա համար
ելման դաշտի խնդիր չկա, որովհետև վայրէջքի ուրիշ տեղ
ունի կամ բուրբուխի վայրէջք չունի:

Մենք կոահել ենք նպատակասլացություն կոչված բանի
ավերիչ ուժը ու երազող ենք: Մենք կասկածում ենք, ուրեմն
մոտ ենք սթափվելուն: Մենք հազիվ-հազ սթափվելու ճանա-
պարհին ենք, իսկ խժոժության տասնապետները վայրահա-
չում են մեր մասին՝ իբր թուլամորթ, աննպատակ սերունդ
դուրս եկանք, իբր մեր կյանքում վեհոթյուն չկա... Հապա
սիրելը, երեխաներ աշխարհ բերելը, առավոտյան աչքերը
բացած երեխայիդ դարմանք հրձվանքը՝ երեկ կայինք—չսօր
էլ կանք, հապա քունը, լավ երազը, ընկերությունը, խոնջա-
նալուց հանգստանալը, մրսելուց հետո ջերմանալը, նվաղե-
լուց ուշքի գալը, հիվանդությունից ապաքինվելը, օտարու-
թյունից տուն դառնալը, հենց միայն լուսաբացի օդը շնչելը.—
վեհոթյունը սրանից դո՞ւրս է: Եթե դուրս է, ի՞նչ համ ունի,
ի՞նչ գույն ունի, ինչի՞ց է շինված... Վերջին հաշվով, հետն
ի՞նչ կապ ունես, եթե դուրս է:

Դու ուշ դարձրու օր ու գիշերվա, տաք ու պաղի, մակըն-
թացության ու տեղատվության, շնչելու ու արտաշնչելու,
հոգնության ու եռանդի լիցքի իմաստուն կարգին: Զգո՞ւմ
ես՝ կա բան անելու ժամանակը և բան չանելու ժամանակը:
Եվ չանելը ոչ թե կորուստ է ժամանակի, այլ ժամանակի
խնայողություն, այլ ժառանգություն ապագային... Փոթե-
ռանդությունը հակառակ է ժամանակի վսեմ ընթացքին: Եվ
ժամանակը անողոր էլ է, վաղ թե ուշ քթից է բերում իր վսե-
մությունը արատավորող վախկոտ, փոքրոգի, քամապնչած
ջղագարներին:

Կիտև՞ս ինչն է էս աշխարհի տունը քանդում՝ իրենից հետո բան թողնելու՝ մահկանացուի մեծամիտ ջանքը: Այնինչ աշխարհը նրա թողածի կարիքը չունի: Համենայն դեպս, բան թողնելու ճիգ չի պահանջում որևէ մեկից այս հպարտ ու ժուժկալ աշխարհը: Միայն թե՛ եղածը մնա: Դու ցանքսդ արա, հունձդ հնձի, քեզանից հետո երեսա թող՝ անալիզձ արյունով, մերձավորիդ սիրել շես կարող՝ վնաս մի տուր, մի բան էլ նույնիսկ առ ու հետդ տար ու համեստորեն համոզված եղիր, որ առանց քեզ էլ այս հին աշխարհը իր լավ ու վատից գլուխ կհանի:

Ես չհասկացա, առաքելական հավակնություններով տառապող մարդիկ այդպես ծնվո՞ւմ են, թե՞ հիվանդությունը նրանց կաշում է հանգամանքներից — գրքի բորբոսից, մրսելուց, վախից, թերասնումից... Միգուցե՛ կերկոխ լինելո՞ւց... Հորաքույրս ուրիշներին խելքի բերելու, իրե՛ս կպած ինչ-ինչ գաղափար փոխանցելու (կարծես շիկացած հրկաթ էին տվել ձեռը), կամ գաղափարով վարակելու (դա կատաղության հիվանդություն է) ամբարտավան ու վտանգավոր ցեղից էր: Կուղես ասա՛ մոլորված ցեղից, կուղես ասա՛ բարին կամեցող — վտանգը չի պակասում: Այդ համառ ցեղը դաս չի առնում ոչ նախորդների, ոչ իսկ սեփական փորձից, առիթը եկավ՝ ամեն բան սկսում է նորից:

Ինչ ասել կուզի, նա զթասիրտ էր: Այդքան զթասիրտ մեկ էլ մայրն էր, բայց նրանց միջև սար ու ձորի տարբերություն կար: Տատիկը իր զթասրտությունը կրում էր հանգիստ, նույնիսկ անտեղյակ, որպես մարմնի առողջություն, այնինչ նրանք հիվանդագին էր ու հակված էր խղճահարություն: Դա արդեն կիրք էր: Եվ կիրք լինելով՝ զգուշանալու էր, որովհետև կիրքն զգացմունքի բիրտ աստիճանն է: Նա խղճում էր մուտքի, շենքի, դիմացի շենքի, ձախի շենքի, աջի շենքի, շերտացող կողմի շենքի հարեաններին առանց խտրության: «Դու նայիր, ուշադիր նայիր, — ասում էր ինձ, — նրանք առավոտը արթնանում՝ թեյ են խմում, սուրճ են խմում, երեսաներին պարտեզ են տանում, զսրոց են ճամփում, գործի են գնում, գործից գալով՝ երեսաներին տուն են բերում, ճաշում, ընթրում, հետոստացույցի առաջ նստում են... Շուկա են գնում՝ շաբաթ-կիրակի խաշ են դնում, խորոված անում, հյուր են գնում,

Հյուր են ընդունում, տղամարդիկ օդի են խմում, կանայք լվացք ու արդուկ են անում... Երկուշաբթի արթնանում են՝ սուրճ են խմում, թեյ են խմում, երեխաներին դպրոց են ճամփում... ու ո՛չ մի ոգեղեն բան, ո՛չ մի ձգտում...»։ Ես առարկելու բան չունեի։ Ես ուշ հասկացա, որ ասրող-ծնող-աշխատող մարդիկ ոչ իրենց աշխարհ գալուց են սքանչացած, ոչ մահին են վերագրում սոսկալի խորհուրդ, անցած օրվա տվածից գոհ են, գալիք օրից սպասում են քիչ ավելին, ու ոչ մի օր կորած չէ նրանց համար, որովհետև երեխաները մեծանում են ամեն օրով՝ մի կաթնատամով, մի թլվատ բառով, ևս մի քայլով, ոտքի կանգնելով, թիկունք դառնալով... դա կյանքն է խոտի՝ ելնում է հողից, սերմ է տալիս, հող է դառնում առանց ցավի։

...Նա, ով ասրել է խոտ ու ծառի հետ, ով տեսել է բողբոջումը, պտղակալումը, սերմերի շուն, տերևաթափը ցրրտից սակված երկրի վրա, ծառի իմաստուն պատրաստությունը ձմեռելուն — նա իրեն կզգա բույսի մի տեսակ, նա, ով ամեն օր դեմքի վրա զգացել է կենդանու շունչը, ով ամեն անգամ զարմացել է նորածին հորթի՝ մայրական կրծքի անվրեպ կողմնորոշումով, ով տեսել է սարդին՝ հյուսելիս, օձին՝ խորխի միջից դուրս գալիս, երեխայի դեմ գելխեղդ շան խեղճանալը, շան լակոտին խոճկորների շարքում ծիծ տվող մեքուն խողին, ով ականջը հողին դրած քուն է մտել, բայց պաղությունը ներս չի առել (որովհետև քրտնած մարմնի ջերմությունը տաքացրել է անկողին-հողի առաջին շերտը), ով սայթաքել է, բայց չի ընկել ընկույզի ծառից (ներան պահել է ծառի, ճյուղի նախնական զգացողությունը), ում վրայով ձին քառատրուի սլացել է ու չի արորել, — նա չի կարող իր անձին, կյանքին ավելի մեծ կարևորություն տալ, քան այդ ամենին, որովհետև շոշափել է գոյակցության ողնաշարը, իր շուրթերին զգացել է համընդհանուր ավիշի համը։ Ուրիշ բան է, որ չի կարողանա բացատրել, թե ինչ համ ունի, որովհետև համեմատության եզր չկա։

Այն ժամանակ, երբ մարդը ձիուն ընդունում էր այնպես, ինչպես կա — ոչ ավելացնում, ոչ պակասեցնում էր, այդ ժամանակ ձիու կյանքը ավելի հեշտ էր։ Եվ ձիու կողքին մարդու ասրելն էր ավելի հեշտ։ Հեշտ էր ու ճիշտ, որովհետև

հիմարանալու վտանգ չկար: Իսկ իր նմանով շրջապատվածը, սոսկ իր ստեղծած սարքուկարգի կողքը ապրողը մեծ բնության հարաստեղծ ընթացքին հետևելու հնարավորությունից զրկված լինելով, ներդաշնակության ու ճշգրտության այդ հրաշքի առաջ սեփական նվաստությունը գիտակցելուց զգաստանալով հեղանալու ընդունակությունը կորցնելով՝ մնում է տգետ, տգետ լինելով՝ վտանգավոր, նմանվում է այն ապուշին, որը սեփական ձեռքի հողերի ճարճատելու հատկությունը երջանկորեն հայտնաբերած՝ այդ զբաղմունքից չի կշտանում, ինքն իրենով հիանալուց չի դադարում:

Հորաքույրս հնարավոր ամեն լավ բան՝ գեղեցի՞կ ասեմ, ներդաշնակ ասեմ, աղնի՞վ ասեմ, թե՞ առաքինի — տեսնել էր ուզում միայն մարդու մեջ: Սա հո մեթոդի, քմահաճույքի, նախասիրության հարց չէ հասարակ, այլ բթամիտ ինքնասիրահարվածության: Սա տղիտության մտայնությունն է, թե երկնքի տակ հնարավոր ամեն լավ բան ի մի բերվել, պահ է տրվել մարդուս անոթին... Անապահով այդ անոթին: Այս ճանապարհը հիասթափության դուռն է տանում՝ այդպես էլ եղավ: Նա երես թեքեց պաշտամունքի իր առարկայից ու քանի որ բանը մինչև վերջ հասցնելը նրա կիրքն էր, հիասթափությամբ շփոհացավ, շուտ եկավ գլուխն ի վար, այս անգամ արդեն իր ուղելիքը փնտրել սկսեց ամեն ինչի մեջ, բացի մարդուց: Սա էլ մեծամտության մյուս երեսն է — ատելությունը կաշում է նրան, ինչին շափաղանց ես կարևորություն տվել:

Նա ոչ մի բան չհասկացավ, թեպետև մոտ էր հասկանալուն: Մոտ էր այն գծին, որին հասնում են դժվար կյանքով ապրած մարդիկ, բայց անցնում են էլի քշերը — դժվար կյանքն էլ իմաստության շտեմարան չէ: Բայց նա ա՛յն տեսակը չէր, ում մի կյանքը դաս է լինում: Նա իմ կյանքով ամեն ինչ սկսում էր նորից: Եվ մի այնպիսի կրքով ինձ կպավ, կարծես թե մեջտեղ էր բերել իր երկրորդ կյանքը — այդ գալթակղությանը ո՞վ կդիմանա:

Նրա կրքից ես պիտի որ զգուշանայի, եթե այդքան խակ չլինեի: Այսօրվա խելքով կզգուշանայի, բայց այն ժամանակ իմ խակությունը երկուսիս էլ հարմար եկավ: (Խակությունը պետք է գալիս այդ տարիքին, օգնում է, որ կասկա-

ծամտութիւնը, զգուշավորութիւնը, անվստահութիւնը ծամանակից շուտ մարդուն խողութեան շղատապարտի): Ու մինչդեռ իմ ժիր բնազդը վստահաբար ինձ տանում էր նախասահմանված ճանապարհով (բայց ուրիշների կամքով էր դուզվում պճնամուլի անհոգութեամբ), նա անհոգութիւնս հնազանդութիւն հասկանալով, թեկերը քշտած՝ մտապատկերում ինձ տեսնում էր իր պատկերով ու նմանութեամբ, բախտավորութեամբ էլ ջնարակված: Ես չգիտեմ, դա հաջողվե՞ւմ է մեկնումեկին, չգիտեմ՝ նրան կհաջողե՞ր նոր սկսածը տանել հասցնել ծանոթ փակուղի, եթե ես մի քիչ փափուկ լինեի, եթե իրենից մասն ունենայի:

Ես հեշտ եմ խոսում, որովհետեւ ուրիշ մարդ եմ: Ուրիշ եմ եղել ծնված օրից, բայց նա այդ բանը չհասկացավ: Նրանք այդ բանը չեն հասկանում: Նրանք այնքան են դբաղված լինում իրենք իրենցով, որ դիմացիներն չեն նկատի, մինչև ճակատ-ճակատի շօան, մինչև ցավ չզգան... Ես չեմ հասկացել, որ ուրիշ եմ: Այդ տարիքում հասկանալ հնարավոր չէ: Հարկավոր էլ չէ: Այդ տարիքում ապրում ես զաշտի քամու նման, կամ հարավային ու հյուսիսային, արեւմտյան ու արեւելյան քամիների տակ ճկվելով բացվող ծաղկի նման, որի ճկվելը ցավ չի տալիս մատղաշ ցողունին, որովհետեւ դա է նրա ապրելու ձևը՝ ճկվել-ուղղելով վեր ձգվելու ուրախութիւնը...

Երբ դեռ ինքներս մեզ չենք խթանել նպատակներով, չենք թիմարվել պատրաստակամութեամբ ու չենք բեռնվել զաղափարներով, մեր էութիւնը նման է բույսի: Ամեն նյութ ու ամեն վիճակ պիտի որ օժտված լինի ինքնահատուկ զգացողութեամբ: Պիտի որ լինի գնդաձևութեան, հոսունութեան, սերտաճումի, ողորկութեան, տարրալուծումի, մակարդվածութեան, ուղղաձգութեան և այլնի ինքնազգացողութիւն: Ես, ինչպես բույսը, երբեուն աճի զգացողութիւն ունեցել եմ: Երեւի այդպես ձուկն է ունենում ջրհոսելիութեան զգացողութիւն... Պատահում է, երազում ես թռչում եմ: Կար ծամանակ, թռիչքս անկման ձև ուներ, հիմա ճախրում եմ: Ու զգում եմ թեկերիս ուժը, հոգերիս ջանքը, զգում եմ թանձր, ծանր օդը... Երկու անգամ ինձ վախեցրել են: Առաջին անգամ որսորդական հրացանով նշանի առան (ես քղավում էի՝

աղաւմնի շեմ, ճնճղուկ շեմ, հրեշտակ շեմ...), երկրորդ անգամ երեխաները քարկոծեցին... Մայթին քայլելուց հոգնել էի, թե՞ քայլելու հարմար ժամ չէր՝ ծնկներին մեջ ուժ քաշեցի, թեևրիս տվի ու բարձրացա վեր: Փողոցն անցնում էի անցման վրայով՝ էլեկտրագծերը խանգարեցին, քիչ վեր ելա, փողոցը անցա, մայթի թեղին շրջանցեցի, հինգհարկանի շենքի քիվին քսվելով անցա, բարձրահարկերի շարքի դեմ վարանեցի, հետո հեծանիվ քշելու նման, ջրի տակից ոտքով հրվելու եղանակով վեր բարձրացա, արգելքն անցա, բարձրությունս պակասեցրի... Այստեղ նրանք՝ լակոտներն ինձ նկատեցին: Մայթի վրա քար ո՞րտեղից, մտածեցի, բայց նրանք արդեն քարկոծում էին: Աղաղակս նրանց չէր հասնում կամ ինձանից դուրս չէր գալիս, ես զգում էի, որ բալի շափսի մի քար էլ դիպչի՝ կտապալվեմ ու լեղապատառ վայրէջք արի... Երազում լավ է: Բախտավորություն է սավառնելու զգացողություն ճանաչելը, բայց սավառնողին, ախր, խըփում են: Եվ ճիշտ են անում: Համենայն դեպս, ներքեիններին ես հասկանում եմ: Թեև վորներին եթե խփում են, անթև թռչողին ինչո՞ւ չխփեն: Եթե ցածում ես, այդ տեսլիքից կամ լեզուդ պիտի կապ ընկնի, կամ լեզիդ պայթի, կամ պիտի խփես, մանավանդ որ փորձը ասում է, որ եթե թռչողը մարդ է՝ խփելու հարմար դիրք է որոնում, եթե խուժել է ուրիշ ուրորտ՝ վերջը բարի չէ... Չէ, ուրորտները լավ է մնան անձեռնմխելի:

Նա մարդու առաջ սահման չէր տեսնում: Նա համոզված էր, որ մարդուս բախտը իր կամքն է, և նրան նույնիսկ իր՝ պրկված կամքով ապրած-ձախողված կյանքը դաս չեղավ: Նա հիմա էլ իր կյանքի ձախողումը հեշտ ու հանգիստ կվերագրի կամքի չհիշվող ակնթարթային մի թուլության, քան իր համոզմունքը կասկածի կառնի: Փաստորեն նա մնացել է նույն զեռահասը, ինչ քսան տարի առաջ է եղել: Նա ու նրա նմանները առաջ չեն գնում անմեղունակ ամբարտավանության այն տարիքից, երբ թվում է, թե երկրագնդի առանցքը դու ես: Այդ վստահությունը լավ է այնքանով, որ հետագայում վրան խնդա: Այդ տարիքն ու վստահությունը լավ են առաջին սիրո համար, սիրուց դուրս մնացած ամեն պարագայի կյանքի այդ մողի շրջանը անկման շրջան է, խեղա-

Ճումն է երեխայական արդարամիտ աշխարհընկալման, կո-
րուստն է այն հայացքի, որի առաջ շնչավորի ու անշունչի միջև
սահման չկա. երբ իրերը մտածել գիտեն, անասունը խոսել
գիտի, երբ ձյունը՝ թիթեռ, թիթեռը՝ ծաղիկ, ծաղիկը ուրախ
արագիլ է, շնիկի մայրը նրա կողքից գնացող կինն է, մեծ
մեքենան փոքրի հայրն է, լուսանկարը բնորդի կրկնակն է...
Պատանեկությունը լավ է, եթե դաս է լինում: Լավ է, եթե
այդ կարմրուկը թեթև տանում, վերադառնում էս... Չես վե-
րագառնում: Նախնական արդար ընկալումներին վերագարձ
չկա: Երեխի թե միայն վերջում, իբրև սրտի վերջին ուղելիք,
տարիների կուտակված ազից լաված հոգերդ մի կերպ ծա-
լելով ծնկի կգաս այդ ակունքի մոտ, աղբն ու տիղմը դուրս
կտաս մի ժամանակվա երեխայի աչք-գուլալ ակից ու եթե
տակը թացություն եղավ՝ գոտի շուրթին ճաք կբացես՝ իբր
պարզի, եթե ջուրը տակն անցած եղավ, կնստես ու կսպա-
սես (վերջին հրաշքին սպասում են մահվան զուգահեռ), որ
հրաշք լինի՝ աղբյուրը բխա... Աղբյուրը բխա, մի պուտ ջուր
առնես, ընկույզի կճեպ կոպերիդ քսես, մլարը կապած բի-
բերդ ցողես, որ թեկուզ մի պահ, թեկուզ կոպերիդ թացու-
թյան ցնդելու միջոցի չափով տեսնես այնպես, ինչպես
տեսար աշխարհից քո հիշողության առաջին օրը, երբ
սովերդ հայտնաբերեցիր... Եվ սովերդ հայտնաբերած՝ նախ
ուղեցիր նրանից պոկվես — չկարողացար, հետո տեսար
ժառն սովեր ունի, բայց պոկվելու ջանք չի թափում ու հան-
գրստացար... Հորիզոնից ամպ էր գալիս՝ մտածեցիր կգա,
փայլուն կոշիկներից կփոշոտի ու կոշիկներով մտար առուն,
հետո վախեցար, որ կոշիկներից ջուրը կտանի, հանեցիր դրիթ
թևերիդ տակ, լեզու ցույց տվիր ամպին, արևին, կոշիկներիդ
վրա աչք տնկած հնդուհավին... Այդ ժամանակ տեսար հա-
վի ձուն ծննդի պահին ու ձուն ձվածեղի տեսքով անկաշկանդ
կապվեց արևին, վեր նայեցիր՝ կոպերդ թրթռում էին, փեշդ
քաշեցիր աչքերիդ դեմ՝ կոպերդ էլի թրթռում էին, ու շնա-
յելը ճիշտ համարեցիր, ձուն հիշեցիր, գնացիր որ ձեռքդ
առնես, մտածեցիր, թե կվառի ու նստեցիր ձվի կողքին՝
սպասես պաղի, սպասումով թիկն տվիր խոտի դեզին՝ շունչդ
կտրվեց խոտի բուրմունքից ու նախանձեցիր քո հորթուկին,
խոտի մի ծեղ բերանդ առար ու խղճացիր քո հորթուկին,

Ճուտիկներին աշխարհ գալը տեսել էիր՝ պատկերացրիր հորթուկին ձվից դուրս գալիս... Քաթիկոզ զգույշ դիպրիր ձվին՝ ձուն չվառեց ու պաղն ու տարք կապեցիր ժամանակի հետ...

Ես ուրիշ էի, ծնվել էի ուրիշ ժամանակ, ուրիշ աստղի տակ, ուրիշ մորից: Մեր ննջարանի պատուհանները բացվում էին Արագած լեռան, նրանք՝ ցավոտ Մասիսի վրա, մեր հարևանը բարեհոգի հարբեցող էր, նրանք՝ սթափ, Քրիստոսի երևակայած սանրվածքով, ոտից գլուխ adidas հագած ինքնակոչ աստվածաբան, մեր տան առաջ խնձորի ծառ կար, որ ծաղկում էր տարիումեջ (խնձորի տիրոջ ժիր կնիկը ծննդաբերում էր ամեն տարի), իմ հայրը չէր մասնակցել պատերազմին, իմ քեռին անհետ կորել էր... Հազար ու մի տարբերություն: Ես ուրիշ էի, շնայած նրան կապկում էի: Այդ կապկելն էլ հո կապիկություն չէր, կերպարանքս գտնելու ջանք էր:

Ես հեշտ եմ խոսում, իմ վրա, կարծեմ, անեծք չկա: Բայց... սատանի ականջը խուլ: Երաշխիք չկա: Ամեն մեկիս էլ վրա անեծք կա. մեկիս վրա՝ մեծ, մեկելիս՝ փոքր: Իմ վրա էլ կա: Ես տեսածիս անուն չղնել չեմ կարողանում: Դա անեծք է, որովհետև ուրիշներին խանգարում է հանգիստ ապրել, ինձ... մեզ պարզապես ապրել չի թողնում: Ես հիմար չեմ: Եթե ինձ մնար, ես անշնորհակալ, ամեն բանին թեկուզ արժանի անուն տվողի ծանր դերը վրաս չէի առնի ոչ մի գնով: Չէի առնի թեկուզ այն պարզ պատճառով, որ նպատակիս հասած չէի լինի խեղկատակի պարզունակ դերով (նրանք, ախր, մեզ խեղկատակի տեղ են գնում): Իմ հիվանդագին ինքնասիրությունը այդ աստիճան զոհողություն անել չի կարող: Բայց ես չեմ կարող ինձ տիրապետել: Դա իմ մարմնի հատկությունն է... Հիվանդությունն է ավելի շուտ: Ես համոզված եմ. իմ նմանները չեն կարողանում լռել, ստել, շտեպնելու տալ, որովհետև երբ նրանք այդ քանը անում են, նրանց փայծաղը արյուն մաքրելուց դադարում է, կամ հոգեբում արագորեն ազ է կուտակվում, կամ մաշկը դաբաղվում է ու օդ չի առնում, կամ արյունը թանձրանում է աղետալի աստիճանի... Համարիք սա ժառանգական ախտ, հաշվիր սերմի թերութություն, բնդունիք իրրև նախածննդյան խեղվածքի արդյունք, վերագրիք այն համաստեղությունը, որի

տակ աշխարհ ես եկել, — փաստը սա է. եթե արժանի խոսքի վրա տատանվում ես, եթե ասում ես կակաղելով, եթե նույնիսկ հապաղում ես՝ նստել չի լինում, կանգնել չի լինում, պառկել չի լինում, շարժվել չի լինում, շնչել չի լինում:

Սա, իհարկե, անշատ կեցվածքս սիրում եմ: Ինձ դուր է գալիս ուրիշներին շնամանվելը, բայց ոչ խեղկատակ լինելու գնով, իմ հպարտ հոգին վկա: Եթե մեկին թյուրիմացաբար անվատահույժուն ես ներշնչել, հույս ունեցիր, որ վատահույժամբ կփոխարինվի, եթե քեզ հանիրավի թերագնահատել են, վաղ թե ուշ կհատուցեն գնահատանքով, ատելությունը տեղը կզիջի սիրուն կամ վախին, ներշնչածդ վախը կարող է նույնիսկ մահվանդ պատճառ դառնալ — էլի բան է, բայց եթե դու ծիծաղելի ես, դա անփոխելի է, դա հարատև է, արժանի չէ նույնիսկ մահվան:

Այնուամենայնիվ, նա կանգ առավ ծիծաղելի դառնալուց առաջ: Կամ նախահամբ առնելու վրա: Երա մոլեգին ինքնասիրությունը փրկեց նրան: Առհասարակ, ամեն մեկին իր մեջ եղած մի բան փրկում է ինչ-որ ժամանակ: Եթե ուրիշ բան չլինի, ձանձրույթը կա: Արատավոր են ձանձրանալու ընդունակություն շունեցող մարդիկ: Ձանձրանալը մարդուն փրկելում է հոգնությունից, իսկ հոգնությունը թունավոր բան է: Այդպես փրկվում են հարեցողությունից, անառակությունից, տխմար գրքերից, շողորթոթներից, սևեռն մաքից, բթամիտ հափշտակվածությունից, ինքնազմայլանքով տապակվելուց... Չեն ձանձրանում երեխաներն ու մտազարները: Երեխաները հոգնում՝ քնում են, նրանք հոգնում՝ զրկվում են քնից:

Իրենց վերջին հրավերքներից մեկի ժամանակ հորաբրոշյ ընկերախումբը որոշեց, որ ժամանակն է մի վերջին անգամ ինձ հարցնելու (հորաբրոշ խնամատարությունը ընկերաբար փայլատեր էին) թե գործերս ուր եմ տալու: Իմ փոխարեն նա՛ պատասխանեց: Առիթ էր, որ ձեռք դիպցնեիր իր հին վերքին: Անարդարության զոհի կեցվածքը սազում էր նրան: Համեմատյալ գեղատեսիլ ներշնչված տեսքով տեսած չկամ: Այդ ապրումին նա անցնում էր սև շղարշը տրամաշուք սահունությունամբ ուսի վրայով գցելու նման ու ժպտում էր սպիտակ-դառը-համակերպված... Ընկերուհիները, որ քսան տա-

րին համարել էին անախորժութիւնը մոռանալու բավարար միջոց, անակնկալից սակվեցին, և հորաքույրս հանդուցյալի զավակների արեշատութեան բաժակը խմելու նման այդ դադարը իմաստավորեց.

— Շուշանս աստղով աղչիկ է:

Շեւեկյալ պահին ինձ հետ ինչ-որ բան կատարվեց: Նա, կարծես, արագընթաց մի բանի նստած հեռացավ ինձնից ու մնաց այնտեղ, բայց պատկերը շաղոտացավ: Մի սեղան էր բաժանում մեզ, մեկնած ձեռքի տարածութիւն, բայց կարծես նույն դաշտի մեջ շէինք, որի վրա նույն ուժերն են ազդում: Նրա հոտը ինձ չէր բռնում, նրա ձեռքը, զգում էի, ինձ չի հասնի: Նրա շուրթերից ես հասկանում էի ասելիքը, բայց ձայնը խուլ էր: Իմ ականջները ճնշված էին այս նոր հայացքից: Գուցե թե իմ նոր հայացքը առաջին անգամ խմածս մի կում գինուց էր, գուցե նրանից, որ ես իրենից հոգնել էի... Հունվարից մինչև հունիս նա թույլ չէր տվել գրասեղանի մոտից հեռանամ, չէր թողել առանց իրեն երկու քայլ անեմ ու պարապել էր ինձ հավասար: Իմ ընդունվելով թե նա ինչ էր ապացուցելու՝ ես նոր հասկացա: Իմ կյանքի վրա դրած փորձից կամ իր կյանքը կրկնելու փորձից ինչ էլ դուրս գար, իր ապրած կյանքը արդարացվում էր: Եթե ինձ մի բան հաջողվեր, նախ ապացուցվում էր մեր ցեղի ձիրքը, հետեւաբար, նա մնում էր անբասիր մենակ անարդարութեան դոճ և իր բաժին քարթու հացը ուտում էր կամաց-համառ-խեղդելով-ցուցադրաբար... Իսկ եթե ես տապալվեի, նա բախտակից ունենալով՝ չէր մխիթարվում, այլ դառնում էր կըրկնակի զարկված-չպարտված մարտիկ մի ահռելի անարդարութեան դեմ հանդիման, որ հնար չեղավ նույնիսկ երկու սերնդի կյանքով, երկու՛ կյանքով հաղթահարելու, բայց երրորդով, կամքս վկա, կհաղթահարենք, միայն թե դուք էլ տեղից շարժվեք, մի քիչ ուժ տվեք, թե չէ՝ այսպես կմնամ մենակ անհավասար այս կովի մեջ, ձե՛ր կովի մեջ, գրողի տարած դասալիքներ...

Ի՞նչ երրորդ կյանքի մասին է խոսքը — շեւ հարցնում: Չեւ հարցնում՝ դու շասացի՞ր, որ կյանքը հիմա նրա համար պահ տրված բեռ է, և նա՛ բարեխիղճ, նա՛ պարտաճանաչ, տանելու տեղ է հասցնելու ու ճանապարհի կարճն ու

երկարը մի հաշիվ է... Ես եմ ասել: Նա իմ աչքերի առաջ էր մեռնում վերջին շորս-հինգ տարիներին, աչքերիս առաջ իրեն պատանում ու զմռսում էր մոր մահից հետո անցած երկու տարիներին, բայց գերեզմանոցի սառնությունը նրան, կարծես, ետ է բերում: Գերեզմանոցում անցկացրած այս երկու տարին կարծես մահվան տեղ է ընդունել, հիմա անցնում է երրորդ վիճակին: Կամ ապրելուն դադար տալով՝ ուժ է հավաքել՝ երրորդ կյանքով ապրելու համար... Ես ուրախ եմ նրա համար, բայց սարսափում եմ հոգեդարձության այդ տեսակից: Սարսափած եմ, որովհետև նա, միգուցե, հանդրատացել է ինքն իրենից, բայց ինքը իրեն չի մոռացել... Երբ անցած շաբաթ նրան տեսա՝ ասաց... Ինչ ասաց... Կարծես կիսատ զրույց լինեք շարունակելիս, ասաց՝ «Հանկարծ շմտածեք, որ երեխան հոգս կլինի... Շուտ ունեցեք, հորքուրտատիկը նրան կպահի... Լավ կլինի՛ աղջիկ ունենաս»... Աղջիկ եղավ՝ շեմ ծնի: Ոչ առաջինը, ո՛չ երկրորդը, ո՛չ երրորդը: Չի լինի, որովհետև ուզեցել եմ, որ տղա լինեի, հիմա ուզում եմ, որ տղա լինի, սրանից հետո ամեն բոպե ուզելու եմ, որ տղա լինի... Ես էս սենյակից դիվոտում եմ... Հարկավոր չէր... Անխելություն էր... Պետք չէր երեխուն մի տուն մտցնել, ուր կյանքը մահից լավ չեն ջոկում, մի կյանքը երկու անգամ են ապրում, երրորդի համար հոգեդարձվում են առանց մեռնելու... Իսկ լուսինն էլ ամբողջ գիշեր դուրս չի գալիս սենյակի միջից... Իսկ դու քնում ես... Իսկ ես դարձնում ու քո լուսնահար դեմքը տեսնելով՝ սարսափում եմ, ու չկա մեկը, որ էս գլխակեր լույսից ծածկի... Վեր կաց, սիրելիս, վեր՝ որդուդ մորը թևիդ տակ քաշի, էս լույսից ծածկի, եղածը համարի շեղյալ, այնպես արա, որ նա ծնվի արևի լույսով, ճակատին բախտի աստղ ծնվի, մեծանա դաշտի խոտի նման՝ հոր ու աստծո աչքը վրան և մորից թող մաս շունենա — աչքերը՝ քոնը, հասակը՝ քոնը, սիրտը՝ քոնը... մեջքը՝ քոնը... շունչը՝ քոնը...

Բ Ո Վ Ա Ն Դ Ա Կ Ո Ւ Թ Յ Ո Ւ Ն

Հնանձրև հուլիս	3
Գառ-ախպերիկ	10
Շաքաթվա երկրորդ կիրակին	14
Եկվորի բախտը	21
Մի ճամպրուկ փող	45
Ամեն տարվա գոճին	48
Նուսնալույս	51
Շատ շճամարվի	53
Ոսկի մարդը	57
Պարտուտի գերին	61
Գեղեցիկ կնոջ կաղապարը	67
Սիրելու տարիք	71
Տղամարդիկ	76
Տղամարդու դժվար տարիք	85
Քթիցը բերին	94
Մինչև որ տեսնենք	100
Հին պատմություն է	112
Կիրակի	118
Զոր օգոստոս	127
Հերն անիծած կլանքի	135
Մուխը մարեց	142
Կինը, շունը, տղամարդիկ	148
Կեղծ դամբարաններ	153
Կանաչք	162
Բուքը, երզը, երեխան	167
Չեքոք ետ տաք ցավի վրայից	169
Մանր լույս	188